








M. TVLLII CICERONIS DE PHI  
LOSOPHIA VOLV MEN SE  
CVNDVM, IDEST,

De natura deorum	libri	III.
De diuinatione	libri	II.
De fato	liber	I.
De legibus	libri	III.
De uniuerſitate	liber	I.
Q. Ciceronis de petitione conſulatus ad Marcum fratrem	liber	I.

*Quæ ſunt omnia, collatis libris manuſcriptis,  
& adhibito iudicio, locis non  
paucis emendata.*



PAVLVS MANVTIVS ALDI F.

VENETIIS. M. D. XLI.

M. TALEN CIRCULAR DE 1811  
ACORDADA A 10 DE MARZO DE 1811

En consecuencia de lo dispuesto en el  
artículo 1.º de la Real Cédula de 10 de  
Marzo de 1811, se ha acordado que  
los señores D. Juan de Dios y D. Juan  
de la Cruz, por su parte, y D. Juan de  
Dios y D. Juan de la Cruz, por su parte,  
sean declarados culpables de los delitos  
de que se trata en el artículo 1.º de la  
Real Cédula de 10 de Marzo de 1811,  
y se les imponga la pena de muerte.



REY  
VENECIA. M. D. XII.



AD MARCELLVM CERVINVM,  
Reuerendissimum Sanctæ Crucis Cardinalem,  
Pauli Manutij, Aldi filij, in alteram Cice-  
ronis philosophiæ partem præfatio.

Est genus hominum, qui ita sentiunt :  
philosophari, aut totum nihil esse ; aut  
**E** non eorum esse, qui rerum agendarum  
in studio uersantur . quorum in alte-  
ro mihi uidentur, cum homines sint,  
bestiarum consuetudinem imitari, quæ tantum ea, quæ  
pedibus teruntur, quæq; adsunt, intuentur, nihil al-  
tum suspiciunt, nihil longinquum cogitant : in altero  
res à natura copulatas uelle seiungere . nam qui ab ac-  
tione rerum philosophiam excludit, is, quantum in se  
ipso est, corporis & animi societatem dirimit, cum &  
corpus regimine animi, & animus ministerio corporis  
indigeat . sed proferunt multos, quibus ignoratio phi-  
losophiæ non obstitit, quo minus ea, quæ uolebant, re-  
ctissime perficerent . quasi uero sit eadem rerum omni-  
um natura, & quod uni aliqua in causa contigerit, id  
cuiilibet omnibus in causis posse contingere credibile sit.  
nausfragium facit natationis ignarus : arripit tabulam,  
& amplexu tenens, ad litus incolumis à fluctibus ap-  
pellitur . num ideo natandi peritiam negemus esse u-  
tilem, quòd, sine ea qui fuit, è periculo tempestatis eua-  
serit ? incidit aliquis in febrem, non curatur, & con-  
ualescit . tollemus igitur medicinam, quoniam sunt qui  
sine eius ope sanentur ? nihil minus : nisi si ea, quæ in  
casu sita sunt, anteponimus ijs, quæ ratio gubernat.

quod idem de philosophia dicendum est . nam ut illud  
demus , sine ea multos esse laudem consecutos : non &  
hoc dabimus , fore , ut sine eadem consequi omnes  
possint . non eiusdem semper generis agenda sunt res .  
est , ubi prudentia uel mediocris abunde satisfaciat : est  
item , ubi mentis altior speculatio requiratur . hoc ex=  
tremum qui poterit , sequitur ut & illud primum pos=  
sit : sed qui illud primum , non & hoc extremum . quod  
cum ita sit : utrum præstet habere , facilis est dijudica=  
tio . in optione enim , & eligendi potestate nemo ferè  
est quin totum partibus censeat esse præferendum : pro=  
pterea quòd non totum in partibus , sed partes inclu=  
duntur in toto . Ergo cum perspicuum hoc sit , accide=  
re & posse , & solere , ut philosophiæ cognitio utili=  
tatem afferat , ignoratio detrimentum : dubium non  
est , quin ea uideatur esse cum rerum actione coniungen=  
da . sed iidem coniungi posse negant : quo argumento ?  
aiunt eas dissimili in genere uersari , alteram in otio ,  
alteram in negotijs : itaque se non uidere , qui possit in  
utraque unus excellere . Hic ego Ceruine præstantissi=  
me meam memoriã non excutiam , ut ea , quæ lege=  
rim , aut audiuerim , reminiscar . non est consilium ,  
quæ ad illos redarguendos faciant , ueterum è scriptis  
eruere . uolo , ut exemplo tuo refellantur . Romæ uiuis ,  
et uixisti multos iam annos . nunquam omnino tua uir=  
tus tam illustri loco latuit : sed postea quàm te Pau=  
lus III . incredibili Pontifex non modo sapientiã , sed  
bonitate etiam ornatus , in altiore dignitatis gradu col=  
locatum , suorum omnium consiliorum & participem ,  
& adiutorem esse uoluit ; cum uero clarissime sese



ostendit lumen animi , ingenijq; tui ; ut nullus esset ho-  
nor tantus , qui in te collatus , non uideretur ei , qui  
contulisset , magnam esse iudicij laudem allaturus . ita-  
que paulo post Cardinalis factus es , & factus tanto  
bonorum applausu , tantaq; lætitia , quantam in ani-  
mis hominum recte sentientium summa dignitas uirtu-  
ti tributa potuit excitare . quo toto tempore ualde tu  
quidem fuisti , atque es etiam nunc , districtus à nego-  
tijs , maximeq; ab ijs , quæ & ad sedandas Christiano-  
rum principum discordias , & ad reprimendam Lu-  
theranæ hæresis immanitatem pertinent : sed te tamen  
à philosophiæ studio nulla res unquam potuit diuelle-  
re . sic & animo , & corpori suis cuique muneribus  
apte distributis , quotidie ferè modo à cognitione ad res  
agendas , modo à rebus agendis ad cognitionem tradu-  
ctus , teq; ipse in hoc quasi circulo identidem reuoluens ,  
effecisti quod ab ijs , de quibus initio dixi , fieri posse ne-  
gatur , ut & in tractandis negotijs , & in consideran-  
dis rerum humanarum diuinarumq; causis occupatus ,  
dispari in studio , pari tamen cum laude uerferis . ex  
quo intelligitur , ab ijs , qui rerum actioni se dant , &  
percipi philosophiam , & tractari posse : debere autem  
ostendimus : est igitur eorum , qui aliter existimant ,  
sententia omnis explodenda . nos quidem & nostra spon-  
te commoti , & tuo exemplo impulsus , quotidie magis  
philosophiam admirantes , in eius cognitione cupimus  
acquiescere , ad eamq; magnis defatigati laboribus &  
molestijs tanquam ad iucundissimum diuersorium pro-  
peramus . quò si peruenero , uel potius cum peruene-  
ro ( cur enim meam ipse cupiditatem omnibus optimis

non prosequar?) tum ego quidem multo, quàm nunc,  
facilius tua in me merita uel tuebor, uel etiam illustra=  
bo. interea non sumus otiosi: utinam potius aliquanto  
minus occupati. prouinciam cepimus duram, atque  
difficilem, ueterum scriptorum libros emendare dum  
uolumus. omnino in hoc onere sustinendo ualde suda=  
mus: sed animus tuarum cohortationum memoria con=  
firmatus, manet in officio, manebitq; dum id, quod in=  
stituimus, absoluat. nunc edemus Ciceronis libros de  
philosophia, sanè multis à mendis, potissimum ex an=  
tiquo Bernardini Maffei, qui te maxime obseruat, iuue=  
nis eloquentissimi codice, uindicatos. qui cum ita dige=  
sti essent, ut in duas partes tributis legerentur; cumq;  
ego ex ijs partibus eam maxime uellem tibi inscriptam  
emittere, quæ tuæ personæ dignitatiq; aptissima uide=  
retur: feci, ut eam deligerem, in qua de natura deo=  
rum eleganter & acute disputatur: ut, quoniam ualde  
tibi pro tua ueteri erga me uoluntate, proq; sum=  
mis officijs deberi fructus industriæ meæ  
uidentur; ij dum ad maturitatem  
peruenirent, his te interim  
quasi floribus ob=  
lectares.

*[The page contains extremely faint, illegible handwriting, likely bleed-through from the reverse side.]*





2  
M. TVLLII CICERONIS DE NA  
TVRA DEORVM AD MAR  
CV M BRVTVM  
LIBER I.

*coll.*



C  
Vn multæ res in philosophia nequa-  
quam satis adhuc explicatæ sunt, tum  
perdifficilis Brute, quod tu minime igno-  
ras, & perobscura quæstio est de natu-  
ra deorum: quæ & ad agnitionem ani-  
mì pulcherrima est, & ad moderandam religionem ne-  
cessaria. de qua tam uariæ sunt doctissimorum hominũ,  
tamq; discrepantes sententiæ, ut magno argumento esse  
debeat, causam, idest principium philosophiæ, esse scien-  
tiam, prudenterq; Academicos à rebus incertis assensio-  
nem cohibuisse: quid est enim temeritate fortius? aut  
quid tam temerarium, tamq; indignum sapientis gra-  
uitate, atq; constantia, quàm aut falsum sentire, aut,  
quod non satis explore perceptum sit, & cognitum,  
sine ulla dubitatione defendere? uelut in hac quæstio-  
ne, plerique, quod maxime uerisimile est, & quò o-  
mnes duce natura uehimur, deos esse dixerunt: dubi-  
tare se Protagoras: nullos esse omnino Diagoras Me-  
lius, & Theodorus Cyrenaicus putauerunt. qui uero  
deos esse dixerunt, tanta sunt in uarietate, ac dissensio-  
ne constituti, ut eorum molestum sit annumerare sen-  
tentias. nam & de figuris deorum, & de locis, atq; sedi-  
bus, & actione uitæ multa dicuntur: deq; his summa  
philosophorum dissensione certatur. quod uero maxime

rem, causamq; continet, est, utrum nihil agant, nihil moliantur, an ab omni curatione, & administratione rerum uacent: an contra ab his & à principio omnia facta, & constituta sint, & ad infinitum tempus regantur, atq; moueantur. in primisq; magna dissensio est: eaq; nisi diiudicatur, in summo errore necesse est homines, atq; in maximarum rerum ignorance uersari. sunt enim philosophi, & fuerunt, qui omnino nullam habere censerent humanarum rerum procuracionem deos: quorum si uera sententia est, quæ potest esse pietas? quæ sanctitas? quæ religio? hæc enim omnia pure, ac caste tribuenda deorum numini ita sunt, si an imaduertuntur ab his, & si est aliquid à dijs immortalibus hominum generi tributum: sin autem dij neq; possunt nos iuuare, nec uolunt, nec curant omnino, nec, quid agamus, animaduertunt, nec est quod ab his ad hominum uitam permanare possit: quid est, quod ullos dijs immortalibus cultus, honores, preces adhibeamus? in specie autem fictæ simulationis, sicut reliquæ uirtutes, ita pietas inesse non potest: cum qua simul & sanctitatem, & religionem tolli necesse est: quibus sublati, perturbatio uitæ sequitur, & magna confusio. atq; haud scio, an pietate aduersus deos sublata, fides etiam, & societas humani generis, & una excellentissima uirtus iustitia tollatur. sunt autem alij philosophi, & hi quidem magni, atque nobiles, qui deorum mente, atque ratione omnem mundum administrari & regi censeant: neque uero id solum, sed etiam ab iisdem uitæ hominum consuli, & prouideri: nam & fruges, & reliqua, quæ terra pariat, &



tempestates, ac temporum uarietates, cœliq; mutationes, quibus omnia, quæ terra gignat, maturata pubescant, à dijs immortalibus tribui generi humano putant: multaq; quæ dicuntur in his libris, colligunt: quæ talia sunt, ut ea ipsa dij immortales ad usum hominum fabricari penè uideantur. contra quos Carneades ita multa disseruit, ut excitaret homines non sordides ad ueri inuestigandi cupiditatem: res enim nulla est, de qua tantopere non solum docti, sed etiam indocti dissentiant. quorum opiniones cum tam uariæ sint, tamq; inter se dissidentes: alterum fieri profecto potest, ut earum nulla; alterum certe non potest, ut plus una uera sit. qua quidem in causa & beneuolos obiurgatores placare, & inuidos uituperatores confutare possumus, ut alteros reprehendisse poeniteat, alteri se didicisse gaudeant. nam qui admonent, amice docendi sunt: qui inimice insectantur, repellendi. multum autem fluxisse uideo de libris nostris, quos complures breui tempore edidimus, uariumq; sermonem, partim admirantium, unde hoc philosophandi nobis subito studium extitisset; partim, quid quaq; de re certi haberemus, scire cupientium. multis etiam sensi mirabile uideri, eam nobis potissimum probatam esse philosophiam, quæ lucem eriperet, & quasi noctem quandam rebus offunderet, desertaq; disciplina, & iampridem relictæ patrociniū nec opinatum à nobis esse susceptum. nos autem nec subito cœpimus philosophari: nec mediocrem à primo tempore ætatis in eo studio operam, curamq; consumpsimus, & cum minime uidebamur, tum maxime philosophabamur.

*l. indocti  
l. docti*

## DE NATURA DEORVM

mm. 7.  
coll.
 quod & orationes declarant refertæ philosophorum  
 sententijs ; & doctissimorum hominum familiaritates,  
 quibus semper domus nostra floruit ; & principes illi  
 Diodorus, Philo, Antiochus, Posidonius, à quibus in=  
 stituti sumus. & si omnia philosophiæ præcepta refe=  
 runtur ad uitam, arbitramur nos & publicis, & pri=  
 uatis in rebus ea præstitisse, quæ ratio & doctrina præ=  
 scripserit. sin autem quis requirit, quæ causa nos impu=  
 lerit, ut hæc tam sero literis mandaremus : nihil est,  
 quod expedire tam facile possimus. nam cum otio lan=  
 gueremus, & is esset Reip. status, ut eam unius consilio,  
 atq; cura gubernari necesse esset : primum ipsius Reip.  
 causa philosophiam nostris hominibus explicandam pu=  
 tauimus, magni existimans interesse ad decus & laudem  
 ciuitatis res tam graues, tamq; præclaras latinis etiam  
 literis contineri. eoq; me minus instituti mei pœni=  
 tet, quod facile sentio, quàm multorum non modo  
 discendi, sed etiam scribendi studia commouerim : com=  
 plures enim græcis institutionibus eruditi, ea, quæ di=  
 dicerant, cum ciuibus suis communicare non poterant,  
 quod illa, quæ à Græcis acceperant, latine dici posse dif=  
 fiderent. quo in genere tantum profecisse uidemur, ut  
 à Græcis ne uerborum quidem copia uinceremur. Hor=  
 tata est etiam, ut me ad hæc conferrem, animi ægri=  
 tudo, fortunæ magna, & graui commota iniuria. cu=  
 ius si maiorem aliquam leuationem reperire potuissem,  
 non ad hanc potissimum confugissem. ea uero ipsa nul=  
 la ratione melius frui potui, quàm si me non modo ad  
 legendos libros, sed etiam ad totam philosophiam per=  
 tractandam dedissem. omnes autem eius partes, atq; om=  
nia

omnia membra tum facillime nascuntur, cum totæ quæ-  
 stiones scribendo explicantur: est enim admirabilis quæ-  
 dam continuatio, seriesq; rerum, ut alia ex alia nexa, &  
 omnes inter se aptæ, colligatæq; uideantur. qui autem  
 requirunt, quid quaq; de re ipsi sentiamus, curiosius id  
 faciunt, quàm necesse est: non enim tam auctores in di-  
 sputando, q̄ rationis momenta quæreda sunt. quin etiam  
 obest plerunq; ijs, qui discere uolunt, auctoritas eorum,  
 qui se docere profitentur: desinunt enim suum iudicium  
 adhibere, id habent ratum, quod ab eo, quem probant, iu-  
 dicatum uident. nec uero probare soleo id, quod de Pytha-  
 goris accepimus: quos ferunt, si quid affirmarent in  
 disputando, cum ex ijs quæreretur, quare ita esset, re-  
 spondere solitos, ipse dixit. ipse autem, erat Pythago-  
 ras. tantum opinio præiudicata poterat, ut etiam sine  
 ratione ualeret auctoritas. qui autem mirantur nos  
 hanc potissimum disciplinam secutos, his quatuor Aca-  
 demicis libris satis responsum uidetur. nec uero deser-  
 tarum, relictarumq; rerum patrocinium suscepimus:  
 non enim hominum interitu sententiæ quoque occidunt,  
 sed lucem auctoris fortasse desiderant: ut hæc in philo-  
 sophia ratio contra omnia differendi, nullamq; rem  
 aperte iudicandi, profecta à Socrate, repetita ab Ar-  
 cesila, confirmata à Carneade, usque ad nostram ui-  
 guit ætatem: quam nunc propemodum orbam esse in  
 ipsa Græcia intelligo. quod non Academiæ uitio, sed  
 tarditate hominum arbitror contigisse. nam si singulas  
 disciplinas percipere magnum est, quanto maius omnes?  
 quod facere ijs necesse est, quibus propositum est, ueri  
 reperiendi causa & contra omnes philosophos, &



## DE NATURA DEORVM.

pro omnibus dicere. cuius rei tanta, tamq; difficilis facultatem consecutum esse me non profiteor, secutum esse prae me fero. nec tamen fieri potest, ut, qui hac ratione philosophentur, ij nihil habeant quod sequantur. dictum est hac de re alio loco diligentius: sed quia nimis indociles quidam, tardiq; sunt, admonendi videntur sapius: non enim sumus ij, quibus nihil uerum esse uideatur; sed ij, qui omnibus ueris falsa quaedam adiuncta esse dicamus, tanta similitudine, ut in ijs nulla insit certa iudicandi, & assentiendi nota. ex quo existit & illud, multa esse probabilia: quae quanquam non perciperentur, tamen quia uisum haberent quendam insignem, & illustrem, his sapientis uita regeretur. sed iam, ut omni me inuidia liberem, ponam in medio sententias philosophorum de natura deorum. quo quidem loco conuocandi omnes videntur, qui, quae sit earum uera, iudicent. tum demum mihi procax Academia uidebitur, si aut consenserint omnes, aut erit inuentus aliquis, qui, quid uerum sit, inuenerit. itaque mihi libet exclamare, ut Staius in Synephebis:

- » Prò deum, popularium omnium adolescentium
- » Clamo, postulo, obsecro, oro, ploro, atq; imploro fidem. non leuissima de re, ut queritur ille fieri in ciuitate facinora capitalia,
- » Ab amico amante argentum accipere meretrix nō uult: sed ut adsint, cognoscant, animaduertant, quid de religione, pietate, sanctitate, cerimonijs, fide, iurando, quid de templis, delubris, sacrificijsq; solennibus, quid de ipsis auspicijs, quibus non praesumus, existimandum sit: haec enim omnia ad hanc de dijs im-

mortalibus questionem referenda sunt. profecto eos ipsos, qui se aliquid certi habere arbitrantur, adducere coget doctissimorum hominum de maxima re tanta dissensio. quod cum sæpe alias, tum maxime animaduerti, cum apud C. Cottam familiarem meum accurate sanè, & diligenter de dijs immortalibus disputatum sit. Nam cum ferijs Latinis ad eum ipsius rogatu, accersituq; uenissem, offendi eum sedentem in exhedra, & cum C. Velleio senatore disputantem, ad quem tum Epicuri primas ex nostris hominibus deferrebant. aderat etiam Q. Lucilius Balbus: qui tantos progressus habebat in Stoicis, ut cum excellentibus in eo genere Græcis compararetur. tum ut me Cotta uidit, peropportune, inquit, uenis: oritur enim mihi magna de re altercatio cum Velleio: cui pro tuo studio non est alienum te interesse. Atqui mihi quoque uideor, inquam, uenisse, ut dicis, opportune: tres enim trium disciplinarum principes conuenistis. M. enim Piso si adesset, nullius philosophiæ, earum quidem, quæ in honore sunt, uacaret locus. Tum Cotta, si, inquit, liber Antiochi nostri, qui ab eo nuper ad Balbum missus est, uera loquitur: nihil est, q̃ Pisonem familiarem tuum desideres: Antiocho enim Stoici cum Peripateticis re consentire uidentur, uerbis discrepare. quo de libro uelim scire Balbe quid sentias. Ego ne, inquit ille, miror Antiochum hominem in primis acutum non uidisse; interesse plurimum inter Stoicos, qui honesta à commodis non nomine, sed genere toto disiungerent; & Peripateticos, qui honesta commiscerēt commodis; ut ea inter se magnitudine, & quasi gradibus, non genere differrent: hæc enim est nō

uerborum parua, sed rerum permagna dissensio. uerum hæc alias. nunc quod cœpimus, si uidetur. Mihi uero, inquit Cotta, uidetur. sed ut hic, qui interuenit, me intuens, ne ignoret quæ res agatur, de natura agebamus deorum. quæ cum mihi uideretur perobscura, ut semper uideri solet: Epicuri ex Velleio sciscitabar sententiam. quamobrem, inquit, Vellei, nisi molestum est, repete quæ cœperas. Repetam uero: quam non mihi, sed tibi hic uenit adiutor: ambo enim, inquit arridens, ab eodem Philone nihil scire didicistis.

Tum ego, quid didicerimus, Cotta uiderit: tu autem nolo existimes me adiutorem huic uenisse, sed auditorem, & quidem æquum, libero iudicio, nulla eiusmodi astrictum necessitate, ut mihi, uelim, nolim, sit certa quedam tuenda sententia. Tum Velleius fidenter sane, ut solent isti, nihil tam uerens, quam ne dubitare aliqua de re uideretur; tanquam modo ex deorum concilio, & ex Epicuri intermundiis descendisset, audite, inquit, non commentitias, futesq; sententias, non opificem, ædificatoremq; mundi Platonis de Timeo deum, nec anum fatidicam Stoicorum πῶν, quam latine licet prouidentiam dicere, neq; uera mundum ipsum animo & sensibus præditum, rotundum, ardentem, uolubilem deum, portenta & miracula non differentium philosophorum, sed somniantium. quibus enim oculis intueri potuit uester Plato fabricam illam tanti operis, qua construi à deo, atque ædificari mundum facit? quæ molitio? quæ ferramenta? qui uectes? quæ machinæ? qui ministri tanti muneris fuerunt? quemadmodum autem obedire, & parere uo-



luntati architecti aer, ignis, aqua, terra potuerunt? unde  
 uero ortæ illæ quinque formæ, ex quibus reliquæ forman-  
 tur, apte cadentes ad animum efficiendum, pariendosque  
 sensus? longum est iter ad omnia, quæ talia sunt, ut opta-  
 ta magis, quàm inuenta uideantur. sed illa palmaris qui-  
 dem, quod, qui non modo natum mundum introduxerit,  
 sed etiam manu penè factum, is cum dixerit fore sempi-  
 ternum. hunc censes primis, ut dicitur, labris gustasse phy-  
 siologiam, qui quicquam, quod ortum sit, putet æter-  
 num esse posse? quæ est enim coagmentatio non dissolubi-  
 lis? aut quid est, cuius principium aliquod sit, nihil sit ex-  
 tremum? Pronœa uero si uestra est Lucili, eadem requiro  
 quæ paulo ante, ministros, machinas, omnem totius orbis  
 designationem, atque apparatus: sin alia est, cur morta-  
 lem fecerit mundum, non, quemadmodum Platonius  
 deus, sempiternum. ab utroque autem sciscitor, cur mun-  
 di ædificatores repente extiterint, innumerabilia ante  
 secula dormierint. non enim, si mundus nullus erat,  
 secula non erant. secula nunc dico, non ea, quæ dierum  
 noctiumque numero annuis cursibus conficiuntur: nam  
 fateor ea sine mundi conuersione effici non potuisse:  
 sed fuit quedam ab infinito tempore æternitas, quam  
 nulla temporum circumscriptio metiebatur; spatio ta-  
 men qualis ea fuerit, intelligi non potest: quod ne in-  
 cogitationem quidem cadit, ut fuerit tempus aliquod,  
 nullum cum tempus esset. isto igitur tam immenso spa-  
 tio quæro Balbe cur Pronœa uestra cessauerit. labo-  
 rem ne fugiebat? at iste nec attingit deum, nec erat  
 ullus, cum omnes naturæ numini diuino, cælum, ignes,  
 terræ, maria. parerent. quid autem erat, quod con-

## DE NATURA DEORVM

cupisceret deus mundum signis, & luminibus tanquam Aedilis ornare? si ut deus ipse melius habitaret: antea uidelicet tempore infinito in tenebris tanquam in gurgustio habitauerat. post autem uarietate ne eum delectari putamus, qua coelum & terras exornatas uidemus? quæ ista potest esse oblectatio deo? quæ si esset, non ea tandiu carere potuisset. An hæc, ut ferè dicitis, hominum causa à deo constituta sunt? sapientum ne? propter paucos ergo tanta est facta rerum molitio. an stultorum? at primum causa non fuit, cur de improbis bene mereretur: deinde quid est affecutus, cum omnes stulti sine dubio miserrimi, maxime quod stulti sunt? minus enim stultitia quid possumus dicere? deinde quod ita multa sunt incommoda in uita, ut ea sapientes commodorum compensatione leniant, stulti nec uitare uenientia possint, nec ferre præsentia. Qui uero mundum ipsum animantem, sapientemque esse dixerunt, nullo modo uiderunt animi naturam, intelligentes in quam figuram cadere posset: de quo dicam paulo post. nunc autem hætenus admirabor eorum tarditatem, qui animantem, immortalem, & eundem beatum, & rotundum esse uelint, quod ea forma ullam neget esse pulchriorem Plato. at mihi uel cylindri, uel quadrati, uel conii, pyramidis uidetur esse formosior. Quæ uero uita attribuitur isti rotundo deo? nempe ut ea celeritate contorqueatur, cui par nulla ne cogitari quidem possit. in qua non uideo ubinam mens constans, & uita beata possit insistere: quodque in nostro corpore si minima ex parte significetur, molestum sit; cur hoc idem non habeatur molestum in deo? terra enim profecto,

quoniam pars mundi est, pars est etiam dei. atqui ter-  
 ræ maximas regiones inhabitabiles, atque incultas ui-  
 demus, quod pars earum appulsu solis exarserit, pars ob-  
 riguerit niue, pruinaque, longinquo solis abscessu. quæ,  
 si mundus est deus, quoniam partes mundi sunt, dei mem-  
 bra partim ardentia, partim refrigerata dicenda sunt.  
 Atque hæc quidem uestra Lucili. qualia uero sint, ab ul-  
 timo repetam superiorum. Thales enim Milesius, qui  
 primus de talibus rebus quæsiuit, aquam dixit esse ini-  
 tium rerum: deum autem eam mentem, quæ ex aqua  
 cuncta fingeret. Si dii possunt esse sine sensu et men-  
 te, cur aquæ adiunxit, si ipsa mens constare potest  
 uacans corpore? Anaximandri autem opinio est na-  
 tiuos esse deos, longis interuallis orientes, occidentesque,  
 eosque innumerabiles esse mundos. sed nos deum nisi  
 sempiternum intelligere qui possumus? post Anaxime-  
 nes æra deum statuit, eumque gigni, esseque immensum,  
 et infinitum, et semper in motu: quasi aut ær sine ulla  
 forma deus esse possit, cum præsertim deum non mo-  
 do aliqua, sed pulcherrima specie esse deceat; aut non  
 omne, quod ortum sit, mortalitas consequatur. inde  
 Anaxagoras, qui accepit ab Anaximene disciplinam,  
 primus omnium rerum descriptionem, et modum men-  
 tis infinitæ ui ac ratione designari, et confici uoluit:  
 in quo non uidit, neque motum sensui coniunctum et  
 continentem in infinito ullum esse posse, neque sensum  
 omnino, quo non ipsa natura pulsa sentiret. deinde  
 si mentem istam quasi animal aliquod esse uoluit, erit  
 aliquid interius, ex quo illud animal nominetur. quid  
 autem interius mente: cingitur igitur corpore externo.



quod quoniam non placet, aperta simplexq; mens nulla re adiuncta, quæ sentire possit, fugere intelligentiæ nostræ uim & notionem uidetur. Crotoniates autem Alcmeo, qui soli, & lunæ, reliquisq; sideribus, animoq; præterea diuinitatem dedit, non sensit sese mortalibus rebus immortalitatem dare. nam Pythagoras, qui censuit animum esse per naturam rerum omnem intentum & commeantem, ex quo nostri animi caperentur, non uidit distractione humanorum animorum discerpi, & dilacerari deum; & cum miseri animi essent, quod plerisque contingeret, tum dei partem esse miseram: quod fieri non potest. cur autem quicquam ignoraret animus hominis, si esset deus? quomodo porro deus iste, si nihil esset animus, aut infixus, aut infusus esset in mundo? tum Xenophanes, qui mente adiuncta omne præterea, quod esset infinitum, deum uoluit esse, de ipsa mente ita reprehenditur, ut ceteri; de infinitate autem uehementius, in qua nihil neque sentiens, neque coniunctum esse potest. nam Parmenides commentitium quiddam coronæ similitudine efficit: Stephanem appellat, continentem ardore lucis orbem, qui cingit cœlum, quem appellat deum. in quo neque figuram diuinam, neque sensum quisquam suspicari potest. multa eiusdem monstra, quippe qui bellum, qui discordiam, qui cupiditatem, ceteraq; generis eiusdem ad deum reuocat: quæ uel morbo, uel somno, uel obliuione, uel uetustate delentur. eademq; de sideribus. quæ reprehensa iam in alio, in hoc omittantur. Empedocles autem multa alia peccans, in deorum opinione turpissime labitur. quatuor enim naturas, ex

nisi animus

quibus omnia constare uult, diuinas esse censet : quas & nasci, & extingui perspicuum est, & sensu omni carente. nec uero Protagoras, qui sese negat omnino de dijs habere quod liqueat, sint, non sint, quales'ue sint, quicquam uidetur de natura deorum suspicari. quid Democritus, qui tum imagines, earumq; circuitus in deorum numero refert, tum illam naturam quæ imagines fundat, ac mittat, tum scientiam, intelligentiamq; nostram, non'ne in maximo errore uersatur? cum idem omnino, quia nihil semper suo statu maneat, neget esse quicquam sempiternum : non ne deum ita tollit omnino, ut nullam opinionem eius reliquam faciat? quid aer, quo Diogenes Apolloniates utitur deo, quem sensum habere potest, aut quam formam dei? iam de Platonis inconstantia longum est dicere : qui in Timæo, patrem huius mundi nominari negat posse : in legum autem libris, quid sit omnino deus, inquiri oportere non censet. quod uero sine corpore ullo deum uult esse, ut Græci dicunt, ἀσώματον; id quale esse possit, intelligi non potest : careat enim sensu necesse est, careat prudentia, careat uoluptate : quæ omnia unā cum deorum notione comprehendimus. idem & in Timæo dicit, & in legibus, & mundum deum esse, & cælum, & astra, & terram, & animos, & eos quos maiorum institutis accepimus : quæ & per se sunt falsa perspicue, & inter sese uehementer repugnantia. atq; etiam Xenophon paucioribus uerbis eadem fere peccat : facit enim in ijs, quæ à Socrate dicta retulit, Socratem disputantem formam dei quæri non oportere, eundemq; & solem, & animum deum dicere, & modo unum,

tum autem plures deos . quæ sunt iisdem in erratis ferre, quibus ea, quæ de Platone dicimus . atque Antisthenes in eo libro , qui physicus inscribitur , populares deos multos , naturalem unum esse dicens , tollit uim & naturam deorum . nec multo secus Spensippus Platonem auunculum subsequens , & uim quandam dicens , quæ omnia regantur , eamq; animalem , euellere ex animis conatur cognitionem deorum . Aristoteles quoq; in tertio de philosophia libro multa turbat , à magistro Platone uno dissentiens : modo enim menti tribuit omnem diuinitatem ; modo mundum ipsum deum dicit esse ; modo quendam alium præficit mundo ; eiq; eas partes tribuit , ut replicatione mundi quadam motum regat , atq; tueatur : cum coeli ardorem deum dicit esse , non intelligens coelum mundi esse partem : quem alio loco ipse designarit deum . quo modo autem coeli diuinus ille sensus in celeritate tanta conseruari potest ? ubi deinde illi tot dii , si numeramus etiam coelum deum ? cum autem sine corpore idem uult esse deum , omni illum sensu priuat , & prudentia . quo porro modo mundus moueri potest carens corpore ? aut quo modo semper se mouens esse quietus & beatus potest ? nec uero eius condiscipulus Xenocrates in hoc genere prudentior : in cuius libris , qui sunt de natura deorum , nulla species diuina describitur : deos enim octo esset dicit ; quinque eos , qui in stellis uagis nominantur ; unum , qui ex omnibus sideribus , quæ infixæ cælo sunt , ex dispersis quasi membris simplex sit putandus deus ; septimum solem adiungit , octauamq; lunam : qui quo sensu beati esse possint , intelligi non potest . ex eadem Platonis schola Ponticus



Heraclides puerilibus fabulis refert libros : & tamen  
 modo mundum , tum mentem diuinam esse putat : er-  
 rantibus etiam stellis diuinitatem tribuit , sensuq; deum  
 priuat , & eius formam mutabilem esse uult : eodemq;  
 libro rursus terram , & cœlum refert in deos . nec ue-  
 ro Theophrasti incōstantia ferenda est : modo enim men-  
 ti diuinum tribuit principatum , modo cœlo , tum au-  
 tem signis , sideribusq; cœlestibus . nec audiendus eius  
 auditor Strato , is qui physicus appellatur ; qui omnem  
 uim diuinam in natura sitam esse censet , quæ causas gi-  
 gnendi , augendi , minuendiue habeat , sed careat omni  
 sensu & figura . Zeno autem ( ut iam ad uestros Bal-  
 be ueniam ) naturalem legem diuinam esse censet ,  
 eamq; uim obtinere recta imperantem , prohibentemq;  
 contraria . quam legem quo modo efficiat animantem ,  
 intelligere non possumus . deum autem animantem cer-  
 te uolumus esse . atque hic idem alio loco æthera deum  
 dicit esse , si intelligi potest nihil sentiens deus , qui nun-  
 quam nobis occurrit neque in precibus , neque in opta-  
 tis , neque in uotis . alijs autem libris rationem quan-  
 dam per omnem pertinentem naturam , ut diuinā , esse  
 affectam putat . idem astris hoc idem tribuit , tum an-  
 nis , mensibus , annorumq; mutationibus . cum uero  
 Hesiodi theogoniam interpretatur , tollit omnino usita-  
 tas , perceptasq; cognitiones deorum : neq; enim Iouem ,  
 neq; Iunonem , neq; Vestam , neq; quenquam , qui ita  
 appelletur , in deorum habet numero , sed rebus inani-  
 matis , atq; mutis per quandam significationem hæc docet  
 tributa nomina . cuius discipuli Aristonis non minus ma-  
 gno in errore sententia est : qui neque formam dei in-

telligi posse censeat, neq; in dijs sensum esse dicat, dubi-  
 tetq; omnino deus animans nec nē sit. Cleanthes autem,  
 qui Zenonem audiuit unā cum eo, quem proxime no-  
 minauit, tum ipsum mundum deum dicit esse, tum to-  
 tius naturæ menti, atq; animo hoc nomen tribuit, tum  
 ultimum, & altissimum, atq; undiq; circumfusum, &  
 extremum, omnia cingentem, atque complexum ardo-  
 rem, qui æther nominetur, certissimum deum iudicat.  
 idem quasi delirans in ijs libris, quos scripsit contra uo-  
 luptatem, tum fingit formam quandam, & speciem  
 deorum, tum diuinitatem omnem tribuit astris, tum ni-  
 hil ratione censet esse diuinius. ita fit, ut deus ille, quem  
 mente noscimus, atque in animi notione tanquam in ue-  
 stigio uolumus reponere, nusquam prorsus appareat.  
 at Perseus eiusdem Zenonis auditor eos dicit esse habitos  
 deos, à quibus magna utilitas ad uitæ cultum esset in-  
 uenta, ipsasq; res utiles, & salutare deorum esse uo-  
 cabulis nuncupatas: ut ne hoc quidem diceret, illa in-  
 uenta esse deorum, sed ipsa diuina. quo quid absurdius,  
 quàm aut res sordidas, atque deformes deorum hono-  
 re afficere; aut homines iam morte deletos reponere in  
 deos, quorum omnis cultus esset futurus in luētū? iam  
 uero Chrysippus, qui Stoicorum somniorum uasferri-  
 mus habetur interpres, magnam turbam congregat  
 ignotorum deorum, atque ita ignotorum, ut eos ne  
 coniectura quidem informare possimus, cum mens no-  
 stra quiduis uideatur cogitatione posse depingere: ait  
 enim uim diuinam in ratione esse positam, & uniuer-  
 sæ naturæ animo, atque mente; ipsumq; mundum  
 deum dicit esse, & eius animi fusionem uniuersam:

tum eius ipsius principatum, qui in mente & ratione  
 uersetur, communemq; rerum naturam uniuersa, atq;  
 omnia continentem, tum fatalem umbram, & neces=  
 sitatem rerum futurarum: ignem præterea, & eum,  
 quem antea dixi, æthera: tum ea quæ natura fluerent,  
 atque manarent, ut aquam, & terram, & aera, so=  
 lem, lunam, sidera, uniuersitatemq; rerum, quæ o=  
 mnia continerentur, atque homines etiam eos, qui im=  
 mortalitatem essent consecuti. idemq; disputat, æthera  
 esse eum, quem homines Iouem appellarent; quiq; aer  
 per maria manaret, eum esse Neptunum; terram, eam,  
 quæ Ceres diceretur. similiq; ratione persequitur uoca=  
 bula reliquorum deorum. idemq; etiam legis perpetuæ,  
 & æternæ uim, quæ quasi dux uitæ, & magistra of=  
 ficiorum sit, Iouem dicit esse: eandemq; fatalem ne=  
 cessitatem appellat, sempiternam rerum futurarum  
 ueritatem: quorum nihil tale est, ut in eo uis diuina  
 inesse uideatur. & hæc quidem in primo libro de na=  
 tura deorum: in secundo autem uult Orphei, Mûsei,  
 Hesiodi, Homeriq; fabellas accommodare ad ea, quæ  
 ipse primo libro de dijs immortalibus dixerit: ut etiam  
 ueterrimi poeta, qui hæc ne suspicati quidem sint, Stoi=  
 ci fuisse uideantur. quem Diogenes Babylonius conse=  
 quens in eo libro, qui inscribitur de Mineria, partum  
 Iouis, ortumq; uirginis ad physiologiam traducens dis=  
 iungit à fabula. Exposui ferè non philosophorum  
 iudicia, sed delirantium somnia: nec enim multo absur=  
 diora sunt ea, quæ poetarum uocibus fusa, ipsa sua  
 uitate nocuerunt, qui & ira inflammatos, & libidine  
 furentes induxerunt deos, feceruntq; ut eorum bella,



pugnas, praelia, uulnera uideremus, odia praterca, dissidia, discordias, ortus, interitus, querelas, lamentationes, effusas in omni intemperantia libidines, adulteria, uincula, cum humano genere concubitus, mortalesq; ex immortaliprocreatos. cum poetarum autem errore coniungere licet portenta magorum, Aegyptiorumq; in eodem genere dementiam: tum etiam uulgi opiniones, quæ in maxima inconstantia, ueritatis ignoratione uersantur. ea qui consideret quàm inconsulte ac temere dicantur, uenerari Epicurum, & in eorum ipsorum numero, de quibus hæc quæstio est, habere debeat: solus enim uidit primum esse deos, quod in omnium animis eorum notionem impressisset ipsa natura: quæ est enim gens, aut quod genus hominum, quod non habeat sine doctrina anticipationem quandam deorum? quam appellat *πρόληψιν* Epicurus, id est anteceptam animo rei quandam informationem, sine qua nec intelligi quicquam, nec quæri, nec disputari possit. cuius rationis uim atque utilitatem ex illo cœlesti Epicuri de regula, & iudicio uolumine accepimus. quod igitur fundamentum huius quæstionis est, id præclare iactum uidetis. cum enim non instituto aliquo, aut more, aut lege sit opinio constituta, maneatq; ad unum omnium firma consensus: intelligi necesse est, esse deos, quoniam insitas eorum, uel potius innatas cognitiones habemus. de quo autem omnium natura consensus, id uerum esse necesse est. esse igitur deos consistendum est. quod quoniam ferè constat inter omnes non philosophos solum, sed etiam indoctos: fateamur constare illud etiam, hanc nos habere siue anticipatio-

nem, ut ante dixi, siue prænotionem deorum: sunt enim rebus nouis noua ponenda nomina, ut Epicurus ipse *περὶ θεῶν* appellauit, quam antea nemo eo uerbo nominarat. hanc igitur habemus, ut deos beatos, & immortales putemus. quæ enim nobis natura informationem deorum ipsorum dedit, eadem insculpsit in mentibus, ut eos æternos & beatos haberemus. quod si ita est, uere exposita illa sententia est ab Epicuro; quod æternum beatumq; sit, id nec habere ipsum negocij quicquam, nec exhibere alteri; itaq; neque ira, neque gratia teneri, quod, quæ talia essent, imbecilla essent omnia. si nihil aliud quæreremus, nisi ut deos pie coleremus, & ut superstitione liberaremur, satis erat dictum: nam & præstans deorum natura hominum pietate coleretur, cum & æterna esset, & beatissima; habet enim uenerationem iustam quicquid excellit: et metus omnis à ui atque ira deorum pulsus esset: intelligitur enim, à beata immortaliq; natura & iram & gratiam segregari: quibus remotis, nullos à superis impendere metus. sed ad hanc confirmandam opinionem inquirat animus & formam, & uitam, & actionem mentis, atque agitationem in deo. ac de forma quidem partim natura nos admonet, partim ratio docet: nam à natura habemus omnes omnium gentium speciem nullam aliam, nisi humanam deorum: quæ enim alia forma occurrit unquam aut uigilanti cuiquam, aut dormienti? sed ne omnia reuocentur ad primas notions, ratio hoc idem ipsa declarat. nam cum præstantissimam naturam, uel quia beata est, uel quia sempiterna, conuenire uideatur eandem esse pulcherrimam

rimam, quæ compositio membrorum, quæ conforma-  
 tio lineamentorum, quæ figura, quæ species, huma-  
 na potest esse pulchrior? uos quidem Lucili soletis (nam  
 Cotta meus modo hoc, modo illud) cum artificium ef-  
 fingitis, fabricamq; diuinam, quàm sint omnia in ho-  
 minis figura non modo ad usum, uerum etiam ad ue-  
 nustatem apta, describere: quòd si omnium animan-  
 tium formam uincit hominum figura, deus autem ani-  
 mans est: ea figura profecto est, quæ pulcherrima sit  
 omnium, quoniamq; deos beatissimos esse constat, bea-  
 tus autem esse sine uirtute nemo potest, nec uirtus sine  
 ratione constare, nec ratio usquam inesse, nisi in homi-  
 nis figura: hominis esse specie deos confitendum est, nec  
 tamen ea species corpus est, sed quasi corpus; nec habet  
 sanguinem, sed quasi sanguinem. hæc quanquam & in-  
 uenta sunt acutius, & dicta subtilius ab Epicuro, quàm  
 ut quis ea possit agnoscere: tamen fretus intelligentia  
 uestra differo breuius, quàm causa desiderat. Epicurus  
 autem, qui res occultas, & penitus abditas non modo ui-  
 \* derat animo, sed etiam sic tractat, ut manu, doceat eam  
 esse uim & naturam deorum, ut primum non sensu,  
 sed mente cernatur, nec soliditate quadam, nec ad nu-  
 merum, ut ea, quæ ille propter firmitatem *ορεσιμια*  
 appellat, sed imaginibus similitudine, & transitione  
 perceptis, cum infinita simillimarum imaginum spe-  
 cies ex innumerabilibus indiuiduis existat, & ad deos  
 affluat, cum maximis uoluptatibus in eas imagines men-  
 tem intentam, infixamq; nostram intelligentiam, ca-  
 pere quæ sit & beata natura & æterna. summa uero  
 uis infinitatis, & magna, ac diligenti contemplatione



dignissima est : in qua intelligi necesse est , eam esse naturam , ut omnia omnibus paribus paria respondeant : hanc ἰσονομίαν appellat Epicurus , idest æquabilemtributionem . ex hac igitur illud efficitur , si mortalium tanta multitudo sit , esse immortalium non minorem : & si , quæ interimant , innumerabilia sunt , etiam ea , quæ conseruent , infinita esse debere . & querere à nobis Balbe soletis , quæ uita deorum sit , quæq; ab ijs degatur atas . ea uidelicet , qua nihil beatius , nihil omnino bonis omnibus affluentius excogitari potest : nihil enim agit : nullis occupationibus est implicatus : nulla opera molitur : sua sapientia , & uirtute gaudet : habet exploratum fore se semper tum in maximis , tum in æternis uoluptatibus . hunc deum rite beatum dixerimus , uestrum uero laboriosissimum : siue enim ipse mundus deus est , quid potest esse minus quietum , quam nullo puncto temporis intermisso uersari circum axem coeli admirabili celeritate ? nisi quietum autem nihil beatum est . siue in ipso mundo deus inest aliquis qui regat , qui gubernet , qui cursus astrorum , mutationes temporum , rerum uicissitudines , ordinesq; conseruet , terras & maria contemplanis hominum commoda , uitasq; tueatur : nã ille est implicatus molestis negocijs , & operosis . nos autem beatam uitam in animi securitate , & in omnium uacatione munerum ponimus : docuit enim nos idem qui cetera , natura effectum esse mundum , nihil opus fuisse fabrica , eamq; rem ei esse tam facilem , quam uos negatis effici sine diuina posse solertia , ut innumerabiles natura mundos effectura sit , efficiat , effecerit . quod quia quemadmodum natura efficere sine aliqua

## DE NATURA DEORVM

mente possit non uidetis : ut tragici poetae, cum explicare argumenti exitum non potestis, confugitis ad deum. cuius operam profecto non desideraretis, si immensam, & interminatam in omnes partes magnitudinem regionum uideretis : in quam se iniiciens animus, & intendens, ita late, longeq; peregrinatur, ut nullam tamen oram ultimi uideat, in qua possit insistere. in hac igitur immensitate latitudinum, longitudinum, altitudinum infinita uis innumerabilium uolitat atomorum : quæ interiecto inani cohaerescunt tamen inter se, & aliae alias apprehendentes continuantur : ex quo efficiuntur haerum formæ, atque figuræ : quas uos effici posse sine foliis, & incudibus non putatis. itaque imposuistis in ceruicibus nostris sempiternum dominum, quem diēs, & noctes timeremus : quis enim non timeat omnia providentem, & cogitantem, & animaduertentem, & omnia ad se pertinere putantem, curiosum, & plenum negocij deum ? hinc uobis extitit primum illa fatalis necessitas, quam ἐμπεδισμὸν dicitis : ut quicquid accadat, id ex aeterna ueritate, causarumq; continuatione fluxisse dicatis. quanti autem hæc philosophia æstimaenda est ; cui, tanquam aniculis, & ijs quidem indoctis, fato fieri omnia uideantur ? sequitur μαρτυρία uestra, quæ latine diuinatio dicitur : qua tanta imbuemur superstitione, si uos audire uellemus, ut aruspices, augures, arioli, uates, & coniectores nobis essent consulendi. his terroribus ab Epicuro soluti, & in libertatem uendicati, nec metuimus eos, quos intelligimus nec sibi fingere ullam molestiam, nec alteri querere ; & pie sancteq; colimus naturam excellentem, atque præ-

stantem . sed elatus studio uereor ne longior fuerim . erat autem difficile rem tantam , tamq; præclaram , inchoatam relinquere . quanquam non tam dicendi mihi ratio habenda fuit , quàm audiendi . Tum Cotta comiter , ut solebat , atqui , inquit , Vellei nisi tu aliquid dixisses , nihil sane ex me quidem audire potuisses : mihi enim non tam facile in mentem uenire solet , quare uerum sit aliquid , quàm quare falsum . idq; cum sæpe , tum cum te audirem paulo ante contigit . roges me qualem deorum naturam esse ducam : nihil fortasse respondeam . queras , putem ne talem esse , qualis modo à te sit exposita : nihil dicam mihi uideri minus . sed antequam aggrediar ad ea , quæ à te disputata sunt , de te ipso dicam quid sentiam . sæpe enim de L. Crasso , familiari tuo illo , uideor audisse , cum te togatis omnibus sine dubio anteferreret , & paucos tecum Epicureos è Græcia compararet . sed quod ab eo te mirifice diligere intelligebam , arbitrabar illum propter beneuolentiam id uberius dicere . ego autem , & si uereor laudare præsentem , iudico tamen de re obscura , atque difficili à te dictum esse dilucide ; neque sententijs solum copiose , sed uerbis etiam ornatijs , quàm solent uestri . Zenonem , quem Philo no ster Coryphæum appellare Epicureorum solebat ; cum Athenis essem , audiebam frequenter , & quidem ipso auctore Philone , credo ut facilius iudicarem quàm illa bene resellerentur , cum à principe Epicureorum accipissem quemadmodum dicerentur . non igitur ille , ut plerique , sed isto modo , ut tu , distincte , grauiter , ornate . sed quod in illo mihi usu sæpe uenit , idem modo , cū te audirem , acciderat , ut moleste ferrem tantum inge-



## DE NATURA DEORVM

nium ( bona uenia me audies ) in tam leues , ne dicam in tam ineptas , sententias incidisse . nec ego nunc ipse ali quid afferam melius : ut enim modo dixi , omnibus ferè in rebus , & maxime in physicis , quid non sit citius , quàm quid sit , dixerim . roges me , quid , aut qualis sit deus : auctore utar Simonide : de quo cum quæsiuisset hoc idem tyrannus Hiero , deliberandi causa sibi unum diem postulauit : cum idem ex eo postridie quæreret , bi= duum petiuit : cum sapius duplicaret numerum dierum , admiransq; Hiero quæreret cur ita faceret , quia quan= to , inquit , diutius considero , tanto mihi res uidetur ob= scurior . sed Simonidem arbitror ( non enim poeta solum suauis , uerum etiam ceteroqui doctus sapiensq; tradi= tur ) quia multa uenirent in mentem acuta , atque sub= tilia , dubitantem quid eorum esset uerissimum , despe= rasse omnem ueritatem . Epicurus uero tuus ( nam cum illo malo differere , quàm tecum ) quid dicit , quod non modo philosophia dignum esset , sed etiam mediocri pru= dentia ? quæritur primum in ea quæstione , quæ est de natura deorum , sint ne dii , nec ne sint . difficile est ne= gare : credo , si in concione quærat : sed in huiuscemo di sermone , & confesso , facillimum . itaque ego ipse Pontifex , qui cerimonias , religionesq; publicas sanctis= sime tuendas arbitror , is hoc , quod primum est , esse deos , persuaderi mihi non opinione solum , sed etiam ad ueritatem planè uelim : multa enim occurrunt , quæ con= turbent , ut interdum nulli esse uideantur . sed uide , q̄ tecum agam liberaliter . quæ communia sunt uobis cum cæteris philosophis , non attingam , ut hoc ipsum : placet enim omnibus ferè , mihiq; ipsi in primis , deos esse : ita=

que non pugno : rationem tamen eam , quæ à te affer-  
tur , non satis firmam puto . quod enim omnium genti-  
um , generumq; hominibus ita uideretur , id satis ma-  
gnum esse argumentum dixisti , cur esse deos consitere-  
mur . quod cum leue per se , tum etiam falsum est . pri-  
mum enim unde notæ tibi sunt opiniones nationum? equi-  
dem arbitror , multas esse gentes sic immanitate effera-  
tas , ut apud eas nulla suspicio deorum sit . quid ? Dya-  
goras , Atheos qui dictus est , posteaq; Theodorus , non  
ne aperte deorum naturam sustulerunt ? nam Abderi-  
tes quidē Protagoras , cuius à te modo mentio facta est ,  
sophistes temporibus illis uel maximus , cum in principio  
libri sui sic posuisset , de dijs neque ut sint , neque ut non  
sint , habeo dicere , Atheniensium iussu urbe atque agro  
est exterminatus , libriq; eius in concione combusti . ex  
quo equidem existimo tardiores ad hanc sententiam pro-  
fitendam multos esse factos , quippe cum poenam ne du-  
bitatio quidem effugere potuisset . quid de sacrilegis , quid  
de impijs , periurisq; dicemus?

» =Tubulus si Lucius unquam,

» Si Lupus, aut Carbo, aut Neptuni filius, =

ut ait Lucilius, putasset esse deos, tam periurus , aut tam  
impius fuisset? non est igitur tam explorata ista ratio ad  
id, quod uultis, confirmandum, quam uidetur . sed quia  
commune est hoc argumentum aliorum etiam philoso-  
phorum, omittam hoc tempore, ad uestra propria uenire  
malo . concedo esse deos : doce me igitur, unde sint , ubi  
sint, quales sint corpore, animo, uita . hæc enim scire desi-  
dero . abuteris ad omnia atomorum regno & licentia .  
hinc quodcunque in solum uenit, ut dicitur, effingis, atq;

efficitur . quæ primum nullæ sunt : nihil enim quod uacet  
 corpore : corporibus autem omnis obsidetur locus : ita  
 nullum inane, nihil esse indiuiduum potest. hæc ego nunc  
 physicorum oracula fundo : uera an falsa , nescio ; sed  
 ueri tamen similia , quàm uestra : ista enim flagitia  
 Democriti ; siue etiam ante Leucippi , esse corpuscula ,  
 quædam leuia , alia aspera , rotunda alia , partim an-  
 gulata , curuata quædam , & quasi adunca : ex his esse  
 etum esse cælum , atque terras , nulla cogente natura ,  
 sed concursu quodam fortuito . hanc tu opinionem C. Vel  
 lei usque ad hanc ætatem perduxisti , priusq; te quis de o-  
 mni uitæ statu , quàm de ista auctoritate deiecerit : ante  
 enim iudicasti Epicureum te esse oportere , quàm ista co-  
 gnouisti . ita necesse fuit aut hæc flagitia animo concipe-  
 re , aut susceptæ philosophiæ nomen amittere . quid enim  
 mereas , ut Epicureus esse desinas ? nihil equidem , inquis ,  
 ut rationem uitæ beatæ , ueritatemq; deseram . ista igitur  
 est ueritas ? nam de uita beata nihil repugno : quam  
 tu ne in deo quidem esse censes , nisi planè ocio langueat .  
 sed ubi est ueritas ? in mundis credo innumerabilibus , o-  
 mnibus minimis temporum punctis , alijs nascentibus ,  
 alijs cadentibus ; an in indiuiduis corpusculis , tam præ-  
 clara opera , nulla moderante natura , nulla ratione ,  
 fingentibus ? sed oblitus liberalitatis meæ , qua tecum pau-  
 lo ante uti coeperam , plura complector . concedam igitur  
 ex indiuiduis constare omnia . quid ad rem ? deorum  
 enim natura queritur . sint sanè ex atomis . non igitur  
 æterni . quod enim ex atomis sit , id natum aliquando sit .  
 si natum , nulli dij ante quàm nati . & si ortus est deo-  
 rum , interitus sit necesse est , ut tu paulo ante de Platonis



mundo disputabas . ubi igitur illud uestrum beatum ,  
 & æternum ? quibus duobus uerbis significatis deum .  
 quod cum efficere uultis , in dumeta correptis : ita enim  
 dicebas , non corpus esse in deo , sed quasi corpus ; nec  
 sanguinem , sed quasi sanguinem . hoc persæpe facitis ,  
 ut , cum aliquid non uerisimile dicatis , & effugere re=  
 prehensionem uelitis , afferatis aliquid , quod omnino ne  
 fieri quidem possit : ut satius fuerit id ipsum , de quo am=  
 bigebatur , concedere , quàm tam impudenter resistere .  
 uelut Epicurus , cum uideret , si atomi ferrentur in lo=  
 cum inferiorem suo pte pondere , nihil fore in nostra po=  
 testate , quòd esset earum motus certus , & necessarius ,  
 inuenit quo modo necessitatem effugeret ; quod uidelicet  
 Democritum fugerat : ait atomum , cum pondere &  
 gravitate directo deorsum feratur , declinare paulu=  
 lum . hoc dicere turpius est , quàm illud , quod uult ,  
 non posse defendere . idem facit contra dialecticos : à  
 quibus cum traditum sit , in omnibus disunctionibus ,  
 in quibus aut etiam , aut non poneretur , alterutrum ue=  
 rum esse ; pertimuit , ne , si concessum esset huiusmodi  
 aliquid , aut uiuet cras , aut non uiuet Epicurus , alter=  
 utrum fieret necessarium . totum hoc aut etiam , aut non ,  
 negauit esse necessarium . quo quid dici potest obtusius ?  
 urgebat Arcesilas Zenonem , cum ipse omnia falsa dice=  
 ret , quæ sensibus uiderentur : Zeno autem non nulla uè=  
 sa esse falsa , non omnia . timuit Epicurus , ne , si unum  
 uisum esset falsum , nullum esset uerum : omnes sensus  
 ueri nuncios dixit esse : nihil horum , nisi callide : gra=  
 uiozem enim plagam accipiebat , ut leuiorem repelle=  
 ret . idem facit in natura deorum : dum indiuiduorum

 om. 70.  
 coll.

# DE NATURA DEORVM

corporum concretionem fugit ; ne interitus & dissipatio consequatur, negat esse corpus deorum, sed tanquam corpus ; nec sanguinem , sed tanquam sanguinem . mirabile uidetur , quòd non rideat aruspex , cum aruspicem uiderit : hoc mirabilius , quòd uos inter uos risum tenere possitis . non est corpus , sed quasi corpus . hoc intelligerem quale esset, si id in cereis fingeretur, aut fictilibus figuris : in deo quid sit quasi corpus , aut quasi sanguis , intelligere non possum : ne tu quidem Vellei : sed non uis fateri : ista enim à uobis quasi dictata redduntur : quæ Epicurus oscitans hallucinatus est, cum quidem gloriaretur , ut uidemus in scriptis , se magistrum habuisse nullum . quod & non prædicanti tam facile quidem credam , sicut mali edificiij domino glorianti se architectum non habuisse : nihil enim olet ex Academia , nihil ex Lyceo, nihil ne è puerilibus quidem disciplinis . Xenocratem audire potuit : quem uirum dij immortales : & sunt qui putant audiuisse , ipse non uult : credo plus nemini . Pamphilum quendam Platonem auditorem ait à se Sami auditum : ibi enim adolescens habitabat cum patre & fratribus , quòd in eam pater eius Neocles agripeta uenerat . sed cum agellus eum non satis aleret , ut opinor , ludi magister fuit . sed hunc Platonem mirifice contemnit Epicurus . ita metuit, ne quid unquam didicisse uideatur . in Nausiphane Democrito tenetur . quem cum à se non neget auditum , uexat tamen omnibus contumelijs . atqui si hæc Democritea non audisset, quid audierat ? quid est in physicis Epicuri non à Democrito : nam etsi quædam cõmutauit, ut quod paulo ante de inclinatione atomorum dixi : tamen pleraque dicit

dicit eadem, atomos, inane, imagines, infinitatem lo-  
 corum, innumerabilitatemq; mundorum, eorum or-  
 tus, & interitus, omnia fere, quibus naturæ ratio con-  
 tinetur. nunc istuc quasi corpus, & quasi sanguinem,  
 quid intelligis? ego enim scire te ista melius quàm me,  
 non fateor solum, sed etiam facile patior. cum qui-  
 dem semel dicta sunt, quid est quod Velleius intelligere  
 possit, Cotta non possit? itaq; corpus quid sit, sanguis  
 quid sit, intelligo: quasi corpus, & quasi sanguis quid  
 sit, nullo prorsus modo intelligo. Nec tu me calas, ut  
 Pythagoras solebat alienos: nec consulto dicis occulte,  
 tanquam Eracritus: sed, quod inter nos liceat, ne tu qui-  
 dem intelligis. illud uideo pugnare te, species ut quædam  
 sit deorum, quæ nihil concreti habeat, nihil solidi, nihil  
 expressi, nihil eminentis, sitq; pura, levis, perlucida. di-  
 cemus ergo idem, quod in Venere Coa: corpus non est,  
 sed simile corpori: nec ille fusus, & candore mixtus  
 rubor sanguis est, sed quædam sanguinis similitudo:  
 sic in Epicureo deo non res, sed similitudines rerum esse.  
 fac id, quod ne intelligi quidem potest, mihi esse per-  
 suasum: cedo mihi istorum adumbratorum deorum li-  
 neamenta, atque formas. non deest hoc loco copia ra-  
 tionum, quibus docere uelitis humanas esse formas deo-  
 rum: primum quod ita sit informatum, anticipatumq;  
 mentibus nostris, ut homini, cum de deo cogitet, for-  
 ma occurrat humana: deinde, ut, quoniam rebus o-  
 mnibus excellat natura diuina, forma quoque esse pul-  
 cherrima debeat; nec esse humana ullam pulchriorem.  
 tertiam rationem affertis, quod nulla alia figura do-  
 micilium mentis esse possit. primum igitur quidq; con-



fideras quale sit? arripere enim mihi uideamini quasi ue-  
 stro iure rem nullo modo probabilem. quis tam cecus  
 in contemplandis rebus unquam fuit, ut non uideret  
 species istas hominum collatas in deos aut consilio quo-  
 dam sapientum, quo facilius animos imperitorum ad  
 deorum cultum à uitæ prauitate conuerterent; aut su-  
 perstitutione, ut essent simulacra, quæ uenerantes, deos  
 ipsos se adire crederent? auxerunt autem hæc eadem  
 poetæ, pictores, opifices. erat autem non facile agen-  
 tes aliquid & molientes deos in aliarum formarum imi-  
 tatione seruare. accessit etiam ista opinio fortasse, quod  
 homini homine nihil pulchrius uideatur. sed tu hoc  
 physice non uides, quàm blanda conciliatrix, & quasi  
 sui sit lena natura. an putas ullam esse terra mariq;  
 beluam, quæ non sui generis belua maxime delecte-  
 tur? quod ni ita esset, cur non gestiret taurus equæ  
 contrectatione, equus uaccae? an tu aquilam, aut leo-  
 nem, aut delphinum ullam anteferre censēs figuram  
 suæ? quid igitur mirum, si hoc eodem modo homini na-  
 tura præscripsit, ut nihil pulchrius quàm hominem  
 putaret, eam esse causam, cur deos hominum similes  
 putaremus? quid censēs si ratio esset in beluis, non suo  
 quasq; generi plurimum tributuras fuisse? at meher-  
 cle ego (dicam enim ut sentio) quamuis amem ipse  
 me, tamen non audeo dicere pulchriorem esse me, quàm  
 ille fuit taurus, qui uexit Europam. non enim hoc lo-  
 co de ingenijs, aut de orationibus nostris, sed de spe-  
 cie, figurâq; quæritur. quod si fingere nobis, & iun-  
 gere formas uelimus, qualis ille maritimus Triton pin-  
 gitur, natantibus inuehens beluis, adiunctis humano

corpori, nolis esse? difficili in loco uersor. est enim uis tanta naturæ, ut homo nemo uelit nisi hominis similis esse. & quidem formica formicæ. sed tamen cuius hominis? quotus enim quisque formosus est? Athenis cum essem, è gregibus epheborum uix singuli reperiébantur. uideo, quid arriseris: sed tamen ita res se habet. deinde nobis, qui; concedentibus philosophis antiquis, adolescentulis delectamur, etiam uitia saepe iucunda sunt. næuus in articulo pueri delectat Alcæum. at est corporis macula næuus. illi tamen hoc lumen uidebatur. Q. Catulus, huius collegæ & familiaris nostri pater, dilexit municipem tuum Roscium: in quem etiam illud est eius.

» Constiteram exorientem auroram forte salutans,

» Cum subito à læua Roscius exoritur.

» Pace mihi liceat cœlestes dicere uestra,

» Mortalis uisus pulchrior esse deo.

huic pulchrior deo? at erat, sicut hodie est, peruersissimis oculis. quid refert? si hoc ipsum falsum & uenustum illi uidebatur. redeo ad deos: ecquos si non tam strabones, at petulos esse arbitramur? ecquos næuum habere? ecquos silos, flaccos, frontones, capitones, quæ sunt in nobis? an omnia emendata in illis? detur id uobis. num etiam est una omnium facies? nam si plures, aliam esse alia pulchriorem necesse est. igitur aliquis non pulcherrimus deus. si una omnium facies est, florere in cœlo Academiam necesse est. si enim nihil inter deum, & deum differt: nulla est apud deos cognitio, nulla perceptio. quid, si etiam Vellei falsum illud omnino est, nullam aliam nobis de deo cogi-

om. & coll.

## DE NATURA DEORVM

tantibus speciem nisi hominis occurrere: tamen ne ista tam absurda defendes? nobis fortasse si occurrit ut dicis: Iouem, Iunonem, Minervam, Neptunum, Vulcanum, Apollinem, reliquos deos ea facie nouimus, quae pictores, fictoresque uoluerunt; neque solum facie, sed etiam ornatu, aetate, atque uestitu: at non Aegyptij, nec Syri, nec ferè cuncta barbaries: firmiores enim uideas apud eos opiniones esse de bestiis quibusdam, quam apud nos de sanctissimis templis, & simulacris deorum. etenim fana multa expoliata, & simulacra deorum de locis sanctissimis ablata uidemus à nostris: at uero ne fando quidem auditum est, Crocodilum, aut ibim, aut felem uiolatum ab Aegypto. quid igitur censes? Apim illum sanctum Aegyptiorum bouem, nonne deum uideri Aegyptijs? tam hercle, quam tibi illam nostram Sospitam, quam tu nunquam ne in somnis quidem uides, nisi cum pelle caprina, cum hasta, cum scutulo, cum calceolis repandis. & non est talis Argiua, nec Romana Iuno. ergo alia species Iunonis Argiuis, alia Latinis. & quidem alia nobis Capitolini, alia Afris Ammonis Iouis. non pudet igitur physicum, id est speculatorem, uenatoremque naturae, ab animis consuetudine imbutis petere testimonium ueritatis? isto enim modo dicere licebit Iouem semper barbatus, Apollinem semper imberbem, caecos oculos Mineruae, ceruleos esse Neptuni. & quidem Athenis laudamus Vulcanum eum, quem fecit Alcamenes: in quo stante, atque uestito leuiter apparet claudicatio non deformis. claudum igitur habebimus deum, quoniam de Vulcano sic accepimus. age & his uocabulis deos esse facimus, quibus à nobis nominan-



tur. at primum quot hominum lingua, tot nomina deorum. non enim, ut tu Velleius quocunq; ueneris, sic idem in Italia Vulcanus, idem in Africa, idem in Hispania. deinde nominum non magnus numerus ne in Pontificijs quidem nostris, deorum autem innumerabilis. an sine nominibus sunt? istud quidem ita uobis dicere necesse est. quid enim attinet, cum una facies sit, plura esse nomina? quàm bellum erat Vellei, confiteri potius nescire quod nescires, quàm ista effutientem nauſeare, atq; ipsum sibi displicere. an tu mei similem putas esse, aut tui deum? profecto non putas. quid ergo? solem dicam, aut lunam, aut coelum deum? ergo etiam beatum. quibus fruenter uoluptatibus? & sapientem. qui potest esse in eiusmodi trunco sapientia? hæc uestra sunt. si igitur nec humano uisu, quod docui; nec tali aliquo, quod tibi persuasum est: quid dubitas negare deos esse? non audes. sapienter id quidem. etsi hoc loco non populum metuis, sed ipsos deos. noui ego Epicureos omnia sigilla numerantes: quanquam uideo non nullis uideri, Epicurum, ne in offensionem Atheniensium caderet, uerbis reliquisse deos, re sustulisse. itaque in illis selectis eius, breuibusq; sententijs, quas appellatis *κρίσεις* & *δόξαις*, hæc, ut opinor, prior sententia est. Quod beatum & immortale est, id nec habet, nec exhibet cuiquam negocium. In hac ita exposita sententia, sunt qui existiment, quod ille inscitia plane loquendi fecerit, fecisse consulto. de homine minime uastro male existimant. dubium est enim, utrum aliquid dicat iste beatum & immortale, an, si quod sit beatum, id esse immortale. non animaduertunt, hic cum ambigue lo-

cutum esse, sed multis alijs locis & illum, & Metro=  
dorum tam aperte, quàm paulo ante te. ille uero deos  
esse putat: nec quenquam uidi, qui magis ea, quæ ti=  
menda esse negaret, timeret, mortem dico & deos. qui=  
bus mediocres homines non ita ualde mouentur, his ille  
clamat omnium mortalium mentes esse perterritas. tot  
milia latrocinantur morte proposita. alij omnia, quæ  
possunt, fana compilant. credo, aut illos mortis timor  
terret, aut hos religionis. sed quoniam non audes ( iam  
enim cum ipso Epicuro loquar ) negare esse deos, quid  
est quod te impediat aut solem, aut lunam, aut mun=  
dum, aut mentem aliquam sempiternam in deorum na=  
tura ponere? nunquam uidi, inquis, animam rationis  
consiliūq; participem in ulla alia, nisi humana figura.  
quid? solis nunquidnam aut lunæ, aut quinq; erran=  
tium siderum simile uidisti? sol duabus unius orbis ul=  
timis partibus definiens motum, cursus annuos conficit.  
huius hanc illustrationem eiusdem incensa radijs men=  
struo spatio luna complet. quinque autem stellæ eun=  
dem orbem tenentes, aliæ propius à terris, aliæ remo=  
tius, ab ijsdem principijs, disparibus temporibus eadem  
spatia conficiunt. nunquid tale Epicure uidisti? ne sit  
igitur sol, ne luna, ne stellæ: quoniam nihil esse po=  
test, nisi quod attigimus, aut uidimus. quid? deum  
ipsum num ne uidisti? cur igitur credis esse? tollamus  
ergo omnia, quæ aut historia nobis, aut noua ratio af=  
fert. ita sit, ut mediterranei mare esse non credant.  
quæ sunt tantæ animi angustiae, ut, si Scriphi natus es=  
ses, nec unquam egressus ex insula, in qua lepusculos,  
uulpeculasq; sæpe uidisses, non crederes leones, & pan=

theras esse, cum tibi, quales essent, diceretur? si uero de elephanto quis diceret, etiam irrideri te putares? Et tu quidem Vellei non uestro more, sed dialecticorum, quæ funditus gens uestra non nouit, argumenti sententiam conclusisti: beatos esse deos sumpsisti. concedimus. beatum autem sine uirtute neminem esse posse, id quoque damus, & libenter quidem. uirtutem autem sine ratione constare non posse, conueniat id quoque necesse est. adiungis, nec rationem esse nisi in hominis figura. quem tibi hoc daturum putas? si enim ita esset, quid opus erat te gradatim istuc peruenire? quid autem est istuc gradatim? sumpsisses tuo iure. nam à beatis ad uirtutem, à uirtute ad rationem uideo te uenisse gradibus. à ratione ad humanam figuram quo modo accedis? præcipitare istuc quidem est, non descendere. nec uero intelligo, cur maluerit Epicurus deos hominum similes dicere, quam homines deorum. quæres, quid intersit. si enim hoc illi simile sit, esse illud huic uideo. sed hoc dico, non ab hominibus formæ figuram peruenisse ad deos: dii enim semper fuerunt, & nati nunquam sunt, si quidem æterni sunt futuri. at homines nati: ante igitur humana forma, quam homines, ea qua erant forma dii immortales. non ergo illorum humana forma, sed nostra diuina dicenda est. uerum hoc quidem, ut uoletis. illud quaero, quæ fuerit tanta fortuna: nihil enim in rerum natura ratione factum esse uultis. sed tamen quis iste tantus casus, unde tam felix concursus atomorum, ut repente homines deorum forma nascerentur? semina deorum dedisse de cælo in terras putamus, & sic homines patrum similes extitisse? uellem diceretis: deorum cognationem



agnoscerem non inuitus . nihil tale dicitis : sed casu esse factum , ut deorum similes essemus . & nunc argumenta querenda sunt , quibus hoc refellatur ? utinam tam facile uera inuenire possem , quam falsa conuincere . etenim enumerasti memoriter , & copiose , ut mihi quidem admirari liberet in homine esse Romano tantam scientiam , usq; à Thalete Milesio de natura deorum philosophorum sententias . omnes ne tibi illi delirare uisi sunt , qui sine manibus & pedibus constare deum posse decreuerunt ? nec hoc quidem uos mouet considerantes quæ sit utilitas , quæq; opportunitas in homine membro = rum , ut iudicetis membris humanis deos non egere ? quid enim pedibus opus est sine ingressu ? quid manibus , si nihil cõprehendatur ? quid reliqua descriptione omnium corporis partium ? in qua nihil inane , nihil sine cau = sa , nihil superuacaneum est . itaque nulla ars imitari solertiam naturæ potest . habebit igitur linguam deus , & non loquetur ; dentes , palatum , fauces nullum ad usum : quæq; procreationis causa natura corpori affinxit , ea frustra habebit deus : nec externa magis , quàm interiora . cor , pulmones , iecur , cæteraq; , detracta utilitate , quid habent uenustatis ? quandoquidem hæc esse in deo propter pulchritudinem uultis . istis ne fidentes somnijs non modo Epicurus , & Metrodorus , & Hermachus contra Pythagoram , Platonem , Empedoclemq; dixerunt , sed meretricula etiam Leontium contra Theophrastum scribere ausa sit ? scito quidem illa sermone , & Attico . sed cum tantum Epicuri hortus habuerit licentiæ , etiam soletis queri , Zeno quidem etiam litigabat , quid dicam Albutium ? nam Phædro nihil ele =

gантиus, nihil humanius. sed stomachabatur senex, si-  
 quid asperius dixeram: cum Epicurus contumeliosissime  
 Aristotelem uexarit, Phædoni Socratico turpissime ma-  
 ledixerit, Metrodori sodalis sui fratrem Timocratem,  
 quia nescio quid in philosophia dissentiret, totis uolimini-  
 bus conciderit, in Democritum ipsum, quem secutus est,  
 fuerit ingratus, Nausiphanem magistrum suum, à quo  
 nihil didicerat, tam male acceperit: Zeno quidem non  
 eos solum, qui tum erant, Apollodorum, Syllum, cæ-  
 terosq; figebat maledictis, sed Socratem ipsum, paren-  
 tem philosophiæ, latino uerbo utens, scurram Atticum  
 fuisse dicebat, Chrysippum nunquam nisi Césippum uo-  
 cabat. tu ipse paulo ante, cum tanquam senatum phi-  
 losophorum citares, summos uiros desipere, delirare, de-  
 mentes esse dicebas. quorum si nemo uerum uidit de na-  
 tura deorum, uerendum est ne nulla sit omnino. nam  
 ista, quæ uos dicis, sunt tota commentitia, uix digna  
 lucubratione anicularum: non enim sentitis, quàm mul-  
 ta uobis suscipienda sint, si impetraueritis, ut conceda-  
 mus eandem esse hominum & deorum figuram. omnis  
 cultus, & curatio corporis erit eadem adhibenda deo,  
 quæ adhibetur homini; ingressus, cursus, accubatio,  
 inclinatio, sessio, comprehensio, ad extremum etiam ser-  
 mo, & oratio. nam quod & mares deos, & fœminas  
 esse dicitis, quid sequatur uidetis. equidem mirari satis  
 non possum, unde ad istas opiniones uester ille princeps  
 uenerit. sed clamare non desinitis, retinendum hoc esse,  
 deus ut beatus immortalisq; sit. quid autem obstat, quo-  
 minus sit beatus, si non sit bipes? aut ista siue beatitas si-  
 ue beatitudo dicenda est (utrunque omnino durum, sed


ℓ. Chrysippum  
coll.  
Chrys.

ℓ. dicitis

usu mollienda nobis uerba sunt) uerum ea, quaecunque  
est, cur aut in solem illum, aut in hunc mundum, aut  
in aliquam mentem eternam, figura membrisq; corpo=  
ris uacuam, cadere non potest? nihil aliud dicis, nisi, nun=  
quam uidi solem, aut mundum beatum. quid? mundū  
præter hunc unquam ne uidisti? negabis. cur igitur nō  
sexcenta millia esse mundorum, sed innumerabilia ausus  
es dicere? ratio docuit. ergo hoc te ratio non docebit,  
cum præstantissima natura quæatur, eaq; beata, & æ=  
terna, quæ sola in diuina natura sunt, ut immortalitate  
uincamur ab ea natura, sic animi præstantia uinci; at=  
que ut animi, item corporis? cur igitur, cum cæteris re=  
bus inferiores simus, forma pares sumus? ad similitudi=  
nem enim deo propius accedebat humana uirtus, quàm  
figura. an quicquam tam puerile dici potest (ut eundem  
locum diutius urgeam) quàm si ea genera beluarū, quæ  
in rubro mari India'ue gignantur, nulla esse dicamus?  
atqui ne curiosissimi quidem homines exquirendo audire  
tam multa possunt, quàm sunt multa, quæ terra, ma=  
ri, paludibus, fluminibus existunt. quæ negemus esse,  
quia nunquam uidimus. ipsa uero quàm nihil ad rem  
pertinet, quæ uos delectat maxime, similitudo? quid?  
canis non ne similis lupo? atque, ut Ennius,  
>> Simia quàm similis turpissima bestia nobis?  
at mores in utroque dispares. elephanto beluarum nul=  
la prudentior. at figura quæ uastior? de bestiis loquor.  
quid? inter ipsos homines non ne & simillimis formis di=  
spares mores, & moribus figura dissimilis? etenim si  
semel Vellei suscipimus genus hoc argumenti, attende  
quò serpat: tu enim sumebas, nisi in hominis figura ra=



tionem inesse non posse. sumet alius, nisi in terrestri; nisi in eo, qui natus sit; nisi in eo, qui adoleuerit; nisi in eo, qui didicerit; nisi in eo, qui ex animo constet, & corpore caduco, & infirmo; postremo nisi in homine, atque mortali: quod si in omnibus his rebus obsistis, quid est, quod te una forma conturbet? his enim omnibus, quæ proposui, adiunctis, in homine rationem esse, & mentem uidebas. quibus detractis, deum tamen nosse te dicis, modo lineamenta maneant. hoc est non considerare, sed quasi sortiri quid loquare. nisi forte ne hoc quidem attendis, non modo in homine, sed etiam in arbore, quicquid superuacaneum sit, aut usum non habeat, obstare. quàm molestum est uno digito plus habere? quid ita? quia nec speciem, nec usum alium quinque desiderant. tuus autem deus non digito uno redundat, sed capite, collo, ceruicibus, lateribus, aluo, tergo, poplitibus, manibus, pedibus, fœminibus, cruribus. si ut immortalis sit, quid hæc ad uitam membra pertinent? quid ipsa facies? magis illa, cerebrum, cor, pulmones, iecur: hæc enim sunt domicilia uitæ. oris quidem habitus ad uitæ firmitatem nihil pertinet. at eos uituperabas, qui ex operibus magnificis, atque præclaris, cum ipsum mundum, cum eius membra, cœlum, terras, maria, cumq; horum insignia solem, lunam, stellasq; uidissent, cumq; temporum mutationes, maturitates, uicissitudinesq; cognouissent, suspicati essent aliquam excellentem esse, præstantemq; naturam, quæ hæc fecisset, moueret, regeret, gubernaret. qui, etiam si aberrant à coniectura, uideo tamen quid sequantur. tu quod opus tantum magnum, & egregium habes, quod effectum diuina



## DE NATURA DEORVM

mente uideatur, ex quo esse deos suspicere? habeo, in-  
 quis, in animo insitam informationem quandam dei. &  
 barbari quidem Iouis, galeatæ Minervæ. num igitur ea  
 les putas? quanto melius hæc uulgi imperitorum: qui  
 non membra solum hominis deo tribuunt, sed usum eti-  
 am membrorum: dant enim arcum, sagittas, hastam,  
 clypeum, fuscina, fulmen: & si, actiones quæ sint  
 deorum, non uident, nihil agentem tamen deum non  
 queunt cogitare. ipsi, qui iridentur, Aegyptij nullam  
 beluam, nisi ob aliquam utilitatem, quam ex ea cape-  
 rent, consecrauerunt. ibes maximam uim serpentium  
 conficiunt, cum sint aues excelsæ, cruribus rigidis, cor-  
 neo proceroq; rostro: auertunt pestem ab Aegypto, cum  
 uolucres angues ex uastitate Libyæ uento Africo inue-  
 ritas interficiunt, atque consumunt. ex quo fit, ut illæ  
 nec morsu uiuæ noceant, nec odore mortuæ. possum de  
 Ichneumonum utilitate, de Crocodilorum, de Felium  
 dicere: sed nolo esse longus. ita concludam tamen, belu-  
 as à barbaris propter beneficium consecratas, uestro-  
 rum deorum non modo beneficium nullum extare, sed  
 ne factum quidem omnino. Nihil habet, inquit, ne-  
 gocij. profecto Epicurus, quasi pueri delicati, nihil ces-  
 satione melius existimat. at ipsi tamen pueri, etiam cum  
 cessant, exercitatione aliqua ludicra delectantur: deum  
 sic feriatum uolumus cessatione torpere, ut, si se com-  
 mouerit, uereamur, ne beatus esse non possit. hæc ora-  
 tio non modo deos spoliât motu, & actione diuina, sed  
 etiam homines inertes efficit, si quidem agens aliquid ne  
 deus quidem esse beatus potest. uerum sit sanè, ut uul-  
 tis, deus effigies hominis, & imago: quod eius est do-

micilium? quæ sedes? qui locus? quæ deinde actio vitæ?  
 quibus rebus, id quod multis, beatus est? utatur enim suis  
 bonis oportet, & fruatur, qui beatus futurus est. nam  
 locus quidem ijs etiam naturis, quæ sine animis sunt,  
 suus est cuique proprius, ut terra infimum teneat, hanc  
 inundet aqua, superior aer, ignibus altissima ora red-  
 datur. bestiarum autem terrena sunt alia, partim a-  
 quatiles, alia quasi ancipites, in utraque sede uiuentes:  
 sunt quædam etiam, quæ igne nasci putentur, appa-  
 reantq; in ardentibus fornacibus sæpe uolitantes. quæ-  
 ro igitur, uester deus primum ubi habitet: deinde quæ  
 causa eum loco moueat; si modo mouetur aliquando:  
 postremo, cum hoc proprium sit animantium, ut ali-  
 quid appetant, quod sit naturæ accommodatum; deus  
 quid appetat; ad quam denique rem motu mentis, ac  
 rationis utatur: postremo, quo modo beatus sit, quo mo-  
 do æternus. quicquid enim horum attigerit, ulcus est:  
 ita male instituta ratio exitum reperire non potest. sic  
 enim dicebas, speciem dei percipi cogitatione, non sen-  
 su, nec esse in ea ullam soliditatem, neque eandem ad nu-  
 merum permanere, eamq; esse eius uisionem, ut simili-  
 tudine & transitione cernatur, neque deficiat unquam  
 ex infinitis corporibus similium accessio; ex eoq; fieri, ut  
 in hac intenta mens nostra beatam illam naturam, &  
 sempiternam putet. hoc, per ipsos deos, de quibus lo-  
 quimur, quale tandem est? nam si tantum modo ad co-  
 gitationem ualent, nec ullam habent soliditatem, nec  
 eminentiam: quid interest, utrum de Hippocentauro,  
 an de deo cogitemus? omnem enim talem confirmatio-  
 nem animi ceteri philosophi motum inanem uocant: uos

l. conforma...



autem aduentum in animos, & introitum imaginum dicitis. ut igitur Ti. Gracchum cum uideor concionantem in Capitolio uidere de M. Octauio deferentem sitellam, cum eum motum animi dico esse inanem; tu autem & Gracchi & Octauij imagines remanere, quæ, in Capitolium cum peruenerint, tum ad animum meum referantur: hoc idem fieri in deo, cuius crebra facie pellantur animi, ex quo esse beati atque æterni intelligantur. fac imagines esse, quibus pulsantur animi: species duntaxat obijcitur quedam. num etiam cur beata sit, cur æterna? quæ autem istæ imagines uestræ, aut unde? à Democrito omnino hæc licentia. sed & ille reprehensus à multis est, nec uos exitum reperitis, totaq; res uacillat, & claudicat. nam quid est, quod minus probari possit, quàm omnium in me incidere imagines? Homeri, Archilochi, Romuli, Numæ, Pythagoræ, Platonis, nec ex forma, qua illi fuerunt? quo modo ergo illis & quorum imagines? Orpheum poetam docet Aristoteles nunquam fuisse, & hoc Orphicum carmen Pythagorici ferunt cuiusdam fuisse Cercopis. at Orpheus, idest imago eius, ut uos multis, in animum meum sæpe incurrit. quid, quod eiusdem hominis in meum aliæ, aliæ in tuum? quid, quod earum rerum, quæ nunquam omnino fuerunt, neque esse potuerunt, ut Scyllæ, ut Chimeræ? quid, quod hominum, locorum, urbium earum, quas nunquam uidimus? quid, quod, simul ac mihi collibitum est, præsto est imago? quid, quod etiam ad dormientem ueniunt inuocatæ? tota res Vellei nugatoria est: uos autem non modo oculis imagines, sed etiam animis inculcatis: tanta est impunitas garriendi. at quàm li-

center? fluentium frequenter transitio fit uisionum, ut  
 è multis una uideatur. puderet me dicere non intellige-  
 re, si uos ipsi intelligeretis, qui ista defenditis. quo mo-  
 do enim probas continenter imagines ferri? aut, si con-  
 tinenter, quo modo aternæ? innumerabilitas, inquis,  
 suppeditat atomorum. num eadem ergo ista facient,  
 ut sint omnia sempiterna? confugis ad æquilibratam:  
 sic enim ἰσορροπία, si placet, appellemus: & ais, quo-  
 niam sit natura mortalis, immortalem etiam esse oportere.  
 isto modo, quoniam homines mortales sunt, sint alii  
 qui immortales: & quoniam nascuntur in terra, nascā-  
 tur & in aqua: & quia sunt quæ interimant, sint quæ  
 conseruent. sint sanè: sed ea conseruent, quæ sunt. deos  
 istos esse non sentio. omnis tamen ista rerum effigies ex  
 indiuiduis quo modo corporibus oritur? quæ etiam si es-  
 sent, quæ nulla sunt; pellere se ipsa & agitari inter se  
 concursu fortasse possent; formare, figurare, colora-  
 re, animare non possent. nullo igitur modo immorta-  
 lem deum efficitis. Videamus nunc de beato. sine uirtu-  
 te certe nullo modo. uirtus autem ætiosa, & deus ue-  
 ster nihil agens: expers uirtutis igitur: ita ne beatus qui-  
 dem. quæ ergo uita? suppeditatio, inquis, bonorum  
 nullo malorum interuentu. quorum tandem bonorum?  
 uoluptatum. credo: nempe ad corpus pertinentium:  
 nullam enim nouistis nisi profectam à corpore, & re-  
 deuntem ad corpus animi uoluptatem. non arbitror  
 te Vellei similem esse Epicurcorum reliquorum: quos  
 pudeat earum Epicuri uocum, quibus ille testatur, se  
 ne intelligere quidem ullum bonum, quod sit seiuu-  
 etum à delicatis, & obscœnis uoluptatibus: quas qui-

## DE NATURA DEORVM

dem non erubescens persequitur omnes nominatim . quē  
 cibum igitur , aut quas potiones , aut quas uocum & flo-  
 rum uarietates , aut quos tactus , quos odores adhibebis  
 ad deos , ut eos perfundas uoluptatibus ? at poeta qui-  
 dem nectar , ambrosiam epulas comparant , & aut lu-  
 uentatem , aut Ganymedem pocula ministrantem . tu  
 autem Epicure quid facies ? neque enim , unde habeat ista  
 deus tuus , uideo , nec quo modo utatur . locupletior igi-  
 tur hominum natura ad beate uiuendum est , quā deo-  
 rum , quod pluribus generibus fruitur uoluptatum . at  
 has leuiiores ducis uoluptates , quibus quasi titillatio (Epi-  
 curi enim hoc uerbum) sensibus adhibetur . quousque lu-  
 dis ? nam Philo noster ferre non poterat aspernari Epicu-  
 reos molles & delicatas uoluptates : summa enim memo-  
 ria pronuntiabat plurimas Epicuri sententias ijs ipsis uer-  
 bis , quibus erant scriptæ : Metrodori uero , qui est Epi-  
 curi collega sapientiæ , multa impudentiora recitabat :  
 accusat enim Timocratem fratrem suum Metrodorus ,  
 quod dubitet omnia , quæ ad beatam uitam pertineant ,  
 uentre metiri : neque id semel dicit , sed sæpius . annuc-  
 re te uideo : nota enim tibi sunt . proferrem libros , si ne-  
 gares . neque nunc reprehendo , quod ad uoluptatem o-  
 mnia referantur : alia est ea quæstio : sed doceo deos ue-  
 stros esse uoluptatis expertes : ita uestro iudicio ne beatos  
 quidem . at dolore uacant . satin est id ad illam abundā-  
 tem bonis , uitam beatissimam ? cogitant , inquis , assidue  
 beatos esse se : habent enim nihil aliud , quod agitent in  
 mente . comprehende igitur animo , & propone ante ocu-  
 los , deum nihil aliud in omni æternitate , nisi , mihi pul-  
 chre est , & ego beatus sum , cogitantē . nec tamen uideo ,  
 quo modo



quo modo uideatur iste deus beatus, cum sine ulla intermissione pulsetur, agiturq; incursione atomorum semper piterna, cumq; ex ipso imagines semper affluant. ita nec beatus est uester deus, nec aternus. At etiam de sanctitate, de pietate aduersus deos, libros scripsit Epicurus. at quo modo in his loquitur? ut Coruncanum, aut Scano-  
lam Pontifices maximos te audire dicas; non cum, qui sustulerit omnem funditus religionem; nec manibus, ut Xerxes, sed rationibus, deorum immortalium templa & aras euerterit. quid est enim, cur deos ab hominibus colendos dicas, cum dii non modo homines non colant, sed omnino nihil curent, nihil agant? at est eorum eximia quaedam præstansq; natura, ut ea debeat ipsa per se ad se colendam elicere sapientem. an quicquam eximium potest esse in ea natura, quæ sua uoluptate letans, nihil nec actura sit unquam, neq; agat, neq; egerit? quæ porro pietas ei debetur, à quo nihil acceperis? aut quid omnino, cuius nullum meritum sit, ei deberi potest? est enim pietas, iustitia aduersum deos: cum quibus quid potest nobis esse iuris, cum homini nulla cum deo sit communitas? sanctitas autem, est scientia colendorum deorum: qui quamobrem colendi sunt, non intelligo, nullo nec accepto ab ijs, nec sperato bono. quid est autem, quòd eos ueneremur propter admirationem eius naturæ, in qua egregium nihil uidemus? Nam superstitione, quod gloriari soletis, facile est liberare, cum sustuleris omnem uim deorum. nisi forte Diagoram, aut Theodorum, qui omnino deos esse negabant, censes supersticiosos esse potuisse. ego ne Protagoram quidem: cui neutrum liquerit, nec esse deos, nec non esse. horum

## DE NATURA DEORVM

enim sententia omnium non modo superstitionem tollunt, in qua inest timor inanis deorum; sed etiam religionem, quæ deorum cultu pio continetur. quid? ij, qui dixerunt totam de dijs immortalibus opinionem fectam esse ab hominibus sapientibus Reip. causa, ut, quos ratio non posset, eos ad officium religio duceret; non ne omnem religionem funditus sustulerunt? quid Prodicus Chius? qui ea, quæ prodesse hominum uitæ, deorum in numero habita esse dixit, quam tandem religionem reliquit? quid, qui aut fortes, aut claros, aut potentes uiros tradunt post mortem ad deos peruenisse, eosq; esse ipsos, quos nos colere, precari, uenerariq; soleamus? non ne expertes sunt religionum omnium? quæ ratio maxime tractata ab Euhemero est: quem noster & interpretatus, & secutus est præter ceteros Ennius. ab Euhemero autem & mortes, & sepultura demonstrantur deorum. utrum igitur hic confirmasse religionem uidetur, an penitus totam sustulisse? omitto Eleusinam sanctam illam & augustam,

55 Vbi initiantur gentes orarum ultimæ:

præterea Samothraciam, eaq; quæ Lemni nocturno aditu occulta coluntur siluestribus sepibus densa. quibus explicatis, ad rationemq; reuocatis, rerum magis natura cognoscitur, quàm deorum. mihi quidem etiam Democritus, uir magnus in primis, cuius fontibus Epicurus hortulos suos irrigauit, nutare uidetur in natura deorum. tum enim censet imagines diuinitate præditas inesse uniuersitati rerum: tum principia, mentesq; quæ sunt in eodem uniuerso, deos esse dicit; tum animantes imagines, quæ uel prodesse nobis solent, uel

nocere; tum ingentes quasdam imagines, tantasq; , ut  
 uniuersum mundum complectantur extrinsecus. quæ  
 quidem omnia sunt patria Democriti, quàm Democri-  
 to digniora. quis enim istas imagines comprehendere  
 animo potest? quis admirari? quis aut cultu, aut re-  
 ligione dignas iudicare? Epicurus uero ex animis homi-  
 num extraxit radicitus religionem, cum dijs immorta-  
 libus & opem, & gratiam sustulit: cum enim opti-  
 mam & præstantissimam naturam dei dicat esse, ne-  
 gat idem esse in deo gratiam: tollit id, quod maxime  
 proprium est optimæ præstantissimæq; naturæ: quid  
 enim est melius, aut quid præstantius bonitate, & be-  
 neficentia? qua cum carere deum uultis, neminem deo  
 nec deum, nec hominem charum, neminem ab eo ama-  
 ri, neminem diligere uultis. ita fit, ut non modo homi-  
 nes à dijs, sed ipsi dy inter se ab alijs alij negligantur.  
 quanto Stoici melius, qui à uobis reprehenduntur. cen-  
 sent autem sapientes sapientibus etiam ignotis esse ami-  
 cos: nihil est enim uirtute amabilius. quam qui ade-  
 ptus erit, ubicunque erit gentium, à nobis diligetur.  
 uos autem quid mali datis, cum imbecillitatem, gra-  
 tificationem, & beneuolentiam ponitis? ut enim omit-  
 tam uim & naturam deorum, ne homines quidem cen-  
 setis, nisi imbecilli essent, futuros beneficos, & beni-  
 gnos fuisse. nulla est charitas naturalis inter bonos.  
 charum ipsum uerbum est amoris: ex quo amicitia no-  
 men est ductum: quam si ad fructum nostrum refe-  
 remus, non ad illius commoda, quem diligimus; non  
 erit ista amicitia, sed mercatura quædā utilitatum sua-  
 rum. prata, & arua, et pecudum greges diliguntur isto



modo, quòd fructus ex eis capiuntur . hominum chari-  
tas, & amicitia gratuita est . quanto igitur magis deo-  
rum ? qui nulla re egentes & inter se diligunt, & homi-  
nibus consulunt . quod ni ita sit, quid ueneramur, quid  
precamur deos ? cur sacris Pontifices, cur auspicijs augu-  
res præsunt ? quid optamus à dijs immortalibus ? quid  
uouemus ? at etiam Epicuri liber est de sanctitate. ludi-  
mur ab homine non tam faceto, quàm ad scribendi licen-  
tiam libero . quæ enim potest esse sanctitas, si dij huma-  
na non curant ? quæ autem animans natura , nihil cu-  
rans ? uerius est igitur illud nimirum , quod familiaris  
omnium nostrum Posidonius disseruit in libro quinto de  
natura deorum, nullos esse deos Epicuro uideri ; quæq; is  
de dijs immortalibus dixerit, inuidiæ detestandæ gratia  
dixisse : neq; enim tam desipiens fuisset, ut homunculis  
similem deum fingeret , lineamentis duntaxat extremis,  
non habitu solido; membris hominis præditum omnibus,  
usu membrorum ne minimo quidem ; exilem quendam,  
atq; perlucidum, nihil cuiquam tribuentem, nihil gratifi-  
cantem, omnino nihil curantem, nihil agentem . quæ na-  
tura primum nulla esse potest : idq; uidens Epicurus, re-  
tollit, oratione relinquit deos . deinde si maxime talis est  
deus, ut nulla gratia, nulla hominum charitate teneatur;  
ualeat ; quid enim dicam, propitius sit ? esse enim pro-  
pitius potest nemini, quoniam, ut dicitis, omnis in imbecil-  
litate est & gratia, & charitas.

## M. TULLII CICERONIS

## DE NATURA DEORVM

## LIBER II.

coll.

Væ cum Cotta dixisset, tum Velle= ius, næ ego, inquit, incautus, qui cum Academico, & eodem rhetore con= gredi conatus sum. nam neq; indi= sertum Academicum pertinuisssem, nec sine ista philosophia rhetorem quamuis eloquentem: neq; enim flumine conturbor ina= nium uerborum, nec subtilitate sententiarum, si oratio= nis est siccitas. tu autem Cotta utraq; re ualuisi: coro= na tibi, & indices defuerunt. sed ad ista aliàs. nunc Lu= cilium, si ipsi commodum est, audiamus. Tum Balbus, eūdem, inquit, malletm audire Cottam, dum, qua eloquen= tia falsos deos sustulit, eadem ueros inducat: est enim et philosophi, & pontificis, & Cottæ, de dijs immortalibus habere non errantem, & uagam, ut Academici, sed, ut nostri, stabilem, certamq; sententiam. nam contra Epicu= rum satis superq; dictum est. sed aueo audire, tu ipse Cotta quid sentias. An, inquit, oblitus es, quod initio di= xerim, facilius me, talibus præsertim de rebus, quid non sentirem, quàm quid sentirem, posse dicere? quod si ha= berem aliquid, quod liqueret; tamen te audire uicissim uellem, cum ipse tam multa dixissem. Tum Balbus, ge= ram tibi morem, et agam quâ breuissime potero: etenim conuictis Epicuri erroribus, longa de mea disputatione detracta oratio est. Omnino diuidunt nostri totam

istam de dijs immortalibus quæstionem in partes quatuor. primum docent esse deos : deinde quales sint : tum mundum ab his administrari : postremo cōsulere eos rebus humanis . nos autem hoc sermone , quæ priora duo sunt , sumamus : tertium , et quartum , quia maiora sunt , puto in aliud esse tempus differenda . Minime uero , inquit Cotta : nam & ociosi sumus , & ijs de rebus agimus , quæ sunt etiam negocijs anteponendæ . Tum Lucilius , ne egere quidem uidetur , inquit , oratione prima pars : quid enim potest esse tam apertum , tamq; perspicuum , cum coelum suspeximus , cœlestiaq; contemplati sumus , quàm esse aliquod numen præstantissimæ mentis , quo hæc regantur ? quod ni ita esset , qui potuisset assensu omnium dicere Ennius ,

» Aspice hoc sublime candens , quem inuocant omnes Iouē . illum uero & Iouem , & dominatorem rerum , et omnia nutu regentem , & , ut idem Ennius ,

» - patrem diuumq; hominumq; ,  
& præsentem , ac præpotentem deum . quod qui dubitat , haud sane intelligo , cur non idem , sol sit , an nullus sit , dubitare possit . quid enim est hoc illo euidentius ? quod nisi cognitum comprehensumq; animis haberemus , non tam stabilis opinio permaneret , nec confirmaretur diuturnitate temporis , nec unā cum seculis , ætatibusq; hominum inueterare potuisset . etenim uidemus cæteras opiniones fictas , atq; uanas diuturnitate extabuisse . quis enim Hippocentaurum fuisse , aut Chimæram putat ? quæ uē anus tam excors inueniri potest , quæ illa , quæ quondam credebantur , apud inferos portenta extimescat ? opinionum enim cōmenta delet dies , na-



turæ iudicia confirmat. itaque & in nostro populo, & in cæteris deorum cultus religionumq; sanctitates existunt in dies maiores, atq; meliores. idq; euenit non temere, nec casu, sed quòd præsentiam sæpe diui suam declarant: ut & apud Regillum bello Latinorum, cum A. Posthumius Dictator cum Octauio Mamilio Tusculano prælio dimicaret, in nostra acie Castor, & Polux ex equis pugnare uisi sunt; & recentiore memoria idem Tyndaridæ Persem uictum nunciauerunt: P. enim Vatienus, auus huius adolescentis, cum è præfectura Reatina Romam uenienti noctu duo iuuenes cum equis albis dixissent, Regem Persem illo die captum, senatui nunciauit, & primo, quasi temere de Rep. locutus esset, in carcerem coniectus est, post à Paulo literis allatis, cum idem dies constitisset, & agro à senatu, & uacatione donatus est. atq; etiam cum ad fluvium Sagram Crotoniatis Locri maximo prælio denicissent, eo ipso die auditam esse eam pugnam ludis Olympiæ memoriæ proditum est. sæpe Faunorum uoces exaudita, sæpe uisæ, formæ deorum, quemuis aut non hebetem, aut impium deos præsentem esse confiteri cogerunt. prædictiones uero, & præsentiones rerum futurarum quid aliud declarant, nisi hominibus ea, quæ sint, ostendi, monstrari, portendi, prædici? ex quo illa ostenta, monstra, portenta, prodigia dicuntur. quòd si ea ficta credimus licentia fabularum, Mopsus, Tiresias, Amphiaræus, Calchans, Helenus, quos tamen augures ne ipsæ quidem fabulæ asciuisent, si res omnino repudiarent: ne domesticis quidem exemplis docti, numen deorum comprobabimus? nihil nos P. Claudij bello Punico primo temeritas mouebit? qui

etiam per iocum deos irridens, cum cauea liberati pulli non pascerentur, mergi eos in aquam iussit, ut biberent, quoniam esse nollent. qui risus classe deuicta multas ipsi lacrymas, magnam populo R. cladem attulit. quid? collega eius Iunius eodem bello non ne tempestate classem amisit, cum auspicijs non paruisset? itaq; P. Claudius à populo condemnatus est, Iunius necem sibi ipse consciuit. C. Flaminium Celijs religione neglecta cecidisse apud Thrasimenum scribit, cum magno Reip. uulnere. quorum exitio intelligi potest, eorum imperijs Remp. amplificatam, qui religionibus paruissent. & si conferre uolumus nostra cum externis, ceteris rebus aut pares, aut etiam inferiores reperiemur, religione, id est cultu deorum, multo superiores. an Aëtij Nauij lituus ille, quo ad inuestigandum suam regiones uineæ terminauit, contemnendus est? crederem, nisi eius augurio Rex Hostilius maxima bella gessisset. sed negligentia nobilitatis augurij disciplina omissa, ueritas auspiciorū spreta est, species tantum retenta. itaq; maximæ Reip. partes, in his bella, quibus Reip. salus continetur, nullis auspicijs administrantur, nulla perennia seruantur, nulla ex acuminibus, nulli uiri uocantur: ex quo in procinctu testamenta perierunt. cum enim bella gerere nostri duces incipiunt, cum auspicia posuerunt. at uero apud maiores tanta religionis uis fuit, ut quidam imperatores etiam se ipsos dijs immortalibus capite uelato uerbis certis pro Rep. deuouerent. multa ex Sibyllinis uaticinationibus, multa ex aruspiscum responsis commemorare possum, quibus ea confirmantur, quæ dubia nemini debent esse. atqui &

229. P.

l. nobilitatis,  
x auguriorum  
disziplinæ.

Corad. 20. a

nostrorum augurum, & Hetruscorum, & aruspicum  
 disciplinam P. Scipione, C. Figulo Consulibus res ipsa  
 probauit. quos cum Ti. Gracchus Consul iterum crea-  
 ret, primus rogatorum, ut eos retulit, ibidem est repen-  
 te mortuus. Gracchus cum comitia nihilo minus peregis-  
 set, remq; illam in religionem populo uenisse sentiret, ad  
 senatum retulit. senatus, quos ad soleret, referendum  
 censuit. aruspices introducti, responderunt, non fuisse  
 iustum comitiorum rogatorem. tum Gracchus, ut e pa-  
 tre audiebam, incensus ira, ita ne uero? ego non iustus,  
 qui & Consul rogauit, & augur, & auspicato? an uos  
 Thusci ac barbari auspiciorum populi R. ius tenetis, &  
 interpretes esse comitiorum potestis? itaque tum illos exi-  
 re iussit. post autem ex prouincia literas ad collegium  
 misit, se, cum legeret libros, recordatum esse uitio sibi  
 tabernaculum captum fuisse in hortos Scipionis, quod,  
 cum pomœrium postea intrasset habendi senatus causa,  
 in redeundo, cum idem pomœrium transiret, auspica-  
 ri esset oblitus: itaque uitio creatos esse Consules. augu-  
 res rem ad senatum: senatus, ut abdicarent: Consules  
 abdicauerunt. quæ quarimus exempla maiora? uir sa-  
 pientissimus, atque haud scio an omnium præstantissi-  
 mus, peccatum suum, quod calari posset, confiteri ma-  
 luit, quàm hæere in Rep. religionem: Consules sum-  
 mum imperium statim deponere, quàm id tenere pun-  
 ctum temporis contra religionem. magna augurum  
 auctoritas. quid aruspicum ars, non'ne diuina? hæc in  
 numerabilia ex eodem genere qui uideat, non'ne coga-  
 tur confiteri deos esse? quorum enim interpretes sunt,  
 eos ipsos esse certe necesse est. deorum autem interpretes



## DE NATURA DEORVM

sunt : deos igitur esse fateamur . at fortasse non omnia eueniunt , quæ prædicta sunt . ne ægri quidem , quia non omnes conualescunt , iccirco ars nulla medicina est . signa ostenduntur à dijs rerum futurarum . in his si qui errauerunt , non deorum natura , sed hominum coniectura peccauit . itaque inter omnes omnium gentium sententia constat : omnibus enim innatum est , & in animo quasi insculptum , esse deos . quales sint , uarium est : esse nemo negat . Cleanthes quidem noster quatuor de causis dixit in animis hominum informatas deorum esse notiones . primam posuit eam , de qua modo dixi ; quæ orta esset ex præsensu rerum futurarum : alteram , quam ceperimus ex magnitudine commodorum , quæ percipiuntur cœli temperatione , fecunditate terrarum , aliarumq; commoditatum complurium copia : tertiam , quæ terreret animos fulminibus , tempestatibus , nimbis , niuibus , grandinibus , uastitate , pestilentia , terræmotibus , & sæpe fremitibus , lapideisq; imbribus , & guttis imbrium quasi cruentis , tum lapidibus , aut repentinis terrarum hiatibus , tum præter naturam hominum , pecudumq; portentis , tum facibus uis cœlestibus , tum stellis ijs , quas Græci Cometas , nostri Crinitas uocant : quæ nuper bello Octauiano magnarum fuerunt calamitatum prænunciæ : tum sole geminato , quod , ut è patre audiui , Tuditano , & Aquilio Consulibus euenerat : quo quidem anno P. Africanus sol alter extinctus est . quibus exterriti homines uim quandam esse cœlestem , & diuinam suspicati sunt . quartam causam esse , eamq; uel maximam , æquabilitatem motus , conuersionem cœli , solis , lunæ , siderumq;

omnium distinctionem, uarietatem, pulchritudinem, ordinem: quarum rerum aspectus ipse satis indicaret, non esse fortuita. ut si quis in domum aliquam, aut in gymnasium, aut in forum uenerit: cum uideat omnium rerum rationem, modum, disciplinam, non possit ea sine causa fieri iudicare, sed esse aliquem intelligat, qui praesit, & cui pareatur: multo magis in tantis moribus, tantisque uicissitudinibus, tam multarum rerum, atque tantarum ordinibus, in quibus nihil unquam immensa, & infinita uetustas mentita sit, statuat necesse est, ab aliqua mente tantos naturae motus gubernari. Chrysippus quidem, quanquam est acerrimo ingenio, tamen ea dicit, ut ab ipsa natura didicisse, non ut ipse reperisse uideatur. si enim, inquit, est aliquid in rerum natura, quod hominis mens, quod ratio, quod uis, quod potestas humana efficere non possit: est certe id, quod illud efficit, homine melius. atqui res coelestes, omnesque eae, quarum est ordo sempiternus, ab homine confici non possunt: est igitur id, quo illa conficiuntur, homine melius. id autem quid potius dixerim, quam deum? etenim si dii non sunt, quid esse potest in rerum natura homine melius? in eo enim solo ratio est, qua nihil potest esse praestantius. esse autem hominem, qui nihil in omni mundo melius esse, quam se putet, desipientis arrogantiae est. ergo est aliquid melius. est igitur profecto deus. an uero, si domum magnam, pulchramque uideris, non possis adduci, ut, etiam si dominum non uideas, muribus illam, & mustellis aedificatam putes: tantum uero ornatum mundi, tantam uarietatem, pulchritudinemque rerum coelestium, tantam uim, & magnitudinem

maris, atque terrarum, si tuum, ac non deorum im=  
 mortalium domicilium putes, non ne planè desipere ui=  
 deare? an ne hoc quidem intelligimus, omnia supera es=  
 se meliora? terram autem esse infimam, quam crassissi=  
 mus circumfundat aer, ut ob eam ipsam causam, quod  
 etiam quibusdam regionibus, atque urbibus contingere  
 uidemus, hebetiora ut sint hominum ingenia propter coe=  
 li plenioram naturam, hoc idem generi humano euene=  
 rit, quòd in terra, hoc est in crassissima regione mun=  
 di collocati sint. & tamen ex ipsa hominum solertia esse  
 aliquam mentem, & eam quidem acriorem, & diui=  
 nam existimare debemus. unde enim hanc homo arri=  
 puit? ut apud Xenophontem Socrates. quin & humo=  
 rem, & calorem, qui est fusus in corpore, & terre=  
 nam ipsam uiscerum soliditatem, animum denique il=  
 lum spirabilem si quis quærat unde habemus; apparet,  
 quòd aliud à terra sumpsimus, aliud ab humore, aliud  
 ab igne, aliud ab aere eo, quem spiritu ducimus. illud  
 autem, quod uincit hæc omnia, rationem dico, & si  
 placet pluribus uerbis, mentem, consilium, cogitatio=  
 nem, prudentiam ubi inuenimus? unde susulimus?  
 an cætera mundus habebit omnia, hoc unum, quod plu=  
 rimi est, non habebit? atqui certe nihil omnium rerum  
 melius est mundo, nihil præstabilius, nihil pulchrius,  
 nec solum nihil est, sed ne cogitari quidem quicquam  
 melius potest. & si ratione & sapientia nihil est me=  
 lius, necesse est hæc inesse in eo, quod optimum esse con=  
 cedimus. quid uero tanta rerum consentiens, conspirans,  
 continuata cognatio? quem non coget ea, quæ à me di=  
 cuntur, comprobare? posset ne uno tempore florere, de=



inde uicissim horrere terra? aut, tot rebus ipsis se im-  
 mutantibus, solis accessus, discessusq; solstitijs, brumisq;  
 cognosci? aut æstus maritimi, fretorumq; angustiae or-  
 tu, aut obitu lunæ commoueri? aut una totius cœli con-  
 uersione cursus astrorum dispares conseruari? hæc ita fie-  
 ri omnibus inter se concinentibus mundi partibus profe-  
 cto non possent, nisi ea uno diuino, & continuato spiri-  
 tu continerentur. atque hæc cum uberius disputantur,  
 & fusius, ut mihi est in animo facere, facilius effugi-  
 unt Academicorum calumniam: cum autem, ut Zeno  
 solebat, breuius, angustiusq; concluduntur, tum aper-  
 tiora sunt ad reprehendendum. nam ut profluens am-  
 nis aut uix, aut nullo modo, conclusa autem aqua fa-  
 cile corrumpitur: sic orationis flumine reprehensoris  
 uicia diluuntur, angustia autem conclusæ orationis non  
 facile se ipsa tutatur: hæc enim, quæ dilatantur à no-  
 bis, Zeno sic premebat. quod ratione utitur, id melius  
 est, quàm id quod ratione non utitur. nihil autem mun-  
 do melius: ratione igitur mundus utitur. similiter effi-  
 ci potest, sapientem esse mundum; similiter, beatum;  
 similiter, æternum. omnia enim hæc meliora sunt, quàm  
 ea, quæ sunt his carentia: nec mundo quicquam meli-  
 us: ex quo efficitur esse mundum deum. idemq; hoc mo-  
 do. nullius sensu carentis pars aliqua potest esse senti-  
 ens. mundi autem partes sentientes sunt: non igitur  
 caret sensu mundus. pergit idem, & urget angustius.  
 nihil, inquit, quod animi, quodq; rationis est expers,  
 id generare ex se potest animantem, compotemq; ratio-  
 nis. mundus autem generat animantes, compotesq; ra-  
 tionis: animans est igitur mundus, cōposq; rationis. idēq;

om. p. 1.  
 M.

## DE NATURA DEORVM

maris, atque terrarum, si tuum, ac non deorum immortalium domicilium putes, non ne planè desipere uideare? an ne hoc quidem intelligimus, omnia supera esse meliora? terram autem esse infimam, quam crassissimus circumfundat aer, ut ob eam ipsam causam, quod etiam quibusdam regionibus, atque urbibus contingere uidemus, hebetiora ut sint hominum ingenia propter cœli pleniorē naturam, hoc idem generi humano euenerit, quod in terra, hoc est in crassissima regione mundi collocati sint. & tamen ex ipsa hominum solertia esse aliquam mentem, & eam quidem acriorem, & diuinam existimare debemus. unde enim hanc homo arripuit? ut apud Xenophontem Socrates. quin & humorem, & calorem, qui est fusus in corpore, & terrenam ipsam uiscerum soliditatem, animum denique illud spirabilem si quis quærat unde habemus; apparet, quod aliud à terra sumpsimus, aliud ab humore, aliud ab igne, aliud ab aere eo, quem spiritu ducimus. illud autem, quod uincit hæc omnia, rationem dico, & si placet pluribus uerbis, mentem, consilium, cogitationem, prudentiam ubi inuenimus? unde susulimus? an cætera mundus habebit omnia, hoc unum, quod plurimi est, non habebit? atqui certe nihil omnium rerum melius est mundo, nihil præstabilius, nihil pulchrius, nec solum nihil est, sed ne cogitari quidem quicquam melius potest. & si ratione & sapientia nihil est melius, necesse est hæc inesse in eo, quod optimum esse concedimus. quid uero tanta rerum consentiens, conspirans, continuata cognatio? quem non coget ea, quæ à me dicuntur, comprobare? posset ne uno tempore florere, de-

inde uicissim horrere terra? aut, tot rebus ipsis se im-  
 mutantibus, solis accessus, discessusq; solstitijs, brumisq;  
 cognosci? aut aestus maritimi, fretorumq; angustiae or-  
 tu, aut obitu lunæ commoueri? aut una totius cæli con-  
 uersione cursus astrorum dispares conseruari? hæc ita fie-  
 ri omnibus inter se concinentibus mundi partibus profe-  
 cto non possent, nisi ea uno diuino, & continuato spiri-  
 tu continerentur. atque hæc cum uberius disputantur,  
 & fusius, ut mihi est in animo facere, facilius effugi-  
 unt Academicorum calumniam: cum autem, ut Zeno  
 solebat, breuius, angustiusq; concluduntur, tum aper-  
 tiora sunt ad reprehendendum. nam ut profluens am-  
 nis aut uix, aut nullo modo, conclusa autem aqua fa-  
 cile corrumpitur: sic orationis flumine reprehensoris  
 uicia diluuntur, angustia autem conclusæ orationis non  
 facile se ipsa tutatur: hæc enim, quæ dilatantur à no-  
 bis, Zeno sic premebat. quod ratione utitur, id melius  
 est, quàm id quod ratione non utitur. nihil autem mun-  
 do melius: ratione igitur mundus utitur. similiter effi-  
 ci potest, sapientem esse mundum; similiter, beatum;  
 similiter, æternum. omnia enim hæc meliora sunt, quàm  
 ea, quæ sunt his carentia: nec mundo quicquam meli-  
 us: ex quo efficitur esse mundum deum. idemq; hoc mo-  
 do. nullius sensu carentis pars aliqua potest esse sentiz-  
 ens. mundi autem partes sentientes sunt: non igitur  
 caret sensu mundus. pergit idem, & urget angustius.  
 nihil, inquit, quod animi, quodq; rationis est expers,  
 id generare ex se potest animantem, compotemq; ratio-  
 nis. mundus autem generat animantes, compotesq; ra-  
 tionis: animans est igitur mundus, cōposq; rationis. idēq;

om. 21.  
 ill.



similitudine, ut sæpe solet, rationem conclusit hoc modo. si ex oliua modulante canentes tibiæ nascerentur; nõ dubitares; quin esset in oliua tibicinis quædam scientia. quid, si platani fidiculas ferrent numerose sonantes? idem scilicet censeret, in platanis inesse musicam. cur igitur mundus non animans, sapiensq; iudicetur, cum ex se procreet animantes, atque sapientes? sed quoniam cœpi secus agere, atque initio dixeram; negaram enim hanc primam partem egere oratione, quod esset omnibus perspicuum, deos esse: tamen id ipsum rationibus physicis confirmari uolo: sic enim res se habet, ut omnia, quæ alantur, & crescant, contineant in se uim caloris: sine qua neque ali possent, neque crescere. nam omne, quod est calidum, & igneum, cietur, & agitur motu suo: quod autem alitur, & crescit, motu quodam utitur certo, & æquabili: qui quandiu remanet in nobis, tandiu sensus, & uita remanet: refrigerato autem, & extincto calore, occidimus ipsi, & extinguimur. quod quidem Cleanthes his etiam argumentis docet, quanta uis insit caloris in omni corpore: negat enim ullum esse cibum tam grauem, quin is die, & nocte concoquatur: cuius etiam in reliquijs inest calor, ijs, quas natura respuerit. am uero uenæ, & arteriæ micare non desinunt quasi quodam igneo motu: animaduersumq; sæpe est, cum cor animantis alicuius euulsum, ita mobiliter palpitaret, ut imitaretur igneam celeritatem. omne igitur, quod uiuit, siue animal, siue terra editum, id uiuit propter inclusum in eo calorem. ex quo intelligi debet, eam caloris naturam uim in se habere uitalem per omnem mundum pertinentem, atque id facilius cerne=

mus toto genere hoc igneo, quod tranat omnia, subti-  
lius explicato. omnes igitur partes mundi tangam,  
quæ maximo calore fulcra suslinentur. quod primum  
in terrena natura perfici potest. nam & lapidum  
conflictu, atque tritu elici ignem uidemus: & recen-  
ti fossione

22 = terram fumare calentem,  
atque etiam ex puteis iugibus aquam calidam trahi, &  
id maxime hibernis fieri temporibus, quod magna uis  
terræ cauernis contineatur caloris, eaq; hieme sit densior,  
ob eamq; causam calorem insitum in terris contineat ar-  
ctius. longa est oratio, multaq; rationes, quibus doce-  
ri possit, omnia, quæ terra concipiat, semina, quæq; ip-  
sa ex se generata stirpibus infixæ contineat, ea tempera-  
tione caloris & oriri, & augescere. atque aquæ etiam  
admistum esse calorem, primum ipse liquor, tum aquæ  
declarat effusio: quæ neque congelaretur frigoribus, ne-  
que niue pruinaq; concrederet, nisi eadem se admisto ca-  
lore liquefacta, & dilapsa diffunderet. itaque & a-  
quilonibus, reliquisq; frigoribus adiectis durefcit humor:  
& idem uicissim mollitur tepescit, & tabescit calo-  
re. atque etiam maria agitata uentis ita tepescunt, ut in-  
telligi facile possit in tantis illis humoribus inclusum esse  
calorem: nec enim ille externus, & aduentitius habende-  
us est tepor, sed ex intimis maris partibus agitatione ex-  
citatus: quod nostris quoque corporibus contingit, cum  
motu atque exercitatione recalescunt. ipse uero aer, qui  
natura est maxime frigidus, minime est expers caloris.  
ille uero & multo quidem calore admixtus est: ipse enim  
oritur ex respiratione aquarum: earum enim quasi

uapor quidam aer habendus est . is autem existit motu  
 eius caloris , qui aquis continetur . quā similitudinem cer  
 nere possumus in ijs aquis , quæ efferuescunt subditis igni  
 bus . iam uero reliqua quarta pars mundi , ea & ipsa  
 tota natura feruida est , & cæteris naturis omnibus sa  
 lutarem impertit , & uitalem calorem . ex quo conclu  
 ditur , cum omnes mundi partes sustineantur calore ,  
 mundum etiam ipsum simili, pariq; natura in tanta diu  
 turnitate seruari , eoq; magis , quod intelligi debet cali  
 dum illud , atque igneum ita in omni fusum esse natura ,  
 ut in eo insit procreandi uis , & causa gignendi : à quo  
 & animantia omnia , & ea , quorum stirpes terra con  
 tinentur , & nasci sit necesse , et aulescere . natura est igitur ,  
 quæ contineat mundum omnem , eumq; tueatur ,  
 & ea quidem non sine sensu , atque ratione : omnem e  
 nim naturam necesse est , quæ non solitaria sit , neque  
 simplex , sed cum alio coniuncta , atque connexa , habe  
 re aliquem in se principatum , ut in homine mentem , in  
 belua quiddam simile mentis , unde oriuntur rerum ap  
 petitus . in arborum autem , & earum rerum , quæ gi  
 gnuntur è terra , radicibus inesse principatus putatur .  
 principatum autem id dico , quod græci ἡγεμονικόν no  
 cant : quo nihil in quoque genere nec potest , nec debet  
 esse præstantius . itaque necesse est illud etiam , in quo sit  
 totius naturæ principatus , esse omnium optimum , om  
 niumq; rerum potestate dominatūq; dignissimum . uide  
 mus autem in partibus mundi ( nihil est enim in omni  
 mundo , quod non pars uniuersi sit ) inesse sensum & ra  
 tionem . in ea parte igitur , in qua mundi est principatus ,  
 hæc inesse necesse est , & acriora quidē , atq; maiora . quo  
 circa



circa sapientem esse mundum necesse est, naturamq; eā, quæ res omnes complexa teneat, perfectione rationis excellere, eoq; deum esse mundum, omnemq; uim mundi diuina natura contineri. atque mundi feruor ille purior, perlucidior, mobiliorq; multo, ob easq; causas aptior ad sensus commouendos, quàm hic noster calor, quo hæc, quæ nota nobis sunt, retinentur, & uigent. absurdum est igitur dicere, cum homines, bestiaq; hoc calore teneantur, & propterea moueantur, & sentiant, mundum esse sine sensu, qui integro, & puro, & libero, eodemq; acerrimo, & mobilissimo ardore teneatur, præsertim cum is ardor, qui est mundi, non agitur ab alio, neque externo pulsu, sed per se ipse, ac sua sponte moueatur. nam quid potest esse mundo ualentius, quod pellat, atque moueat calorem eum, quo ille teneatur? audiamus enim Platonem quasi quendam deum philosophorum: cui duos placet esse motus, unum suū, alterum externum; esse autem diuinius, quod ipsum ex se sua sponte moueatur, quàm quod pulsu agitur alieno. hunc autem motum in solis animis esse ponit, ab hisq; principium motus esse ductum putat. quapropter quoniam ex mundi ardore motus omnis oritur, is autem ardor non alieno impulsu, sed sua sponte mouetur: animus sit necesse est. ex quo efficitur, animantem esse mundum. atque ex hoc quoque intelligi poterit, in eo inesse intelligentiam, quòd certe est mundus melior, quàm ulla natura. ut enim nulla pars corporis nostri est, quæ non sit minor, quàm nosmet ipsi sumus: sic mundum uniuersum pluris esse necesse est, quàm partem aliquam uniuersi. quod si ita est, sapiens sit mundus necesse

cesse est : nam ni ita esset, hominem, qui est mundi pars,  
 quoniam rationis est particeps, pluris esse, quàm mun=  
 dum omnem, oporteret. atq; etiam si à primis inchoa=  
 tisq; naturis ad ultimas perfectasq; uolumus procedere,  
 ad deorum naturā perueniamus necesse est. primo enim  
 animaduertimus à natura sustineri ea, quæ gignuntur  
 è terra, quibus natura nihil tribuit amplius, quàm ut ea  
 alendo, atq; augendo tueretur. bestiis autem sensum  
 & motum dedit, & cum quodam appetitu accessum ad  
 res salutare, à pestiferis recessum : homini hoc amplius,  
 quòd addidit rationem, qua regerentur animi appeti=  
 tus, qui tum remitterentur, tum continerentur. quartus  
 autem gradus, & altissimus, eorum, qui natura boni, sa=  
 pientesq; gignuntur : quibus à principio innascitur ra=  
 tio recta, constansq;, quæ supra hominem putanda est,  
 deoq; tribuenda, id est mundo : in quo necesse est perfe=  
 ctam illam, atq; absolutam inesse rationem. neq; enim  
 dici potest, in ulla rerum institutione non esse aliquid  
 extremum, atq; perfectum. ut enim in uite, ut in pecu=  
 de (nisi quæ uis obstitit) uidemus naturam suo quodam  
 itinere ad ultimum peruenire; atq; ut pictura, & fa=  
 brica, ceteraq; artes habent quendam absoluti operis ef=  
 fectum : sic in omni natura, ac multo etiam magis, ne=  
 cesse est absolui aliquid ac perfici. etenim ceteris natu=  
 ris multa externa, quò minus perficiantur, possunt obsi=  
 stere : uniuersam autem naturam nulla res potest impe=  
 dire : propterea quòd omnes naturas ipsa cohibet, et con=  
 tinet. quo circa necesse est esse illum quartum, & altissi=  
 mum gradum, quò nulla uis possit accedere. is autem  
 gradus est, in quo rerum omnium natura ponitur : quæ

quoniam talis est, ut præsit omnibus, & eam nulla res  
 possit impedire, necesse est intelligentem esse mundum,  
 & quidem etiam sapientem. quid autem est inscitius,  
 quam aut eam naturam, quæ omnes res sit complexa,  
 non optimam dici; aut, cum sit optima, non primum  
 animantem esse, deinde rationis, & consilij compotem,  
 postremo sapientem? qui enim aliter potest esse optima?  
 neq; enim, si stirpium similis sit, aut etiam bestiarum,  
 optima putanda sit potius, quam deterrima: nec ue-  
 ro, si rationis particeps sit, nec sit tamen à principio sa-  
 piens, non sit deterior mundi potius, quam humana con-  
 ditio: homo enim sapiens fieri potest: mundus autem,  
 si in æterno præteriti temporis spatio fuit insipiens, nun-  
 quam profecto sapientiam consequetur: ita erit homi-  
 ne deterior. quod quoniam absurdum est, & sapiens à  
 principio mundus, & deus habendus est. neque enim  
 est quicquam aliud præter mundum, cui nihil absit,  
 quodq; undique aptum, atq; perfectum, expletumq;  
 sit omnibus suis numeris, & partibus. scite enim Chry-  
 sippus, ut clypei causa inuolucrum, uaginam autem gla-  
 dij, sic præter mundum cetera omnia aliorum causa  
 esse generata, ut eas fruges, atq; fructus, quos terra  
 gignit, animantium causa, animantes autem hominum,  
 ut equum uehendi causa, arandi bouem, uenandi, & cu-  
 stodiendi canem. ipse autem homo ortus est ad mun-  
 dum contemplandum, & imitandum, nullo modo per-  
 fectus, sed quædam particula perfecti. sed mundus,  
 quoniam omnia complexus est, nec est quicquam quod  
 non insit in eo, perfectus undiq; est. quid igitur potest  
 ei deesse, quod est optimum? nihil autem est mente &



ratione melius : ergo hæc mundo deesse non possunt. be-  
 ne igitur idem Chrysippus, qui similitudines adiungens  
 omnia in perfectis, & maturis docet esse meliora ; ut in  
 equo, quàm in equulo, in cane, quàm in catulo ; in ui-  
 ro, quàm in puero : item quod in omni mundo opti-  
 mum sit, id in perfecto aliquo, atq; absoluto esse debe-  
 re. est autem mundo nihil perfectius, nihil uirtute me-  
 lius : igitur mundi est propria uirtus. nec uero hominis  
 natura perfecta est : & efficitur tamen in homine uir-  
 tus. quanto igitur in mundo facilius ? est ergo in eo uir-  
 tus : sapiens igitur est, & propterea deus. atq; hac mun-  
 di diuinitate perspecta, tribuenda est sideribus eadem  
 diuinitas : quæ ex nobilissima, purissimaq; ætheris par-  
 te gignuntur, neq; ulla præterea sunt admista natura,  
 totaq; sunt calida, atq; perlucida, ut ea quoq; rectissi-  
 me & animantia esse, & sentire, atque intelligere dicantur.  
 atque ea quidem tota esse ignea duorum sensuum  
 testimonio confirmari Cleanthes putat, tactus, & oculorum.  
 nam solis candor illustrior, quàm ullus ignis,  
 quippe qui immenso mundo tam longe, lateq; colluceat :  
 & is eius tactus est, non ut tepefaciat solum, sed etiam  
 sæpe comburat. quorum neutrum faceret, nisi esset  
 igneus. ergo, inquit, cum sol igneus sit, oceaniq; alatur  
 humoribus, quia nullus ignis sine pastu aliquo possit  
 permanere : necesse est, aut ei similis sit igni, quem adhi-  
 bemus ad usum, atq; ad uictum ; aut ei, qui corporibus  
 animantium continetur. atq; hic noster ignis, quem usus  
 uitæ requirit, confector est, & consumptor omnium,  
 idemq; quocunq; inuasit, cuncta disturbat, ac dissipat.  
 contra ille corporeus, uitalis, & salutaris omnia conser-

uat, alit, auget, sustinet, sensuq; afficit. negat ergo esse  
dubium, horum ignium sol utri similis sit, cum is quoq;  
efficiat, ut omnia floreat, & in suo quaq; genere pu-  
bescant. quare cum solis ignis similis eorum ignium sit,  
qui sunt in corporibus animantium: solem quoque ani-  
mantem esse oportet, & quidem reliqua astra, quæ orian-  
tur in ardore cœlesti, qui æther, uel cœlum nominatur.  
cum igitur aliorum animantium ortus in terra sit, alio-  
rum in aqua, in aere aliorum: absurdum esse Aristote-  
li uidetur, in ea parte, quæ sit ad gignenda animalia  
aptissima, animal gigni nullum putare. Sidera autem  
athereum locum obtinent: qui quoniam tenuissimus est,  
& semper agitatur, & uiget; necesse est, quod ani-  
mal in eo gignatur, idem quoq; sensu acerrimo, & mo-  
bilitate celerrima esse. quare cum in athere astra gi-  
gnantur, consentaneum est, in ijs sensum inesse, & in-  
telligentiam. ex quo efficitur, in deorum numero astra  
esse ducenda. etenim licet uidere acutiora ingenia, &  
ad intelligendum aptiora eorum, qui terras incolant  
eas, in quibus aer sit purus, ac tenuis, quàm illorum,  
qui utantur crasso cœlo, atque concreto. quin etiam,  
cibo quo utare, interesse aliquid ad mentis aciem pu-  
tant. probabile est igitur, præstantem intelligentiam in  
sideribus esse, quæ & atheream mundi partem inco-  
lant, & marinis, terrenisq; humoribus longo interual-  
lo extenuatis alantur. sensum autem astrorum, atque  
intelligentiam maxime declarat ordo eorum, atq; con-  
stantia: nihil est enim, quod ratione, & numero moue-  
ri possit sine consilio: in quo nihil est temerarium, ni-  
hil uarium, nihil fortuitum. ordo autem siderum, & in

om. 42.  
coll.

om. 27.  
coll.

omni eternitate constantia, neq; naturam significat, est enim plena rationis; neq; fortunam, quæ amica uarietati constantiam respuit. sequitur ergo, ut ipsa sua sponte, suo sensu, ac diuinitate moueantur. Nec uero Aristoteles non laudandus in eo, quòd omnia, quæ mouentur, aut natura moueri censuit, aut ui, aut uoluntate: moueri autem solem, & lunam, & sidera omnia: quæ autem natura mouerentur, hæc aut pondere deorsum, aut leuitate in sublime ferri: quorum neutrum astris contingeret, propterea quòd eorum motus in orbem circumferretur. nec uero dici potest ui quadam maiore fieri, ut contra naturam astra moueantur: quæ enim potest maior esse? restat igitur, ut motus astrorum sit uoluntarius. quæ qui uideat, non indocte solum, uerum etiam impie faciat, si deos esse neget. nec sanè multum interest, utrum id neget, an eos omni procuratione, atq; actione priuet: mihi enim, qui nihil agit, esse omnino non uidetur. esse igitur deos ita perspicuum est, ut, id qui neget, uix eum sanæ mentis existimem.

Sanè restat, ut, qualis eorum natura sit, consideremus: in quo nihil est difficilius, quàm à consuetudine oculorum aciem mentis abducere: ea difficultas induxit & uulgo imperitos, & similes philosophos imperitorum, ut, nisi figuris hominum constitutis, nihil possent de dijs immortalibus cogitare. cuius opinionis leuitas confutata à Cotta non desiderat orationem meam. sed cum talem esse deum certa notione animi præsentiamus, primum ut sit animans, deinde ut in omni natura nihil eo sit præstantius: ad hanc præensionem, notionemq; nostram, nihil uideo, quod potius accomodem, quàm



ut primum hunc ipsum mundum, quo nihil fieri excellentius potest, animantem esse; & deum iudicem. hic quàm uolet Epicurus iocetur, homo non aptissimus ad iocandum, minimeq; respiciens patriam; & dicat se non posse intelligere, qualis sit uolubilis, & rotundus deus: tamen ex hoc, quod ipse etiam probat, nunquam me mouebit. placet enim illi esse deos, quia necesse sit præstantem aliquam esse naturam, qua nihil sit melius. mundo autem certe nihil est melius. nec dubium, quin, quod animans sit, habeatq; sensum, & rationem, & mentem, id sit melius, quàm id, quod his careat. ita efficitur, animantem, sensus, mentis, rationis mundum esse compotem. qua ratione, deum esse mundum, concluditur. Sed hæc paulo post facilius cognoscuntur ex ijs rebus ipsis, quas mundus efficit. interea Vellei noli quaeso præferre uos planè expertes esse doctrinæ. conum tibi ais, & cylindrum, & pyramidem pulchriorem, quàm sphaeram, uideri. nouum etiam oculorum iudicium habetis. sed sint ista pulchriora, duntaxat aspectu: quod mihi tamen ipsum non uidetur: quid enim pulchrius ea figura, quæ sola omnes alias figuras complexa continet, quæq; nihil asperitatis habere, nihil offensionis potest, nihil incisum angulis, nihil anfractibus, nihil eminens, nihil lacunosum? cumq; duæ formæ præstantes sint, ex solidis globus (sic enim σφῶν interpretari placet) ex planis autem circulus, aut orbis, qui κύκλος græce dicitur: his duabus formis contingit solis, ut omnes earum partes sint inter se simillimæ, à medioq; tantum absit extremum, quantum idem à summo. quo nihil fieri potest aptius. sed si

hæc non uidetis ; quia nunquam eruditum illum puluerem attigistis : an ne hoc phisici quidem intelligere potuistis , hanc æqualitatem motus , constantiamq; ordinum in alia figura non potuisse seruari ? itaq; nihil potest esse indoctius , quàm quod à uobis affirmari solet . nec enim hunc ipsum mundum pro certo rotundum esse dicitis : nam posse fieri , ut sit alia figura : innumerabilesq; mundos , alios aliarum esse formarum . quæ , si bis bina quid essent didicisset Epicurus , certe nō diceret . sed dum palato , quid sit optimum , iudicat , coeli palatum ( ut ait Ennius ) non suspexit . nam cum duo sint genera siderum , quorum alterum spacijs immutabilibus ab ortu ad occasum commeans , nullum unquam cursus sui uestigium inflectat ; alterum autem continuas conuersiones duas iisdem spacijs cursibusq; conficiat : ex utraq; re & mundi uolubilitas , quæ nisi in globosa forma esse non posset , & stellarum rotundi ambitus cognoscuntur ; primusq; sol , qui astrorum obtinet principatum , ita mouetur , ut cum terras larga luce compleuerit , easdem modo his , modo illis partibus opacet : ipsa enim umbra terræ soli officiens , noctem efficit : nocturnorum autem spatiorum eadem est æqualitas , quæ diurnorum : eiusdemq; solis tum accessus modici , tum recessus , & frigoris , & caloris modum temperant : circuitus enim solis orbium v defectibus et LX et CCC , quarta ferè diei parte addita , conuersionem conficiunt annuam : inflectens autem sol cursum tum ad septentriones , tum ad meridiem , æstates , & hiemes efficit , et ea duo tempora , quorum alterum hiemem senescenti adiungetum est , alterum æstati . ita ex quatuor temporum

mutationibus omnium, quæ terra, mariq; gignuntur, initia, causæq; ducuntur. iam solis annuos cursus spacijs menstruis luna consequitur: cuius tenuissimum lumen facit proximus accessus ad solem, digressus autem longissimus quisque plenissimum. neque solum eius species ac forma mutatur tum crescendo, tum defectibus in initia recurrendo, sed etiam regio, quæ tum est aquilonalis, tum australis. in lunæ quoque cursu est & brumæ quædam, & solstitij similitudo: multaq; ab ea manant, & fluunt, quibus & animantes alantur, augescantq; & pubescant, maturitatemq; assequantur, quæ oriuntur è terra. maxime uero admirabiles sunt motus earum quinque stellarum, quæ falso uocantur errantes: nihil enim errat, quod in omni æternitate conseruat progressus, & regressus, reliquosq; motus constâtes, & ratos. quod eo est admirabilius in his stellis, quas dicimus, quia tum occultantur, tum rursus aperiuntur; tum abeunt, tum recedunt; tum accedunt, tum subsequuntur; tum <sup>æ.</sup> antecedunt, celerius mouentur, tum tardius; tum omnino ne mouentur quidem, sed ad quoddam tempus insistant. quarum ex disparibus motionibus magnum annum mathematici nominauerunt: qui tum efficitur, cum solis, & lunæ, & quinque errantium ad eandem inter se comparationem confectis omnium spatijs est facta conuersio. quæ quàm longa sit, magna quæstio est: esse uero certam, & definitam, necesse est. nam ea quæ Saturni stella dicitur,  $\phi\alpha\iota\omega\nu\acute{\varsigma}$ ; à Græcis nominatur, quæ à terra abest plurimum, X X X. ferè annis cursum suum conficit. in quo cursu multa mirabiliter efficiens tum antecedendo, tum retardando, tum uestper=



tinis temporibus delitescendo, tum matutinis rursus se aperiendo, nihil immutat sempiternis seculorum ætati-  
bus, quin eadem iisdem temporibus efficiat. infra au-  
tem hanc propius à terra Iouis stella fertur, quæ  $\phi\alpha\epsilon\epsilon$  =  
 $\theta\omega\upsilon$  dicitur; eaq; eundem XII. signorum orbem annis  
XII. conficit; easdemq; quas Saturni stella, efficit in  
cursu uarietates. huic autem proximum inferiorem or-  
bem tenet  $\pi\upsilon\gamma\acute{o}\epsilon\iota\varsigma$ , quæ stella Martis appellatur; eaq;  
IIII. & XX. mensibus, VI, ut opinor, diebus mi-  
nus eundem lustrat orbem, quem duæ superiores. infra  
hanc autem stella Mercurij est: ea  $\sigma\tau\iota\lambda\beta\omicron\upsilon\nu$  appellatur  
à Græcis: quæ anno ferè uertente signiferum lustrat or-  
bem, neque à sole longius unquam unius signi intervallo  
discedit, tum anteuertens, tum subsequens. infima est  
quinque errantium, terræq; proxima stella Veneris: quæ  
 $\phi\acute{\omega}\sigma\phi\omicron\gamma\omicron\varsigma$  græcæ, Lucifer latine dicitur, cum antegre  
ditur solem; cum subsequitur autem, Hesperos. ea cur-  
sum anno conficit, & latitudinem lustrans signiferi or-  
bis, & longitudinem: quod idem faciunt stellæ superio-  
res: neque unquam ab sole duorum signorum interval-  
lo longius discedit tum antecedens, tum subsequens. hanc  
igitur in stellis constantiam, hanc tantam tam uarijs cur-  
sibus in omni æternitate conuenientiam temporum non  
possum intelligere sine mente, ratione, consilio. quæ cū  
in sideribus inesse uideamus, non possumus ea ipsa non  
in deorum numero reponere. nec uero stellæ eæ, quæ  
inerrantes uocantur, non significant eandem mentem,  
atque prudentiam; quarum est quotidiana conueniens,  
constansq; conuersio: nec habent æthereos cursus, neque  
cælo inherentes, ut plerique dicunt physica rationis

ignari : non est enim ætheris ea natura , ut ui sua stellas complexa contorqueat : nam tenuis , ac perlucens , & æquabili calore suffusus æther , non satis aptus ad stellas continendas uidetur . habent igitur suam sphaeram stellæ inerrantes ab ætherea coniunctione secretam , & liberam . earum autem perennes cursus , atque perpetui , cum admirabili , incredibiliq; constantia , declarant in his uim , & mentem esse diuinam : ut , hæc ipsa qui non sentiat deorum uim habere , is nihil omnino sensurus esse uideatur . nulla igitur in cœlo nec fortuna , nec temeritas , nec erratio , nec uanitas inest : contraq; omnis ordo , ueritas , ratio , constantia . quæq; his uacant , ea mentita , & falsa , plenaq; erroris eunt circum terras , infra lunam : quæ omnium ultima est , in terrisq; uersatur . cœlestem ergo admirabilem ordinem , incredibilemq; constantiam , ex qua conseruatio , & salus omnium omnis oritur , qui uacare mente putat , is ipse mentis expers habendus est . haud ergo , ut opinor , errauero , si à principe inuestigandæ ueritatis huius disputationis principium duxero . Zeno igitur ita naturam diffinit , ut eam dicat ignem esse artificiosum ad gignendum progredientem uia : censet enim artis maxime proprium esse , creare , & gignere ; quodq; in operibus nostrarum artium manus efficiat , id multo artificiosius naturam efficere , idest , ut dixi , ignem artificiosum , magistrum artium reliquarum . atque hac quidem ratione omnis natura artificiosa est , quod habet quasi uiam quandam , & sectâ , quam sequatur . ipsius uero mundi , qui omnia complexu suo coercet , & continet , natura non artificiosa solum , sed planè artifex , ab eodem Zenone dicitur consul-

## DE NATURA DEORVM

trix, & prouida utilitatum, opportunitatumq; omnium. atque ut ceteræ naturæ suis seminibus quæq; gignuntur, augescunt, continentur: sic natura mundi omnes motus habet, uoluntarios; conatusq;, & appetitiones, quas ὁρμῆς Græci uocant, & his consentaneas actiones sic adhibet, ut nosmet ipsi, qui animis mouemur, & sensibus. talis igitur mens mundi cum sit, ob eamq; causam prouidentia appellari recte possit (græce enim πρὸς νόον dicitur) hæc potissimum prouidet, & in his maxime est occupata, primum ut mundus quamaptissimus sit ad permanendum, deinde ut nulla re egeat, maxime autem ut in eo eximia pulchritudo sit, atque omnis ornatus. Dictum est de uniuerso mundo: dictum est etiam de sideribus: ut iam propemodum appareat multitudo nec cessantium deorum, nec ea, quæ agant, mouentium cum labore operoso, ac molesto. non enim uenis, & neruis, & ossibus continentur, nec ijs escis aut potionibus uescuntur, ut aut nimis acres, aut nimis concretos humores colligant: nec ijs corporibus sunt, ut aut casus, aut ictus extimescant, aut morbos metuant ex defatigatione membrorum. quæ uerens Epicurus monogrammos deos & nihil agentes commentus est. illi autem pulcherrima forma præditi, purissimæq; in regione cœli collocati, ita feruntur, moderanturq; cursus, ut ad omnia conseruanda, & tuenda consensisse uideantur. multæ autem aliæ naturæ deorum ex magnis beneficijis eorum non sine causa & à Graciæ sapientibus, & à maioribus nostris constitutæ, nominatæq; sunt: quicquid enim magnam utilitatem generi afferret humano, id non sine diuina bonitate erga homines fieri ar=



bitrabantur . itaque tum illud , quod erat à deo natum , nomine ipsius dei nuncupabant : ut cum fruges Cere-rem appellamus , uinum autem Liberum : ex quo illud Terentiū ,

„ Sine Cerere, & Libero friget Venus .

tum autem res ipsa , in qua uis inest maior aliqua , sic appellatur , ut ea ipsa uis nominetur deus , ut fides , ut mens , quas in Capitolio dedicatas uidemus proxime à M. Aemilio Scauro , ante autem ab Attilio Calatino erat fides consecrata . uides Virtutis templum , uides Honoris à M. Marcello renouatum : quod multis ante annis erat bello Ligustico à Q. Maximo dedicatum . quid Opis ? quid salutis ? quid Concordiæ ? Libertatis ? Vi-ctoriæ ? quarum omnium rerum quia uis erat tanta , ut sine deo regi non posset , ipsa res deorum nomen obtinuit . quo ex genere Cupidinis , & Voluptatis , & Lubentiniæ Veneris uocabula consecrata sunt , uitiosarum rerum , neque naturalium : quanquam Velleius aliter existimat : sed tamen ea ipsa uitia naturam uehementius sæpe pul-sant . utilitatum igitur magnitudine constituti sunt ij dii , qui utilitates quasque gignebant . atque his quidem nominibus , quæ paulo ante dicta sunt à me , quæ uis sit in quoque declaratur deo . suscepit autem uita hominū , consuetudoq; communis , ut beneficijs excellentes uiros in coelum fama , ac uoluntate tollerent . hinc Hercules , hinc Castor , & Pollux , hinc Aesculapius , hinc Liber etiam : hunc dico Liberum Semele natum , non eum , quem nostri maiores auguste , sancteq; Liberum cum Cerere , & Libera consecrauerunt : quod quale sit , ex mysterijs intelligi potest . sed quòd ex nobis natos liberos

appellamus, iccirco Cerere nati nominati sunt Liber, & Libera: quod in Libero seruant, in Libera non item. hinc etiam Romulus, quem quidam eundem esse Quirinum putant: quorum cum remanerent animi, atque æternitate fruerentur, dii rite sunt habiti, cum & optimi essent, & æterni. alia quoque ex ratione, & quidem physica, magna fluxit multitudo deorum: qui induci specie humana fabulas poetis suppeditauerunt, hominum autem uitam superstitione omni referferunt. atque hic locus à Zenone tractatus, post à Cleanthe, & Chrysippo pluribus uerbis explicatus est. nam uetus hæc opinio Græciam oppleuit, ex ætate Cælum à filio Saturno, uinctum autem Saturnum ipsum à filio Ioue. physica ratio non inelegans inclusa est in impias fabulas: coelestem enim altissimam, æthereamq; naturam, idest igneam, quæ per sese omnia gigneret, uacare uoluerunt ea parte corporis, quæ coniunctione alterius egeret ad procreandum. Saturnum autem eum esse uoluerunt, qui cursum, & conuersionem spaciourum, ac temporum contineret: qui deus græce id ipsum nomen habet: Κρόνος enim eiicitur: qui est idem κρόνος, temporis spatium. Saturnus autem est appellatus, quod saturaretur annis: ex se enim natos comesse fingitur solitus, quia consumit ætas temporum spacia, annisq; præteritis insaturabiliter expletur. uinctus est autem à Ioue, ne immoderatos cursus haberet, atque ut eum siderum uinculis alligaret. sed ipse Iuppiter, idest iuuans pater, quem conuersis casibus appellamus à iuuando Iouem, à poetis pater diuumq; hominumq; dicitur, à maioribus autem nostris optimus, maximus, & quidem ante optimus, idest be-

neſicientiſſimus, quàm maximus; quia maius eſt, cer-  
teq; gratius prodeſſe omnibus, quàm opes magnas ha-  
bere. hunc igitur Ennius, ut ſupra dixi, nuncupat ita  
dicens,

» Aſpice hoc ſublime candens, quem inuocant omnes Iouē.  
planiusq; alio loco idem,

» Cui, quod in me eſt, execrabor hoc, quo lucet, quicq; eſt.  
hunc etiam augures noſtri cum dicunt, Ioue fulgente,  
tonante: dicunt enim in cœlo fulgente, tonante. Euripides  
autem, ut multa præclare, ſic hoc breuiter,

» Vides ſublime fuſum, immoderatum æthera,

» Qui tenero terram circunuectū amplectitur:

» Hunc ſummum habeto diuum: hunc perhibeto Iouem.

Aer autem, ut Stoici diſputant, interiectus inter mare  
& cœlum Iunonis nomine conſecratur: quæ eſt ſoror,  
& coniux Iouis, quod & ſimilitudo eſt ætheris, &  
cum eo ſumma coniunctio. effœminarunt autem eum,  
Iunoniq; tribuerunt, quod nihil eſt eo mollius. ſed  
Iunonem à iuuando credo nominatam. Aqua reſta-  
bat & terra, ut eſſent ex fabulis tria regna diui-  
ſa. datum eſt igitur Neptuno alterū Iouis, ut uolunt,  
fratri maritimum omne regnum: nomenq; produ-  
ctum, ut Portunus à portu, ſic Neptunus à nando,  
paulum primis literis immutatis. Terrena autem uis o-  
mnis, atque natura Diti patri dedicata eſt: qui Dis,  
ut apud Græcos πλούτων, quia & recidunt omnia in  
terras, & oriantur è terris. is rapuit Proſerpinam,  
quod Græcorum nomen eſt: ea enim eſt, quæ περιεφο-  
νι græce nominatur: quam frugum ſemen eſſe uolunt,  
abſconditamq; quæri à matre ſingunt. mater autem

exp. in

l. est enim, +



## DE NATURA DEORVM

est à gerendis frugibus Ceres, tanquam geres: casuq; prima litera itidem immutata, ut à Græcis: nam ab illis quoque Δημήτηρ, quasi ὑμνήτης nominata est. iam qui magna uerteret Maiors, Minerva autem quæ uel minueret, uel minaretur: cumq; in omnibus rebus uim haberent maxima prima, & extrema, principem in sacrificando Ianum esse uoluerunt: quod ab eundo nomen est ductum: ex quo transitiones peruiæ, Iani; foresq; in liminibus profanarum ædium, ianua nominantur. nam Vestæ nomen à Græcis: ea enim, quæ ab illis ἑστία dicitur. uis autem eius ad aras, & focos pertinet. itaque in ea dea, quæ est rerum custos intimarum, omnis & precatio, & sacrificatio extrema est. nec longe absunt ab hac ui dii penates, siue à penu ducto nomine (est enim, omne quo uescuntur homines, penus) siue ab eo, quod penitus insident, ex quo etiam penetrales à poetis uocantur. iam Apollinis nomen est græcum: quem solem esse uolunt: Dianam autem, & Lunam eandem esse putant: cum sol dictus sit, uel quia solus ex omnibus sideribus est tantus, uel quia, cum est exortus, obscuratis omnibus solus apparet; Luna à lucendo nominata sit: eadem est enim Lucina: itaque ut apud Græcos Dianam, eamq; Luciferam, sic apud nostros Iunonem Lucinam in pariendo inuocant: quæ eadem Diana omniuaga dicitur, non à uenando, sed quod in septem numeratur tanquam uagantibus. Diana dicta, quia noctu quasi diem efficeret. adhibetur autem ad partus, quod ii maturescunt aut septem non nunquam, aut plerunque nouem lunæ cursibus: qui quia mensa spacia conficiunt, menses nominantur. concinnèq; ut multa,

Timæus:

Timæus : qui cum in historia dixisset , qua nocte natus Alexander esset , eadem Dianæ Ephesiæ templum desolauisse , adiunxit , minime id esse mirandum , quod Diana , cum in partu Olympiadis adesse uoluisset , abfuisset domo . Quæ autem dea ad res omnes ueniret , Venerem nostri nominauerunt : atq; ex ea potius uenustas , quàm Venus ex uenustate . Videtis ne igitur , ut à physicis rebus bene , atq; utiliter inuentis tracta ratio sit ad commentitios , & fictos deos ? quæ res genuit falsas opiniones , erroresq; turbulentos , & superstitiones penè aniles : & formæ enim nobis deorum , & ætates , & uestitus , ornatusq; noti sunt : genera præterea , coniugia , cognationes , omniaq; traducta ad similitudinem imbecillitatis humanæ : nam & perturbatis animis inducuntur : accipimus enim deorum cupiditates , ægritudines , iracundias : nec uero , ut fabulæ ferunt , dii bellis , prælijsq; caruerunt ; nec solum , ut apud Homerum , cum duos exercitus contrarios alij dij ex alia parte defenderent ; sed etiam , ut cum Titanis , ut cum gigantibus , propria bella gesserunt . hæc & dicuntur , & creduntur stultissime , & plena sunt futilitatis , summæq; leuitatis . sed tamen his fabulis spretis , ac repudiatis , deus pertinens per naturam cuiusque rei , per terras Ceres , per maria Neptunus , alij per alia , poterunt intelligi qui , qualesq; sunt , quoq; eos nomine consuetudo nuncupauerit , quos deos & uenerari , & colere debemus . cultus autem deorum est optimus , idemq; castissimus , atq; sanctissimus , plenissimusq; pietatis , ut eos semper pura , integra , incorrupta & mente , & uoce ueneremur : non enim philosophi solum , uerum etiam maio-

## DE NATURA DEORVM

res nostri superstitionem à religione separauerunt. nam qui totos dies precabantur, & immolabant, ut sui liberi sibi superstites essent, supersticiosi sunt appellati: quod nomen postea latius patuit. qui autem omnia, quæ ad cultum deorum pertinerent, diligenter pertractarent, & tanquam relegerent, sunt dicti religiosi ex relegendendo, ut elegantes ex eligendo, tanquam à diligendo diligentes, ex intelligendo intelligentes: his enim in uerbis omnibus inest uis legendi eadem, quæ in religioso. ita factum est in supersticioso, & religioso, alterum uitij nomen, alterum laudis. Ac mihi uideor satis, & esse deos, & quales essent, ostendisse. Proximum est, ut doceam, deorum prouidentia mundum administrari. magnus sanè locus, & à uestris Cotta uexatus: ac nimirum uobiscum omne certamen est. nā uobis Vellei minus notum est, quemadmodum quidq; dicatur. uestra enim solum legitis, uestra amatis: cæteros causa incognita condemnatis. uelut à te ipso hesterno die dictum est, anum fatidicam *περίοικον* à Stoicis induci, id est prouidentiam. quod eo errore dixisti, quia existimas ab his prouidentiam fingi, quasi quandam deam singularem, quæ mundum omnem gubernet, & regat: sed id præcise dicitur. ut, si quis dicat Atheniensium Remp. consilio regi; desit illud, Ariopagi: sic, cum dicimus prouidentia mundum administrari, deesse arbitrator, deorum. plene autem & perfectè sic dici existimato, prouidentia deorum mundum administrari. ita salem istum, quo caret uestra natio, in irridendis nobis nolitote consumere, & mehercle, si me audiat, ne experiamini quidem. non decet: non



datum est : non potestis . nec uero hoc in te unum conuenit moribus domesticis, ac nostrorum hominum urbanitate limatum, sed etiam in reliquos uestros, tum in eum maxime, qui ista peperit, hominem sine arte, sine literis, insultantem in omnes, sine acumine ullo, sine auctoritate, sine lepore . dico igitur providentia deorum mundum, & omnes mundi partes & initio constitutas esse, & omni tempore administrari : eamq; disputationem tres in partes nostri ferè diuidunt : quarum pars prima est, quæ ducitur ab ea ratione, quæ docet esse deos ; quo concesso, confitendum est eorū consilio mundum administrari . secunda est autem, quæ docet omnes res subiectas esse naturæ sentienti, ab eaq; omnia pulcherrime geri . quo cōstituto, sequitur ab animantibus principijs eam esse generatam . tertius locus est, qui ducitur ex admiratione rerum cœlestium, atq; terrestrium . Primum igitur aut negandum est deos esse, quod & Democritus simulacra, & Epicurus imagines inducens quodam pacto negat : aut, qui deos esse concedant, ijs fatendum est, eos aliquid agere, idq; præclarum . nihil est autem præclarius mundi administratione : deorum igitur consilio administratur mundus . quod si aliter est, aliquid profecto sit necesse est melius, & maiore uis præditum, quam deos, quale id cunq; est, siue inanima natura, siue necessitas uis magna incitata, hæc pulcherrima opera efficiens, quæ uis demus . nō est igitur natura deorum præpotens, neq; excellens, siquidem ea subiecta est ei uel necessitati, uel naturæ, qua cœlum, maria, terræq; regantur . nihil autem est præstantius deo : ab eo igitur necesse est mundum regi . nulli igitur est naturæ obediens, aut subiectus deus.

## DE NATURA DEORVM

omnem ergo regit ipse naturam . etenim si concedimus intelligentes esse deos, concedimus etiam providentes, & rerum quidem maximarum. ergo utrum ignorant, quæ res maximæ sint, quoq; hæ modo tractandæ, & tuendæ, an vim non habent, qua tantas res sustineant & gerant? at & ignoratio rerum aliena naturæ deorum est, & sustinendi muneris propter imbecillitatem difficultas minime cadit in maiestatem deorum . ex quo efficitur id, quod uolumus, deorum providentia munda administrari . atqui necesse est, cum sint dii, si modo sint, ut profecto sunt, animantes esse, nec solum animantes, sed etiam rationis compotes, inter seq; quasi civili conciliatione & societate coniunctos, unum mundum, ut communem Remp. atq; urbem aliquam regentes . sequitur, ut eadem sit in his, quæ in genere humano, ratio, eadem ueritas utrobq; sit, eademq; lex: quæ est recti præceptio, prauiq; depulsio . ex quo intelligitur, prudentiam quoq; , & mentem à dijs ad homines peruenisse: ob eamq; causam maiorum institutis mens, fides, uirtus, concordia, consecrata, & publice dedicatæ sunt . quæ qui conuenit penes deos esse negare, cum eorum augusta, & sancta simulacra ueneremur? quòd si inest in hominum genere mens, fides, uirtus, concordia: unde hæc in terras, nisi à superis, defluere potuerunt? cumq; sit in nobis consilium, ratio, prudentia, necesse est deos hæc ipsa habere maiora, nec habere solum, sed etiam his uti in maximis, & optimis rebus . nihil autem est nec maius, nec melius mundo: necesse est ergo eum deorum consilio, & providentia administrari. postremo cum satis docuerimus hos

esse deos, quorum insignem uim, & illustrem faciem uideremus, solem dico, & lunam, & uagas stellas, & inerrantes, & coelum, & mundum ipsum, & earum rerum uim, quæ inessent in omni mundo cum magno usu, & commoditate generis humani: efficitur, omnia regi diuina mente atq; providentia. Ac de prima quidem parte satis dictum est. Sequitur, ut doceam, omnia subiecta esse naturæ, eaq; ab ea pulcherrime regi. sed quid sit ipsa natura, explicandum est ante breuiter, quo facilius id, quod docere uolumus, intelligi possit. nanq; alij naturam censent esse uim quandam sine ratione, cientem motus in corporibus necessarios: alij autem uim participem rationis, atq; ordinis, tanquam uia progredientem, declarantemq; , quid cuiusque rei causa efficiat, quid sequatur, cuius solertiam nulla ars, nulla manus, nemo opifex consequi possit imitando: seminis enim uim esse tantam, ut id, quanquam sit perexiguum, tamen, si inciderit in concipientem, comprehendentemq; naturam, naetumq; sit materiam, qua ali, augeriq; possit, ita fingat, & efficiat in suo quidq; genere, partim ut tantum modo per stirpes alantur suas, partim ut moueri etiam, & sentire, & appetere possint, & ex sese similia sui gignere. sunt autem, qui omnia naturæ nomine appellent, ut Epicurus, qui ita diuidit, omnium, quæ sint, naturam esse, corpora, & inane, quæq; his accidant. sed nos cum dicimus natura constare, administrariq; mundum, non ita dicimus ut glebam, aut fragmentum lapidis, aut aliquid eiusmodi nulla coherendi natura, sed ut arborem, ut animal, in quibus nulla temeritas, sed ordo apparet, & artis quæ



## DE NATURA DEORVM

*dam similitudo . quòd si ea, quæ à terra stirpibus con-*  
*tinentur, arte naturæ uiuunt, & uigent : profecto ipsa*  
*terra eadem ui continetur & arte naturæ , quippe quæ*  
*gravidata seminibus omnia pariat ; & fundat ex sese,*  
*stirpes amplexa alat, & augeat , ipsaq; alatur uicissim*  
*à superis , externisq; naturis . eiusdemq; expirationibus*  
*aer, alitur, & æther, & omnia sidera . ita si terra na-*  
*tura tenetur , & uiget , eadem ratio in reliquo mundo*  
*est: stirpes enim terræ inhaerent : animantes autem à spi-*  
*ratione aeris sustinentur : ipseq; aer nobiscum uidet, no-*  
*biscum audit , nobiscum sonat : nihil enim eorum sine*  
*eo fieri potest. quin etiam mouetur nobiscum : quacunq;*  
*enim imus , quacunq; mouemur , uidetur quasi locum*  
*dare , & cedere . quæq; in medium locum mundi , qui*  
*est infimus , & quæ à medio in superum , quæq; con-*  
*uersione rotunda circum medium feruntur, ea continen-*  
*tem mundi efficiunt , unamq; naturam . & cum qua-*  
*tuor sint genera corporum, uicissitudine eorum mundi*  
*continuata natura est . nam ex terra aqua, ex aqua ori-*  
*tur aer , ex aere æther : deinde retrorsum uicissim ex*  
*æthere aer , ex aere aqua , ex aqua terra infima . sic na-*  
*turis his , ex quibus omnia constant , sursum, deorsum,*  
*ultra, citroq; commeantibus , mundi partium coniun-*  
*ctio continetur . quæ aut sempiterna sit necesse est, hoc*  
*eodem ornatu , quem uidemus ; aut certe per diuturna,*  
*permanens ad longinquum , & immensum penè tem-*  
*pus . quorum utrumuis ut sit, sequitur , natura mun-*  
*dum administrari . quæ enim classium nauigatio , aut*  
*quæ instructio exercitus, aut rursus ( ut ea, quæ natura*  
*efficit , conferamus ) quæ procreatio uitæ, aut arboris,*

quæ porrò animantis figura conformatioq; membro=  
rum, tantam naturæ solertiam significat, quantam ipse  
mundus? aut igitur nihil est, quod sentiente natura re=  
gatur: aut mundum regi consitendum est. etenim qui  
reliquas naturas omnes, earumq; semina contineat, qui  
potest ipse non natura administrari? ut si quis dentes,  
& pubertatem natura dicat existere, ipsum autem ho=  
minem, cui ea existant, non constare natura, non intel=  
ligat ea, quæ efferant aliquid ex se, perfectiorem habe=  
re naturam, quàm ea, quæ ex ijs efferantur. omnium  
autem rerum, quæ natura administrantur, seminator,  
& sator, & parens, ut ita dicam, atq; educator, & al=  
tor est mundus: omniaq; sicut membra, & partes suas,  
nutricatur, & continet. quòd si mundi partes natura  
administrantur, necesse est mundum ipsum natura ad=  
ministrari: cuius quidem administratio nihil habet in se,  
quod reprehendi possit: ex ijs enim naturis, quæ erant,  
quod effici potuit optimum, effectum est. doceat er=  
go aliquis potuisse melius. sed nemo unquam docebit.  
& si quis corrigere aliquid uolet, aut deterius faciet,  
aut id, quod fieri non potuit, desiderabit. quòd si o=  
mnes mundi partes ita constitutæ sunt, ut neq; ad usum  
meliores potuerint esse, neque ad speciem pulchriores:  
uideamus, utrum ea fortuita sint, an eo statu, quo co=  
hærere nullo modo potuerint, nisi sensu moderante, di=  
uinaq; providentia. si ergo meliora sunt ea, quæ na=  
tura, quàm illa, quæ arte perfectæ sunt, nec ars ef=  
ficat quicquam sine ratione: ne natura quidem rationis  
expers est habenda. qui igitur conuenit, signum, aut tabu=  
lam pictam cum aspexeris, scire adhibitam esse artem;

cumq; procul cursum nauigij uideris, non dubitare quin id ratione atq; arte moueatur; aut cū solariū uel descriptum, aut ex aqua contemplare, intelligere declarari ho-  
ras arte, non casu; mundum autem, qui & has ipsas artes, & earum artifices, & cuncta complectatur, consilij, & rationis esse expertem putare? quod si in Scythiam, aut in Britanniam sphaeram aliquis tulerit hanc, quam nuper familiaris noster effecit Posidonius, cuius singulae conuersiones idem efficiunt in sole, & in luna, et in quinque stellis errantibus, quod efficitur in caelo singulis diebus, & noctibus: quis in illa barbarie dubitet, quin ea sphaera sit perfecta ratione? hi autem dubitant de mundo, ex quo oriuntur, & fiunt omnia, casu ne ipse sit effectus, aut necessitate aliqua, an ratione, an mente diuina: & Archimedem arbitratum plus ualuisse in imitandis sphaerae conuersionibus, quam naturam in efficiendis, praesertim cum multis partibus sint illa perfecta, quam haec simulata, solertius. atq; ille apud Aetium pastor, qui nauem nunquam ante uidisset, ut procul diuinum, & nouum uehiculum Argonautarum è monte conspexit, primo admirans, & perterritus hoc modo loquitur:

- » - tanta moles labitur  
 » Fremebunda ex alto ingenti sonitu & spiritu:  
 » Praese undas uoluit: uertices uisus citat:  
 » Ruit prolapsa: pelagus respergit: profluit:  
 » Ita dum interruptum credas nimbum uolueri,  
 » Dum quod sublime uentis expulsus rapi  
 » Saxum, aut procellis, uel globosos turbines  
 » Existere ictos undis concursantibus,  
 » Nisi quas terrestres pontus strages conciet;



- „ Aut forte Triton fuscina evertens specus,  
 „ Subter radices penitus undanti in freto  
 „ Molem ex profundo saxeam ad cœlum uomit .  
     dubitat primo, quæ sit ea natura, quam cernit ignotam:  
     idemq; iuuenibus uisis, auditq; nautico cantu,  
 „ Sicut inciti atq; alacres rostris perfremunt  
 „ Delphini=                      item alia multa.  
 „ =sylvani melo

- „ Consimilem ad aures cantum, & auditum refert.  
 ergo ut hic primo aspectu inanimum quiddam sensuq;  
 uacuum se putat cernere, post autem signis certioribus,  
 quale sit id, de quo dubitauerat, incipit suspicari: sic  
 philosophi debuerunt, si forte eos primus aspectus mun-  
 di conturbauerat, postea cum uidissent motus eius fini-  
 tos, & æquabiles, omniaq; ratis ordinibus moderata,  
 immutabiliq; constantia, intelligere inesse aliquem non  
 solum habitorem in hac coelesti ac diuina domo, sed e-  
 tiam rectorem, & moderatorem, & tanquam archi-  
 tectum tantî operis, tantiq; muneris. nunc autem mihi  
 uidentur ne suspicari quidem, quanta sit admirabilitas  
 coelestium rerum, atque terrestrium. principio enim ter-  
 ra sita in media parte mundi circumfusa undique est hac  
 animabili, spirabiliq; natura, cui nomen est aer, græ-  
 cum illud quidem, sed receptum iam tamen usu a no-  
 stris: tritum est enim pro latino. hunc rursus amplecti-  
 tur immensus æther, qui constat ex altissimis ignibus.  
 mutuemur hoc quoque uerbum, dicaturq; tam æther lati-  
 ne, quàm dicitur aer: & si interpretatur Pacuuius,  
 „ Hoc, quod memoro, nostri cœlû, Graij perhibent æthera.  
 quasi uero non Graius hoc dicat, at latine loquitur. si=

# DE NATURA DEORVM

quidem nos non quasi græce loquentem audiamus. docet idem alio loco

” Graiugena de isto aperit ipsa oratio.

sed ad maiora redeamus. Ex æthere igitur innumerabiles flammæ siderum existunt: quorum est princeps sol, omnia clarissima luce collustrans, multis partibus maior atque amplior, quàm terra uniuerſa: deinde reliqua sidera magnitudinibus immensus. atq; hi tanti ignes, tamq; multi non modo nihil nocent terris, rebusq; terrestribus, sed ita prosunt, ut, si mota loco sint, conflagrare terras necesse sit à tantis ardoribus, moderatione & temperatione sublata. hic ego non mirer esse quenquam, qui sibi persuadeat corpora quædam solida, atque indiuidua, ui & gravitate ferri, mundumq; effici ornatissimum, & pulcherrimum ex eorum corporum concursione fortuita? hoc qui existimat fieri potuisse, non intelligo cur non idem putet, si innumerabiles unius, & uiginti formæ literarum uel aureæ, uel quales libet, aliquò coniungantur, posse ex his in terram excussis annales Ennii, ut deinceps legi possint, effici: quod nescio an ne in uno quidem uersu possit tantum ualere fortuna. isti autem quemadmodum assenerant ex corpusculis non colore, non qualitate aliqua, quam ποιοτητα Græci uocant, non sensu præditi, sed concurrentibus temere, atque casu mundum esse perfectum? uel innumerabiles potius in omni puncto temporis alios nasci, alios interire? quòd si mundum efficere potest concursus atomorum, cur porticum, cur templum, cur domum, cur urbem non potest? quæ sunt minus operosa, & multo quidem faciliora. certe ita temere de mundo ef-

futiunt, ut mihi quidem nunquam hunc admirabilem  
 cœli ornatum, qui locus est proximus, suspexisse ui=  
 » deantur. præclare ergo Aristoteles, Si essent, inquit,  
 » qui sub terra semper habitauissent bonis, & illustribus  
 » domicilijs, quæ essent ornata signis, atque picturis, in=  
 » structaq; rebus ijs omnibus, quibus abundant ij, qui  
 » beati putantur, nec tamen exissent unquam supra ter=  
 » ram, acceperunt autem fama, & audirione, esse quod=  
 » dam numen, & uim deorum, deinde aliquo tempore,  
 » patefactis terræ faucibus, ex illis abditis sedibus euade=  
 » re in hæc loca, quæ nos incolimus, atque exire potuis=  
 » sent; cum repente terram, & maria, cœlumq; uidis=  
 » sent, nubium magnitudinem, uentorumq; uim cogno=  
 » uissent, aspexissentq; solem, eiusq; tum magnitudinem,  
 » pulchritudinemq; tum etiam efficientiam cognouissent,  
 » quod is diem efficeret, toto cœlo luce diffusa; cum au=  
 » tem terras nox opacasset, tum cœlum totum cernerent  
 » astris distinctum, & ornatum, lunæq; luminum uarie=  
 » tatem tum crescentis, tum senescentis, eorumq; omni=  
 » um ortus, & occasus, atque in omni æternitate ratos,  
 » immutabilesq; cursus: hæc cum uiderent, profecto &  
 » esse deos, & hæc tanta opera deorum esse arbitrentur.  
 Atque hæc quidem ille. nos autem tenebras cogitemus tan=  
 tas, quantæ quondam eruptione Aetnæorum ignium fi=  
 nitimas regiones obscurauisse dicuntur, ut per biduum  
 nemo hominem homo agnosceret: cum autem tertio die  
 sol illuxisset, tum ut reuixisse sibi uiderentur. quod si  
 hoc idem ex æternis tenebris contingeret, ut subito  
 lucem aspiceremus: quænam species cœli uideretur?  
 sed assiduitate quotidiana, & consuetudine oculorum



## DE NATURA DEORVM

*assuescunt animi : neque admirantur, neque requirunt rationes earum rerum, quas semper uident: perinde quasi nouitas nos magis, quam magnitudo rerum debeat ad exquirendas causas excitare. quis enim hunc hominem dixerit, qui cum tam certos cœli motus, tam ratos astro-  
rum ordines, tamq̃; omnia inter se connexa, & apta uiderit, neget in his ullam inesse rationem, eaq; casu fieri dicat, quæ quanto consilia gerantur, nullo consilio assequi possumus? an cum machinatione quadam moueri aliquid uideamus, ut spheram, ut horas, ut alia permulta; non dubitamus quin illa opera sint rationis: cum autem impetum cœli admirabili cum celeritate moueri, uertiq̃; uideamus, constantissime conficientem uicissitudines anniuersarias, cum summa salute, & conseruatione rerum omnium; dubitamus, quin ea non solum ratione fiant, sed etiam excellenti quadam diuinâq; ratione? licet enim iam, remota subtilitate disputâdi, oculis quodam modo contemplari pulchritudinem rerum earum, quas diuina providentia dicimus constitutas. ac principio terra uniuersa cernatur locata in media mundi sede, solida, & globosa, & undique ipsa in sese nutibus suis conglobata, uestita floribus, herbis, arboribus, frugibus. quorum omnium incredibilis multitudo insatiabili uarietate distinguitur. adde huc fontium gelidas perennitates, liquores perlucidos amnium, riparum uestitus uiridissimos, speluncarum concauas altitudines, saxorum asperitates, impendentium montium altitudines, immensitatesq; camporum: adde etiam reconditas auri, argentiq; uenas, infinitamq; uim marmoris. quæ uero, & quam uaria genera bestiarum uel cicurum, uel fera=*

rum ? qui uolucrum lapsus, atque cantus ? qui pecudum  
 pastus ? quæ uita siluestrium ? quid iam de hominum ge-  
 nere dicam ? qui quasi cultores terræ constituti, non pa-  
 tiuntur eam nec immanitate beluarum efferari, nec stir-  
 pium asperitate uastari, quorumq; operibus agri, insulæ,  
 litora; collucent, distincta cælis, & urbibus. quæ si, ut  
 animis, sic oculis uidere possemus, nemo cunctam intuens  
 terram, de diuina ratione dubitaret. at uero quanta ma-  
 ris est pulchritudo ? quæ species uniuersi ? quæ multitu-  
 do, & uarietas insularum ? quæ amœnitates orarum, &  
 litorum ? quot genera, quamq; disparia partim submer-  
 sarum, partim fluitantium, & innatantium beluarum,  
 partim ad saxa natiuis testis inhaerentium ? ipsum autem  
 mare sic terram appetens litoribus cludit, ut una ex dua-  
 bus naturis conflata uideatur. exinde mari finitimus aer,  
 die, & nocte distinguitur : isq; tum fusus & extenuatus  
 in sublime fertur ; tum autem concretus in nubes cogi-  
 tur ; humoremq; colligens terram auget imbribus ; tum  
 effluens huc & illuc uentos efficit. idem annuas frigo-  
 rum, & calorum facit uarietates : idemq; & uolatus ali-  
 tum sustinet, & spiritu ductus alit & sustentat animan-  
 tes. Restat ultimus, & à domicilijs nostris altissimus, o-  
 mnia cingens et coercens cœli complexus, qui idem æther  
 uocatur, extrema ora, & determinatio mundi : in quo  
 cum admirabilitate maxima igneæ formæ cursus ordi-  
 natos definiunt. ex quibus sol, cuius magnitudine multis  
 partibus terra superatur, circum eam ipsam uoluitur ;  
 isq; oriens & occidens, diem, noctemq; conficit ; & modo  
 accedens, tum autem recedens, binas in singulis annis re-  
 uersiones ab extremo contrarias facit : quarum internal

## DE NATURA DEORVM

- lo tum quasi tristitia quædam contrahit terram, tum uicissim lætificat, ut cum cœlo hilarata uideatur. luna autem, quæ est, ut ostendunt mathematici, maior quam dimidia pars terræ, iisdem spatijs uagatur, quibus sol: sed tum cōgrediens cum sole, tum digrediens, & eam lucem, quam à sole accipit, mittit in terras, & uarias ipsa mutationes lucis habet: atque etiam tum subiecta, atque opposita soli, radios eius, & lumen obscurat; tum ipsa incidens in umbram terræ, cum est è regione solis, interpositu, interiectuq; terræ repente deficit: iisdemq; spatijs hæ stellæ, quas uagas dicimus, circum terram feruntur, eodemq; modo oriuntur, & occidunt. quarum motus tum incitantur, tum retardantur, sæpe etiam insistant. quo spectaculo nihil potest admirabilius esse, nihil pulchrius. Sequitur stellarum inerrantium maxima multitudo: quarum ita descripta distinctio est, ut ex notarum figurarum similitudine nomina inuenerint. atque hoc loco me intuens, utar, inquit, carminibus Arati, eis, quæ à te admodum adolescentulo conuersa, ita me delectant, quia latina sunt, ut multa ex ijs memoria teneam. ergo, ut oculis assidue uidemus sine ulla mutatione, aut uarietate,
- » Cætera labuntur celeri cœlestia motu,
  - » Cum cœloq; simul noctesq; diesq; feruntur.  
quorum contemplatione nullius expleri potest animus naturæ constantiam uidere cupientis.
  - » Extremusq; adeo duplici de cardine uertex
  - » Dicitur esse polus.=  
hunc circum ægypti duæ feruntur, nunquam occidentes.
  - » Ex his altera apud Graios Cynosura uocatur,
  - » Altera dicitur esse Helice.=



cuius quidem clarissimas stellas totis noctibus cernimus.

- » Quas nostri septem soliti uocitare Triones,  
paribusq; stellis similiter distinctis eundem coeli uerticem  
lustrat parua Cynosura.
- » Hac fidunt duce nocturna Phœnices in alto.
- » Sed prior illa magis stellis distincta resulget,
- » Et late prima confestim à nocte uidetur.
- » Hac uero parua est : sed nautis usus in hac est :
- » Nam cursu interiore breui conuertitur orbe.  
et quo sit earum stellarum admirabilior aspectus,
- » Has inter, ueluti rapido cum gurgite flumen,
- » Toruū Draco serpit subter, supraq; reuoluens
- » Sese, conficiensq; sinus è corpore flexos.  
eius cum totius est præclara species, in primis suspicien=  
da est figura capitis, atque ardor oculorum.
- » Huic non una modo caput ornans stella relucet,
- » Verum tempora sunt duplici fulgore notata,
- » E' trucibusq; oculis duo feruida lumina flagent,
- » Atq; uno mentum radianti sidere lucet :
- » Obstipum caput & tereti ceruice reflexum
- » Obtutum in cauda maioris figere dicas.  
& reliquum quidem corpus draconis totis noctibus cer=  
nimus.
- » Hoc caput hic paulum sese subitoq; recondit,
- » Ortus ubi atq; obitus parte admiscantur in una.  
Id autem caput,
- » Attingens defessa uelut mœrentis imago  
uertitur. = quam quidem Græci
- » Engonasin uocitant, genibus quia nixa feratur.
- » Hic illa eximio posita est fulgore corona.

DE NATURA DEORVM

- atq; hæc quidē à tergo: propter caput autē Anguitenēs:
- » Quem claro perhibent Ophiucum nomine Grai.
- » Hic pressu duplici palmarum continet Anguem,
- » Eius & ipse manet religatus corpore toto:
- » Nanq; uirum medium serpens sub pectora cingit.
- » Ille tamen nitens grauius uestigia ponit,
- » Atq; oculos urget pedibus, pectusq; Nepai.
- septentriones autem sequitur
- » Arctophylax uulgo qui dicitur esse Bootes:
- » Quod quasi temone adiunctam præ se quatit Arctum.
- dein quæ sequuntur. huic Booti enim
- » =Subter præcordia fixa uidetur
- » Stella micans radijs Arcturus nomine claro:
- cui subiecta fertur,
- » Spicum illustre tenens splendenti corpore Virgo.
- atq; ita demetata signa sunt, ut in tantis descriptionibus
- diuina solertia appareat.
- » Et natos Geminos inuises sub caput Arcti.
- » Subiectus media est cancer, pedibusq; tenetur
- » Magni Leo tremulam quatiens è corpore flammam.
- Auriga
- » Sub læna Geminorum obduetus parte feretur.
- » Aduersum caput huic Helice truculenta tuetur.
- » At Capra læuum humerum claro obtinet.=
- tum quæ sequuntur.
- » Verum hæc est magno atq; illustri prædita signo.
- » Contra Hædi exiguum iaciunt mortalibus ignem,
- cuius sub pedibus
- » Corniger est ualido connexus corpore Taurus:
- eius caput stellis conspersum est frequentibus:

Has

- » Has Græci stellas Hyadas uocitare suerunt :  
 à pluendo : Vay enim est pluere . nostri imperite sucu-  
 las : quasi à suis essent , non ab imbribus nominatae . mi-  
 norem autem septentrionem Cephæus passis palmis ter-  
 go subsequitur .  
 » Nanq; ipsum ad tergum Cynosuræ uertitur Arcti .  
 hunc antecedit  
 » Obscura specie stellarum Cassiopea .  
 » Hanc autem illustri uersatur corpore propter  
 » Andromeda , aufugiens aspectum mœsta parentis .  
 » Huic Equus ille iubam quatiens fulgore micanti  
 » Summum contingit caput aluo : stellaq; iungens  
 » Vna , tenet duplices communi lumine formas ,  
 » Aeternum ex astris cupiens connectere nodum .  
 » Exin contortis Aries cum cornibus hæret .  
 quem propter  
 » Pisces , quorum alter paulum prælabitur ante ,  
 » Et magis horriferis aquilonis tangitur alis .  
 ad pedes Andromedæ Perseus describitur .  
 » Quem summa ab regione aquilonis flamina pulsant .  
 cuius propter læuum genu  
 » = Vergilias tenui cum luce uidebis .  
 » Inde Fides leuiter posita , & connexa uidetur .  
 » Inde est ales auis lato sub tegmine cœli .  
 capiti autem Equi proximat Aquarij dextra , totusq; de-  
 inceptus Aquarius .  
 » Tum gelidum ualido de pectore frigus anhelans ,  
 » Corpore semifero magno Capricornus in orbe .  
 » Quem cum perpetuo uestiuit lumine Titan ,  
 » Brumali flectens contorquet tempore currum .



# DE NATURA DEORVM

hinc autem aspicitur,

- » Ut sese emergens ostendat Scorpius alte
- » Posteriore trahens flexum ui corporis arcum.
- » Quem propter nitens pennis conuoluitur ales.
- » At propter se Aquila ardenti cum corpore portat,  
deinde Delphinus.
- » Exinde Orion obliquo corpore nitens.  
quem subsequens
- » Feruidus ille Canis stellarum luce refulget.  
Post Lepus subsequitur,
- » Curriculum nunquam defesso corpore sedans.
- » At Canis ad caudam serpens prolabitur Argo.
- » Hanc Aries tegit, & squamoso corpore Pisces,
- » Fluminis illustri tangentem corpore ripas,  
quam longe serpentem & manantem
- » - aspicias, proceraq; uincla uidebis,
- » Quæ retinent Pisces caudarum à parte locata.
- » Inde Nepæ cernes propter fulgentis acumen
- » Aram, quam flatu permulcet spiritus austri.  
propter quæ Centaurus
- » Cedit Equi partis properans submergere Chelis.
- » Hinc dextram porgens, quadrupes quæ uasta tenetur,
- » Tendit, & illustrem truculentus cædit ad aram.
- » Hic sese infernis è partibus erigit Hydra:  
cuius longe corpus est fusum :
- » In medioq; sinu fulgens cratera relucet.
- » Extremam nitens plumato corpore Coruus
- » Rostro tundit: & hic Geminis est ille sub ipsis
- » Ante Canem, graio Procyon qui nomine fertur.  
hæc omnis descriptio siderum, atq; hic tantus coeli orna-

tus, ex corporibus huc, & illuc casu, et temere concursantibus potuisse effici cuiquam sano uideri potest? aut uero alia quæ natura mentis & rationis experts hæc efficere potuit, quæ non modo ut fierent, ratione eguerunt, sed intelligi qualia sint, sine summa ratione non possunt? nec uero hæc solum admirabilia, sed nihil maius, quàm quòd ita stabilis est mundus, atque ita cohæret ad permanendum, ut nihil ne excogitari quidem possit aptius: omnes enim partes eius undique medium locum capessentes, nituntur æqualiter: maxime autem corpora inter se iuncta permanent, cum quodam quasi uinculo circumdata colligantur: quod facit ea natura, quæ per omnem mundum omnia mente, & ratione conficiens funditur, & ad medium rapit, & conuertit extrema. quo circa si mundus globosus est, ob eamque causam omnes eius partes undique æquales ipsæ per se atque inter se continentur: contingere idem terræ necesse est, ut omnibus eius partibus in medium uergentibus (id autem medium infimum in sphaera est) nihil interrumpat, quo labefactari possit tanta contentio gravitatis, & ponderum. eademque ratione mare, cum supra terram sit, medium tamen terræ locum expetens, conglobatur undique æqualiter, neque redundat unquam, neque effunditur. huic autem continens aer fertur ille quidem leuitate sublimi, sed tamen in omnes partes se ipse fundit: itaque & mari continuatus, & iunctus est, & natura fertur ad cælum; cuius tenuitate, & calore temperatus, uitalem, & salutarem spiritum præbet animantibus. quem complexa summa pars cœli quæ æther dicitur, & suum retinet ardorem tenuem, et nulla admisione concretum, &

cum aeris extremitate coniungitur. In aethere autem astra uoluuntur: quæ se & nixu suo conglobata continent; & forma ipsa figuræq; sua momenta sustentant: sunt enim rotunda: quibus formis, ut ante dixisse uideor, minime noceri potest. sunt autem stellæ natura flammæ: quocirca terræ, maris, aquarum uaporibus aluntur ijs, qui à sole ex agris tepesactis, & ex aquis excitantur: quibus altæ, renouatæq; stellæ, atq; omnis æther, refundunt eadem, & rursus trahunt in idem, nihil ut ferè intereat, aut admodum paululum, quod astrorum ignis, & ætheris flamma consumat. ex quo euenturum nostri putant id, de quo Panætium addubitare dicebant, ut ad extremum omnis mundus ignesceret, cum humore consumpto neq; terra ali posset, neq; remearet aer, cuius ortus aqua omni exhausta esse non posset: ita relinqui nihil præter ignem: à quo rursus animante, ac deo renouatio mundi fieret, atq; idem ornatus oriretur. nolo in stellarum ratione multus uobis uideri, maximeq; earum, quæ errare dicuntur: quarum tantus est concentus ex dissimillimis motibus, ut cum summa Saturni refrigeret, media Martis incendat, his interiecta Iouis illustret, & temperet, infraq; Martem duæ soli obediant, ipse sol mundum omnem sua luce compleat, ab eoq; luna illuminata grauiditates, & partus afferat, maturitatesq; gignendi. quæ copulatio rerum, & quasi consentiens ad mundi incolumitatem coagmentatio naturæ quem non commouet, hunc horum nihil unquam reputauisse certo scio. Age ut à cœlestibus rebus ad terrestres ueniamus: quid est in his, in quo non naturæ ratio intelligentis appareat? principio, eorum, quæ gignuntur è terra,



stirpes & stabilitatem dant ijs, quæ sustinent, & ex terra succum trahunt, quo alantur ea, quæ radicibus continentur, obducunturq; libro aut cortice trunci, quo sint à frigoribus, & à caloribus tutiores. iam uero uites sic clauiculis adminicula, tanquam manibus, apprehendunt, atq; ita se erigunt, ut animantes. quin etiam à caulibus, brasicisq; si prope sati sunt, ut à pestiferis, & nocentibus refugere dicuntur, nec eos ulla ex parte contingere. animantium uero quanta uarietas est? quanta ad eam rem uis, ut in suo quæq; genere permaneant? quarum aliæ corijs tectæ sunt, aliæ uillis uestitæ, aliæ spinis hirsutæ: pluma alias, alias squama uidemus obductas, alias esse cornibus armatas, alias habere effugia pennarum. pastum autem animantibus large & copiose natura eum, qui cuiq; aptus erat, cōparauit. enumerare possum ad eum pastum capeffendum, conficiendumq;, quæ sit in figuris animantium, & quàm solers subtilisq; descriptio partiū, quamq; admirabilis fabrica membrorum: omnia enim, quæ quidem intus inclusa sunt, ita nata, atq; ita locata sunt, ut nihil eorum superuacaneum sit, nihil ad uitam retinendam non necessarium. dedit autem eadem natura beluis & sensum, et appetitum, ut altero conatum haberent ad naturales pastus capeffendos, altero secernerēt pestifera à salutaribus. iam uero alia animalia gradiendo, alia serpendo ad pastum accedunt, alia uolando, alia nando, cibumq; partim oris hiatu, & dentibus ipsis capeffunt, partim unguium tenacitate arripiunt, partim aduncitate rostrorum: alia sugunt, alia carpunt, alia uorant, alia mandunt. atq; etiam aliorum ea est humilitas, ut cibum terrestrem rostris facile contingant. quæ au-

tem altiora sunt, ut anseres, ut cygni, ut grues, ut cameli, adiuuantur proceritate collorum. manus etiam data elephantis, quia propter magnitudinem corporis difficiles aditus habebant ad pastum. at quibus bestiis erat is cibus, ut alius generis bestiis uescerentur; aut uires natura dedit, aut celeritatem: data est quibusdam etiam machinatio quædam atq; solertia: ut in araneo = lis, aliæ quasi rete texunt, ut, si quid inhæserit, conficiant; aliæ autem ut ex inopinato obseruant, & si quid incidit, arripiunt, idq; consumunt. Pinna uero (sic enim græce dicitur) duabus grandibus patula conchis cum parua squilla quasi societatem coit comparandi cibi. itaque cum pisciculi parui in concham hiantem innatauerint, tum admonita à squilla pinna morsu comprimit conchas. sic dissimillimis bestiis communiter cibus quæritur. in quo admirandum est, congressu ne aliquo inter se, an iam inde ab ortu naturæ ipsæ congregatæ sint. est etiam admiratio non nulla in bestiis aquatilibus ijs, quæ gignuntur in terra: ueluti crocodili, fluuiatilesq; testudines, quædamq; serpentes ortæ extra aquam, simul ac primum niti possunt, aquam persequuntur. quin etiam anatum oua gallinis sæpe supponimus: ex quibus pulli orti primum aluntur ab ijs, ut à matribus; deinde eas relinquunt, à quibus exclusi, fortiq; sunt, & effugiunt, cum primum aquam quasi naturalem domum uidere potuerunt. tantam ingenuit animantibus conseruandi sui natura custodiam. legi etiam scriptum, esse auem quandam, quæ Platalea nominetur: eam sibi cibum quærere aduolantem ad eas aues, quæ se in mari mergerent: quæ cum

emerfissent, piscemq; cepissent, usque eò premere earum capita mordicus, dum illæ captum amitterent: id quod ipsa inuaderet. eademq; hæc avis scribitur conchis se solere complere, easq; cum stomachi calore concoxerit, euomere, atque ita eligere ex ijs, quæ sunt esculenta. Rana autem marinæ dicuntur obruere sese arena solere, & moueri propè aquam; ad quas quasi ad escam pisces cum accesserint, confici à ranis atque consumi. Miluo est quoddam bellum naturale cum coruo. ergo alter alterius, ubicunque nactus est, oua frangit. illud uero ab Aristotele animaduersum, à quo pleraque, quis potest non mirari? Grues, cum loca calidiora petentes maria transmittunt, trianguli formam efficere: eius autem summo angulo aer ab ijs aduersus pellitur: deinde sensim ab utroque latere, tanquam remis, ita pennis cursus auium leuatur. basus autem trianguli, quam grues efficiunt, ea tanquam à puppi uentis adiunatur, hæq; in tergo præuolantium colla, & capita reponunt. quod quia ipse dux facere non potest, quia non habet ubi nitatur, reuolat, ut ipse quoque quiescat. in eius locum succedit ex ijs quæ acquienerunt: eaque uicissitudo in omni cursu conseruatur. Multa eiusmodi proferre possum: sed genus ipsum uidetis. Iam uero illa etiam notiora, quanto se opere custodiant bestię, ut in pastu circumspectent, ut in cubilibus delitescant. atque illa mirabilia. quid ea, quæ nuper, id est paucis ante seculis, medicorum ingenijs reperta sunt? uomitione canis purgare  
 \* aluos ibes Aegyptiæ curant. auditum est, pantheras, quæ in barbaria uenenata carne caperentur, remediū quod=

cm. 125.  
 c. 66.



dam habere ; quo cum essent usæ, non morerentur : capras autem in Creta feras, cum essent confixæ uenenatis sagittis, herbam quærere, quæ Dictamus uocaretur ; quam cum gustauissent, sagittas excidere dicunt è corpore . ceruæq; paulo ante partum perpurgant se quadam herbula, quæ Sefelis dicitur . iam illa cernimus, ut contra metum, & uim suis se armis quæq; defendat . cornibus tauri, apri dentibus, morsu leones, aliæ fuga se, aliæ occultatione tutantur : atramenti effusione sepia, torpore torpedines . multæ etiam insectantes odoris intolerabili foeditate depellunt . ut uero perpetuus mundi esset ornatus, magna adhibita cura est à prouidètia deorum, ut semper essent & bestiarum genera, & arborum, omniumq; rerum, quæ altæ aut radicibus à terra, aut stirpibus containerentur . quæ quidem omnia eam uim seminis habent in se, ut ex uno plura generentur : idq; semen inclusum est in intima parte earum bacarum, quæ ex quaque stirpe funduntur : iisdemq; seminibus & homines affatim nascuntur, & terræ eiusdem generis stirpium renouatione complentur . quid loquar, quanta ratio in bestiis ad perpetuam conseruationem earum generis appareat ? nam primum aliæ mares, aliæ fœminæ sunt : quod perpetuitatis causa machinata natura est . deinde partes corporis & ad procreandum, & ad concipiendum aptissimæ, & in mari, & in fœmina commiscendorum corporum miræ libidines . cum autem in locis semen insedit, rapit omnem ferè cibum ad sese, eoq; septum fingit animal : quod cum ex utero elapsum excidit, in ijs animalibus, quæ lacte aluntur, omnis ferè cibus matrum

laetescere incipit, eaq; , quæ paulo ante nata sunt, sine magistro, duce natura mammas appetunt, earumq; uber tate saturantur. atque ut intelligamus nihil horum esse fortuitum, & hæc omnia esse providæ, solertisq; naturæ: quæ multiplices foetus procreant, ut sues, ut canes, his mammarum data est multitudo: quas easdem paucas habent eæ bestiae, quæ pauca gignunt. quid dicam, quantus amor bestiarum sit in educandis custodiendisq; ijs, quæ procreauerint, usque ad eum finem, dum possint se ipsa defendere? & si pisces, ut aiunt, ova cum genuerunt, relinquunt: facile enim illa aqua & sustinentur, & foetum fundunt. testudines autem & crocodilos dicunt, cum in terra partum ediderint, obruere ova, deinde discedere. ita & nascuntur, & educantur ipsa per sese. iam gallinæ, auesq; reliquæ & quietum requirunt ad pariendum locum, & cubilia sibi, nidosq; construunt, eosq; quàm possunt mollissime substernunt, ut quamfacillime ova seruentur. ex quibus pullos cum excluserint, ita tuentur, ut & pennis foveant, ne frigore lædantur; & si est calor, à sole se opponant. cum autem pulli pinnulis uti possunt, tum uolatus eorum matres prosequuntur, reliqua cura liberantur. accedit etiam ad nonnullorum animantium, & earum rerum, quas terra gignit, conseruationem, & salutem, hominum etiam solertia, & diligentia. nam multæ & pecudes, & stirpes sunt, quæ sine procuratione hominum saluæ esse non possunt. magnæ etiam opportunitates ad cultum hominum, atque abundantiam aliæ alijs in locis reperiuntur. Aegyptum Nilus irrigat; & cum tota æstate obrutam, oppletamq; tenuerit, tum recedit, mollitosq; & oblima=

## DE NATURA DEORVM

tos agros ad serendum relinquit. Mesopotamiam ferti-  
 lem efficit Eufrates : in quam quotannis quasi novos a-  
 gros inuehit . Indus uero, qui est omnium fluminum ma-  
 ximus, non aqua solum agros latificat, & mitigat, sed  
 eos etiam conserit : magnam enim uim seminum secum  
 frumenti, & similium dicitur deportare . multaq; a-  
 lia in alijs locis commemorabilia proferre possum, mul-  
 tos fertiles agros alios aliorum fructuum . sed illa quan-  
 ta benignitas naturæ, quod tam multa ad uescendum,  
 tam uaria, tamq; iucunda gignit? neque ea uno tem-  
 pore anni : ut semper & nouitate delectemur, & co-  
 pia . quàm tempestiuos autem dedit, quàm salutare nō  
 modo hominum, sed etiam pecudum generi, ijs deni-  
 que omnibus, quæ oriuntur è terra, uentos etefias? quo-  
 rum flatu nimij temperantur calores . ab ijsdem etiam  
 maritimi cursus celeres, & certi diriguntur . mul-  
 ta prætereunda sunt : & tamen multa dicuntur . enu-  
 merari enim non possunt fluminum opportunitates, æ-  
 stus maritimi multum accedentes, & recedentes, mon-  
 tes uestiti, atque siluestres, saline ab ora maritima re-  
 motissimæ, medicamentorum salutarium plenissimæ ter-  
 ræ, artes denique innumerabiles ad uictum, & ad ui-  
 tam necessariæ . iam diei noctisq; uicissitudo conseruat  
 animantes, tribuens aliud agendi tempus, aliud quie-  
 scendi . sic undique omni ratione concluditur, mente,  
 consilioq; diuino omnia in hoc mundo ad salutem omni-  
 um, conseruationemq; admirabiliter administrari . sin  
 quæret quispiam, cuiusnam causa tantarum rerum mo-  
 litio facta sit, arborum ne & herbarum, quæ quan-  
 quam sine sensu sunt, tamen à natura sustentantur? at



id quidem absurdum est . an bestiarum ? nihilo probabilius , deos mutarum , & nihil intelligentium causa tantum laborasse , quorum igitur causa quis dixerit effectum esse mundum ? eorum scilicet animantium , quæ ratione utuntur . hi sunt dii , & homines : quibus profecto nihil est melius : ratio est enim , quæ præstat omnibus : itaque fit credibile , deorum & hominum causa factum esse mundum , quæq; in eo sint omnia . faciliusq; intelligetur , à dijs immortalibus hominibus esse prouisum , si erit tota hominis fabricatio perspecta , omnisq; humanæ naturæ figura , atque perfectio . nam cum tribus rebus animantium uita teneatur , cibo , potione , spiritu , ad hæc omnia percipienda os est aptissimum , quod adiunctis naribus spiritu augetur . dentibus autem in ore constructis manditur , atque ab his extenuatur , & molitur cibus . eorum aduersi acuti morsu diuidunt escas , intimi autem conficiunt , qui genuini uocantur : quæ cōfectio etiam à lingua adiunari uidetur . linguam autem ad radices eius hærens excipit stomachus : quò primum illabuntur ea , quæ accepta sunt ore . is utraque ex parte tonsillas attingens , palato extremo , atque intimo terminatur . atque is agitatione & motibus linguæ cum depulsum , & quasi detrusum cibum accipit , depellit . ipsius autem partes eæ , quæ sunt infra id , quod deuoratur , dilatantur ; quæ autem supra , contrahuntur . sed cum aspera arteria ( sic enim à medicis appellatur ) ostium habeat adiunctum linguæ radicibus , paulo supra , quàm ad linguam stomachus annectitur ; eaq; ad pulmones usque pertineat , excipiatq; animam eam , quæ ducta sit spiritu , eandemq; à pulmonibus respiret , & red-

## DE NATURA DEORVM

dat : tegitur quasi quodam operculo ¶ quod ob eam cau-  
 sam datum est , ne , si quid in eam cibi forte incidisset ,  
 spiritus impediretur ¶ sed cum alui natura , subiecta sto-  
 macho , cibi , & potionis sit receptaculum , pulmones  
 autem , & cor extrinsecus spiritum adducant : in aluo  
 multa sunt mirabiliter effecta : quæ constant ferè è ner-  
 uis ¶ est autem multiplex , & tortuosa , arcetq; , & con-  
 tinet siue illud aridum est , siue humidum quod recipit ,  
 ut id mutari , & concoqui facile possit : eaq; tum astrin-  
 gitur , tum relaxatur , atque omne , quod accepit , co-  
 git , & confundit : ut facile & calore , quem mul-  
 tum habet , & terendo cibo , & præterea spiritu omnia  
 coëcta , atque confecta in reliquum corpus diuidantur .  
¶ in pulmonibus autem inest raritas quædam , & assimi-  
 lis spongijs mollitudo , ad hauriendum spiritum aptissi-  
 ma : qui tum se contrahunt aspirantes , tum spiritu di-  
 latant , ut frequenter ducatur cibus animalis , quo ma-  
 xime aluntur animantes ¶ ex intestinis autem & aluo se-  
 cretus à reliquo cibo succus is , quo alimur , permanat ad  
 iecur per quasdam à medio intestino usque ad portas ie-  
 coris ( sic enim appellant ) ductas , & directas uias , quæ  
 pertinent ad iecur , eiq; adherent . atque inde aliæ perti-  
 nentes sunt , per quas cadit cibus à iecore dilapsus . ab eo  
 cibo cum est secreta bilis , ijq; humores , qui ex renibus pro-  
 funduntur , reliqua se in sanguinem uertunt , ad eas-  
 demq; portas iecoris confluunt , ad quas omnes eius uia  
 pertinent : per quas lapsus cibus in hoc ipso loco in eam  
 uenam , quæ cava appellatur , confunditur , perq; eam  
 ad cor confectus iam coæctusq; perlabitur : à corde au-  
 tem in totum corpus distribuitur per uenas admodum

multas, in omnes partes corporis pertinentes. quemad-  
 modum autem reliquæ cibi depellantur tum astringenti-  
 bus se intestinis, tum relaxantibus, haud sanè difficile  
 dictu est, sed tamen prætereundum est, ne quid habeat  
 iniucunditatis oratio. illa potius explicetur incredibilis  
 fabrica naturæ. nam quæ spiritu in pulmones anima  
 ducitur, ea calescit primum ab ipso spiritu, deinde co-  
 agitatione pulmonum: ex eaq; pars redditur respiran-  
 do, pars concipitur cordis parte quadam, quam uen-  
 triculum cordis appellat: cui similis alter adiunctus est,  
 in quem sanguis à iecore per uenam illam cauam infu-  
 it. eoq; modo ex his partibus & sanguis per uenas in o-  
 mne corpus diffunditur, & spiritus per arterias. utraq;  
 autem crebra, multaq; toto corpore intextæ uim quan-  
 dam incredibilem artificiosi operis, diuiniq; testantur.  
 quid dicam de ossibus? quæ subiecta corpori mirabiles  
 commissuras habent, & ad stabilitatem aptas, & ad  
 artus finiendos accommodatas, & ad motum, & ad  
 omnem corporis actionem. Huc adde nervos, à quibus  
artus continentur; eorumq; implicationem toto corpo-  
re pertinentem: qui, sicut uenæ, & arteriæ à corde  
tractæ, & prosectæ, in corpus omne ducuntur. ad  
 hanc providentiam naturæ tam diligentem, tamq; so-  
 lertem adiungi multa possunt, è quibus intelligatur,  
 quantæ res hominibus à deo, quamq; eximia tributa  
 sint: qui primum eos humo excitatos celsos, & erectos  
 constituit, ut deorum cognitionem, cælum intuentes,  
 capere possent. sunt enim è terra homines non ut inco-  
 læ, atque habitatores, sed quasi spectatores superarum  
 rerum, atque coelestium: quarum spectaculum ad nul-

om. 138  
col.

sps

Ossa

Nervi



# DE NATURA DEORVM

lum aliud genus animantium pertinet. **Sensus** autem interpretēs ac nunciij rerum, in capite tanquam in arce mirifice ad usus necessarios & facti, & collocati sunt. **Oculi** tanquam speculatores, altissimum locum obtinent; ex quo plurima conspicientes, fungantur suo munere. **Aures** & aures cum sonum recipere debeant, qui natura in sublimē fertur; recte in altis corporum partibus collocatæ sunt. **Nares** itemq; nares, eo quod omnis odor ad superiora fertur, recte sursum sunt: & quod cibi & potionis iudicium magnum earum est, non sine causa uicinitatem oris secutæ sunt. **Gustatus** nam gustatus, qui sentire eorum, quibus uescimur, genera debet, habitat in ea parte oris, qua esculentis, & poculentis iter natura patefecit. **Tactus** autem toto corpore æquabiliter fusus est, ut omnes ictus, omnesq; nimios & frigoris, & caloris appulsus sentire possimus. **Noculus** atque ut in edificijs architecti auertunt ab oculis & naribus dominorum ea, quæ profluentia necessario tetri essent aliquid habitura: sic natura res similes procul amandauit à sensibus. **Quis** uero opifex, præter naturam, qua nihil potest esse callidius, tantam solertiam persequi potuisset in sensibus? quæ primum oculos membranis tenuissimis uestiuit, & sepsit: quas primum perlucidas fecit, ut per eas cerni posset; firmas autem, ut continerentur. sed lubricos oculos fecit, & mobiles, ut & declinarent, siquid noceret; & aspectum, quod uel lent, facile conuerterent. **Pupilla** faciesq; ipsa, qua cernimus, quæ pupilla uocatur, ita parua est, ut ea, quæ nocere possint, facile uitet. **Palpebræ** quæ sunt tegumenta oculorum, mollissimæ tactu, ne læderent aciem, aptissime factæ & ad claudendas pupillas, ne quid incideret;

Et ad aperiendas : idq; prouidit ut identidem fieri posset  
 cum maxima celeritate . munitaq; sunt palpebrae tan-  
 quam uallo pilorum : quibus Et apertis oculis, si quid in-  
 cideret, repelleretur ; Et somno conuiuentibus, cum ocu-  
 lis ad cernendum non egeremus, ut qui tanquam inuolu-  
 ti quiescerent . latent præterea utiliter, Et excelsis undi-  
 que partibus sepiuntur . primum enim superiora super-  
 cilijs obducta sudorem à capite, Et fronte defluentem re-  
 pellunt . genæ deinde ab inferiore parte tutantur subie-  
 ctæ, leuiterq; eminentes . nasus ita locatus est, ut quæ-  
 murus oculis interiectus esse uideatur . auditus autem  
 semper patet : eius enim sensu etiam dormientes ege-  
 mus . a quo cum sonus est acceptus, etiam è somno exci-  
 tamur . flexuosum iter habet, ne quid intrare possit, si  
 simplex Et directum pateret . prouisum etiam, ut si qua  
 minima bestiola conaretur irrumperè, in sordibus auri-  
 um, tanquam in uisco, inhæresceret . extra autem emi-  
 nent, quæ appellantur aures, Et tegendi causa factæ, tu-  
 tandiq; sensus, Et ne adiectæ uoces laberentur, atque  
 errarent, priusquam sensus ab his pulsus esset . sed duos,  
 Et quasi corneolos habent introitus, multiq; cum flexi-  
 bus, quod his naturis relatus amplificatur sonus . quocir-  
 ca Et in fidibus testudine resonatur, aut cornu : Et ex  
 tortuosis locis, Et inclusis referuntur ampliores . simili-  
 ter nares, quæ semper propter necessarias utilitates pa-  
 tent, contractiores habent introitus, ne quid in eas, quod  
 noceat, possit peruadere : humoremq; semper habent  
 ad puluerem multa; alia repellenda non inutilem .  
 gustatus præclare septus est : ore enim continetur, Et  
 ad usum apte, Et ad incolumitatis custodiam . omnisq;

Pili palpebrarum

Supercilij

Genæ

Nasus

Auditus

Aures

Nares

Gustus



*Oculorū* **S**ensus hominum multo antecellit sensibus bestiarum .  
 primum enim oculi in ijs artibus , quarum iudicium est  
 oculorum , in pictis , fictis , calatisq; formis , in corpo=  
 rum etiam motione , atque gestu multa cernunt subti=  
 lius : colorum etiam , & figurarum tum uenustatem ,  
 atque ordinem , & , ut ita dicam , decentiam oculi iudi=  
 cant : atque etiam alia maiora : nam & uirtutes , &  
 uitia cognoscunt ; iratum , propitium , latantem , do=  
 lentem , fortem , ignauium , audacem , timidumq; co=  
 gnoscunt . *Aurium* **A**urium item est admirabile quoddam , arti=  
 ficiosumq; iudicium , quo iudicatur & in uocis , & in  
 tibiarum , neruorumq; cantibus uarietas sonorum , in=  
 terualla , distinctio , & uocis genera permulta , cano=  
 rum , fuscum ; leue , asperum ; graue , acutum ; flexi=  
 bile , durum : quae hominum solum auribus iudicantur .  
*Narium* **N**ariumq; item & gustandi , & aperte tangendi magna  
 iudicia sunt . ad quos sensus capiendos , & perfruen=  
 dos plures etiam , quam uellem , artes repertae sunt .  
*Al. mentisq; ro* **P**erspiciuum est enim , quod compositiones unguentorum ,  
 quod ciborum conditiones , quod corporum lenocinia pro=  
 cesserint . iam uero animum ipsum , mentemq; hominis ,  
 rationem , consilium , prudentiam , qui non diuina cu=  
 ra perfecta esse perspicit , is his ipsis rebus mihi uidetur  
 carere . de quo dum disputarem , tuam mihi dari uelim  
 Cotta eloquentiam . quo enim tu illa modo diceres ? quā=  
 ta primum intelligentia , deinde consequentium re=  
 rum cum primis coniunctio , & comprehensio esset  
 in nobis : ex quo uidelicet , quid ex quibusque rebus  
 efficiatur , idq; ratione , concludimus : singulasq; res  
 diffinimus , circumscripτεq; complectimur : ex quo sci=  
 entia



entia intelligitur quam vim habeat, qualis sit: qua ne in deo quidem est res ulla praestantior, quanta uero illa sunt, quae uos Academici infirmatis, & tollitis, quod & sensibus, & animo ea, quae extra sunt, percipimus, atque comprehendimus. ex quibus collatis inter se, & comparatis artes quoque efficitur, partim ad usum uitae, partim ad oblectationem necessarias. iam uero domina rerum (ut uos soletis dicere) eloquendi uis quam est praecleara, quamq; diuina: quae primum efficit, ut ea, quae ignoramus, discere, & ea, quae scimus, alios docere possimus. deinde hac cohortamur, hac persuademus, hac consolamur afflictos, hac deducimus perterritos à timore, hac gestientes comprimimus, hac cupiditates, iracundiasq; restringimus: hac nos iuris, legum, urbium societate deuinxit, hac à uita immani, & fera segregauit. ad usum autem orationis, incredibile est, nisi diligenter attenderis, quanta opera machinata natura sit. primum enim à pulmonibus arteria usque ad os intimum pertinet: per quam uox principium à mente ducens, percipitur, & funditur. deinde in ore sita lingua est finita dentibus. ea uocem immoderate profusam fingit, & terminat: quae sonos uocis distinctos & pressos efficit, cum & ad dentes, & ad alias partes pellit oris. itaque pleetri similem linguam nostri solent dicere, cordarum dentes, nares cornibus ijs, qui ad nervos resonant in cantibus. quàm uero aptas, quamq; multarum artium ministras manus natura homini dedit? digitorum enim contractio facilis, facilisq; porrectio, propter molles commissuras, & artus, nullo in motu laborat. itaque

scia

Ar

Loquendi uis

Lingua pletri

Dentes corde

Nares cornu

Manus ministras

ad pingendum, ad fingendum, ad sculpendum, ad ner-  
uorum eliciendos sonos, ac tiliarum apta manus est ad-  
motione digitorum. atq; hæc oblectationis, illa necessita-  
tis. cultus dico agrorum, extruçõesq; tectorum, tegu-  
menta corporum uel texta, uel suta, omnemq; fabricam  
æris, & ferri: ex quo intelligitur, adinuenta animo,  
percepta sensibus, adhibitis opificum manibus omnia  
nos consecutos, ut tecti, ut uestiti, ut salui esse pos-  
simus, urbes, muros, domicilia, delubra haberemus.  
iam uero operibus hominum, id est manibus, cibi etiam  
uarietas inuenitur & copia. nam & agri multa fe-  
runt manu quesita, quæ uel statim consumantur, uel  
mandentur condita uetustati. & præterea uescimur be-  
stijs & terrenis, & aquatilibus, & uolatilibus, par-  
tim capiendo, partim alendo. efficimus etiam domitu  
nostro quadrupedum uectiones: quorum celeritas, atq;  
uis nobis ipsis affert uim, & celeritatem. nos onera  
quibusdam bestijs, nos iuga imponimus: nos elephan-  
torum acutissimis sensibus, nos sagacitate canum ad  
utilitatem nostram abutimur: nos è terræ cauernis fer-  
rum elicimus, rem ad colendos agros necessariam: nos  
æris, argenti, auri uenas penitus abditas inuenimus,  
& ad usum aptas, & ad ornatum decoras: arborum  
autem confectione, omniq; materia, & culta, & sil-  
uestri, partim ad calefaciendum corpus igni adhibita,  
& ad mitigandum cibum utimur, partim ad ædifican-  
dum, ut tectis septi frigora, caloresq; pellamus. ma-  
gnos uero usus affert ad nauigia facienda. quorum cur-  
sibus suppeditantur omnes undique ad uitam copię:  
quasq; res uiolentissimas natura genuit, earum mode-

rationem nos soli habemus; maris, atque uentorum, propter nauticarum rerum scientiam: plurimisque maritimis rebus fruimur, atque utimur. terrenorum item commodorum omnis est in homine dominatus: nos campis, nos montibus fruimur: nostri sunt amnes, nostri lacus: nos fruges serimus, nos arbores: nos aquarum inductionibus terris fecunditatem damus: nos flumina arcemus, dirigimus, auertimus: nostris denique manibus in rerum natura quasi alteram naturam efficere conamur. quid uero? hominum ratio non in cœlum usque penetravit? soli enim ex animantibus nos astrorum ortus, obitus, cursusque cognouimus: ab hominum genere finitus est dies, mensis, annus: defectio- nes solis et lunæ cognita, prædictaque in omne poste- rum tempus, quæ, quantæ, quando futuræ sint. quæ contuens animus, accipit ab his cognitionem deorum, ex qua oritur pietas: cui coniuncta iustitia est, reli- quæque uirtutes: ex quibus uita beata existit par, et similis deorum, nulla re, nisi immortalitate, quæ ni- hil ad bene uiuendum pertinet, cedens coelestibus. Qui- bus rebus expositis, satis docuisse uideor, hominis na- tura quanto omnes anteiret animantes. ex quo debet intelligi, nec figuram, situmque membrorum, nec in- genij mentisque uim talem effici potuisse fortuna. Re- stat, ut doceam, atque aliquando perorem, omnia, quæ sint in hoc mundo, quibus utantur homines, hominum causa facta esse, et parata. Principio ipse mundus deo- rum hominumque causa factus est: quæque in eo sunt om- nia, ea parata ad fructum hominum, et inuenta sunt. est enim mundus quasi communis deorum atque homi-



num domus, aut urbs utrorunq; . soli enim ratione utentes iure, ac lege viuunt . ut igitur Athenas, & Lacedæmonem, Atheniensium, Lacedæmoniorumq; causa putandum est conditas esse ; omniaq; , quæ sint in his urbibus, eorum populorum recte esse dicuntur : sic quacunq; sunt in omni mundo, deorum, atq; hominum putanda sunt . iam uero circuitus solis, & lunæ, reliquorumq; siderum, quanquam etiam ad mundi coherentiam pertinent, tamen & spectaculum hominibus præbent : nulla est enim insatiabilior species, nulla pulchrior, & ad rationem solertiamq; præstantior : eorum enim cursus demetiti, maturitates temporum, & uarietates, mutationesq; cognouimus . quæ si hominibus solis nota sunt, hominum causa facta esse indicanda sunt. Terra uero facta frugibus, et uario leguminum genere, quæ maxima largitate fundit, ea ferarum ne, an hominum causa gignere uidetur? quid de uitis oliuetisq; dicam? quarum uberrimi lætissimiq; fructus nihil omnino ad bestias pertinent. neq; enim serendi, neq; colendi, nec tempestiue demetendi, percipiendiq; fructus, neq; condendi, ac reponendi ulla pecudum scientia est : earumq; omnium rerum hominum est & usus, & cura . ut fides igitur, & tibias eorum causa factas dicendum est, qui illis uti possunt : sic ea, quæ diximus, solis ijs confitendum est esse parata, qui utuntur . nec si quæ bestię furantur aliquid ex his, aut rapiunt, illarum quoq; causa ea nata esse dicemus . neque enim homines murium, aut formicarum causa frumentum condunt, sed coniugum, & liberorum, & familiarum suarum . itaq; bestię furtim, ut dixi, fruuntur, domini palam, & libere. hominum igitur causa eas rerum

copias comparatas, fatendum est . nisi forte tanta uber-  
tas, & uarietas pomorum, eorumq; iucundus non gusta-  
tus solum, sed odoratus etiam, & aspectus dubitatio-  
nem affert, quin hominibus solis ea natura donauerit .  
tantumq; abest, ut hæc bestiarum etiam causa parata  
sint, ut ipsas bestias hominum gratia generatas esse uidea-  
mus . quid enim oues aliud afferunt, nisi ut earum uillis  
consecris, atq; contextis homines uestiantur? quæ quidem  
neq; ali, neq; sustentari, neq; ullum fructum edere ex se  
sine cultu hominum, & curatione potuissent . canum ue-  
ro tam fida custodia, tamq; amans dominorum adulatio,  
tantumq; odium in externos, & tam incredibilis ad inue-  
stigandum sagacitas narium, tanta alacritas in uenando  
quid significat aliud, nisi se ad hominum commoditates  
esse generatos? quid de bobus loquar? quorum ipsa ter-  
ga declarant non esse se ad onus accipiendum figura-  
ta: ceruices autem natæ ad iugum: tum uires humero-  
rum, & latitudines ad aratra extrahenda . quibus cum  
terræ subigerentur fissione glebarum, ab illo aureo  
genere, ut poetæ loquuntur, uis nunquam ulla af-  
ferebatur .

- » Ferrea tum uero proles exorta repente est,
  - » Ausaq; funestum prima est fabricarier ense,
  - » Et gustare manu uictum, domitumq; iuuenicum.
- tanta putabatur utilitas percipi ex bobus, ut eorum uti-  
sceribus uesci scelus haberetur . longum est mulorum  
persequi uilitates, & asinorum: quæ certe ad homi-  
num usum paratæ sunt . sus uero quid habet præter  
escam? cui quidem, ne putresceret, animam ipsam pro  
sale datam dicit esse Chrysippus . qua pecude, quodd

erat ad uescendum hominibus apta, nihil genuit natura  
foecundius. quid multitudinem, suauitatemq; piscium  
dicam? quid auium? ex quibus tanta percipitur uolu=  
ptas, ut interdum Pronœa nostra Epicurea fuisse ui=  
deatur. atque hæ ne caperentur quidem, nisi hominum  
ratione, atque solertia: quanquam aues quasdam &  
alites, & oscines, ut nostri augures appellant, rerum  
augurandarum causa esse natas putemus. iam uero  
immanes & feras beluas nanciscimur uenando, ut &  
uescamur ijs, & exerceamur in uenando ad similitudi=  
nem bellicæ disciplinæ, & utamur domitis, & condoce=  
factis, ut elephantis, multaq; ex earum corporibus re=  
media, morbis, & uulneribus eligamus, sicut ex qui=  
busdam stirpibus, & herbis, quarum utilitates longin=  
qui temporis usu, & periclitatione percepimus. totam  
licet animis tanquam oculis lustrare terram, mariaq; o=  
mnia cernere, & spatia frugifera, atq; immensa cam=  
porum, uestitusq; densissimos montium, pecudum pa=  
stus, tum incredibili cursus maritimos celeritate. nec ue=  
ro tantum supra terram, sed etiam in intimis eius tene=  
bris plurimarum rerum latet utilitas; quæ ad usum ho=  
minum orta, ab hominibus solis inuenitur. illud uero,  
quod uterq; uestrum fortasse arripiet ad reprehenden=  
dum; Cotta, quia Carneades libenter in Stoicos inuehe=  
batur; Velleius, quia nihil tam irridet Epicurus, quàm  
prædictionem rerum futurarum: mihi uidetur uel ma=  
xime confirmare deorum providentia consuli rebus hu=  
manis. est enim profecto diuinitas, quæ multis locis,  
rebus, temporibus apparet, tum in priuatis, tum maxi=  
me in publicis. multa cernunt aruspices: multa augu=



res provident : multa oraculis declarantur, multa uaticinationibus, multa somnijs, multa portentis : quibus cognitis, multæ sæpe res hominum sententia atq; utilitate partæ, multa etiam pericula depulsa sunt. hæc igitur siue uis, siue ars, siue natura, ad scientiam rerum futurarum homini profecto est, nec ab alio alicui, quàm à dijs immortalibus data. quæ si singula uos forte non mouent, uniuersa certe inter se connexa, atq; coniuncta mouere debebunt. nec uero uniuerso generi hominum solum, sed etiam singulis à dijs immortalibus consuli, & prouideri solet. licet enim contrahere uniuersitatem generis humani, eamq; gradatim ad pauciores, postremo deducere ad singulos. nam si omnibus hominibus, qui ubiq; sunt, quacunq; in ora, ac parte terrarum ab huiusce terræ, quam nos incolimus, continuatione distantium, deos consulere censemus ob eas causas, quas ante diximus : his quoq; hominibus consulunt, qui has nobiscum terras ab oriente ad occidentem colunt. sin autem his consulunt, qui quasi magnam quandam insulam incolunt, quam nos orbem terræ uocamus : etiam illis consulunt, qui partes eius insulæ tenent, Europam, Asiam, Africam. ergo & earum partes diligunt, ut Romam, Athenas, Spartam, Rhodum : & earum urbium separatim ab uniuersis singulos diligunt, ut Pyrrhi bello Curium, Fabricium, Coruncanum, primo Punico Catilinum, Duillium, Metellum, Luctatium, secundo Maximum, Marcellum, Africanum, post hos Paulum, Gracchum, Catonem, patrum uel memoria Scipionem, Lælium : multosq; præterea & nostra ciuitas, & Græcia tulit singulares uiros : quorum neminem nisi iuuante deo ta-

lem fuisse credendum est. quæ ratio poetas, maximeq;  
 Homerum impulit, ut principibus heroum, Vlyxi, Diome-  
 di, Agamemnoni, Achilli, certos deos discriminum, & pe-  
 riculorum comites adiungeret. Præterea ipsorum deo-  
 rum sæpe præsentia, quales supra commemoravi, decla-  
 rant, ab his & ciuitatibus, & singulis hominibus consuli.  
 quod quidem intelligitur etiam significationibus rerum  
 futurarum, quæ tum dormientibus, tum uigilantibus  
 portenduntur. multa præterea ostentis, multa extis ad-  
 monemur, multisq; rebus alijs: quas diuturnus usus ita  
 notauit, ut artem diuinationis efficeret. nemo igitur uir  
 magnus sine aliquo afflatu diuino unquam fuit. nec ue-  
 ro ita refellendum est, ut, si segetibus aut uinetis cuiuspiã  
 tempestas nocuerit, aut si quid è uitæ comodis casus ab-  
 stulerit, eum, cui quid horum acciderit, aut inuisum  
 deo, aut neglectum à deo iudicemus. magna dij curant,  
 parua negligunt. magnis autem uiris prospere eueniunt  
 semper omnes res: si quidem satis à nostris, & à princi-  
 pe philosophorum Socrate dictum est de ubertatibus uir-  
 tutis & copijs. Hæc mihi ferè in mentem ueniebant, quæ  
 dicenda putarem de natura deorum. tu autem Cotta, si  
 me audias, eandem causam agas, teq; & principem ci-  
 uem putes, et pontificem esse cogites, et, quoniã in utranq;  
 partem uobis licet disputare, hanc potius sumas, eamq; fa-  
 cultatem differendi, quam tibi à rhetoricis exercitationi-  
 bus acceptam amplificauit Academia, huc potius confe-  
 ras: mala enim, & impia consuetudo est contra deos di-  
 sputandi, siue ex animo id fit, siue simulate.

## M. TVLLII CICERONIS

## DE NATVRA DEORVM

## LIBER III.

Væ cum Balbus dixisset, tum ar-  
ridens Cotta, sero, inquit, mihi  
Balbe præcipis quid defendam.  
Q ego enim, te disputante, quid con-  
tradicerem mecum ipse medita-  
bar, neq; tam refellendi tui cau-  
sa, quàm ea, quæ minus intellige-  
bam, requirendi. cum autem suo cuiq; iudicio sit uten-  
dum, difficile factu est, me id sentire, quod tu uelis. Hic  
Velleius, nescis, inquit, quâta cum expectatione Cotta sim  
te auditurus: incundus enim Balbo nostro sermo tuus  
contra Epicurum fuit. præbebo igitur me tibi uicissim  
attentum contra Stoicos auditorem: spero enim te, ut so-  
les, bene paratum uenire. Tum Cotta, si mehercule, in-  
quit, Vellei: neque enim mihi par ratio cum Lucilio est,  
ac tecum fuit. Qui tandem, inquit ille? Quia mihi ui-  
detur Epicurus uester de dijs immortalibus non magno-  
pere pugnare. tantum modo negare deos esse non audet,  
ne quid inuidiæ subeat, aut criminis. cum uero deos nihil  
agere, nihil curare cõfirmat, membrisq; humanis esse præ-  
ditos, sed eorum membrorum usum nullum habere: lu-  
dere uidetur, satisq; putare, si dixerit, esse quandam bea-  
tam naturam, & æternam. à Balbo autem animaduer-  
tisti credo quàm multa dicta sint, quàmq; etiam si minus  
uera, tamen apta inter se, & cohærentia. itaq; cogito, ut



dixi, non tam refellere eius orationem, quàm ea, quæ mi-  
nus intellexi, requirere. quare Balbe tibi permitto, respon-  
dere ne mihi malis de singulis rebus quereti ex te ea quæ  
parum accepi, an uniuersam audire orationem meam.

Tum Balbus, ego uero, si quid explanari tibi uoles, respon-  
dere malo: sin me interrogare, non tam intelligendi cau-  
sa, quàm refellendi; utrum uoles, faciam; uel ad singu-  
la, quæ requirès, statim respondebo; uel, cum peroraris,  
ad omnia. Tum Cotta, optime, inquit. quamobrem sic  
agamus, ut nos ipsa ducit oratio. sed antequam de re;  
pauca de me. non enim mediocriter moueor auctorida-  
te tua Balbe, orationeq; ea, quæ me in perorando cohorta-  
batur, ut meminisssem me & Cottam esse, & pontificem.  
quod eo credo ualebat, ut opiniones, quas à maioribus ac-  
cepimus de dijs immortalibus, sacra, cerimonias, religio-  
nesq; defenderem. ego uero eas defendam, semperq; de-  
fendi: nec me ex ea opinione, quam à maioribus acce-  
pi de cultu deorum immortalium, ullius unquam oratio  
aut docti, aut indocti mouebit. sed cum de religione a-  
gitur, T. Coruncanum, P. Scipionem, P. Scauolam pon-  
tifices maximos, non Zenonem, aut Cleanthem, aut  
Chrysippum sequor; habeoq; C. Lælium augurem, eun-  
dem sapientem: quem potius audiam de religione dicen-  
tem in illa oratione nobili, quàm quenquam principem  
Stoicorum. cumq; omnis populi R. religio in sacra &  
in auspicia diuisa sit, tertium adiunctum sit, si quid præ-  
dictionis causa ex portentis, & monstris Sibyllæ inter-  
pretes, aruspices uel monuerunt: harum ego religionum  
nullam unquam contemnendam putauit; mihiq; ita per-  
suasi, Romulum auspicijs, Numam sacris constitutis.

fundamenta iecisse nostræ civitatis : quæ nunquam pro-  
 fecto sine summa placatione deorum immortalium tan-  
 ta esse potuisset . Habes Balbe , quid Cotta , quid ponti-  
 fex sentiat . fac nunc ergo intelligam , tu quid sentias :  
 à te enim philosopho rationem accipere debeo religionis ,  
 maioribus autem nostris , etiam nulla ratione reddita ,  
 credere . Tum Balbus , quam igitur à me rationem ,  
 inquit , Cotta desideras ? Et ille , quadripartita , inquit ,  
 fuit divisio tua : primum ut uelles docere deos esse : dein-  
 de quales essent : tum ab his mundum regi : postremo  
 consulere eos rebus humanis . hæc , si recte memini , par-  
 titio fuit . Rectissime , inquit Balbus : sed expecto , quid  
 requiras . Tum Cotta , primum quidq ; uideamus , in-  
 quit : *¶* Si id est primum , quod inter omnes , nisi admo-  
 dum impios , convenit , mihi quidem ex animo exuri nō  
 potest , esse deos . id tamen , quod mihi persuasum est ,  
 esse deos auctoritate maiorum , cur ita sit nihil tu me do-  
 ces . Quid est , inquit Balbus , si tibi persuasum est , cur  
 à me uelis discere ? Tum Cotta , quia sic aggredior ,  
 inquit , ad hanc disputationem , quasi nihil unquam au-  
 dierim de dijs immortalibus , nihil cogitauerim , rudem  
 me discipulum & integrum accipe , & ea , quæ requi-  
 ro , doce . Dic igitur , quid requiras . Ego ne ? pri-  
 mum illud , cur , quod perspicuum in istam partem , ne-  
 gere quidem oratione dixisses , quod esset conspicuum ,  
 & inter omnes constaret , de eo ipso tam multa dixeris ?

Quia te quoque , inquit , animaduerti Cotta sæpe , cū  
 in foro diceres , quàm plurimis posses argumentis one-  
 rare iudicem , si modo eam facultatem tibi daret causa .  
 atque hoc idem & philosophi faciunt , & ego , ut potui ,

feci . tu autem , qui id quæris , similiter facis , ac si me roges , cur te duobus contuear oculis , & non altero tantum , cum idem uno assequi possim . Tum Cotta , quàm simile istud sit , inquit , tu uideris . nam ego neque in causis , si quid est euidentis , de quo inter omnes conueniat , argumentari soleo ; perspicuitas enim argumentatione eleuatur : nec , si id facerem in causis forensibus , idem facerem in hac subtilitate sermonis . cur contuereris autem altero oculo , causa non esset , cum idem obtutus esset amborum , & cum rerum natura , quam tu sapientem esse uis , duo lumina ab animo ad oculos perforata nos habere uoluisset . sed quia non confidebas tam esse id perspicuum , quàm tu uelis , propterea multis argumentis deos esse docere uoluisti . mihi enim unum satis erat , ita nobis maiores nostros tradidisse . sed tu auctoritates omnes contemnis , ratione pugnas . patere igitur , rationem meam cum tua ratione contendere . Afferes hæc omnia argumenta , cur dii sint : remq; mea sententia minime dubiam , argumentando dubiam facis : mandavi enim memoria non numerum solum , sed etiam ordinem argumentorum tuorum . primum fuit , cum coelum suspexissemus , statim nos intelligere esse aliquod numen , quo hæc regantur . ex hoc illud etiam ,

Aspice hoc sublime candens , quæ inuocant omnes Iouem . quasi uero quisquam nostrum , istum potius , quàm Capitolinum , Iouem appellet ; aut hoc perspicuum sit , constetq; inter omnes , eos esse deos , quos tibi Velleius , multiq; præterea ne animantes quidem esse concedant . graue etiam argumentum tibi uidebatur , quòd opinio de dijs immortalibus & omnium esset , & quotidie cresce-



ret. placet igitur, tantas res opinione stultorum iudicari, uobis praesertim, qui illos insanos esse dicatis? at enim praesentes uidemus deos, ut apud Regillum Posthumius, in Salaria Vacienus, nescio quid etiam de Locrorum apud Sagram praelio. quos igitur tu Tyndaridas appellabas, idest homines homine natos; et quos Homerus, qui recens ab illorum aetate fuit, sepultos esse dicit Lacedaemone: eos tu canterijs albis, nullis calonibus, obuiam Vacieno uenisse existimas, et uictoriam populi R. Vacieno potius homini rustico, quam M. Catoni, qui tum erat princeps, nunciauisse? ergo et illud in silice, quod hodie apparet apud Regillum, tanquam uestigium ungulae, Castoris equi credis esse? nonne maius illud credere, quod probari potest, animos praclarorum hominum, quales isti Tyndaridae fuerunt, diuinos esse, et aeternos, quam eos, qui semel cremati essent, equitare, et in acie pugnare potuisse? aut si hoc fieri potuisse dicis, doceas oportet quo modo nec fabellas aniles proferas. Tum Lucilius, an tibi, inquit, fabellae uidentur? nonne ab A. Posthumio aedem Castori et Polluci in foro dedicatam? nonne .S. C. de Vacieno uides? nam de Sagra Graecorum etiam est uulgare prouerbiū. qui, quae affirmant, certiora esse dicunt, quam illa, quae apud Sagram. his igitur auctoribus nonne debes moueri? Tum Cotta, rumoribus, inquit, mecum pugnas Balbe: ego autem a te rationes requiro. \* Sequuntur, quae futura sunt. effugere enim nemo id potest, quod futurum est. saepe autem ne utile est quidem scire, quid futurum sit: miserum est enim nihil proficentem angere, nec habere ne spei quidem extremum, et tamen

# DE NATURA DEORVM

commune solatium, præsertim cum uos iſdem fato fieri dicatis omnia: quod autem ſemper ex omni æternitate uerum fuerit, id eſſe fatum. quid igitur iuuat, aut quid affert ad cauendum, ſcire aliquid futurum, cum id certe futurum ſit? unde porro iſta diuination? quis inuenit fiſſum iecoris? quis cornicis cantum notauit? quis ſortes? quibus ego credo: nec poſſum Attij Nauij, quem commemorabas, lituum contemnere. ſed qui iſta intellecta ſunt à philophis debeo diſcere, præſertim cum iſti plurimis de rebus diuinis mentiantur. at medici quoque, ita enim dicebas, ſæpe falluntur. quid ſimile medicina, cuius ego rationem uideo, & diuination? quæ unde oritur, non intelligo. tu autem etiam Deciorum deuotionibus placatos deos eſſe cenſes. quæ fuit eorum tanta iniquitas, ut placari populo R. non poſſent, niſi uiri tales occidiſſent? conſilium illud imperatorum fuit, quod Græci *στέγνυνται* appellant; ſed eorum imperatorum, qui patriæ conſulerent, uitæ non parcerent: rebantur enim fore, ut exercitus imperatorem equo incitato ſe in hoſtes immittentem perſequeretur: id quod euenit. nam Fauni uocem equidem nunquam audiui. tibi, ſi audiuiſſe te dicis, credam. & ſi, Faunus omnino quid ſcit, neſcio. non igitur adhuc, quantum quidem in te Balbe eſt, intelligo deos eſſe: quos equidem credo eſſe, ſed nihil docent Stoici. nam Cleanthes, ut dicebas, quatuor modis formatas in animis hominum putat deorum eſſe notiones. unus iſ modus eſt, de quo ſatis dixi, qui eſt ſuſceptus ex præſenſione rerum futurarum. alter ex perturbationibus tempeſtatum, & reliquis motibus. tertius ex commoditate rerum, quas percipimus, & copia.

*Philosophis*

quartus ex astrorum ordine, cœliq; constantia. de præsensione diximus. de perturbationibus cœlestibus, & maritimis, & terrenis, non possumus dicere, cum ea fiant, non esse multos, qui ea metuant, & à dijs immortalibus fieri existiment. sed non id quæritur, sint ne aliqui qui deos esse putent: dii utrum sint, nec ne, quæritur. nam reliquæ causæ, quas Cleanthes affert, quarum una est de commodorum, quæ capimus, copia, altera de temporum ordine, cœliq; constantia; tum tractabuntur à nobis, cum de providentia deorum disputabimus; de qua plurima à te Balbe dicta sunt: eodemq; illa etiam differemus, quod Chrysippum dicere aiebas, quoniam esset aliquid in rerum natura, quod ab homine effici non posset, esse homine aliquid melius: quæq; in domo pulchra cum pulchritudine mundi comparabas, & cum totius mundi convenientiam consensumq; afferebas, Zenonisq; breves, & acutulas conclusiones in eam partem sermonis, quam modo dixi, differemus: eodemq; tempore illa omnia, quæ à te physice dicta sunt de vi ignea, deq; eo calore, ex quo omnia generari dicebas, loco suo quærentur: omniaq; quæ à te nudius tertius dicta sunt, cum docere uelles deos esse, quare & mundus uniuersus, & sol, & luna, & stellæ sensum ac mentem haberent, in idem tempus reservabo. à te autem illud etiam atque etiam quæram, quibus rationibus tibi persuadeas deos esse. Tum Balbus, equidem attulisse rationes mihi uideor: sed eas tu ita refellis, ut, cum me interrogaturus esse uideare, & ego me ad respondendum compararim, repente auertas oratio-



nem, nec des respondendi locum. itaque maximæ res ta-  
citæ præterierunt, de diuinatione, de fato: quibus de  
quæstionibus tu quidem strictim, nostri autem multa so-  
lent dicere: sed ab hac ea quæstione, quæ nunc in mani-  
bus est, separantur: quare, si uidetur, noli agere con-  
fusse; ut hoc explicemus hac disputatione, quod quæri-  
tur. Optime, inquit Cotta. itaque quoniam quatuor  
in partes totam quæstionem diuisisti, de prima quidem  
diximus, consideremus secundam: quæ mihi talis uide-  
tur fuisse, ut cum ostendere uelles, quales dii essent, o-  
stenderes nullos esse: à consuetudine enim oculorum ani-  
mum abducere difficillimum dicebas: sed, cum deo ni-  
hil præstantius esset, non dubitabas quin mundus esset  
deus, quod nihil in rerum natura melius esset, modo pos-  
semus eum animantem cogitare, uel potius, ut cætera  
oculis, sic animo hoc cernere. sed cum mundo negas quic-  
quam esse melius, quid dicis melius? si pulchrius, assen-  
tior: si aptius ad utilitates nostras, id quoque assentior.  
sin autem id dicis, nihil esse mundo sapientius: nullo mo-  
do prorsus assentior: non quod difficile sit mentem ab  
oculis seuocare: sed quo magis seuoco, eo minus id, quod  
tu uis, possum mente comprehendere. nihil est mundo  
melius in rerum natura. ne in terris quidem urbe no-  
stra. num igitur iccirco in urbe esse rationem, cogita-  
tionem, mentem putas? aut, quoniam non sic, num ic-  
circo existimas formicam anteponendam esse huic pul-  
cherrimæ urbi, quod in urbe sensus sit nullus, in for-  
mica non modo sensus, sed etiam mens, ratio, me-  
moriam? uidere oportet Balbe, quid tibi concedatur,  
non te ipsum, quod uelis, sumere. istum enim locum  
totum

totum illa uetus Zenonis breuis, & ut tibi uidebatur, acuta conclusio dilatauit. Zeno enim ita concludit. quod ratione utitur, melius est, quàm id, quod ratione non utitur. nihil autem mundo melius: ratione igitur mundus utitur. hoc si placet, iam efficies, ut mundus optime librum legere uideatur. Zenonis enim uestigijs hoc modo rationem poteris concludere. quod literatum est, id est melius, quàm quod non est literatum. nihil autem mundo melius: literatus igitur est mundus. isto modo etiam disertus, & quidem mathematicus, musicus, omni denique doctrina eruditus, postremo philosophus erit mundus. sæpe dixi nihil fieri sine deo, nec ullam uim esse naturæ, ut sui dissimilia posset effingere. concedam, non modo animantem, & sapientem esse mundum, sed fidicinem etiam, & tibicinem, quoniam earum quoque artium homines ex eo procreantur. nihil igitur affert pater iste Stoicorum, quare mundum ratione uti putemus, nec cur animantem quidem esse. non est igitur mundus deus: & tamen nihil est eo melius, nihil est eo pulchrius, nihil salutaris, nihil ornatius aspectu, motuq; constantius. quod si mundus uniuersus non est deus, ne stellæ quidem, quas tu innumerabiles in deorum numero reponebas. quarum te cursus æquabiles, æterniq; delectabant: nec mehercule iniuria: sunt enim admirabili, incredibiliq; constantia. sed non omnia Balbe, quæ cursus certos, & constantes habent, ea deo potius, quàm naturæ tribuenda sunt. quid Chalcidico Euripo in motu identidem reciprocando putas fieri posse constantius? quid freto Siciliensi? quid Oceani furore illis in locis,

Cic. Phil. uol. II.

i

om. p. 24  
coll.

Europam Libyamq; rapax ubi diuidit unda?  
 quid æstus maritimi uel Hispanienses, uel Britanici, eo=  
 rumq; certis temporibus uel accessus, uel recessus, si=  
 ne deo fieri non ne possunt? uide quæso, si omnis mo=  
 tus, omniaq;, quæ certis temporibus ordinem suum  
 conseruant, diuina dūcimus, ne tertianas quidem fe=  
 bres, & quartanas diuinas esse dicendum sit, quarum  
 reuersione, & motu quid potest esse constantius? sed  
 omnium talium rerum ratio reddenda est. quod uos  
 cum facere non potestis, tanquam in aram, consu=  
 gitis ad deum. & Chrysippus tibi acute dicere uide=  
 batur, homo sine dubio uersutus, & callidus. uersu=  
 tos eos appello, quorum celeriter mens uersatur: cal=  
 lidos autem, quorum, tanquam manus opere, sic ani=  
 mus usu concalluit. is igitur, si aliquid est, inquit,  
 quod homo efficere non possit; qui id efficit, melior est  
 homine. homo autem hæc, quæ in mundo sunt, effi=  
 cere non potest: qui potuit igitur, is præstat homini.  
 homini autem præstare quis possit, nisi deus? est igi=  
 tur deus. hæc omnia in eodem, quo illa Zenonis, er=  
 rore uersantur. quid enim sit melius, quid præstabi=  
 lius, quid inter naturam, & rationem intersit, non  
 distinguitur. idemq;, si dei non sint, negat esse in o=  
 mni natura quicquam homine melius: id autem pu=  
 tare quenquam hominem, nihil homine esse melius,  
 summæ arrogantia censet esse. sit sanè arrogantis, plu=  
 ris se putare quàm mundum. at illud non modo non  
 arrogantis, sed potius prudentis, intelligere se habe=  
 re sensum, & rationem, & orationem, hæc eadem  
 & caniculam non habere, & si domus pulchra sit,



intelligamus eam dominis, inquit, edificatam esse, non muribus. sic igitur mundum deorum domum existimare debemus. ita prorsus existimarem, si illum edificatum, non, quemadmodum docebo, à natura conformatum putarem. At enim quærit apud Xenophontem Socrates, unde animam arripuerimus, si nulla fuerit in mundo. Et ego quæro, unde orationem, unde numeros, unde cantus. nisi uero loqui solem cum luna putamus, cum propius accesserit; aut ad harmoniam canere mundum, ut Pythagoras existimat. naturæ ista sunt Balbe, naturæ non artificiose ambulantis, ut ait Zeno; quod quidem quale sit, iam uidebimus; sed omnia cientis, & agitantis motibus, & mutationibus suis. itaq; illa mihi placebat oratio de conuenientia, consensuq; naturæ, quam quasi cognatione continuatam conspirare dicebas. illud non probabam, quòd negabas id accidere potuisse, nisi ea uno diuino spiritu contineretur. illa uero coheret, & permanet naturæ uiribus, non deorum: estq; in ea iste quasi consensus, quam *συμπάθεια* Græci uocant: sed ea, quæ sua sponte maior est, eo minus diuina ratione fieri existimanda est. illa autem, quæ Carneades afferebat, quemadmodum dissoluitis? si nullum corpus immortale sit, nullum esse corpus sempiternum: corpus autem immortale nullum esse, ne indiuiduum quidem, nec quod dirimi, distrahiq; non possit. cumq; omne animal patibilem naturam habeat, nullum est eorum, quod effugiat accipiendi aliquid extrinsecus, id est quasi ferendi & patiendi necessitatem. & si omne animal mortale est, nullum est immortale. & si omne animal

## DE NATURA DEORVM

secari ac diuidi potest, nullum est eorum indiuiduum, nullum æternum. atqui omne animal ad accipiendam uim externam & ferendam paratum est: mortale igitur omne animal, & dissolubile, & diuiduum sit necesse est. ut enim, si omnis cera commutabilis esset, nihil esset cereum quod commutari non posset: item nihil argenteum, nihil æneum, si commutabilis esset natura argenti & æris. similiter igitur, si omnia, quæ sunt, ex quibus cuncta constant, mutabilia sunt, nullum corpus esse potest non mutabile. mutabilia autem sunt illa, ex quibus omnia constant, ut uobis uidetur: omne igitur corpus mutabile est. at si esset corpus aliquod immortale, non esset omne mutabile. ita efficitur, ut omne corpus mortale sit: etenim omne corpus aut aqua, aut aer, aut ignis, aut terra est, aut id, quod est concretum ex his, aut ex aliqua parte eorum: horum autem nihil est, quod non intereat: nam & terrenum omne diuiditur; & humor ita mollis est, ut facile compri- mi, collidique possit: ignis uero, & aer omni impulsu facillime pellitur, naturaque cedens est maxime & dissipabilis. præterea omnia hæc tum intereunt, tum in naturam aliam conuertuntur: quod fit, cum terra in aquam se uertit, & cum ex aqua oritur aer, & cum ex aere æther, cumque eadem uicissim retro commeant. quod si ea intereunt ex quibus constat omne animal, nullum est animal sempiternum. & ut hæc omittamus, tamen animal nullum inueniri potest, quod neque natum unquam sit, & semper sit futurum: omne enim animal sensus habet: sentit igitur & calida, & frigida, & dulcia, & amara, nec potest ullo sensu incunda accipe-

re, & non accipere contraria : si igitur uoluptatis sensum capit, doloris etiam capit : quod autem dolorem accipit, id accipiat etiam interitum necesse est : omne igitur animal confitendum est esse mortale. præterea, si quid est, quod nec uoluptatem sentiat, nec dolorem, id animal esse non potest. sin autem quod animal est, id illa necesse est sentiat : & quod ea sentiat, non potest esse æternum ; & omne animal sentit : nullum igitur animal est æternum. præterea nullum potest esse animal, in quo non & appetitio sit, & declinatio naturalis. appetuntur autem quæ secundum naturam sunt, declinantur contraria : & omne animal appetit quædam, & fugit à quibusdam. quod autem refugit, id contra naturam est : & quod est contra naturam, id habet uim interimendi : omne ergo animal intereat necesse est. innumerabilia sunt, ex quibus effici, cogiq; possit, nihil esse quod sensum habeat, quin id intereat. etenim ea ipsa, quæ sentiuntur, ut frigus, ut calor, ut uoluptas, ut dolor, ut cætera, cum amplificata sunt, interimunt : nec ullum animal est sine sensu : nullum igitur animal est æternum. etenim aut simplex est natura animantis, ut uel terrena sit, uel ignea, uel animalis, uel humida ; quod quale sit, ne intelligi quidem potest : aut concreta ex pluribus naturis, quarum suum quæq; locum habeat, quo naturæ uim efferatur, alia infimum, alia summum, alia medium. hæc ad quoddam tempus coherere possunt, semper autem nullo modo possunt : necesse est enim, suum quæq; in locum natura rapiatur. nullum igitur animal est sempiternum. sed omnia uestri Balbe solent ad igneam uim referre, Heraclitum, ut opinor,



sequentes : quem ipsum non omnes interpretantur uno modo . qui quoniam , quid diceret , intelligi noluit , omit-  
tamus . uos autem ita dicitis , omnem uim esse ignem :  
itaq; & animantes , cum calor defecerit , tum interire ;  
& in omni natura rerum id uiuere , id uigere , quod  
caleat . ego autem non intelligo , quo modo calore extin-  
cto corpora intereant , non intereant humore , aut spi-  
ritu amisso , præsertim cum intereant etiam nimio calo-  
re . quamobrem id quidem commune est de calido : ue-  
runtamen uideamus exitum . ita uultis opinor , nihil esse  
animal extrinsecus in natura , atque mundo , præter  
ignem : qui magis , quàm præter animam ? unde ani-  
mantium quoq; constet animus , ex quo anima dicitur .  
quo modo autem , hoc quasi concedatur , sumitis , nihil esse  
animum , nisi ignem ? probabilius enim uidetur , tale quid-  
dam esse animum , ut sit ex igne , atq; anima tempera-  
tum . quòd si ignis ex sese ipse animal est , nulla se alia  
admiscente natura , quoniam is , cum inest in corporibus  
nostris , efficit ut sentiamus : non potest ipse esse sine sen-  
su . rursus eadem dici possunt : quicquid est enim quod  
sensus habeat , id necesse est sentiat & uoluptatem , &  
dolorem : ad quem autem dolor ueniat , ad eundem etiam  
interitum uenire . ita fit , ut ne ignem quidem efficere  
possitis æternum . quid enim ? non eisdem uobis placet  
omnem ignem pastu indigere ? nec permanere ullo mo-  
do posse , nisi alatur ? ali autem solem , lunam , reliqua  
astra , aquis alia dulcibus , alia marinis ? eamq; causam  
Cleansthes affert , cur se sol referat , nec longius progre-  
diatur solstitiali orbe , itemq; brumali , ne longius disce-  
dat à cibo , hoc totum quale sit , mox . nunc autem con-

cludatur, illud, quod interire possit, id æternum non  
 esse natura: ignem autem interiturum esse, nisi alatur:  
 non esse igitur natura ignem sempiternum. qualem  
 autem deum intelligere nos possumus nulla virtu=  
 te præditum? quid enim? prudentiam ne deo tribue=  
 mus? quæ constat ex scientia rerum bonarum, & ma=  
 larum, & nec bonarum, nec malarum. qui mali nihil  
 est, nec esse potest, quid huic opus est deletu bonorum,  
 & malorum? quid autem ratione? quid intelligentia?  
 quibus utimur ad eam rem, ut apertis obscura assequa=  
 mur. at obscurum deo nihil potest esse. nam iustitia,  
 quæ suum cuique distribuit, quid pertinet ad deos? ho=  
 minum enim societas & communitas, ut uos dicitis, in=  
 stitiam procreauit. temperantia autem constat ex præ=  
 termittendis uoluptatibus corporis: cui si locus in cælo  
 est, est etiam uoluptatibus. nam fortis deus intelligi qui  
 potest? in dolore, an in labore, an in periculo? quo=  
 rum deum nihil attingit. nec ratione igitur utentem,  
 nec uirtute ulla præditum deum intelligere qui possu=  
 mus? nec uero uulgi atque imperitorum inscitiam de=  
 spicere possum, cum ea considero, quæ dicuntur à Stoi=  
 cis. sunt enim illa imperitorum. piscem Syri ueneran=  
 tur. omne ferè genus bestiarum Aegyptij consecraue=  
 runt. iam uero in Græcia multos habent ex hominibus  
 deos, Alabandum Alabandi, Tenedi Tenem, Leuco=  
 theam, quæ fuit Ino, & eius Palæmonem filium cun=  
 cta Græcia, Herculem, Aesculapium, Tyndaridas: Ro=  
 mulum nostri, aliosq; complures: quos quasi nouos &  
 ascriptitios ciues in cælum receptos putat. hæc igitur in=  
 docti. quid uos philosophi? qui meliora? omitto illa: sunt

enim præclara . sit sanè deus ipse mundus . hoc credo  
illud esse

» = sublime candens, quem inuocant omnes Iouem.

quare igitur plures adiungimus deos ? quanta autem est  
eorum multitudo ? mihi quidem sanè multi videntur :  
singulas enim stellas numeras deos, easq; aut beluarum  
nomine appellas, ut capram, ut lupam, ut taurum, ut  
leonem ; aut rerum inanimatarum, ut argon, ut aram,  
ut coronam . sed ut hæc concedantur, reliqua qui tan-  
dem non modo concedi, sed omnino intelligi possunt ?  
cum fruges Cererem, uinum Liberum dicimus, genere  
nos quidem sermonis utimur usitato : sed ecquem tam  
amennem esse putas, qui illud, quo uescatur, deum cre-  
dat esse ? Nam quos ab hominibus peruenisse dicis ad  
deos, tu reddes rationem quemadmodum idem fieri po-  
tuerit, aut cur fieri desierit, & ego discam libenter .  
quo modo nunc quidem est, non uideo quo pacto ille, cui  
in monte Oetao illatae lampades fuerunt, ut ait Accius,  
in domum æternam patris ex illo ardore peruenierit .  
quem tamen Homerus conueniri apud inferos facit ab  
Ulyxe, sicut ceteros, qui excesserant uita . quanquam,  
quem potissimum Herculem colamus, scire sanè ue-  
lim : plures enim tradunt nobis ij, qui interiores scru-  
tantur & reconditas literas : antiquissimum Ioue na-  
tum, sed antiquissimo item Ioue : nam Ioues quoq; plu-  
res in priscis Græcorum literis inuenimus . ex eo igitur  
& Lysito est is Hercules, quem concertauisse cum Apol-  
line de tripode accepimus . alter traditur Nilo natus  
Aegyptius : quem aiunt Phrygias literas conscripsisse .  
tertius est ex Idæis indigenis : cui inferias asserunt . quar-

x E. eosq;

om. 21.  
coll.

om. 42.  
coll.



tus Iouis est, Asteriæ Latonæ sororis, quem Tyrii maxime colunt, cuius Carthaginem filiam ferunt. quintus in India, qui Belus dicitur. sextus hic ex Alcumena, quem Iuppiter genuit, sed tertius Iuppiter: quoniam, ut iam docebo, plures Ioues etiam accepimus. quando enim me in hunc locum deduxit oratio, docebo, meliora me didicisse de colendis dijs immortalibus iure pontificio, & maiorum more capedunculis ijs, quas Numa nobis reliquit, de quibus in illa aureola oratiuncula dicit Lælius, quàm rationibus Stoicorum. si enim uos sequar, dic, quid ei respondeam, qui me sic roget. si dii sunt, sunt ne etiam Nymphæ deæ? si Nymphæ, Panisci etiam & Satyri. hi autem non sunt: ne Nymphæ quidem deæ igitur. at earum templa sunt publice nota, & dedicata. quid igitur? ne cæteri quidem ergo dii, quorum templa sunt dedicata. age porro, Iouem & Neptunum deum numeras: ergo etiam Orcus frater eorum deus, & illi, qui fluere apud inferos dicuntur, Acheron, Cocytus, Styx, Phlegeton, tum Charon, tum Cerberus dii putandi. at id quidem repudiandum: ne Orcus quidem igitur. quid dicitis ergo de fratribus? hæc Carneades agebat, non ut deos tolleret: quid enim philosopho minus conueniens? sed ut Stoicos nihil de dijs explicare conuinceret. itaque insequabatur. quid enim, dicebat, si ij fratres sunt in numero deorum, num de patre eorum Saturno negari potest? quem uulgo maxime ad occidentem colunt. qui si est deus, patrem quoque eius Cælum esse deum confitendum est. quod si ita est, Cæli quoque parentes dii habendi sunt, Aether, & Dies, eorumque fratres, & sorores: qui à genealogijs antiquis sic nominantur.

genealogis

## DE NATURA DEORVM

tur, amor, dolus, motus, labor, inuidentia, fatum, senectus, mors, tenebrae, miseria, querela, gratia, fraus, pertinacia, Parcae, Hesperides, somnia: quos omnes Erebo & Nocte natos ferunt. aut igitur haec monstra probanda sunt, aut prima illa tollenda. quid? Apollinem, Vulcanum, Mercurium, ceteros deos esse diceres, de Hercule, Aesculapio, Libero, Castore, Polluce dubitabis? at hi quidem coluntur aequae atque illi, apud quosdam etiam multo magis. ergo hi dii sunt habendi mortalibus nati matribus. quid Aristaeus, qui olim dicitur inuentor, Apollinis filius; Theseus, qui Neptuni; reliqui, quorum patres dii, non erunt in deorum numero? quid quorum matres? opinor etiam magis. ut enim in iure civili, qui est de matre libera, liber est: item iure naturae, qui de dea matre est, deus sit necesse est. itaque Achillem Astypalea insula sanctissimum colit. qui si deus est: & Orpheus, & Rhesus dii sunt matre musa nati. nisi forte maritimae nuptiae terrenis anteponuntur. si hi dii non sunt, quia nusquam coluntur; quo modo illi sunt? uide igitur, ne uirtutibus hominum isti honores habeantur, non immortalitatibus: quod tu quoque Balbe uisus es dicere. quo modo autem potes, si Latonae deam putes, Hecatem non putare, quae matre Asteria est sorore Latonae? an haec quoque dea est? uidimus enim eius aras delubraque in Graecia. si haec dea est, cur non Eumenides? quae si deae sunt, quarum & Athenis sanum est, & apud nos, ut ego interpretor, lucus Furinae: Furinae deae sunt, speculatrices, credo, & uindices facinororum, & scelerum. quod si tales dii sunt, ut rebus humanis intersint: Natio quoque dea putanda est: cui, cum

fana circumus in agro Ardeati, rem diuinam facere  
solemus. quæ quia partus matronarum tueatur, à na=  
scentibus Natio nominata est. ea si dea est, dij omnes il=  
li, qui commemorabantur à te, honos, fides, mens, con=  
cordia, ergo etiam spes, moneta, omniaq; quæ cogita=  
tione nobismet ipsis possumus fingere. quod si uerisimile  
non est: ne illud quidem est, hæc unda fluxerunt. quid  
autem dicis? si dij sunt illi, quos colimus, & accepimus:  
cur non eodem in genere Serapim, Isimq; numeremus?  
quod si facimus, cur barbarorum deos repudiemus? bo=  
ues igitur, & equos, ibes, accipitres, aspidas, croco=  
dilos, pisces, canes, lupos, feles, multas præterea be=  
luas in deorum numero reponemus. quæ si reiiciamus,  
illà quoque unda hæc nata sunt, reiiciemus. quid deinde?  
Ino dea dicitur quæ Leucothea à Græcis, à nobis Matu=  
ra dicitur, cum sit Cadmi filia: Circe autem, & Pasi=  
phae è Perseide Oceani filia natæ, patre Sole, in deorum  
numero non habebuntur? quanquam Circem quoque co=  
loni nostri Circeienses religiose colunt. ergo hanc deam  
dicis. quid Medæ respondebis? quæ duobus anis, Sole,  
& Oceano, Aeeta patre, matre Idyia procreata est.  
quid huius Absyrto fratri, qui est apud Pacuuium Egia=  
leus? sed illud nomen ueterum literis usitatus. qui si dij  
non sunt, uereor quid agat Ino: hæc enim omnia ex eo=  
dem fonte fluxerunt. an Amphiaraus deus erit, &  
Trophonius? nostri quidem publicani, cum essent agri  
in Boeotia deorum immortalium excepti lege censo=  
ria, negabant immortales esse ullos, qui aliquando ho=  
mines fuissent. sed si sunt hi dij, est certe Erichtheus,  
cuius Athenis & delubrum uidimus, & sacerdotem.

unde

~~in hoc~~  
~~unde~~

om. 49.  
id.



# DE NATURA DEORVM

quem si deum facimus, quid aut de Codro dubitare possumus, aut de cæteris, qui pugnantes pro patriæ libertate ceciderunt? quod si probabile non est: ne illa quidem superiora, unde hæc manant, probanda sunt. atque in plerisque ciuitatibus intelligi potest, augendæ uirtutis gratia, quo libentius Reip. causa periculum adiret optimus quisque, uirorum fortium memoriam honore deorum immortalium consecratam: ob eam enim ipsam causam Erichtheus Athenis, filiaque eius in numero deorum sunt. itemque Leonaticum est delubrum Athenis, quod Leocorion nominatur. Alabandenses quidem sanctius Alabandum colunt, à quo est urbs illa condita, quæ quæquam nobilium deorum: apud quos non inurbane Stratonicus, ut multa, cum quidam ei molestus Alabandum deum esse confirmaret, Herculem negaret, ergo, inquit, mihi Alabandus, tibi Hercules sit iratus. Illa autem Balbe, quæ tu à cælo, astrisque ducebas, quam longe serpent, non uides: solem deum esse, lunamque: quorum alterum Apollinem Græci, alteram Dianam putant. quod si luna dea est: ergo etiam lucifer, cæteraque errantes numerum deorum obtinebunt: igitur etiam inerrantes. cur autem arcus species non in deorum numero reponatur? est enim pulcher, et ob eam causam, quia speciem habeat admirabilem, Thaumante dicitur esse nata. cuius si diuina natura est, quid facies nubibus? arcus enim ipse ex nubibus efficitur quodam modo coloratus. quarum una etiam Centauros peperisse dicitur. quod si nubes retuleris in deos, referendæ certe erunt tempestates, quæ populi R. ritibus consecratæ sunt. ergo imbres, nimbi, procellæ, turbines sunt dii putan-

di . nostri quidem duces mare ingredientibus immolare ho-  
stiam fluctibus consueverunt . tum si est Ceres à geren-  
do , ita enim dicebas : terra ipsa dea est , & ita habe-  
tur : quæ est enim alia Tellus ? sin terra : mare etiam ;  
quem Neptunum esse dicebas : ergo & flumina , & fon-  
tes . itaque & fontis delubrum Marso ex Corsica dedi-  
cauit : & in augurum precatione Tiberinum , Spino-  
nem , Anemonem , Nodinum , alia propinquorum flu-  
minum nomina uidemus . ergo hoc aut in immensum  
serpet , aut nihil horum recipiemus , nec illa infinita ra-  
tio superstitionis probabitur . nihil ergo horum pro-  
bandum est . Dicamus igitur Balbe oportet contra illos  
etiam , qui hos deos ex hominum genere in cælum trans-  
latos non re , sed opinione esse dicunt , quos auguste o-  
mnes sancteq; ueneramur . Principio Ioues tres nume-  
rantur ij , qui theologi nominantur : ex quibus primum  
& secundum natos in Arcadia , alterum patre Aethe-  
re , ex quo etiam Proserpinam natam ferunt , & Li-  
berum ; alterum patre Cælo , qui genuisse Mineruam  
dicitur , quam principem & inuentricem belli ferunt :  
tertium Cretensem Saturni filium : cuius in illa insula  
sepulcrum ostenditur . Διοσκουροι etiam apud Graios  
multis modis nominantur . primi tres , qui appellantur  
Anaces , Athenis ex Ioue Rege antiquissimo , & Proser-  
pina nati , Tricopatrens , Eubuleus , Dionysius . secun-  
di Ioue tertio nati ex Leda , Castor & Pollux . tertij di-  
cuntur à non nullis Aleo , & Melampus , Emolus , Atrei  
filij , qui Pelope natus fuit . iam musæ primæ quatuor ,  
natæ Ioue altero , Thelxiope , Mneme , Aæde , Melete .  
secundæ Ioue tertio , & Mnemosine procreatæ nouem .

DE NATURA DEORVM

tertiæ Ioue tertio Pieriæ natæ & Antiopa: quas Pieridas, & Pierias solent poetæ appellare, iisdem nominibus, eodem numero, quo proximæ superiores. cumq; tu Solem, quia solus esset, appellatum esse dicas: Soles ipsi quàm multi à theologis proferuntur? unus eorum Ioue natus, nepos Aetheris: alter Hiperione: tertius Vulcano, Nili filio: cuius urbem Aegyptij uolunt esse eam, quæ Heliopolis appellatur. quartus is, quem heroicis temporibus Achanto Rhodi peperisse dicitur, animum Iasylsi, Camiri, & Lindi. quintus, qui Colchis fertur Aetam & Circem procreauisse. Vulcani item, primus Cœlo natus, ex quo Minerva Apollinem eum, cuius in tutela Athenas antiqui historici esse uoluerunt. secundus Nilo natus Opas, ut Aegyptij appellant, quem custodem esse Aegypti uolunt. tertius ex tertio Ioue, & Iunone, qui Lemni fabricæ traditur præfuisse. quartus Menalio natus, qui tenuit insulas propter Siciliam, quæ Vulcaniæ nominabantur. Mercurius unus Cœlo patre, Die matre natus: cuius obscœnius excitata natura traditur, quod aspectu Proserpinæ commotus sit. alter Valentis & Phoronidis filius, is, qui sub terris habetur: idem Trophonius. tertius Ioue tertio natus & Maia, ex quo & Penelopa Pana natum fecerunt. quartus Nilo patre, quem Aegyptij nefas habent nominare. quintus, quem colunt Pheneatæ, qui Argum dicitur interemisse, ob eamq; causam Aegypto præfuisse, atque Aegyptijs leges & literas tradidisse. hunc Aegyptij Thoyth appellant: eodemq; nomine anni primus mensis apud eos uocatur. Aesculapiorum primus Apollinis, quem Arcades colunt, qui specillum

m. 56.  
ed. Vergelli



inuenisse, primusq; uulnus obligauisse dicitur. secundus secundi Mercurij frater. is fulmine percussus, dicitur humatus esse Cynosuris. tertius Arsiippi, & Arsinoæ: qui primus purgationem alui, dentisq; euulsionem, ut ferunt, inuenit: cuius in Arcadia non longe à Lusio flumine sepulcrum & lucus ostenditur. Apollinum antiquissimus is, quem paulo ante ex Vulcano natum esse dixi, custodem Athenarum. alter Coribantis filius, natus in Creta: cuius de illa insula cum Ioue ipso certamen fuisse traditur. tertius Ioue tertio natus & Latona: quem ex Hyperboreis Delphos ferunt aduenisse. quartus in Arcadia, quem Arcades Nomionem appellant, quod ab eo se leges ferunt accepisse. Dianæ item plures: prima Iouis, & Proserpina, quæ pinnatum Cupidinem genuisse dicitur. secunda notior: quam Ioue tertio & Latona natam accepimus. tertiæ pater Vpæ traditur, Glauce mater. eam Græci sæpe Vpim paterno nomine appellant. Dionysios multos habemus: primum è Ioue, & Proserpina natum: secundum Nilo, qui Nyssam dicitur interemisse: tertium Caprio patre; eumq; Regem Asiæ præfuisse dicunt; cuius Abazea sunt instituta: quartum Ioue & Luna, cui sacra Orphica putantur confici: quintum Niso natum, & Thione; à quo Trieterides constitutæ putantur. Venus prima Cælo & Die nata; cuius Elide delubrum uidemus. altera spuma procreata; ex qua & Mercurio Cupidinem secundum natum accepimus. tertia Ioue nata, & Dione; quæ nupsit Vulcano. sed ex ea & Marte natus Anteros dicitur. quarta Syria, Tyroq; concepta: quæ Astarte uocatur: quam Adonidi nupsisse

# DE NATURA DEORVM

traditum est. Minerua prima, quam Apollinis ma-  
 trem supra diximus. secunda orta Nilo, quam Aegy-  
 ptij Saitem colunt. tertia illa, quam Ioue generatam  
 supra diximus. quarta Ioue nata & Coriphe Oceani  
 filia: quam Arcades Coriam nominant, & quadriga-  
 rum inuentricem ferunt. quinta Pallantis: quæ patrem  
 dicitur interemisse uirginitatem suam uiolare conan-  
 tem: cui pinnarum talaria affigunt. Cupido primus  
 Mercurio & Diana prima natus dicitur: secundus Mer-  
 curio & Venere secunda: tertius quidem est Anteros  
 Marte & Venere tertia. atque hæc quidem, atque eius=  
 modi ex uetere Graciæ fama collecta sunt. quibus in-  
 telligis resistendum esse, ne perturbentur religiones. ue-  
 stri autem non modo hæc non refellunt, uerum etiam  
 confirmant, interpretando quorsum quidq; pertineat.  
 Sed eò iam, unde huc digressi sumus, reuertamur.  
 Num censes igitur subtiliore ratione opus esse ad hæc re-  
 fellenda? nam mentem, fidem, spem, uirtutem, hono-  
 rem, uictoriam, salutem, concordiam, ceteraque eius=  
 modi rerum uim habere uidemus, non deorum. aut e-  
 nim in nobismet insunt ipsis, ut mens, ut fides, ut uir-  
 tus, ut concordia: aut optandæ nobis sunt, ut honos,  
 ut salus, ut uictoria. quarum rerum utilitate uideo e-  
 tiam consecrata simulacra. quare autem in his uis deo-  
 rum insit, tum intelligam, cum cognouero. quo in ge-  
 nere uel maxime est: fortuna numeranda: quam nemo  
 ab inconstantia & temeritate seiunget: quæ digna cer-  
 te non sunt deo. Iam uero quid uos illa delectat expli-  
 catio fabularum, & enodatio nominum? exectum à fi-  
 lio Cælum, uinctum itidem à filio Saturnum. hæc,  
 & alia

*l. Saita*

*l. ut spes, ut  
fides*

Et alia generis eiusdem ita defenditis, ut ij, qui ista fin-  
 xerunt, non modo non insani, sed etiam fuisse sapien-  
 tes uideantur. in enodandis autem nominibus, quod mi-  
 serandum sit, laboratis. Saturnus, quia se saturat an-  
 nis: Maiors, quia magna uertit: Minerva, quia mi-  
 nuit, aut quia minatur: Venus, quia uenit ad omnia:  
 Ceres à gerendo. quàm periculosa consuetudo? in mul-  
 tis enim nominibus hærebitis. quid Veionii facies? quid  
 Vulcano? quanquam, quoniam Neptunum à nando  
 appellatum putas, nullum erit nomen, quod non pos-  
 sis una litera explicare unde ductum sit. in quo quidem  
 magis tu mihi natate uisus es, quàm ipse Neptunus. ma-  
 gnā molestiam suscepit, Et minime necessariam pri-  
 mus Zeno, post Cleanthes, deinde Chrysippus, commen-  
 titiarum fabularum reddere rationem, uocabulorum,  
 cur quique ita appellati sint, causas explicare. quod cum  
 facitis, illud profecto confitemini, longe aliter rem se  
 habere, atque hominum opinio sit: eos enim, qui dii ap-  
 pellantur, rerum naturas esse, non figuras deorum.  
 qui tantus error fuit, ut perniciosus etiam rebus non  
 modo nomen deorum tribueretur, sed etiam sacra con-  
 stituerentur: Febris enim fanum in Palatio, Et ædem  
 Larum, Et aram miale Fortune Esquilij consecratam  
 uidemus. omnis igitur talis à philosophia pellatur er-  
 ror, ut, cum de dijs immortalibus disputemus, dicamus  
 digna dijs immortalibus: de quibus habeo ipse quid sen-  
 tiam, non habeo autem quid tibi assentiar. Neptunum  
 esse dicis animum cum intelligentia per mare pergen-  
 tem. idem de Cerere. istam autem intelligentiam aut  
 maris, aut terræ non modo comprehendere animo, sed

i. quidq; ita  
 appellatum  
 sit, causas

i. male



## DE NATURA DEORVM

ne suspitione quidem possum attingere . itaq; aliunde mihi querendum est, ut, & esse deos, & quales sint, discere possim, quam qualis tu eos esse uelis. Videamus ea, quæ sequuntur : primum deorum ne prouidentia mundus regatur : deinde consulant ne rebus humanis : hæc enim mihi ex tua partitione restant duo . de quibus , si uobis uidetur, accuratius differendum puto. Mihi uero, inquit Velleius, ualde uidetur : nam & maiora expecto ; & his, quæ dicta sunt, uehementer assentior. Tum Balbus, interpellare te, inquit, Cotta nolo : sed sumemus tempus aliud : efficiam profecto ut fateare.  
sed.

*multa defunt*

- » Nequaquam istuc istac ibit : magna inest certatio.
- » Nam ut ego illis supplicarem tanta blandiloquentia ?

Niobe parum ne ratiocinari uidetur, & sibi ipsa nefaria pestem machinari? illud uero quam callida ratione,

» Qui uult quod uult, ita dat se res ut operam dabit :  
qui est uersus omnium seminator malorum :

» Ille transuersa mente mihi hodie tradidit repagula,

» Quibus ego iram omnem recludam, atq; illi perniciem dabo ;

» Mihi mœrores, illi luctum ; exitium illi, exilium mihi.  
hanc uidelicet rationem, quam uos diuino beneficio homini solum tributam dicitis, bestiae non habent. uides ne igitur, quanto munere deorum simus affecti? atq; eadem Medea patrem, patriamq; fugiens :

» Postquam pater appropinquat, iamq; penè ut comprehendatur, parat,

» Puerum interea obruncat, membraq; articulatim diuidit,

» Perq; agros passim dispergit corpus : id ea gratia,

» Ut, dum nati dissipatos artus captaret parens,

» Ipsa interea effugeret ; illum ut mœror tardaret sequi,

» Sibi salutem ut familiari pareret paricidio.

huic ut scelus, sic nec ratio quidem defuit. quid ille festas epulas fratri comparans, non ne uersat huc & il luc cogitatione rationem?

» Maior mihi moles, maius miscendum est malum,

» Qui illius acerbum cor contundam & comprimam.

nec tamen ille ipse est prætereundus, qui non sat habuit coniugem illexisse in stuprum : de quo recte & uerissime loquitur Atreus.

» Quod re in summa summum esse arbitror

## DE NATURA DEORVM

- » Periculum, matres coinquinari, regiam
- » Contaminari stirpem, admisceri genus.  
at id ipsum q̄ callide, qui regnum adulterio quæreret?
- » Addo (inquit) huc, quòd mihi portento cœlestum pater
- » Prodigium misit regni stabilimen mei,
- » Agnum inter pecudes aurea clarum coma
- » Quondam Thyestem clepere ausum esse è regia :
- » Qua in re adiutricem coniugem cepit sibi.

uidetur ne summa improbitate usus non sine summa esse ratione? nec uero scena solum referta est his scele-  
ribus, sed multo uita communis penè maioribus. sentit  
domus uniuscuiusq; sentit forum, sentit curia, campus,  
socij, prouinciæ, ut, quemadmodum ratione recte fiat,  
sic ratione peccetur. alterum & à paucis, & raro, al-  
terum & sæpe, & à pluribus: ut satius fuerit nullam  
omnino nobis à dijs immortalibus datam esse rationem,  
quàm tanta cum pernicie datam. ut uinum ægrotis, quia  
prodest raro, nocet sæpissime; melius est non adhibere  
omnino, quàm spe dubiæ salutis in apertam perniciem  
incurrere: sic haud scio, an melius fuerit, humano gene-  
ri motum istum celerem cogitationis, acumen, solertiam,  
quam rationem uocamus, quoniam pestifera sit multis,  
admodum paucis salutaris, non dari omnino, quàm tam  
munifice & tam large dari. quamobrem si mens uo-  
luntasq; diuina iccirco consuluit hominibus, quòd ijs lar-  
gita est rationem: ijs solis consuluit, quos bona ratione  
donauit: quos uidemus, si modo ulli sunt, esse paucos.  
non placet autem, paucis à dijs immortalibus esse consul-  
tum: sequitur ergo, ut nemini consultum sit. huic loco  
sic soletis occurrere, non iccirco non optime nobis à dijs



esse prouisum, quod multi eorum beneficio peruerse uterentur: etiam patrimonijs multos male uti, nec ob eam causam eos beneficium à patribus nullum habere. quis istuc negat? aut quæ est in collatione ista similitudo? nec enim Herculi Deianira nocere uoluit, cum ei tunicam sanguine Cætauri tinctam dedit; nec prodesse Phæreo Iasoni is, qui gladio uomicam eius aperuit, quam sanare medici non poterant: multi enim, etiam cum obesse uellent, profuerunt, & cum prodesse, obfuerunt. ita non fit, ex eo quod datur, ut uoluntas eius, qui dederit, appareat: nec, si is, qui accepit, bene uititur, ideo is, qui dedit, amice dedit. quæ enim libido, quæ auaritia, quod facinus aut suscipitur nisi consilio capto, aut sine animi motu & cogitatione, id est ratione perficitur? nã omnis opinio ratio est, & quidem bona ratio, si uera; mala autem, si falsa est opinio. sed à deo tantum rationem habemus, si modo habemus; bonam autem rationem, aut non bonam, à nobis: non enim, ut patrimonium relinquitur, sic ratio homini est beneficio deorum data. quid enim potius hominibus dedissent, si ijs nocere uoluissent? iniustitiæ autem, intemperantiæ, timiditatis quæ semina essent, si his uitijs ratio non subesset? Medea modo & Atreus commemorabantur à nobis, heroicæ personæ, inita, subductaq; ratione, nefaria scelera meditantes. quid leuitates comicæ, parum ne semper in ratione uersantur? parum ne subtiliter disputat ille in Eunuchis?

» = quid igitur faciam?

» Exclusit, reuocat: redeam? non, si me obsecret.

ille uero in Synephebis Academicorum more contra communem opinionem non dubitat pugnare ratione, qui in

amore summo, summaq; inopia suaue esse dicit

- » Parentem habere auarum, illepidum, in liberos
- » Difficilem, qui te nec amet, nec studeat tui.  
atq; huic incredibili sententiae ratiunculas suggerit :
- » Aut tu illum fructu fallas : aut per literas
- » Auertas aliquod nomen : aut per seruolum
- » Percutias pavidum : postremo, à parco patre
- » Quod sumas, quanto dissipas libentius ?  
idemq; facilem & liberalem patrem incommodum esse  
amanti filio disputat : quem
- » Neq; quo pacto fallam, neq; quid inde auferam,
- x l. aut » Nec quem dolum ad eum, neq; machinam commoliar,
- » Scio quicquam : ita omnes meos dolos, fallacias,
- » Præstigias præstrinxit commoditas patris.  
quid ergo isti doli ? quid machinae ? quid fallaciae, præ-  
stigiaeq; ? num sine ratione esse potuerunt ? o præclarum  
munus deorum : ut Phormio possit dicere :
- » Cedò senem : iam instructa mihi sunt in corde consilia  
omnia.

sed exeamus è theatro : ueniamus in forum : sessum ite  
precor : quid ut iudicetur ? qui tabularium incenderit .  
quod facinus occultius ? at se Q. Sotius, splendidus  
eques R. ex agro Piceno, fecisse confessus est . qui tran-  
scripserit tabulas publicas . id quoque L. Alenius fecit ,  
cum chyrographum Sexprimorum imitatus est . quid  
hoc homine solertius ? cognosce alias quaestiones, auri To-  
losani, coniurationis Iugurthinae. repete superiora Tubu-  
li de pecunia capta ob rem iudicandam : posteriora de  
incestu rogatione Peducea : tum hæc quotidiana, sica, ue-  
nena, peculatus, testamentorum etiam lege noua quæ=

stiones . inde illa actio, Ope consilioq; tuo furtum aio factum esse : inde tot iudicia de fide mala, tutelæ, mandati, pro socio, fiduciæ ; reliqua, quæ ex empto, aut uendito, conducto, aut locato contra fidem fiunt : inde iudicium publicum rei priuatæ lege Lætoria: inde euerriculum malitiarum omnium, iudicium de dolo malo : quod C. Aquilius familiaris noster protulit. quem dolum idem Aquilius tum teneri putat, cum aliud sit simulatum, aliud actum . hanc igitur à dijs immortalibus tantam arbitramur malorum sementem esse factam ? si enim rationem hominibus dij dederunt : & malitiam dederunt : est enim malitia uersuta, & fallax nocendi ratio. ijdem autem dij fraudem dederunt, facinus, cateraq; , quorum nihil nec suscipi sine ratione, nec effici potest . utinam igitur, ut illa anus optat,

)) = ne in nemore Pelio securibus

)) Casa cecidisset abiegna ad terram trabes :

sic istā calliditatem hominibus dij ne dedissent: qua per pauci bene utuntur : qui tamen ipsi sæpe à male utentibus opprimuntur : innumerabiles autem improbe utuntur : ut donum hoc diuinum rationis, et consilij, ad fraudem hominibus, non ad bonitatem impertitum esse uideatur. sed urgetis identidem, hominum esse istam culpā, non deorū. ut si medicus grauitatem morbi, gubernator uim tempestatis accuset. ctsi hi quidem homunculi, sed tamen ridiculi . quis enim te adhibuisset, dixerit quissiam, si ista non essent ? contra deum licet disputare liberius . in hominum uitijs ais esse culpam. eam dedisses hominibus rationem, quæ uitia culpamq; excluderet . ubi igitur locus fuit errori deorum ? nam patrimonia spe bene tradendi



## DE NATURA DEORVM

relinquimus : qua possumus falli, deus falli qui potuit ? an ut Sol, in currum cum Phaetontem filium sustulit ? aut Neptunus, cum Theseus Hyppolitum perdidit, cum ter optandi à Neptuno patre habuisset potestatem ? poetarum ista sunt : nos autem philosophi esse uolumus rerum auctores, non fabularum. atq; ij tamen ipsi dij poetici si scissent perniciofa fore illa filijs, peccasse in beneficio putarentur. & si uerum est quod Aristoteli dicere solebat, nocere audientibus philosophos ijs, qui bene dicta male interpretarentur : posse enim a sotos ex Aristippi, acerbos è Zenonis schola exire : prorsus, si qui audierunt, uitiosi essent discessuri, quod peruerse philosophorum disputationem interpretarentur : tacere praestare philosophis, q̃ ijs, qui se audissent, nocere. sic, si homines rationem bono consilio à dijs immortalibus datam, in fraudem malitiamq; conuertunt ; non dari illam, quam dari humano generi, melius fuit. ut si medicus sciat eum aegrotum, qui iussus sit uinum sumere, meracius sumpturum, statimq; periturum, magna sit in culpa : sic uestra ista prouidentia reprehendenda, quae rationem dederit ijs, quos scierit ea peruerse, & improbe usuros. nisi forte dicitis eam nesciuisse. utinam quidem. sed non audebitis : non enim ignoro, quanti eius nomen putetis. sed hic quidem locus concludi iam potest. nam si stultitia consensu omnium philosophorum maius est malum, quam si omnia mala & fortunae & corporis ex altera parte ponantur ; sapientiam autem nemo assequitur : in summis malis omnes sumus, quibus uos optime cōsultum à dijs immortalibus dicitis. nam ut nihil interest, utrum nemo ualeat, an nemo possit ualere : sic nō intelligo, quid

interfit, utrum nemo sit sapiens, an nemo esse possit. ac nos quidem nimis multa de re apertissima. Telamon autem uno uersu locum totum conficit, utrum dii homines negligent:

Nā si curent, bene bonis sit, male malis: quod nunc abest. debebant illi quidem omnes bonos efficere, siquidem hominum generi consulebant. sin id minus; bonis quidem certe consulere debebant. cur igitur duos Scipiones, fortissimos, & optimos uiros, in Hispania Pœnus oppressit? cur Maximus extulit filium consularem? cur Marcellum Annibal interemit? cur Paulum Cannæ sustulerunt? cur Pœnorum crudelitati Reguli corpus est præbitum? cur Africanum domestici parietes nō texerunt? sed hæc uetera, & alia permulta. propiora uideamus. cur auunculus meus, uir innocentissimus, idemq; doctissimus, P. Rutilius in exilio est? cur sodalis meus interfectus domi suæ Drusus? cur temperantiæ, prudentiæq; specimen ante simulacrum Vestæ pontifex maximus est Q. Scauola trucidatus? cur etiam ante tot ciuitatis principes à Cinna interempti? cur omnium perfidiosissimus C. Marius Q. Catulum præstantissima dignitate uirum mori potuit iubere? dies deficiat, si uelim numerare quibus bonis male euenerit; nec minus, si commemorem, quibus improbis optime. cur enim Marius tam feliciter septimum Consul domi suæ senex est mortuus? cur omnium crudelissimus tam diu Cinna regnauit? at dedit poenas. prohiberi melius fuit, impediriq; ne tot summos uiros interficeret, quàm ipsum aliquando poenas dare. summo cruciatu, supplicioq; Varius homo importunissimus periit: sed, quia Drusum ferro, Metellum

ueneno sustulerat, illos conseruari melius fuit, quàm poenas sceleris Varium pendere. duo de XL Dionysius tyrannus annos fuit opulentissimæ & beatissimæ ciuitatis. quàm multas ante hunc in ipso Græciæ flore Pisistratus, ac Phalaris, ac Apollodorus poenas sustulit, multis quidem ante cruciatis, & necatis. & prædones multi sæpe poenas dant: nec tamen possumus dicere non plures captiuos acerbe, quàm prædones necatos. Anaxarchum Democritum à Cyprio tyranno excarnificatum accepimus, Zenonem Eleatem in tormentis necatum. quid dicam de Socrate? cuius morti illacrymari soleo Platonem legens. uides ne igitur, deorum iudicio, si uident res humanas, discrimen esse sublatum? Diogenes quidem Cynicus dicere solebat, Harpalum, qui temporibus illis prædo felix habebatur, contra deos testimonium dicere, quòd in illa fortuna tam diu uiueret. Dionysius, de quo ante dixi, cum fanum Proserpinæ Locris expilauisset, nauigabat Syracusas: usq; cum secundissime cursum teneret, uidetis ne, inquit, amici, quàm bona à dijs immortalibus nauigatio sacrilegis detur? atque homo acutus, cum bene, planeq; percepisset, in eadem sententia perseuerabat. qui, cum ad Peloponnesum classem appulisset, & in fanum uenisset Iouis Olympij, aureum ei detraxit amiculum grandi pondere, quo Iouem ornat ex manubijs Carthaginensium tyrannus Gelo: atque in eo etiam cauillatus est, æstate graue esse aureum amiculum, hieme frigidum: eiq; laneum pallium iniecit, cum id esse aptum ad omne anni tempus diceret. idemq; Aesculapij Epidauri barbam auream demi iussit: neque enim conuenire, barbatum esse filium, cum



in omnibus fanis pater imberbis esset. iam mensas argenteas de omnibus delubris iussit auferri: in quibus quòd more ueteris Graciæ inscriptum esset bonorum deorum, uti se eorum bonitate uelle dicebat. idem uictorias aureas, & pateras, coronasq; , quæ simulacrorum porrectis manibus sustinebantur, sine dubitatione tollebat, eaq; se accipere, non auferre dicebat: esse enim stultitiam, à quibus bona precaremur, ab ijs porrigentibus, & dantibus nolle sumere. eundemq; ferunt hæc, quæ dixi, sublata de fanis in forum protulisse, & per præconem uendidisse; exactaq; pecunia, edixisse; ut, quod quæque à sacris haberet, id ante diem certam in suum quidq; fanum referret: ita ad impietatem in deos, in homines adiunxit iniuriam. hunc igitur nec Olympus Iuppiter fulmine percussit, nec Aesculapius misero diuturnoq; morbo intabescentem interemit; atque in suo lectulo mortuus, in Tympanidis rogum illatus est; eamq; potestatem, quam ipse per scelus erat nactus, quasi iustam, & legitimam hereditatis loco filio tradidit. inuita in hoc loco uersatur oratio: uidetur enim auctoritatem asserre peccandi: & recte uideretur, nisi & uirtutis, & uitiorum sine ulla diuina ratione graue ipsius conscientie pondus esset. qua sublata, iacent omnia. ut enim nec domus, nec Respublica ratione quadam, & disciplina designata uideatur, si in ea nec recte factis præmia extent ulla, nec supplicia peccatis: sic mundi diuina in homines moderatio profecto nulla est, si in ea discrimen nullum est bonorum, & malorum. at enim minora dii negligunt, neque agellos singulorum, nec uiticulas persequuntur, nec, si

## DE NATURA DEORVM

uredo, aut grando quippiam nocuit, id Ioui animadu-  
 uertendum fuit. ne in regnis quidem Reges omnia mi-  
 nima curant. sic enim dicitis, quasi ego paulo ante de  
 fundo Formiano P. Rutilij sim questus, non de amissa  
 salute. atque hoc quidem omnes mortales sic habent, ex-  
 ternas commoditates, uineta, segetes, oliueta, uberta-  
 tem frugum, & fructuum, omnem denique commo-  
 ditatem, prosperitatemq; uitæ à dijs se habere: uirtu-  
 tem autem nemo unquam acceptam deo retulit. nimi-  
 rum recte: propter uirtutem enim iure laudamur, &  
 in uirtute recte gloriamur. quod non contingeret, si id  
 donum à deo, non à nobis haberemus. at uero aut ho-  
 noribus aucti, aut re familiari, aut si aliud quippiam  
 naeti sumus fortuiti boni, aut depulimus mali, cum dijs  
 gratias agimus, tum nihil nostræ laudi assumptum ar-  
 bitramur. num quis, quod bonus uir esset, gratias dijs  
 egit unquam? at quod diues, quod honoratus, quod in-  
 columis. Iouemq; optimum maximum ob eas res appel-  
 lant, non quod nos iustos, temperatos, sapientes efficiat,  
 sed quod saluos, incolumes, opulentos, copiosos. neque  
 Herculi quisquam decumam uouit unquam, si sapiens  
 factus esset. quanquam Pythagoras, cum in geometria  
 quiddam noui inuenisset, musis bouem immolasse dici-  
 tur. sed id quidem non credo, quoniam ille ne Apollini  
 quidem Delio hostiam immolare uoluit, ne aram sangui-  
 ne aspergeret. ad rem autem ut redeam, iudicium hoc  
 omnium mortalium est, fortunam à deo petendam, à  
 se ipso sumendam esse sapientiam. quamuis menti delu-  
 bra, & uirtuti, & fidei consecremus: tamen hæc in no-  
 bis ipsa sita uidemus: spei, salutis, opis, uictoriæ fa-

cultas à dijs expetenda est. improborum igitur prosperitates, secundaq; res redarguunt ( ut Diogenes dicebat ) uim omnem deorum, ac potestatem. at non nunquam bonos exitus habent boni. eos quidem ascribimus, attribuimusq; sine ulla ratione dijs immortalibus. at Diogoras, cum Samothraciam uenisset, atheos ille qui dicitur, atque ei quidam amicus, tu, qui deos putas humana negligere, non ne animaduertis ex tot tabellis pictis, quàm multi uotis uim tempestatis effugerint, in portumq; salui peruenerint? ita fit, inquit: illi enim nusquam picti sunt, qui naufragium fecerunt; in mariq; perierunt. idemq; cum ei nauiganti uectores aduersa tempestate timidi, & perterriti dicerent, non iniuria sibi illud accidere, qui illum in eandem nauem recepissent: ostendit eis in eodem cursu multas alias laborantes, quas uisitq;, num etiam in ijs nauibus Diagoram uehi crederent. sic enim sese res habet, ut ad prosperam, aduersamue fortunam, qualis sis, aut quemadmodum uiueris, nihil interfit. non animaduertunt, inquit, omnia dij: ne Reges quidem. quid est simile? Reges enim si scientes prætermittunt, magna culpa est. at deo ne excusatio quidem est inscientiæ. quem uos præclare defenditis, cum dicitis, eam uim deorum esse, ut, etiam si quis morte poenas sceleris effugerit, expetantur eæ poenæ à liberis, à nepotibus, à posteris. ò miram æquitatem deorum. ferret ne ulla ciuitas latorem istiusmodi legis, ut condemnaretur filius, aut nepos, si pater, aut auus deliquisset? qui nam Tantalidarum internecioni modus paretur? aut quenam unquam ob mortem Myrtili poenæ luen-dis dabitur satietas supplicij? utrum poetæ Stoicos de-



prauauerint, an Stoici poetis dederint auctoritatem, non facile dixerim: portenta enim & flagitia ab utrisque dicuntur: neque enim, quem Hipponactis iambus læserat, aut qui erat Archilochi uersu uulneratus, à deo immissum dolorem, non conceptum à se ipso continebat: nec, cum Aegisthi libidinem, aut cum Paridis uidemus, à deo causam requirimus, cum culpæ penè uocem audiamus: nec ego multorum ægrorum salutem non ab Hippocrate potius, quàm ab Aesculapio datam iudico: nec Lacedæmoniorum disciplinam dicam unquàm ab Apolline potius spartæ, quàm à Lycurgo datam. Crytolaus inquam euertit Corinthum, Carthaginem Asdrubal. hi duos illos oculos oræ maritimæ effoderunt, non iratus alicui, quem omnino irasci posse negatis deum. at subuenire certe potuit, & conseruare urbes tantas, atque tales. uos enim ipsi dicere soletis, nihil esse quod deus efficere non possit, & quidem sine labore ullo: ut enim hominum membra nulla contentione, mente ipsa, ac uoluntate moueantur, sic numine deorum omnia fingi, moueri, mutariq; posse. neque id dicitis superstitiose, atque aniliter, sed physica, constantiq; ratione: materiam enim rerum, ex qua, & in qua omnia sint, totam esse flexibilem, & commutabilem, ut nihil sit, quod non ex ea quamuis subito fingi, conuer- tiq; possit: eius autem uniuersæ fictricem, & modera- tricem diuinam esse prouidentiam: hanc igitur, quocun- que se moueat, efficere posse quicquid uelit. itaque aut nescit, quid possit: aut negligit res humanas: aut, quid sit optimū, non potest iudicare. non curat singulos homi- nes. non mirum: ne ciuitates quidem. non has: ne na-

tiones quidem, & gentes. quòd si has etiam contemnet,  
 quid mirum est, omne ab ea genus humanum esse con=  
 temptum? sed quo modo idem dicitis, non omnia deos  
 persequi, qui idem uultis, à dijs immortalibus homini=  
 bus dispartiri, ac diuidi somnia? iccirco somnia hæc te=  
 cum, quia uestra est de somniorum ueritate sententia. at=  
 que idem etiam uota suscipi dicitis oportere. nempe sin=  
 guli uouent. audit igitur mens diuina etiam de singu=  
 lis. uidetis ergo, eam non esse tam occupatam, quàm pu=  
 tabatis? fac esse dislentam, coelum uersantem, terram  
 tuentem, maria moderantem. cur tam multos deos nihil  
 agere & cessare patitur? cur non rebus humanis aliquos  
 ociosos deos præfecit? qui à te Balbe innumerabiles ex=  
 plicati sunt. hæc ferè dicere habui de natura deorum,  
 non ut eam tollerem, sed ut intelligeretis, quàm esset ob=  
 scura, & quàm difficiles explicatus haberet. Quæ cum  
 dixisset Cotta, finem fecit. Lucilius autem, uchemen=  
 tius, inquit, tu quidem Cotta inuectus es in meram Stoi=  
 corum rationem, quæ de prouidentia deorum ab illis  
 sanctissime & prouidentissime constituta est. sed quo=  
 niam aduesperascit, dabis diem nobis aliquem, ut con=  
 tra ista dicamus: est enim mihi tecum pro aris, & fo=  
 cis certamen, & pro deorum templis, atque delubris,  
 proq; urbis muris, quos nos pontifices sanctos esse dicitis,  
 diligentiusq; urbem religione, quàm ipsis manibus cin=  
 gitis. quæ deserui à me, dum quidem sperare potero,  
 nefas iudico. Tum Cotta, ego uero & opto redargui  
 me Balbe: & ea, quæ disputavi, differere malui, quàm  
 iudicare: & facile me à te uinci posse, certo scio.  
 Quippe, inquit Velleius, qui etiam somnia putet ad

# DE NATURA DEORVM

nos mitti ab Ioue . quæ ipsa tamen tam leuia non sunt ,  
quàm est Stoicorum de natura deorum oratio . Hæc cum  
essent dicta , ita discessimus , ut Velleio Cottæ disputatio  
uerior , mihi Balbi ad ueritatis similitudinem uideretur  
esse propensior .



## M. TVLLII CICERONIS

## DE DIVINATIONE

## LIBER I.

V Etus opinio est, iam usq; ab heroicis  
 ducta temporibus, eaq; & populi  
 R. & omnium gentium firmata  
 consensu, uersari quandam inter  
 homines diuinationem, quam Græci  
 μετεωρίαν appellant, id est præ-  
 sensionem, & scientiam rerum futurarum. magnifica  
 quædam res, & salutaris, si modo est ulla, quæq; pro-  
 xima ad deorum uim natura mortali possit accedere.  
 itaq; ut alia nos melius multa, quàm Græci: sic huic præ-  
 stantissimæ rei nomen nostri à diuis, Græci, ut Plato in-  
 terpretatur, à furore duxerunt: gentem quidem nul-  
 lam uideo neq; tam humanam, atq; doctam, neq; tam  
 immanem, tamq; barbaram, quæ non significari fu-  
 tura, & à quibusdam intelligi, prædiciq; posse censeat.

Principio Assyrij, ut ab ultimis auctoritatem repe-  
 tam, propter planitiem, magnitudinemq; regionum,  
 quas incolebant, cum cælum ex omni parte patens, atq;  
 apertum intuerentur, traiectiones, motusq; stellarum  
 obseruauerunt: quibus notatis, quid cuiq; significaretur,  
 memoriæ prodiderunt. qua in natione Chaldaei  
 non ex artis, sed ex gentis uocabulo nominati, diuturna  
 obseruatione siderum, scientiam putantur effecisse, ut  
 prædici posset, quid cuiq; euenturum, & quo quisq; fato  
 natus esset. eandem artem etiam Aegyptij longinquitate

Cic. Phil. uol. II.

temporum innumerabilibus penè seculis consecuti putan-  
tur. Cilicum autem, & Pisidarum gens, & his finiti-  
ma Pamphylia, quibus nationibus præsumimus ipsi, uola-  
tibus auium, cantibusq; , ut certissimis signis, declarari  
res futuras putant. quam uero Græcia coloniam misit  
in Aetoliam, Ioniam, Asiam, Siciliam, Italiam sine Py-  
thio, aut Dodoneo, aut Ammonis oraculo? aut quod bel-  
lum susceptum ab ea sine cōsilio deorum est? nec unum  
genus est diuinationis publice, priuatimq; celebratum.  
nam ut omittam cæteros populos, noster quàm multa ge-  
nera complexus est? Principio huius urbis parens Romu-  
lus non solum auspicato urbem condidisse, sed ipse etiam  
optimus augur fuisse traditur. deinde auguribus &  
reliqui reges usi: & exactis regibus nihil publice sine  
auspicijs nec domi, nec militiæ gerebatur. cumq; ma-  
gna uis uideretur esse & in impetrandis, consulendisq;  
rebus, & in monstris interpretandis, ac procurandis  
in aruspicum disciplina: omnem hanc ex Etruria scien-  
tiam adhibebant, ne genus esset ullum diuinationis,  
quod neglectum ab ijs uideretur. & cum duobus mo-  
dis animi sine ratione, & scientia, motu ipsi suo so-  
luto, & libero incitarentur, uno furente, altero so-  
mniant: furoris diuinationem Sibyllinis maxime uersi-  
bus contineri arbitrati, eorum decem interpretes dele-  
ctos ex ciuitate esse uoluerunt. ex quo genere sæpe ario-  
lorum etiam, & uatum furibundas prædictiones, ut  
Oetauiano bello Cornelij Culleoli, audiendas putaue-  
runt. nec uero somnia grauiora, si quæ ad Remp. per-  
tinere uisa sunt, à summo consilio neglecta sunt. quin  
etiam memoria nostra templum Iunonis Sospitæ L. Iu-

Corad: no. a. 11

om. &  
coll.

lius, qui cum P. Rutilio Consul fuit, de senatus sententia refecit ex Cæcilie Balearici filie somnio. atq; hæc, ut ego arbitror, ueteres rerum magis euentis moniti, q̄ ratione docti putauerunt, & probauerunt. Philosophorum uero exquisita quædam argumenta, cur esset uera diuination, collecta sunt. ex quibus, ut de antiquissimis loquar, Colophonius Xenophanes unus, qui deos esse diceret, diuinationem funditus sustulit. reliqui uero omnes, præter Epicurum balbutientem de natura deorum, diuinationem probauerunt, sed non uno modo. nam cum Socrates, omnesq; Socratici, Zenoq; & ij qui ab eo essent profecti, manerent in antiquorum philosophorum sententia, uetere Academia, & Peripateticis consentientibus; cumq; huic rei magnam auctoritatem Pythagoras iam ante tribuisset, qui etiam ipse augur uellet esse; plurimisq; locis grauis auctor Democritus præfensionem rerum futurarum comprobaret: Dicaarchus Peripateticus cetera diuinationis genera sustulit, somniorum, & furoris reliquit; Cratippusq; familiaris noster, quem ego parem summis Peripateticis iudico, iisdem rebus fidem tribuit, reliqua diuinationis genera reiecit. sed cum Stoici omnia ferè illa defenderent, quod & Zeno in suis commentarijs quasi semina quædam sparsisset, & ea Cleanthes paulo uberiora fecisset: accessit acerrimo uir ingenio Chrysippus, qui totam de diuinatione duobus libris explicauit sententiam, uno præterea de oraculis, uno de somnijs. quem subsequens, unum librum Babylinus Diogenes edidit eius auditor, duos Antipater, quinque noster Posidonius. sed à Stoicis uel principibus eius



disciplinæ, Posidonij doctor, discipulus Antipatri, degeneravit Panætius: nec tamen ausus est negare uim esse diuinandi, sed dubitare se dixit. quod illi in aliqua re, inuitissimis Stoicis, Stoico facere licuit, id nos ut in reliquis rebus faciamus, à Stoicis non concedetur? præsertim cum id, de quo Panatio non liquet, reliquis eiusdem disciplinæ solis uideatur luce clarius. sed hæc quidem laus Academiae, præstantissimi philosophi iudicio, & testimonio cōprobata est. etenim nobismet ipsis quærentibus quid sit de diuinatione iudicandum, & à Carneade multa acute, & copiose contra Stoicos disputata sint, uerentibusq; ne temere uel falsæ rei, uel non satis cognitæ assentiamur, faciendum uidetur, ut diligenter etiam, atque etiam argumenta cum argumentis comparemus, ut fecimus in ijs tribus libris, quos de natura deorum scripsimus. nam cum omnibus in rebus temeritas in assentiendo, errorq; turpis est, tum in eo loco maxime, in quo iudicandum est quantum auspicijs, rebusq; diuinis, religioniq; tribuamus: est enim periculum, ne aut neglectis ijs impia fraude, aut susceptis anili superstitione obligemur. quibus de rebus & aliàs sæpe, & paulo accuratius nuper, cum essem cum Q. fratrem, in Tusculano disputatum est. Nam cum ambulandi causa in Lyceum uenissemus (id enim superiori gymnasio nomen est) perlegi, inquit ille, tuum paulo ante tertium de natura deorum: in quo disputatio Cotta, quanquam labefactauit sententiam meam, non funditus tamen sustulit. Optime uero, inquā: etenim ipse Cotta sic disputat, ut Stoicorum magis argumenta confutet, quàm hominum deleat religionem. Tum

Quintus, dicitur quidem istuc, inquit, à Cotta, & uero sapius, credo ne communi iure migrare uideatur: sed studio contra Stoicos differendi deos mihi uidetur funditus tollere. eius orationi non sanè desidero quid respondeam: satis enim defensa religio est in secundo libro à Lucilio: cuius disputatio tibi ipsi, ut in extremo tertio scribis, ad ueritatem est uisa propensior. sed, quod prætermisum est in illis libris, credo quia commodius arbitratu es separatim id quæri, deq; eo differi, id est de diuinatione, quæ est earum rerum, quæ fortuitæ putantur, prædictio, atq; præsensio, id, si placet, uideamus quam habeat uim, & quale sit. ego enim sic existimo: si sint ea genera diuinandi uera, de quibus accepimus, quæq; colimus, esse deos: uicissimq; si dii sint, esse qui diuinent.

Arcem tu quidem Stoicorum, inquam, Quinte defendis: siquidem ista reciprocantur: ut & si diuinatio sit, dii sint; & si dii sint, sit diuinatio. quorum neutrum tam facile, quam tu arbitraris, conceditur. nam & natura significari futura sine deo possunt: & ut sint dii, potest fieri, ut nulla ab ijs diuinationis generi humano tributa sit. Atq; ille, mihi uero, inquit, satis est argumenti, & esse deos, & consulere rebus humanis, qd esse clara & perspicua diuinationis genera iudico. de quibus quid ipse sentiam, si placet, exponam, ita tamen, si uacas animo, neq; habes aliquid, quod huic sermoni præuertendum putes.

Ego uero, inquam, philosophiæ Quinte semper uaco: hoc autem tempore, cum sit nihil aliud quod libenter agere possimus, multo magis aueo audire, de diuinatione quid sentias.

Nihil, inquit, quidem noui, nec quod præter ceteros ipse sen-

ē. equidem

tiam: nam cum antiquissimam sententiam, tum omnium  
 populorum, & gentium consensu comprobata sequor.  
 Duo sunt enim diuinandi genera: quorum alterum ar  
 tis est, alterum naturæ: quæ est autem gens, aut quæ ci  
 uitas, quæ non aut extis pecudum aut monstra, aut ful  
 gura interpretantium, aut augurum, aut astrologorum,  
 aut sortium (ea enim ferè artis sunt) aut somniorum,  
 aut uaticinationum (hæc enim duo naturalia putantur)  
 prædictione moueatur? quarum quidem rerum euenta  
 magis arbitror, quàm causas quæri oportere. est enim  
 uis & natura quædam, quæ tum obseruatis longo tem  
 pore significationibus, tum aliquo instinctu, inflatuq; di  
 uino futura prænunciat. quare omitat urgere Carneades:  
 quod faciebat etiam Panætius, requirens, Iuppiter ne  
 cornicem à læua, coruum à dextra canere iussisset? ob  
 seruata sunt hæc tempore immenso, et significatione euen  
 tus animaduersa, & notata. nihil est autem, quod non  
 longinquitas temporum, excipiente memoria, prodèdisq;  
 monumentis, efficere, atq; assequi possit. mirari licet, quæ  
 sint animaduersa à medicis herbarum genera, quæ radi  
 cum ad morsus bestiarum, ad oculorum morbos, ad uul  
 nera. quorum uim, atq; naturam ratio nunquam expli  
 cauit: utilitate & ars est, & inuentor probatus. age,  
 ea, quæ, quanquam ex alio genere sunt, tamen diuinatio  
 ni sunt similia, uideamus.

- » Atq; etiam uentos præmonstrat sæpe futuros
- » Inflatum mare, cum subito, penitusq; tumescit,
- » Saxaq; cana, salis niueo spumata liquore,
- » Triflidas certant Neptuno reddere uoces,
- » Aut densus stridor cum celsò è uertice montis



- „ Ortus adaugeſcit ſcopulorum ſæpe repulſu.  
 atq; hiſ rerum præſenſionibus prognostica tua referta  
 ſunt. quis igitur elicere cauſas præſenſionum poteſt ? eſſi  
 uideo Boethum Stoicum eſſe conatum . qui hætenus ali  
 quid egit, ut earum rationem rerum explicaret, quæ in  
 mari cœlo'ue fierent . illa uero cur eueniant, quis proba  
 biliter dixerit ?
- „ Cana fulix itidem fugiens è gurgite ponti,  
 „ Nunciat horribiles clamans inſtare procellas,  
 „ Haud modicos tremulo fundens è gutture cantus.  
 „ Sæpe etiam pertriſte canit de pectore carmen,  
 „ Et matutinis Acredula uocibus inſtat,  
 „ Vocibus inſtat, & aſſiduas iacit ore querelas,  
 „ Cum primum gelidos rores aurora remittit.  
 „ Fuſcaq; non nunquam curſans per littora cornix  
 „ Demerſit caput, & fluctum cernice recepit.  
 uidemus hæc ſigna nunquam ferè euentientia : nec ta  
 men, cur ita fiat, uidemus.
- „ Vos quoq; ſigna uidetis aquai dulcis alumna,  
 „ Cum clamore paratis inanes fundere uoces,  
 „ Abſurdoq; ſono fontes, & ſtagna cietis.  
 quis eſt, qui ranunculos hoc uidere ſuſpicari poſſit ? ſed  
 ineſt mire & ranunculis quædam natura ſignificans ali  
 quid, per ſe ipſa ſatis certa, cognitioni autem hominum  
 obſcurior.
- „ Mollipedeſq; boves ſpectantes lumina cœli  
 „ Naribus humiferum duxere ex aere ſuccum.  
 non quero cur, quoniam, quid eueniat, intelligo.
- „ Iam uero ſemper uiridis, ſemperq; grauata  
 „ Lentifcus triplici ſolita grandefcere foetu,

- 22 Ter fruges fundens, tria tempora monstrat arandi.  
 ne hoc quidem quaero, cur hæc arbor una ter floreat, aut  
 cur arandi maturitatem ad signum floris accommodet.  
 hoc sum contentus, quod, etiam si, quo modo quidque fiat, igno-  
 rem, quid fiat intelligo. pro omni igitur diuinatione idem,  
 quod pro omnibus istis rebus, quas commemoravi, respon-  
 debo. quid Scamoneæ radix ad purgandum, quid Aristo-  
 lochia ad morsus serpentum possit, quæ nomen ex inuen-  
 tore repperit, rem ipsam inuētor ex somnio, uideo; quod  
 satis est: cur possit, nescio. sic uentorum, et imbrium si-  
 gna, quæ dixi, rationem quam habeant, non satis perspi-  
 cio: uim et euentum agnosco, scio, approbo. similiter,  
 quid fissum in extis, quid fibra ualeat, accipio: quæ causa  
 sit, nescio. atque horum quidem plena uita est: extis enim  
 omnes ferè utuntur. quid de fulgurum ui, dubitare num  
 possumus? nonne cum multa alia mirabilia, tum illud in  
 primis? cum Summanus in fastigio Iouis optimi maximi,  
 qui tum erat fictilis, coelo ictus esset, nec usquā eius simu-  
 lacri caput inueniretur, aruspices in Tiberim id depul-  
 sum esse dixerunt, idque inuētum est eo loco, qui est ab aru-  
 spicibus demonstratus. sed quo potius utar aut auctore,  
 aut teste, quæ te? cuius edidici etiam uersus, et libenter qui-  
 dem, quos in secundo Consulatu Vrania musa pronūciat.
- 22 Principio ætherio flammatus Iuppiter igni  
 22 Vertitur, et totum collustrat lumine mundum,  
 22 Mentemque diuina cælum terrasque petessit:  
 22 Quæ penitus sensus hominum, uitasque retentat,  
 22 Aetheris æterni septa, atque inclusa cauernis.  
 22 Et si stellarum motus cursusque uagantes  
 22 Nosse uelis, quæ sint signorum in sede locatæ,

- » Quæ uerbo, & falsis Graiorum uocibus errant,  
 » Re uera certo lapsu, spatioq; feruntur :  
 » Omnia iam cernes diuina mente notata .  
 » Nam primum astrorum uolucres te Consule motus,  
 » Concursumq; graues stellarum ardore micantes  
 » Tu quoq; cum tumulos Albano in monte niuales  
 » Lustrasti, & lato maectasti laete Latinas,  
 » Vidisti, & claro tremulos ardore cometas,  
 » Multaq; misceri nocturna strage putasti,  
 » Quod ferimè dirum in tempus cecinere Latinae,  
 » Cum claram speciem concreto lumine luna  
 » Abdidit, & subito stellanti nocte perempta est .  
 » Quid uero Phœbi fax, tristis nuncia belli,  
 » Quæ magnum ad columen flammato ardore uolabat,  
 » Præcípites cœli partes, obitusq; petisset ;  
 » Aut cum terribili percussus fulmine ciuis,  
 » Luce serenanti uitalia lumina liquit ;  
 » Aut cum se grauido tremefecit corpore tellus .  
 » Iam uero uariæ nocturno tempore uisæ  
 » Terribiles formæ bellum, motusq; mouebant :  
 » Multaq; per terras uates oracla furenti  
 » Pectore fundebant tristes minitancia casus :  
 » Atq; ea, quæ lapsu tandem cecidere uetusto,  
 » Hæc fore, perpetuis signis, clarisq; frequentans .  
 » Ipse deum genitor cœlo, terrisq; canebat .  
 » Nunc ea, Torquato quæ quondam, & Consule Cotta  
 » Lydius ediderat Tyrrhenæ gentis aruspex,  
 » Omnia fixa tuus glomerans determinat annus .  
 » Nam pater altitonans stellanti nixus olympo  
 » Ipse suos quondam tumulos, ac templa petiuit,



## DE DIVINATIONE

- » Et Capitolinis iniecit sedibus ignes .
- » Tum species ex ære uetus, generataq; Natæ
- » Concidit, elapsaq; uerusto numine leges :
- » Et diuum simulacra peremit fulminis ardor.
- » Hic siluestris erat, Romani nominis alitrix,
- » Martia, quæ paruos Mauortis semine natos
- » Vberibus grauidis uitali rore rigabat :
- » Quæ tum cum pueris flammato fulminis ictu
- » Concidit, atq; amulsa pedum uestigia liquit.
- » Tum quis non artis scripta, ac monumenta uolutans,
- » Voces tristificas chartis promebat Etruscis ?
- » Omnes ciuili generosam stirpe profectam
- » Vitare ingentem cladem, pestemq; monebant :
- » Vel legum exitium constanti noce ferebant,
- » Tempa deumq; adeo flammis, urbesq; iubebant
- » Eripere, & stragem horribilem, cademq; uereri :
- » Atq; hæc fixa graui fato, ac fundata teneri,
- » Ni post excisum ad còlumen formata decore
- » Sancta Iouis species claros spectaret in ortus :
- » Tum fore, ut occultos populus, sanctusq; senatus
- » Cernere conatus posset, si solis ad ortum
- » Conuersa, inde patrum sedes, populiq; uideret.
- » Hæc tardata diu species, multumq; morata
- » Consule te tandem celsa est in sede locata :
- » Atq; una fixi, ac signati temporis hora
- » Iuppiter excelsa clarabat sceptrà còlunnà :
- » Ac clades patriæ flamma, ferroq; parata,
- » Vocibus Allobrogum patribus populoq; patebat.
- » Rite igitur ueteres, quorum monumenta tenetis,
- » Qui populos, urbesq; modo, ac uirtute regebant ;

- » Rite etiam uestri, quorum pietasq; fidesq;
- » Præstitit, & longe uicit sapientia cunctos,
- » Præcipue ingenti coluerunt numine diuos.
- » Hæc adeo penitus cura uidere sagaci
- » Ocia qui studiis lati tenuere decoris,
- » Inq; Academia umbrifera, nitidoq; Lyceo
- » Fuderunt claras fecundi pectoris artes.
- » E' quibus ereptum primo iam à flore iuuentæ,
- » Te patria in media uirtutum mole locauit.
- » Tu tamen anxiferas curas requiete relaxas,
- » Quod patriæ uoces studiis, nobisq; sacraſti.

tu igitur animum poteris inducere contra ea, quæ à me disputantur, de diuinatione dicere, qui & gesseris ea, quæ gessisti, & ea, quæ pronunciaui, accuratissime scripseris? quid quæris Carneade, cur hæc ita fiant, aut qua arte perſpici poſſint? neſcire me fateor: euenire autem, te ipſum dico uidere. caſu, inquis: ita ne uero? quicquam poteſt eſſe caſu factum, quod omnes habet in ſe numeros ueritatis? quatuor tali iaſti, caſu uenereum efficiunt. num etiam centum uenereos, ſi CCCC talos icceris, caſu futuros putas? aſperſa temere pigmenta in tabula, oris lineamenta effingere poſſunt: num etiam Veneris Gnidæ, Coæq; pulchritudinem effingi poſſe aſperſione foruita putas? ſus roſtro ſi humi a literam impreſſerit, nū propterea ſuſpicari poteris, Andromacham Ennij ab ea poſſe deſcribi? fingeſſet Carneades, in Chiorum lapicidinis ſaxo diſſiſſo caput extitiſſe Paniſci. credo, aliquam non diſſimilem figuram, ſed certe non talem, ut eam factam à Scopæ diceret: ſic enim ſe proſeſſo res habet, ut nunquam perfectè ueritatem caſus imi-

setur . at non nunquam ea , quæ prædicta sunt , minus  
eueniunt . quæ tandem id ars non habet? earum dico ar  
tium, quæ coniectura continentur, & sunt opinabiles. an  
medicina ars non putanda est? quam tamen multa fal  
lunt . quid? gubernatores non'ne falluntur? an Achio  
rum exercitus, & tot nauium rectores non ita profecti  
sunt ab Illo, ut profectiōe læti piscium lasciuiā intueren  
tur, ut ait Pacuuius, nec tuendi satietas capere posset?

- „ Interea propè iam occidente sole inhorrescit mare,  
„ Tenebræ conduplicantur, noctisq; & nimbū occæcat  
nigror.

num igitur tot clarissimorum ducum, Regumq; naufra  
gium sustulit artem gubernandi? aut num imperatorū  
scientia nihil est, q̃a summus imperator nuper fugit amis  
so exercitu? aut num propterea nulla est Reip. gerendæ  
ratio, atque prudentia, quia multa Cn. Pompeium, quæ  
dam M. Catonem, non nulla etiam te ipsum fefellerunt?  
similis est aruspicum responsio, omnisq; opinabilis diuina  
tio : coniectura enim nititur; ultra quam progredi non  
potest. ea fallit fortasse non nunquam, sed tamen ad ue  
ritatem sæpissime dirigit: est enim ab omni æternitate re  
petita . in qua cum penè innumerabiles res eodem modo  
euenirent iisdem signis antegressis, ars est effecta, eadem  
sæpe animaduertendo, atque notando . Auspicia uero ue  
stra quàm constant? quæ quidem nunc à Romanis augu  
ribus ignorantur; bona hoc tua uenia dixerim : à Cili  
cibus, Pamphylis, Pisidis, Lyciis tenentur . iam quid ego  
hospitem nostrum, clarissimum, atque optimum uirum,  
Deiotarum Regem commemorem? qui nihil unquam ni  
si auspicato gerit : qui cum ex itinere quodam proposito,



Et iam constituto reuertisset aquilæ admonitus uolatu, conclaue illud, ubi erat mansurus, si ire perrexisset, proxima nocte corruit. itaque, ut ex ipso audiebam, persæpe reuertit ex itinere, cum iam progressus esset multorum dierum uiam. cuius quidem hoc præclarissimum est, quod postea quàm à Cæsare tetrarchiæ regno, pecuniâq; mulctatus est, negat se tamen eorum auspiciorum, quæ sibi ad Pompeium proficiscenti secûda euenerint, poenitere: senatus enim auctoritatem, et populi R. libertatem, atque imperij dignitatem suis armis esse defensam; sibiq; eas aues, quibus auctoribus officium, et fidem secutus esset, bene consuluisse: antiquiorem enim sibi fuisse possessionibus suis gloriam. ille igitur mihi uidetur uere augurari. nam nostri quidem magistratus auspicijs utuntur coactis: necesse enim est offa obiecta cadere frustum ex pulli ore, cum pascitur. quod autem scriptum habetis, aut tripudium fieri, si ex ea quid in solidum ceciderit: hoc quoque, quod dixi coactum, tripudium solistimum dicitis. itaque multa auguria, multa auspicia, quod Cato ille sapiens queritur, negligentia collegij amissa planè, et deserta sunt. nihil ferè quondam maioris rei, nisi auspicato, ne priuatim quidem gerebatur: quod etiam nunc nuptiarum auspices declarant, qui re ommissa nomē tantum tenent. nam ut nunc extis, quanquam id ipsum aliquanto minus, quàm olim: sic tum auibus magnæ res impertiri solebant. itaque, sinistra dum non exquirimus, in dira, et in uitiosa incurrimus. ut P. Claudius Appij Cæci filius, eiusq; collega L. Iunius classes maximas perdiderunt, cum uitio nauigassent. quod eodem modo euenit Agamemnoni. qui, cum Achilli cœpissent

- 22 Inter se strepere, apertèq; artem obterere extispicum,  
 22 Soluere imperat secundo rumore, auersaq; aui.

sed quid uetera? M. Crasso quid acciderit uidemus dirarum obnuntiatione neglecta. in quo Appius collega tuus, bonus augur, ut ex te audire soleo, non satis scienter uirum bonum, & ciuem egregium censor P. Aetheium notauit, quod ementitum auspicia subscripserit. esto: fuerit hoc censoris, si iudicabat ementitum. at illud minime auguris, quod ascripsit ob eam causam populum R. calamitatem maximam cepisse. si enim ea causa calamitatis fuit, non in eo est culpa, qui obnuntiavit; sed in eo, qui non paruit: ueram enim fuisse obnuntiationem, ut ait idem augur, & censor, exitus approbavit. quæ si falsa fuissent, nullam afferre potuissent causam calamitatis: etenim diræ, sicut cetera auspicia, ut omina, ut signa, non causas afferunt cur quid eueniat, sed enunciant euentura, nisi prouideris: non igitur obnuntiatio Aetheij causam finxit calamitatis, sed signo obiecto monuit Crassum, quid euenturum esset, nisi cauisset. ita aut illa obnuntiatio nihil ualuit: aut si, ut Appius iudicat, ualuit, id ualuit, ut peccatum hæreat non in eo, qui monuerit, sed in eo, qui non obtemperarit. Quid lituus iste uester, quod clarissimum est insigne auguratus, unde nobis est traditus? nempe eo Romulus regiones direxit tum, cum urbem condidit. qui quidem Romuli lituus, id est incuruum, & leuiter à summo inflexum bacillum, quod ab eius litui, quo canitur, similitudine nomen inuenit; cum situs esset in curia Saliorum, quæ est in Palatio, eaq; deflagrasset, inuentus est integer. quid multis annis post Romulum, Prisco regnante Tarquinio? quis ueterum scriptorum non lo-

quitur, quæ sit ab Attio Nauio per lituum regionum facta descriptio? qui cum propter paupertatem suæ puer pasceret, una ex his amissa, uouisse dicitur, si recuperasset, uuam se deo daturum, quæ maxima esset in uinea. itaque sue inuenta, ad meridiem spectans, in uinea media dicitur constitisse: cumq; in quatuor partes uineam diuisisset, trisq; partes aues abdixissent, quarta parte, quæ erat reliqua, in regione distributa, mirabili magnitudine uuam, ut scriptum uidemus, inuenit. qua re celebrata, cum uicini omnes ad unum de rebus suis referrent, erat in magno nomine, & gloria. ex quo factum est, ut cum ad se Rex Priscus accerseret. cuius cum tentaret scientiam auguratus, dixit ei se cogitare quiddam, id posset ne fieri consuluit. ille augurio acto, posse respondit. Tarquinius autem dixit, se cogitasse cotem nouacula posse præcidi. tum Attium iussisse experiri: ita cotem in comitium illatam inspectante & Rege & populo nouacula esse discissam. ex eo euenit, ut & Tarquinius augure Attio Nauio uteretur, & populus de suis rebus ad eum referret. cotem autem illam, & nouaculam defossam in comitio, supraq; impositum puteal accepimus. negemus omnia, comburamus annales, si facta hæc esse dicamus, quid uis denique potius, quam deos res humanas curare, fateamur: quid, quod apud te scriptum est de Ti. Graccho, non'ne & augurum, & aruspicum comprobatur disciplinam? qui, cum tabernaculum uitio cepisset imprudens, quod inauspicato pomerium transgressus esset: comitia Consulibus rogandis habuit. nota res est, & à te ipso mandata monumentis. sed & ipse augur Ti. Gracchus auspiciorum auctoritatem confessione errati



## DE DIVINATIONE

sui comprobauit, & aruspicum disciplina magna accessit auctoritas, qui recentibus comitijs in senatum introducti, negauerunt iustum comitiorum rogatorem fuisse. lis igitur assentior, qui duo genera diuinationis esse dixerunt: unum, quod particeps esset artis: alterum, quod arte careret. est enim ars in ijs, qui nouas res coniectura persequuntur, ueteres observatione didicerunt. carent autem arte ij, qui non ratione, aut coniectura obseruatis, ac notatis signis, sed concitatione quadam animi, aut soluto, liberoq; motu futura praesentiunt. quod & somniantibus saepe contingit, & non nunquam uaticinantibus per furorem, ut Bacchis Boeotius, ut Epimenides Cres, ut sibylla Erithrea. cuius generis oracula etiam habenda sunt, non ea, quae aquatis sortibus ducuntur; sed illa, quae instinctu diuino, afflatuq; funduntur. & si ipsa sors contemnenda non est, si & auctoritatem habet uetustatis, ut eae sunt sortes, quas è terra editas accepimus: quae tamen ductae, ut in rem apte cadant, fieri posse credo diuinitus. quorum omnium interpretes, ut grammatici poetarum, proxime ad eorum, quos interpretantur, diuinationem uidentur accedere. quae est igitur ista calliditas, res uetustate robustas calumniando uelle peruertere? non reperiò causam. latet fortasse obscuritate inuoluta naturae. non enim me deus ista scire, sed his tantum modo uti uoluit. utar igitur, nec abducar, ut reat aut in extis totam Etruriam delirare, aut eandem gentem in fulguribus errare, aut fallaciter portenta interpretari, cum terrae saepe fremitus, saepe mugitus, saepe motus multa nostrae Reip. multa ceteris ciuitatibus graua & uera praedixerint. quid, qui irridetur,

detur, partus hic mulæ, non ne, quia foetus extitit in  
 sterilitate naturæ, prædictus est ab aruspices incredi-  
 bilis partus malorum? quid? Ti. Gracchus Publij fi-  
 lius, qui bis consul & censor fuit, idemq; & summus  
 augur, & uir sapiens, ciuisq; præstans, non ne, ut C.  
 Gracchus filius eius scriptum reliquit, duobus anguibus  
 domi comprehensis aruspices conuocauit? qui cum re-  
 spondissent, si marem emisisset, uxori breui tempore esse  
 moriendum; si foeminam, ipsi: æquius esse censuit, se  
 maturam oppetere mortem, quam P. Africani filiam  
 adolescentem. foeminam emisit: ipse paucis post diebus  
 est mortuus. irrideamus aruspices, uanos, futes esse  
 dicamus; quorumq; disciplinam & sapientissimus uir,  
 & euentus, ac res comprobauit, contemnamus: con-  
 temnamus etiam Babylonios, & eos, qui ex Caucaſo cœli  
 signa seruantes, numeris, & motibus, stellarum cur-  
 sus persequuntur: condemnemus inquam hos aut stulti-  
 tiæ, aut uanitatis, aut imprudentiæ, qui CCCCCLXX  
 millia annorum, ut ipsi dicunt, monumentis compre-  
 hensa continent; & mentiri iudicemus, nec seculorum  
 reliquorum iudicium, quod de ipsis futurum sit, per-  
 timescere. age, barbari uani, atq; fallaces. num etiam  
 Graiorum historia mentita est? quæ Cræſo Pythius  
 Apollo, ut de naturali diuinatione dicam, quæ Athe-  
 niensibus, quæ Lacedæmonijs, quæ Taygetis, quæ Ar-  
 giuis, quæ Corinthijs responderit, quis ignorat? colle-  
 git innumerabilia oracula Chrysippus, nec ullum sine  
 locuplete auctore, atque teste. quæ quia nota tibi sunt,  
 relinquo. defendo unum hoc. nunquam illud oraculum  
 Delphis tam celebre, & tam clarum fuisset, neq; tantis

donis refertum omnium populorum atq; regum, nisi omnis ætas oraculorum illorum ueritatem esset experta. iam diu idem non facit. ut igitur nunc minore gloria est, quia minus oraculorum ueritas excellit: sic tum, nisi summa ueritate, in tanta gloria non fuisset. potest autem uis illa terra, quæ mentem Pythiæ diuino afflatu concitabat, euanuisse uetustate, ut quosdam exaruisse amnes, aut in alium cursum contortos, & deflexos uidemus. sed, ut uis, acciderit: magna enim quæstio est: modo maneat id, quod negari non potest, nisi omnem historiam peruerterimus, multis seclis uerax fuisse id oraculum. sed omitamus oracula: ueniamus ad somnia. de quibus disputans Chrysippus, multis, & minutis somnijs colligendis facit idem quod Antipater, ea cõquirens, quæ Antiphontis interpretatione explicata, declarant illa quidem acumen interpretis, sed exemplis grandioribus decuit uti. Dionysij mater, eius, qui Syracusiorum tyrannus fuit, ut scriptum apud Philistum est, & doctum hominem, & diligentem, & æqualem temporum illorum, cum prægnans hunc ipsum Dionysium aluo contineret, somniavit se peperisse Satyriscum. huic interpretes portentorum, qui Galleotæ tum in Sicilia nominabantur, responderunt (ut ait Philistus) eum, quem illa peperisset, clarissimum Græciæ diuturna cum fortuna fore. num te ad fabulas reuoco uel nostrorum, uel Græcorum poetarum? narrat enim & apud Ennium Vestalis illa.

- » Excita cum tremulis anus attulit artubus lumen,
- » Talia commemorat lacrymans exterrita somno
- » Euridica prognata, pater quam noster amauit,
- » Vires uitæq; corpus meum nunc deserit omne.



- » Nam me uisus homo pulcher per amœna saliçta  
 » Et ripas raptare, locosq; nouos . ita sola  
 » Post illa germana soror errare uidebar,  
 » Tarda; uestigare, & querere te, neq; posse  
 » Corde capeßere. semita nulla pedem stabilibat.  
 » Exin compellare pater me uoce uidetur  
 » His uerbis, cognata tibi sunt ante gerendæ  
 » Erumnæ : post ex fluuiò fortuna resistet.  
 » Hæc pater effatus, germana, repente recessit,  
 » Nec sese dedit in conspectum corde cupitus.  
 » Quauquam multa manus ad cœli cœrula templa  
 » Tendebar lacrymans, & blanda uoce uocabam.  
 » Vix ægro tum corde meo me somnu' relinquit.  
 hæc, etiam si ficta sunt à poeta, non absunt tamen à con  
 » suetudine somniorum. sit sanè etiam illud cõmentitium,  
 quo Priamûs est conturbatus.  
 » Quia mater grauida parere se ardentem facem  
 » Visa est in somniis Hecuba : quo factò pater  
 » Rex ipse Priamus, somnio mentis metu  
 » Percussus, curis sumptis suspirantibus  
 » Exsacrificabat hostijs balantibus.  
 » Tum coniectorem postulat pacem petens,  
 » Vt se edoceret obsecrans Apollinem,  
 » Quò sese uertant tantæ sortes somniû.  
 » Ibi ex oraculo uoce diuina edidit  
 » Apollo, puerum, primus Priamo qui foret.  
 » Post illa natus tempora, hunc si tolleret,  
 » Eum esse exitium Troiæ, pestem Pergamo.  
 sint hæc, ut dixi, somnia fabularum : hisq; adiungatur  
 etiam Aeneæ somnium: quod innumerum Fabij Pictoris

## DE DIVINATIONE

Græcis annalibus eiusmodi est, ut omnia, quæ ab Aenea gesta sunt, quæq; illi acciderunt, ea fuerint, quæ ei secundum quietem uisa sunt. sed propiora uideamus. cuiusnam modi est Superbi Tarquinij somniū, de quo in Bruto Accij loquitur ipse?

- » Cum iam quieti corpus nocturno impetu
  - » Dedi, sopore placans artus languidos,
  - » Visum est in somnis, pastorem ad me appellere,
  - » Duos consanguineos arietes inde eligi,
  - » Pecus lanigerum eximia pulchritudine,
  - » Præclarioremq; alterum immolare me:
  - » Deinde eius germanum cornibus connitier
  - » In me arietare, eoq; ictu me ad casum dari:
  - » Exin prostratum terra grauius saucium,
  - » Resupinum, in cælo contueri maximum
  - » Ac mirificum facinus, dextrorsum orbem flammeum
  - » Radiatum solis liquier cursu nouo.
- eius igitur somni quæ sit à coniectoris interpretatio facta, uideamus:
- » Rex, quæ in uita usurpant homines, cogitant, curant, uident,
  - » Quæq; agunt uigilantes, agitantq; ea si cui in somno accidunt,
  - » Minus mirum est: sed in re tanta haud temere impro- uiso offerunt:
  - » Proin uide, ne, quem tu esse hebetem deputes æque ac pecus,
  - » Is sapientia munitum pectus egregium gerat,
  - » Teq; regno expellat. nam id, quod de sole ostentum est tibi,

- » Populo commutationem rerum portendit fore.  
 » Per propinqua hæc bene uerruncent populo. nam quod  
 ad dexteram  
 » Cœpit cursum ab læua signum præpotens, pulcherrime  
 » Auguratum est, rem Romanam publicam summâ fore.  
 Age nunc ad externa redeamus. Matrem Phalaridis scribit Ponticus Heraclides, doctus uir, auditor, & discipulus Platonis, uisam esse uidere in somnijs simulacra deorum, quæ ipsa Phalaridis domi consecrauiisset: ex his Mercurium è patera, quâ dextra manu teneret, sanguinem uisum esse fundere: qui cum terram attigisset, referuere uideretur sic, ut tota domus sanguine redundaret. quod matris somnium immanis filij crudelitas comprobauit. quid ego, quæ magi Cyro illi principi interpretati sunt, ex Dionysij Persici libris proferam? nam cum dormienti ei sol ad pedes uisus esset, ter eum scribit frustra appetiuisse manibus, cum se conuoluens sol elaberetur, et abiret: ei magos dixisse, quod genus sapientum, & doctorum habebatur in Persis, ex triplici appetitione solis, XXX annos Cyrum regnaturum esse, portendi. quod ita contigit. nam ad septuagesimum peruenit, cum XL natus annos regnare cœpisset. est profecto quiddam etiâ in barbaris gentibus præsentiens, atq; diuinans: siquidem ad mortem proficiscens Calanus Indus cum ascenderet in rogam ardentem, ò præclarum discessum, inquit, è uita, cum, ut Herculi contigit, mortali corpore cremato in lucem animus excesserit. cumq; Alexander eum rogaret, si quid uellet, ut diceret: optime, inquit: propediem te uidebo. quod ita contigit: nam Babylone paucis post diebus Alexander est mortuus. Discedo parumper à somnijs:



ad quæ mox reuertar. Qua nocte templum Ephesiæ Dianæ deflagrauit, eadem constat ex Olympiade natum esse Alexandrum, atq; ubi lucere cœpisset, clamitasse magos, pestem, ac perniciem Asiæ proxima nocte natam. Hæc de Indis & magis. redeamus ad somnia. Annibalem Celiusscribit, cum columnam auream, quæ esset in fano Iunonis Laciniae, auferre uellet, dubitaretq; utrum ea solida esset, an extrinsecus inaurata, perterebrauisset: cumq; solidam inuenisset, statuissetq; tollere, secundum quietem uisam esse ei Iunonem prædicere ne id faceret, minitariq; si id fecisset, se curaturam, ut eum quoq; oculum, quo bene uideret, amitteret: idq; ab homine acuto non esse neglectum: itaq; ex eo auro, quod exterebratum esset, buculam curasse faciendam, & eam in summa columna collocauisse. hoc idem in Sileni, quem Celiusssequitur, Græca historia est. is autem diligentissime res Annibalis persecutus est. Annibalem, cum cepisset Saguntum, uisum esse in somnis à Ioue in deorum concilium uocari: quò cum uenisset, Iouem imperasse, ut Italiæ bellum inferret, ducemq; ei unum ex concilio datum: quo illum utentem, cum exercitu progredi cœpisse: tum ei ducem illum præcepisse, ne respiceret: illum autem id diutius facere non potuisse, elatumq; cupiditate respexisse: tum uisam beluam uastam, & immanem, circumplicatam serpentibus, quacunq; incederet, omnia arbuta, uirgulta, tecta peruertere: & cum admiratum quassisset de deo, quidnam illud esset tale monstrum, & deum respondisse, uastitatem esse Italiæ: præcepisseq; ut pergeret protinus; quid retro, atq; à tergo fieret, ne laboraret. Apud Agathoclem scriptum in histo-

ria est, Hamilcarem Carthaginensem; cum oppugnaret Syracusas, uisum esse audire uocem, se postridie cœnaturum Syracusis: cum autem is dies illuxisset, magnam seditionem in castris eius inter Pœnos, & Siculos milites esse factam: quod cum sensissent Syracusani, improviso eos in castra irrupisse, Hamilcaremq; ab ijs uiuum esse sublatum. ita res somnium comprobauit. plena exemplorum est historia, tum referta uita communis. At uero P. Decius ille Q. filius, qui primus e' Decijs Cōsul fuit, cum esset Tribunus mil. M. Valerio, & A. Cornelio Consulibus, à Samnitibusq; premeretur noster exercitus; cum pericula prœliorum iniret audacius, monereturq; ut cautior esset, dixit, quod extat in annalibus: sibi in somnijs uisum esse, cū in medijs hostibus uersaretur, occidere cum maxima gloria. & tum quidem incolumis exercitum obsidione liberauit. post triennium autem, cum Consul esset, deuouit se, & in aciem Latinorum irrupit armatus. quo eius facto superati sunt, & deleti Latini. cuius mors ita gloriosa fuit, ut eandem concupisceret filius. Sed ueniamus nunc, si placet, ad somnia philosophorum. Est apud Platonem Socrates, cum esset in custodia publica, dicens Critoni suo familiari, sibi post tertium diem esse moriendum: uidisse se in somnis pulchritudine eximia foeminam, quæ se nomine appellans diceret Homericum quendam eiusmodi uersum:

» Tertia te Phthiæ tempestas lata locabit.

quod ut est dictum, sic scribitur contigisse. Xenophon Socraticus, qui uir, & quantus, in ea militia, qua cum Cyro minore perfunctus est, sua scribit somnia. quorum exitus mirabiles extiterunt. mentiri Xenophontem, an

## DE DIVINATIONE

delirare dicemus? quid singulari uir ingenio Aristoteles, & penè diuino ipse ne errat, an alios uult errare, cum scribit Eudemum Cyprium familiarem suum iter in Macedoniâ facientem Pheras uenisse; quæ erat urbs in Thessalia tum admodum nobilis, ab Alexandro autem tyranno crudeli dominatu premebatur: in eo igitur oppido ita grauitè agrum Eudemum fuisse, ut omnes medici diffiderent: ei uisum esse in quiete egregia facie iuuenem dicere, fore ut breuè conualesceret, paucisq; diebus interiturum Alexandrum tyrannum, ipsum autem Eudemum quinquennio post domum esse rediturum. atque ita quidem prima statim scribit Aristoteles consecuta, & conualuisse Eudemum, & ab uxoris fratribus interfectum tyrannum: quinto autem anno exeunte, cum esset spes ex illo somnio in Cyprum illum ex Sicilia esse rediturum, præliantem eum ad Syracusas occidisse: ex quo ita illud somnium esse interpretatum, ut, cum animus Eudemi ex corpore excesserit, tum domum reuertisse uideatur. Adiungam philosophis doctissimum hominem, poetam quidem diuinum, Sophoclem: qui, cum ex æde Herculis patera aurea grauis surrepta esset, in somnis uidit ipsum deum dicentem qui id fecisset. quod semel ille, iterumq; neglexit. ubi idem sæpius, ascendit in Ariopagum, detulit rem. Ariopagitæ cōprehendi iubent eum, qui à Sophocle erat nominatus. is, quæstione adhibita, confessus est, pateramq; retulit. quo factò, fanum illud Indicis Herculis nominatum est. Sed quid ego Græcorum? nescio quo modo magis me nostra delectant. omnes hoc historici, Fabij, Gellij, sed proxime Celijs, cū bello Latino ludi uotini ma



ximi primum fierent, ciuitas ad arma repente est excitata. itaque ludis intermissis instauratiui constituti sunt. qui antequam fierent, cumq; iam populus consedisset, seruus per circum, cum uirgis caderetur, furcam ferens ductus est. exin cuidam rustico Romano dormienti uisus est uenire, qui diceret, præsultorem sibi non placuisse ludis, idq; ab eodem iussum esse eum senatui nunciare; illum non ausum: iterum esse idem iussum, & monitum, ne uim suam experiri uellet; ne tum quidem esse ausum; exin filium eius esse mortuum: eandem in somnijs admonitionem fuisse tertiam; tum illum etiam debilem factum, rem ad amicos detulisse, quorum de sententia leticula in curiam esse delatum; cumq; senatui somnium enarrauisset, pedibus suis saluum reuertisse. itaque somnio comprobato à senatu, ludos illos iterum instauratos memoriae proditum est. C. uero Gracchus multis dixit, ut scriptum apud eundem Celium est, sibi in somnis quaesturam petenti Ti. fratrem uisum esse dicere, quàm uellet cunctaretur, tamen eodem sibi leto, quo ipse interisset, esse pereundum. hoc antequam Tribunus pl. Gracchus factus esset, & se audisse scribit Celius, & dixisse multis. quo somnio quid inueniri potest certius? quid? illa duo somnia, quæ creberrime commemorantur à Stoicis, quis tãdem potest continere? unum de Simonide: qui cum ignotum quendam proiectum mortuum uidisset, eumq; humauisset, haberetq; in animo nauem conscendere, moneri uisus est, ne id faceret, ab eo, quem sepultura affecerat: si nauigasset, eum naufragio esse periturum: itaque Simonidem redisse; perisse ceteros, qui tum nauigassent, alterum ita traditum clarum ad=

## DE DIVINATIONE

modum somnium . cum duo quidam Arcades familia-  
res iter unà facerēt, & Megaram uenissent, alterum ad  
cauponem diuertisse, ad hospitem alterum. qui ut cœna=  
ti quiescerent, concubia nocte uisum esse in somnijs ei, qui  
erat in hospitio, illum alterum orare ut subueniret, quod  
sibi à caupone interitus pararetur : eum primo perterri-  
tum somnio surrexisse : deinde cum se collegisset, idq; ui-  
sum pro nihilo habendum esse duxisset, recubuisse : tum  
ei dormienti eundem illum uisum esse rogare, ut, quoni-  
am sibi uiuo non subuenisset, mortem suam ne inultam  
esse pateretur : se interfectum in plastrum à caupone  
esse coniectum, & supra stercus iniectum : petere, ut ma-  
ne ad portam adesset, priusquam plastrū ex oppido exi-  
ret : hoc uero somnio eum comotum mane bubulco præ-  
sto ad portam fuisse, quæsisse ex eo, quid esset in plaistro :  
illum perterritum fugisse, mortuum erutum esse, caupo-  
nem re patefacta pœnas dedisse. quid hoc somnio dici di-  
uinius potest ? sed quid aut plura, aut uetera quærimus ?  
sæpe tibi meum narraui : sæpe ex te somnium audiui tu-  
um . me, cum Asiæ provinciæ præessem, uidisse in quie-  
te, cum tu equo aduectus. ad quandam magni fluminis  
ripam, prouectus subito, atque delapsus in flumen, nus-  
quam apparuisses, me contremuisse timore perterritum :  
tum te repente letum extitisse, eodemq; equo aduersam  
ascendisse ripam, nosq; inter nos esse complexos . facilis  
coniectura huius somnij : mihiq; a peritis in Asia prædi-  
ctum est, fore eos euentus rerum, qui acciderunt . uenio  
nunc ad tuum . audiui equidem ex te ipso, sed mihi sæ-  
pius salustius noster narrauit : cum in illa fuga nobis  
gloriosa, patriæ calamitosa, in ulla quadam campi Ati-

natis maneres, magnamq; partem noctis uigilasses, ad lu-  
 cem denique arcte, & grauiter dormire coepisse: ita-  
 que, quanquam iter instaret, te tamen silentium fieri ius-  
 sisse, neque esse passum te excitari: cum autem experre-  
 ctus esses hora secunda ferè, te sibi somnium narrauisse:  
 uisum tibi esse, cum in locis solis mæstus errares, C. Ma-  
 rium cum fascibus laureatis quærere ex te, quid tristis es-  
 ses: cumq; tu te tua patria ui pulsum esse dixisses, prehē-  
 disse eum dextram tuam, & bono animo te iussisse esse, li-  
 etoriq; proximo tradidisse, ut te in monumentum suum  
 deduceret; & dixisse, in eo tibi salutem fore: tum & se  
 exclamasse salustius narrat, reditum tibi celerem, & glo-  
 riosum paratum, & te ipsum uisum somnio delectari.  
 nam illud mihi ipsi celeriter nunciatum est: ut audiuif-  
 ses in monumento Marij de tuo reditu magnificentissi-  
 mum illud S. C. esse factum, referente optimo, & clarif-  
 simo uiro Consule, idq; frequentissimo theatro, incredibi-  
 li clamore, & plausu comprobatum; dixisse te, nihil illo  
 Atinati somnio fieri posse diuinius. at multa falsa. im-  
 mo obscura fortasse nobis. sed sint falsa quadam. con-  
 tra uera quid dicimus? quæ quidem multo plura eueni-  
 rent, si ad quietem integri iremus: nunc onusti cibo, &  
 uino, perturbata, & confusa cernimus. uide, quid Socra-  
 tes in Platonis Politia loquatur. dicit enim, Cum dormi-  
 entibus ea pars animi, quæ mentis & rationis particeps  
 sit, sopita langueat; illa autem, in qua feritas quadam  
 sit, atque agrestis immanitas, cum sit immoderato ob-  
 stupefacta potu, atque pasu, exultare eam in somno,  
 immoderateq; iactari. itaq; huic omnia uisu obijciuntur  
 à mente, ac ratione uacua: ut aut cum matre corpus



## DE DIVINATIONE

„ miscere uideamur , aut cum quouis alio uel homine, uel  
 „ deo , sæpe belua, atque etiam trucidare aliquem, & im=  
 „ pie cruentari , multaq; facere impure , atque tetre, cum  
 „ temeritate , atque impudentia . at qui salubri , & mo=  
 „ derato cultu , atque uictu quieti se tradiderit , ea parte  
 „ animi , quæ mentis & consilij est , agitata , & erecta ,  
 „ saturatq; bonarum cogitationum epulis; eaq; parte ani=  
 „ mi , quæ uoluptate alitur , nec inopia enecta, nec satie=  
 „ tate affluenti, quorum utrunq; præstringere aciem men=  
 „ tis solet , siue deest naturæ quippiam , siue abundat , at=  
 „ que effluit ; illa etiam tertia parte animi, in qua irarum  
 „ existit, ardor sedata , atque restincta : tum eueniet, dua=  
 „ bus animi temerarijs partibus compressis , ut illa tertia  
 „ pars rationis , & mentis eluceat , & se uegetam ad som=  
 „ niandum , acremq; præbeat : tum ei uisa quietis occur=  
 „ rent tranquilla atque ueracia . Hæc uerba ipsa Platonis  
 „ expressi . Epicurum igitur audiemus potius ? nam Car=  
 „ neades concertationis studio, modo ait hoc, modo illud. at  
 „ ille quid sentit ? sentit autem nihil unquam elegans, nihil  
 „ decorum . hunc ergo antepones Platoni, & Socrati ? qui  
 „ ut rationem non redderent, auctoritate tamen hos minu=  
 „ tos philosophos uincerent . iubet igitur Plato sic ad som=  
 „ nium proficisci corporibus affectis, ut nihil sit, quod erro=  
 „ rem animis, perturbationemq; afferat. ex quo etiam Py=  
 „ thagoricis interdictum putatur , ne faba uescerentur ,  
 „ quod habet inflationem magnam is cibus , tranquillitati  
 „ mentis querenti uera contrariam . cum ergo est somno  
 „ seuocatus animus à societate, & cõtatione corporis, tum  
 „ meminit præteritorum, præsentia cernit , futura proui=  
 „ det : iacet enim corpus dormientis, ut mortui; uiget au=

\* l. *Somnium*

tem, & uiuit animus. quod multo magis faciet post mortem, cum omnino ex corpore excesserit. itaque appropinquante morte multo est diuinior. nam & id ipsum uident, qui sunt morbo graui & mortifero affecti, instare mortem. itaque his occurrunt plerumque imagines mortuorum: tumq; uel maxime laudi student: eosq; qui secus quàm decuit uixerunt, peccatorum suorum tum maxime poenitet. diuinare autem morientes etiam illo exemplo confirmat Posidonius, quo affert Rhodium quendam morientem sex aequales nominasse, & dixisse, qui primus eorum, qui secundus, qui deinceps moriturus esset. sed tribus modis cēset deorum appulsu homines somniare: uno, quòd praeuideat animus ipse per sese, quippe qui deorum cognatione teneatur: altero, quòd plenus aer sit immortalium animorum, in quibus tanquam insignita notae ueritatis appareant: tertio, quòd ipsi dii cum dormientibus colloquantur: idq; ut modo dixi, facilius euenit appropinquante morte, ut animi futura augurentur. ex quo & illud est Calani, de quo ante dixi, & Homerici Hectoris, qui moriens propinquam Achilli mortem denunciat: neque enim illud uerbum temere consuetudo approbauisset, si ea res nulla esset omnino.

- » Præ sagibat animus frustra me ire, cum exirem domo. sagire enim sentire acute est: ex quo sagæ anus, quia multa scire uolunt, & sagaces dicti canes. is igitur, qui ante sagit, quàm oblata res est, dicitur præ sagire, idest futura ante sentire. inest igitur in animis præ sagitio extrinsecus iniecta atque inclusa diuinitus: ea si exarsit acrius, furor appellatur, cum à corpore animus abstractus diuino instinctu concitatur.

## DE DIVINATIONE

- » Sed quid oculis rapere uisa est derepente ardentibus ?  
ubi illa paulo ante sapiens uirginali modestia ?
- » Mater optima, tum multo mulier melior,
- » Missa sum superstitiosis ariolationibus :
- » Neq; me Apollo fatis fandis dementem inuitam ciet.
- » Virgines uero æquales patris mei meum factum pudet
- » Optimi uiri : mea mater tui me miseret, mei piget.
- » Optumam progeniem Priamo repperisti extra me : hoc  
dolet,
- » Me obesse, illos prodesse ; me obstare, illos obsequi.  
ò poema tenerum, & moratum, atque molle. sed hoc mi-  
nus ad rem : illud, quod uolumus, expressum est, ut uati-  
cinari furor uera soleat.
- » Adest, adest fax obuoluta sanguine, atq; incendio:
- » Multos annos latuit . ciues ferte opem, & restinguite.  
deus inclusus corpore humano iam, non Cassandra lo-  
quitur.
- » Iamq; mari magno classis cita
- » Textitur : exitium examen rapit :
- » Aduenit, & fera ueliuolantibus
- » Nauibu' compleuit manu' littora.  
tragædias loqui uideor, & fabulas. at ex te ipso nō com-  
mentitiam rem, sed factam, eiusdem generis audiui :  
C. Coponiū ad te uenisse Dyrrhachio, cum prætorio im-  
perio classi Rhodiæ præesset, cum primis hominem pru-  
dentem, atque doctum: eumq; dixisse, remigem quendam  
ex quinquere mi Rhodiorum uaticinatum, madesactum  
iri minus XXX diebus Græciam sanguine ; rapinas  
Dyrrhachij, & consensionem in naues cum fuga, fugi-  
entibus miserabilem respectum incendiorum fore ; sed



Rhodiorum classi propinquum reditum, ac domum itin-  
nem dari : tum neque te ipsum non esse comotum : Mar-  
cumq; Varronem, & M. Catonem, qui tum ibi erant, do-  
ctos homines, uehementer esse perterritos : paucis sane  
post diebus ex Pharsalica fuga uenisse Labienum : qui  
cum interitum exercitus nunciauisset, reliqua uaticinatio-  
nis breui esse confecta . nam & ex horreis direptum, ef-  
fusumq; frumentum uias omnes, angiportusq; constraxe-  
rat : & uos naues subito perterriti metu conscendistis :  
& noctu ad oppidum respicientes, flagrant es onerarias,  
quas incenderant milites, quia sequi noluerant, uidebatis :  
postremo à Rhodia classe deserti, uerum uatem fuisse sen-  
sistis . Exposui quam breuissime potui somnii, & furo-  
ris oracula, quæ carere arte dixeram. quorum amborum  
generum una ratio est, qua Cratippus noster uti solet, ani-  
mos hominum quadam ex parte extrinsecus esse tractos,  
& haustos . ex quo intelligitur, esse extra diuinum ani-  
mum, humanus unde ducatur : humani autem animi eā  
partem, quæ sensum, quæ motum, quæ appetitum habe-  
at, non esse ab actione corporis seiugatam : quæ autem  
pars animi rationis, atque intelligentiæ sit particeps, eam  
tum maxime uigere, cum plurimum absit à corpore. ita-  
que ex ipsis exemplis uerarum uaticinationum, & som-  
niorum Cratippus solet rationem concludere hoc modo .  
si sine oculis non potest extare officium, & munus oculo-  
rum, possunt autem aliquando oculi non fungi suo mu-  
nere : qui uel semel ita est usus oculis, ut uera cerneret,  
is habet sensum oculorum uera cernentium . item igitur,  
si sine diuinatione non potest & officium & mu-  
nus diuinationis extare, potest autem quis, cum diuina-

## DE DIVINATIONE

tionem habeat, errare aliquando, nec uera cernere: satis est ad confirmandam diuinationem semel ita esse aliquid diuinatum, ut nihil fortuito cecidisse uideatur. sunt autem eius generis innumerabilia: esse igitur diuinationem confitendum est. Quæ uero aut coniectura explicantur, aut euentis animaduersa & notata sunt, ea genera diuinandi, ut supra dixi, non naturalia, sed artificiosa dicuntur. in quo aruspices, augures, coniectoresq; numerantur. hæc improbantur à Peripateticis, à Stoicis defenduntur. quorum alia sunt posita in monumentis, & disciplina; quod Etruscorum declarant & aruspici, & fulgurales, & rituales libri, nostri etiam augurales: alia autem subito ex tempore coniectura explicantur, ut apud Homerum Chalcas, qui ex passerum numero belli Troiani annos auguratus est: & ut in Sennæ scriptum historia uidemus, quod te inspectante factum est, ut, cum Sylla in agro Nolano immolaret ante prætorium, ab infima ara subito anguis emergeret. cum quidam C. Posthumius aruspex oraret illum, ut in expeditionem exercitum educeret; id cum Sylla fecisset, tum ante oppidum Nola[m] florentissima Samnitum castra cepit. facta coniectura etiam in Dionysio est paulo ante quam regnare cœpit: qui cum per agrum Leontinum iter faciens, equum ipse dimisisset in flumen; summersus equus uoraginibus non extitit: quem cum maxima contentione non potuisset extrahere, discessit, ut ait Philistus, ægre ferens. cum autem aliquantulum progressus esset, subito exaudiuit hinnitum, respexitq; & equum alacrem latus aspexit, cuius in iuba examen apum confederat, quod ostentum habuit hanc

hanc vim, ut Dionysius paucis post diebus regnare cœperit. quid? Lacedæmonijs paulo ante Leuētricam calamitatem quæ significatio facta est, cum in Herculis fano arma sonuerunt, Herculisq; simulacrum multo sudore manauit? at eodem tempore Thebis, ut ait Callisthenes, in templo Herculis ualuæ clausæ repagulis, subito se ipsæ aperuerunt, armaq; quæ fixa in parietibus fuerant, ea humi sunt inuenta. cumq; eodem tempore apud Lebadiam Trophonio res diuina fieret, gallos gallinaceos in eo loco sic assidue canere cœpisse, ut nihil intermitterent: tum augures dixisse Bœotios, Thebanorum esse uictoriam, propterea quod auis illa uicta silere soleret, canere si uicisset. eademq; tempestate multis signis Lacedæmonijs Leuētricæ pugnæ calamitas denunciabatur. namq; & Lysandri, qui Lacedæmoniorum clarissimus fuerat, statuæ, quæ Delphis stabat, in capite corona subito extitit ex asperis herbis, & agrestibus: stellæq; aureæ, quæ Delphis erant à Lacedæmonijs positæ post naualem illam uictoriam Lysandri, qua Athenienses conciderunt, qua in pugna quia Castor & Pollux cum Lacedæmoniorum classe uisi esse dicebantur, eorum insignia deorum stellæ aureæ, quas dixi, Delphis positæ, paulo ante Leuētricam pugnam deciderunt, neque repperæ sunt. maximum uero illud portentum iisdem Spartiatis fuit, quòd, cum oraculum ab Ioue Dodo nœo petiuissent, de uictoria sciscitantes, legatiq; illud, in quo inerant sortes, collocauissent, Simia, quam Rex Molossorum in delicijs habebat, & sortes ipsas, & cætera, quæ erant ad sortem parata, disturbauit, & aliud aliò dissipauit. tum ea, quæ præposita erat oraculo,



## DE DIVINATIONE

sacerdos dixisse dicitur, de salute Lacedæmonijs esse, non de uictoria cogitandum. Quid bello Punico secundo? non ne C. Flaminius Consul iterum, neglexit signa rerum futurarum magna cum clade Reip? qui exercitu lustrato, cum Aretium uersus castra mouisset, & contra Annibalem legiones duceret, & ipse & equus eius ante signum Iouis Statoris sine causa repente concidit, nec eam rem habuit religioni, obiecto signo, ut peritis uidebatur, ne committeret prælium. idem cum tripudio auspicaretur, pullarius diem prælii committendi differebat. tum Flaminius ex eo quasiuit, si ne postea quidem pulli pascerentur, quid faciendum censeret. cum ille quiescendum respondisset, Flaminius, præclara uero auspicia, si esurientibus pullis res geri poterit, saturis nihil geretur: itaque signa conuelli, & se sequi iussit. quo tempore, cum signifer primi hastati signum non posset mouere loco, nec quicquam proficeret, plures cum accederent: Flaminius re nunciata suo more neglexit: itaq; tribus horis concisus exercitus, atq; ipse interfectus est. Magnum illud etiam, quod addidit Cælius, eo ipso tempore, cum hoc calamitosum fieret prælium, tantos terræmotus in Liguribus, Gallia, compluribusq; insulis, totaq; in Italia factos esse, ut multa oppida corruerint, multis locis labes facta sit, terræq; defederint, fluminaq; in contrarias partes fluxerint, atque in amnes mare influxerit. Fiunt certe diuinationum coniecturæ à peritis. Midæ illi Phrygio, cum puer esset, dormienti formicæ in os tritici grana congesserunt. ditissimum fore, prædictum est. quod euenit. at Platoni, cum in cunis paruulo dormienti

apes in labellis consedissent, responsum est, singulari il-  
lum suauitate orationis fore. ita futura eloquentia pro-  
uisa in infante est. quid amores, ac delicia tuæ Roscius?  
num aut ipse, aut pro eo Lanuuium totum mētiebatur?  
qui cū esset in cunabulis, educereturq; in Selonio, qui est  
campus agri Lanuuii: noctu lumine appposito experre-  
Et a nutrix animaduertit puerum dormientem circum-  
plicatum serpentis amplexu. quo aspectu exterrita cla-  
morem sustulit. pater autem Roscij ad aruspices retulit.  
qui responderunt, nihil illo puero clarius, nihil nobilius  
fore. atq; hanc speciem Praxiteles calauit argento, &  
noster expressit Archias uersibus. quid igitur expecta-  
mus? an, dum in foro nobiscum dii immortales, dum in  
uijs uersentur, dum domi? qui quidem ipsi se nobis non  
offerunt, uim autem suam longe, lateq; diffundūt. quam  
cum terræ cauernis includūt, tum hominum naturis im-  
plicant. nam terræ uis Pythiam Delphis incitabat, natu-  
ræ Sibyllam. quid enim? non uidemus, quā sint uaria  
terrarum genera? ex quibus & mortifera quadā pars  
est, ut et Ampsancti in Hirpinis, et in Asia Plutonia, quæ  
uidemus: & sunt partes agrorum aliæ pestilentes, aliæ  
salubres, aliæ quæ acuta ingenia gignant, aliæ quæ retu-  
sa. quæ omnia sunt & ex cœli uarietate, & ex di-  
sparili aspiratione terrarum. fit etiam sæpe specie qua-  
dam, sæpe uocum grauitate, & cantibus, ut pellan-  
tur animi uehementius: sæpe etiam cura, & timore:  
qualis est illa,

- „ Flexa anima tanquam lymphata, ut Bacchi sacris  
„ Commota, in tumultis Teucrum commemorans suum.  
atque etiam illa concitatio declarat uim in animis esse

i. educare = t.  
tury

diuinam. negat enim sine furore Democritus quinquam poetam magnum esse posse. quod idem dicit Plato. quem, si placet, appellet furorem, dum modo is furor ita laudetur, ut in Phædro Platonis laudatus est. quid uestra oratio in causis? quid ipsa actio? potest esse uehemens, & grauis, & copiosa, nisi est animus ipse commotior? equidem etiam in te sæpe uidi, & ut ad leuiora ueniamus, in Aesopo familiari tuo tantum ardorem uultuum, atque motuum, ut eum uis quædam abstraxisse à sensu mentis uideretur. Obijciuntur etiam sæpe formæ, quæ reapse nullæ sunt, speciem autem offerunt. quod contigisse Brenno dicitur, eiusq; Gallicis copijs, cum fano Apollinis Delphici nefarium bellum intulisset: tum enim ferunt ex oraculo hæc fatam esse Pythiam,

- ” Ego providebo rem istam, & albæ uirgines.  
ex quo factum, ut & uiderentur uirgines ferre arma contra, & niue Gallorum obrueretur exercitus. Aristoteles quidem eos etiam, qui uoletudinis uitio furerent, & melancholici dicerentur, censebat habere aliquid in animis præfagiens, atque diuinum. ego autem haud scio an nec cardiacis hoc tribuendum sit, nec phreneticis: animi enim integri, non uitiosi corporis est diuination. quam quidem esse re uera, hæc Stoicorum ratione concluditur. si sunt dii, neque ante declarant hominibus quæ futura sunt: aut non diligunt homines: aut, quid euenturum sit, ignorant: aut existimant nihil interesse hominum, scire quid futurum sit: aut non censent esse suæ maiestatis præsignificare hominibus quæ sunt futura: aut ea ne ipsi quidem dii significare possunt. at neq; non diligunt nos; sunt enim benefici, ge-



neriq; hominum amici : neq; ignorant ea, quæ ab ipsis constituta, & designata sunt : neq; nostra nihil interest scire ea, quæ euentura sunt ; erimus enim cautiore, si sciemus : neq; hoc alienum ducunt maiestate sua ; nihil est enim beneficentia præstantius : neq; non possunt futura prænoscere : non igitur sunt dij, nec significant futura . sunt autem dij : significant ergo : & si non significant, nullas vias dant nobis ad significationis scientiam ; frustra enim significarent : nec, si dant vias, non est diuinatio : est igitur diuinatio . hac ratione & Chrysippus, & Diogenes, & Antipater utitur : quid est igitur, cur dubitandum sit, quin sint ea, quæ disputauimus, uerissima, si ratio mecum facit, si euenta, si populi, si nationes, si Græci, si barbari, si maiores etiam nostri, si deniq; hoc semper ita putatum est, si summi philosophi, si poetæ, si sapientissimi uiri, qui res publicas constituerunt, qui urbes condiderunt ? an, dum bestię loquantur, expectamus, hominum consentiente auctoritate cõtenti non sumus ? nec uero quicquam aliud affertur, cur ea, quæ dico, diuinandi genera nulla sint : nisi quod difficile dictu uidetur, quæ cuiusq; diuinationis ratio, quæ causa sit . quid enim habet aruspex, cur pulmo incisus etiam in bonis extis dirimat tempus, & proferat diem ? quid augur, cur à dextra coruus, à sinistra cornix faciat ratum ? quid astrologus, cur stella Iouis, aut Veneris coniuncta cum Luna ad ortus puerorum salutaris sit, Saturni, Martis'ue contraria ? cur autem deus dormientes nos moueat, uigilantes negligat ? quid deinde causæ sit, cur Cassandra furens futura prospiciat, Priamus sapiens hoc idem facere non queat ? cur fiat quidq; queris ? re-

*i. et non, si + sign..*

Ète omnino : sed non nunc id agitur : fiat, nec ne fiat, id  
 quæritur : ut si magnetem lapidem esse dicam, qui fer-  
 rum ad se alliciat, & trahat, at rationem, cur id fiat,  
 afferre nequeam, fieri omnino neges. quod idem facis  
 in diuinatione. quam & cernimus ipsi, & audiuiamus,  
 & legimus, & à patribus accepimus : neq; ante philoso-  
 phiam patefactam, quæ nuper inuenta est, hac de re cõ-  
 munis uita dubitauit : & postea quàm philosophia pro-  
 cessit, nemo aliter philosophus sensit, in quo modo esset au-  
 thoritas. dixi de Pythagora, de Democrito, de Socrate :  
 excepi de antiquis præter Xenophanem neminem : adiun-  
 xi ueterem Academiam, Peripateticos, Stoicos. unus dis-  
 sentit Epicurus. quid uero hoc turpius, quàm quòd idem  
 nullam censet gratuitam esse uirtutem ? quis autem est,  
 quem non moueat clarissimis monumentis testata, consi-  
 gnataq; antiquitas ? Calchantem augurem scribit Home-  
 rus longe optimum, eumq; ducem classis fuisse : at illum  
 auspiciorum credo scientia, non locorum. Amphilocus, et  
 Mopsus Argiuorum Reges fuerunt, sed iidem augures,  
 ijq; urbes in ora maritima Ciliciæ Græcas condiderunt.  
 atq; etiam ante hos Amphiaræus, & Tiresias non humi-  
 les & obscuri, neq; eorum similes, ut apud Ennium est,  
 ” Qui sui quæstus causa fîctas suscitant sententias ;  
 sed clari, & præstantes uiri, qui auibus, & signis admo-  
 niti futura dicebant. quorum de altero etiam apud in-  
 feros Homerus ait, solum sapere, cæteros umbrarum ua-  
 gari modo. Amphiaræum autem sic honorauit fama  
 Græciæ, deus ut haberetur, atq; ut ab eius solo, in quo est  
 humatus, oracula peterentur. quid Asiæ Rex Priamus,  
 non ne & Helenum filium, & Cassandram filiam di-

uinantes habebat, alterum augurijs, alteram mentis incitatione diuina? quo in genere Martios quosdam fratres, nobili loco natos, apud maiores nostros fuisse scriptum uidemus. quid Polybum Corinthium, nonne Homerus & alij multa, & filio ad Troiam proficiscenti mortem prædixisse commemorat? omnino apud ueteres qui rerum potiebantur, ijdem auguria tenebant: ut enim sapere, sic diuinare regale ducebant, ut testis est nostra ciuitas, in qua & Reges, augures, & postea priuati eodem sacerdotio præditi Remp. religionum auctoritate rexerunt. eaq; diuinationum ratio ne in barbaris quidem gentibus neglecta est: siquidem & in Gallia Druydes sunt, è quibus ipse Diuitiacum Heduum hospitem tuum, laudatoremq; cognoui; qui & naturæ rationem, quam physiologiam Græci appellant, notam esse sibi profitebatur, & partim augurijs, partim coniectura, quæ essent futura, dicebat: & in Persis augurantur, & diuinant magi, qui congregantur in fano cōmentandi causa, atq; inter se colloquendi: quod etiam idem uos quondam facere nonis solebatis. nec quisquam Rex Persarum potest esse, qui non ante magorum disciplinam, scientiamq; perceperit. licet autem uidere & genera quædam, & nationes huic scientiæ deditas. Telmessus in Caria est: qua in urbe excellit aruspicum disciplina. itemq; Elis in Peloponeso familias duas certas habet, Iamidarum unam, alteram Glutidarum, aruspiciæ nobilitate præstantes. in Syria Chaldaei cognitione astrorum, solertiâq; ingeniorum antecellunt. Etruria autē de cælo tacta scientiissime animaduertit; eademq; interpretatur, quid quibusq; ostendatur



## DE DIVINATIONE

monstris, atq; portentis. quo circa bene apud maiores nostros senatus tum, cum florebat imperium, decreuit, ut de principum filijs sex singulis Etruriæ populis in disciplinam traderentur, ne ars tanta propter tenuitatem hominum à religionis auctoritate abduceretur ad mercedem, atq; quæstum. Phryges autem, & Pisidæ, & Cilices, et Arabum natio avium significationibus plurimum obtemperant. quod idem factitatum in Umbria accepimus. ac mihi quidem videntur ex locis quoq; ipsis, qui à quibusque incolebantur, divinationum opportunitates esse ductæ. ut enim Aegyptij, ut Babylonij in camporum patentium æquoribus habitantes, cum ex terra nihil emineret, quod contemplationi cœli officere posset, omnem curam in siderum cognitione posuerunt. Etrusci autem, quod religione imbuti studiosius, & crebrius hostias immolabant, extorum cognitioni se maxime dediderunt; quodq; propter aeris crassitudinem de cœlo apud eos multa fiebant, & quod ob eandem causam multa inusitata partim ex cœlo, alia ex terra oriebantur, quædam etiam ex hominum, pecudumve conceptu, & satù, portentorum exercitatissimi interpretes extiterunt. quorum quidem uim, ut tu soles dicere, uerba ipsa prudenter à maioribus posita declarant. quia enim ostendunt, portendunt, monstrant, prædicunt, ostenta, portenta, monstra, prodigia dicuntur. Arabes autem, & Phryges, & Cilices, quod pastu pecudum maxime utuntur, campos, & montes hieme, et æstate peragrantes, propterea facilius cantus avium & uolatus notauerunt. eademq; & Pisidiæ causa fuit, & huic nostræ Umbriæ. tum Caria tota, præcipueq;

Telmesses, quos ante dixi, & agros uberrimos maximeq; fertiles incolunt, in quibus multa propter fecunditatem fingi, gigni; possunt, in ostentis animaduertendis diligentes fuerunt. quis uero non uidet, in optima quaque Rep. plurimum auspicia & reliqua diuinandi genera ualuisse? quis Rex unquam fuit, quis populus, qui non uteretur predictione diuina? neque solum in pace, sed in bello multo etiam magis: in quo maius erat certamen, & discrimen salutis. omitto nostros, qui nihil in bello sine extis agunt, nihil sine auspicijs domi habent. auspicia externa uideamus. nam & Athenienses omnibus semper publicis consilijs diuinos quosdam sacerdotes, quos Mantes uocant, adhibuerunt: & Lacedaemonij Regibus suis augurem assessorem dederunt: itemq; Senibus, sic enim consilium publicum appellant, augurem interesse uoluerunt: iidemq; de rebus maioribus semper aut Delphis oraculum, aut ab Hammone, aut à Dodona petebant. Lycurgus quidem, qui Lacedaemoniorum Remp. temperauit, leges suas auctoritate Apollinis Delphici confirmauit. quas cum uellet Lysander commutare, eadem est prohibitus religione. atque etiam qui praerant Lacedaemonijs, non contenti uigilantibus curis, in Pastiche fano, quod est in agro propter urbem, somnianti causa excubabāt, quia uera quietis oracula ducebant. Ad nostra iam redeo. quoties senatus decem uiros ad liberos ire iussit? nam & cum duo uisi soles essent, & cum tres lunae, & cum faces, & cum sol nocte uisus esset, & cum ex caelo fremitus auditus, & cum caelum discessisse uisum est, atque in eo animaduersi globi. delata etiam ad senatum labes agri Priuernatis, cum ad in-

finitam altitudinem terra defedisset, Apuliaq; maximis terræmotibus conquassata esset: quibus portentis magna populo R. bella, perniciosæq; seditiones denunciabantur. inq; his omnibus responsa aruspicum cum Sibyllæ uersibus congruebant. quid, cum Cumis Apollo sudauit, Capuæ Victoria? quid ortus androgyni? non ne fatale quoddam monstrum fuit? quid, quod fluvius atratus sanguine fluxit? quid, cum sæpe lapidum, sanguinis nō nunquam, terræ interdum, quondam etiam lactis imber defluxit? quid, cum in Capitolio iētus centaurus ex coelo est? in Auentino portæ, & homines? Tusculi ædes Castoris, & Pollucis, Romæq; pietatis? non ne & aruspices eā responderunt, quæ euenerunt: & in Sibyllæ libris eadem repertæ prædictiones sunt? quoties senatus decemuiros ad libros ire iussit? quantis in rebus, quamq; sæpe responsis aruspicum paruit? Cæcilie Q. filie somnio modo, Marsico bello, templum est à senatu Iunoni Sospitæ restitutum. quod quidem somnium Sisennia cum disputasset mirifice ad uerbum cum re conuenisse, tum insolenter, credo ab Epicuro aliquo inductus, disputat somnijs credi non oportere. idem contra ostenta nihil disputat, exponitq; initio belli Marsici & deorum simulacra sudauisse, & sanguinem fluxisse, & discessisse coelum, & ex occulto auditas esse uoces, quæ pericula belli nunciarent, & Lanuuij clypeos, quod aruspicibus tristissimum uisum esset, à muribus esse derosos. quid, quod in annalibus habemus, Veienti bello, cum lacus Albanus præter modum creuisset, Veientem quendam ad nos hominem nobilem profugisse, eumq; diuissse, ex fatiis, quæ Veientes scripta haberent, Veios ca=



pi non posse, dum lacus is redundaret, & si lacus e=  
 missus lapsu, & cursu suo ad mare profluxisset, pern=  
 ciosum populo R. sin autem ita esset eductus, ut ad ma=  
 re peruenire non posset, tum salutare nostris fore. ex  
 quo illa admirabilis à maioribus Albanae aquae facta de=  
 ductio est. cum autem Veientes bello fessi legatos ad se=  
 natum misissent, tum ex his quidam dixisse dicitur, nō  
 omnia illum transfugam ausum esse, senatui dicere: in  
 iisdem enim fatis scriptum Veientes habere, fore ut bre=  
 ui à Gallis Roma caperetur. quod quidem sexennio post  
 Veios captos factum esse uidemus. Sape etiam & in prae=  
 lijs Fauni auditi, & in rebus turbidis ueridicae uoces ex  
 occulto missae esse dicuntur. cuius generis duo sunt  
 ex multis exempla, sed maxima. nam non multo ante  
 urbem captam exaudita uox est à Iulio Vestae, qui à Pa=  
 latij radice in nouam uiam deuenus est; ut muri & por=  
 tae reficerentur; futurum esse, nisi prouisum esset, ut  
 Roma caperetur. quod neglectum cum cauere pote=  
 rat, post acceptam illam maximam cladem explicatum  
 est: ara enim Aio loquenti, quam septam uidemus, ad=  
 uersus eum locum consecrata est. atque etiam scriptum  
 à multis est, cum terramotus factus esset, ut suae ple=  
 na procuratio fieret, uocem ab ade Iunonis ex arce ex=  
 titisse: quo circa Iunonem illam appellatam Monetam.  
 haec igitur & à dijs significata, & à nostris maiori=  
 bus iudicata contemnimus? neque solum deorum uoces  
 Pythagorei obseruauerunt, sed etiam hominum, quae  
 uocant omina. quae maiores nostri quia ualere cense=  
 bant, iccirco omnibus rebus agendis, quod bonum,  
 faustum, felix, fortunatumq; esset, praefabantur: re=

busq; diuinis, quæ publice fierent, ut fauerent linguis, imperabatur: inq; feriis imperandis, ut litibus, & iurgijs se abstinerent. itemq; in lustranda colonia, ab eo, qui eam deduceret, & cum imperator exercitum, censor populum lustraret, bonis nominibus, qui hostias ducerent, eligebantur. quod idem in delectu Consules obseruant, ut primus miles fiat bono nomine. quæ quidē à te scis & Consule, & imperatore summa religione esse seruata. prærogatiuam etiam maiores omnes iustorum comitiorum esse uoluerunt. atque ego exempla ominum nota proferam. L. Paulus Consul iterum, cum ei, bellum ut cum Rege Perse gereret, obtigisset; ut ea ipsa die domum ad uesperum redijt, filiolarum suarum tertiam, quæ tum erat admodum parua, osculans animaduertit tristiculam. quid est, inquit, mea tertia, quid tristis es? mi pater, inquit, Persa periit. tum ille arctius puellam complexus, accipio omen, inquit, mea filia. erat autē mortua catella eo nomine. L. Flaccum flaminem Martialem ego audiui cum diceret, Cæciliam Metelli, cum uellet sororis suæ filiam in matrimonium collocare, exisse in quoddam sacellum ominis capiendi causa; quod fieri more ueterum solebat: cum uirgo staret, & Cæcilia in sella federet, neque diu ulla uox extitisset, puellam defatigatam petiisse à matertera, ut sibi concederet paulisper, ut in eius sella requiesceret; illam autem dixisse, uero mea puella tibi concedo meas sedes. quod omen res consecuta est: ipsa enim breuī mortua est, uirgo autem nupsit cui Cæcilia nupta fuerat. hæc posse contemni, uel etiam rideri, præclare intelligo: sed ipsum est, deos nō putare; quæ ab ijs significantur, contemnere. quid de

auguribus loquar? tuæ partes sunt: tuum inquam auspiciorum patrociniū debet esse: tibi P. Claudius augur Consuli nunciauit, addubitato salutis augurio, bellum domesticum triste, ac turbulentum fore: quod paucis post mensibus exortum, paucioribus est à te diebus oppressum. cui quidem auguri uehementer assentior: solus enim multorum annorum memoria non decantandi augurij, sed diuinandi tenuit disciplinam. quem irridebant collegæ tui, eumq; tum Pisidam, tum Soranum augurem esse dicebant. quibus nulla uidebatur in augurijs, aut auspicijs præsensio, aut scientia ueritatis futura, sapienter aiebant ad opinionem imperitorum esse fictas religiones. quod longe secus est: neque enim in pastoribus illis, quibus Romulus præfuit, nec in ipso Romulo hæc caliditas esse potuit, ut ad errorem multitudinis religionis simulacra fingerent: sed difficultas, laborq; discendi discretam negligentiam reddidit: malunt enim differere, nihil esse in auspicijs, quàm, quid sit, ediscere. quid est illo auspicio diuinius, quod apud te in Mario est, ut utar potissimum te auctore?

- >> Hic Iouis altisoni subito pennata satelles
- >> Arboris è trunco serpentis saucia morsu,
- >> Subigit ipsa feris transfigens unguibus anguem
- >> Semianimum, & uaria graui ter ceruice micantem.
- >> Quem se intorquentem lanians, rostroq; cruentans,
- >> Iam satiata animos, iam duos ulta dolores,
- >> Abijcit efflantem, & laceratum affligit in unda,
- >> Seq; obitu à solis nitidos conuertit ad ortus.
- >> Hanc ubi præpetibus pennis, lapsuq; uolantem
- >> Conspectit Marius diuini numinis augur,



## DE DIVINATIONE

- » Fausta; signa suæ laudis, reditusq; notauit ;
  - » Partibus intonuit cœli pater ipse sinistris .
  - » Sic aquilæ clarum firmavit Iuppiter omen.  
 atq; ille Romuli auguratus, pastoralis, non urbanus fuit;  
 nec fictus ad opiniones imperitorum , sed à certis acce=  
 ptus, & posteris traditus . itaque Romulus augur, ut a=  
 pud Ennium est, cum fratre item augure,
  - » Curantes magna cum cura, concupientes
  - » Regni, dant operam simul auspicio, augurioq;.
  - » Hinc Remus auspicio se deuouet, atq; secundam
  - » Solus auem seruans . at Romulus pulcher in alto
  - » Quærit Auentino, seruat genus altiuiolantum.
  - » Certabant, urbem Romam Remam ne uocarent.
  - » Omnis cura uiris, uter esset induperator.
  - » Expectant, ueluti, consul cum mittere signum
  - » Vult, omnes auidi spectant ad carceris oras,
  - » Quà mox emittat pictis ex faucibu' currus :
  - » Sic expectabat populus, atq; ore timebat
  - » Rebus, utri magni uictoria sit data regni.
  - » Interea sol albu' recessit in infera noctis.
  - » Exin candida se radijs dedit icta foras lux:
  - » Et simul ex alto longe pulcherrima præpes
  - » Læua uolauit auis : simul aureus exoritur sol.
  - » Cedunt ter quatuor de cœlo corpora sancta
  - » Anium, præpetibus sese pulchrisq; locis dant.
  - » Conspicit inde sibi data Romulus esse priora,
  - » Auspicio regni stabilita scamna solumq;.
- sed unde huc digressa est , eodem redeat oratio . si nihil  
 queam disputare, quam obrem quidq; fiat, & tantum mo  
 do fieri ea, quæ commemorauit, doceam, parum ne Epicu=

ro, Carneadi'ue respondeam? quid, si etiam ratio extat artificiosa præsentionis facilis, diuinæ autem paulo obscurior? quæ enim extis, quæ fulguribus, quæ portentis, quæ astris præsentuntur, hæc notata sunt obseruatione diu-  
turna. affert autem uetustas omnibus in rebus longin-  
qua obseruatione incredibilem scientiam: quæ potest esse etiam sine motu, atq; impulsu deorum, cum, quid ex quo-  
que eueniat, & quid quanq; rem significet, crebra ani-  
maduersione perspectum est. altera diuinatio est natu-  
ralis, ut ante dixi: quæ physica disputandi subtilitate re-  
ferenda est ad naturam deorum: à qua, ut doctissimis,  
sapientissimisque placuit, haustos animos, & delibatos  
habemus: cumque omnia completa sint & referta æter-  
no sensu, & mente diuina, necesse est cognitione diui-  
norum animorum animos humanos commoueri. sed ui-  
gilantes animi uitæ necessitatibus seruiunt, disruntque;  
se à societate diuina, uinclis corporis impediti. rarum  
est quoddam genus eorum, qui se à corpore auocent, &  
ad diuinarum rerum cognitionem cura omni, studioque  
rapiantur. horum sunt auguria non diuini impetus, sed  
rationis humanæ. nam & natura futura præsentunt,  
ut aquarum fluxiones, ut deflagrationem futuram ali-  
quando cœli, atque terrarum: alij autem in Rep. exer-  
citati, ut de Atheniensi Solone accepimus, orientem ty-  
rannidem multo ante prospiciunt: quos prudentes pos-  
sumus dicere, id est providentes, diuinos nullo modo pos-  
sumus, non plus, quam Milesium Thalem, qui, ut ob-  
iurgatores suos conuinceret, ostenderetque etiam philo-  
sophum, si ei commodum esset, pecuniam facere pos-  
se, omnem oleam, antequam florere cœpisset, in agro

Milesio coemisse dicitur . animaduverterat fortasse quædam scientia , olearum ubertatem fore . & quidem idẽ primus defectionem solis , quæ Astyage regnante facta est , prædixisse fertur . multa medici , multa gubernatores , agricolæ etiam multa præsentunt : sed nullam eorum diuinationem uoco , ne illam quidem , qua ab Anaximandro physico moniti Lacedæmonij sunt , ut urbem , et teetæ linquerent , armatiq; in agro excubarent , quod terræmotus instaret , tum , cum & urbs tota corruit , & ex monte Taygeto extrema montis quasi puppis auulsa est . ne Pherecides quidem ille Pythagoræ magister potius diuinus habebitur , quàm physicus : qui cum uidisset hauristam aquam de iugi puteo , terræmotus dixit instare . nec uero unquam animus hominis naturaliter diuinat , nisi cum ita solutus est , & uacuus , ut ei planè nihil sit cum corpore . quod aut uatibus contingit , aut dormientibus . itaque ea duo genera à Dicaërcho probantur , et , ut dixi , à Cratippo nostro : si propterea quod ea profisciscuntur à natura , sint summa sanè , modo ne sola : sin autem nihil esse in obseruatione putant , multa tollunt quibus uitæ ratio continetur . sed quoniam dant aliquid , idq; non paruum , uaticinationes cum somnijs : nihil est , quod cum his magnopere pugnemus , præsertim cum sint , qui omnino nullam diuinationem probent . ergo & ij , quorum animi spretis corporibus euolant , atque excurrunt foras , ardore aliquo inflammati , atque incitati cernunt illa profecto , quæ uaticinantes prænunciant : multisq; rebus inflammantur tales animi , qui corporibus non inhaerent , ut ij , qui sono quodam uocum , & Phrygijs cantibus incitantur : multos

nemora



nemora, siluæq; multos amnes, aut maria commouunt :  
 quorum furibunda mens uidet ante multo, quæ futura  
 sunt . quo de genere illa sunt,

» Eheu uidete : indicauit iudicium inclytum

» Inter deas tris aliquis : quo iudicio Lacedæmonia

» Mulier furiarum una adueniet. -

eodem enim modo multa à uaticinantibus sæpe prædi-  
 cta sunt, neq; solum uerbis, sed etiam

» Versibus, quos olim Fauni, uatesq; canebant.

similiter Martius & Publicius uates cecinisse dicuntur .  
 quo ex genere Apollinis operta prolata sunt . credo etiã  
 anhelitus quosdam fuisse terrarum, quibus inflatæ men-  
 tes oracula funderent . Atq; hæc quidem uatum ratio  
 est : nec dissimilis sanè somniorum : nam quæ uigilanti-  
 bus accidunt uatibus , eadem nobis dormientibus : uiget  
 enim animus in somnijs, liberq; sensibus ab omni impedi-  
 tione curarum, iacente et mortuo penè corpore . qui quia  
 uixit ab omni æternitate, uersatusq; est cum innumerabi-  
 libus animis, omnia, quæ in natura rerum sunt, uidet, si  
 modo temperatis escis, modicisq; potationibus ita est affe-  
 ctus, ut sopito corpore ipse uigilet . hæc somniantis est di-  
 uinatio . hic magna quedam exoritur, neq; ea natura=  
 lis , sed artificiosa somniorum Antiphontis interpreta-  
 tio , eodemq; modo & oraculorum , & uaticinatio=  
 num : sunt enim explanatores , ut grammatici poeta-  
 rum . nam ut aurum, & argentum, æs, ferrum fru-  
 stra natura diuina genuisset, nisi eadem docuisset quem=  
 admodum ad eorū uenas perueniretur ; nec fruges ter-  
 ræ, baccasue arborum cum utilitate ulla generi humano  
 dedisset , nisi earum cultus , & conditiones tradidisset ;

materia deinde quid iuuaret, nisi confectionis eius fabricam haberemus? sic cum omni utilitate, quam dii hominibus dederunt, ars aliqua coniuncta est, per quam illa utilitas percipi possit. item igitur somnijs, uaticinationibus, oraculis, quod erant multa obscura, multa ambigua, explanationes adhibitæ sunt interpretum. quo modo autem aut uates, aut somniantes ea uideant, quæ nusquam etiam tunc sint, magna quæstio est. sed explorata si sint ea, quæ ante queri debeant, sint hæc, quæ querimus, faciliora: continet enim totam hanc quæstionem ea ratio, quæ est de natura deorum, quæ à te secundo libro est explicata dilucide. quam si obtinemus, stabit illud quidem, quod locum hunc continet, de quo agimus, esse deos, & eorum providentia mundum administrari, eosdemq; consulere rebus humanis, nec solum uniuersis, uerum etiam singulis. hæc si tenemus, quæ mihi quidem non uidentur posse conuelli: profecto hominibus à dijs futura significari necesse est. sed distinguendum uidetur, quonam modo. non placet Stoicis, singulis iecorum fissis, aut auium cantibus interesse deum; neque enim decorum est, nec dijs dignum, nec fieri ullo pacto potest: sed ita à principio inchoatum esse mundum, ut certis rebus certa signa præcurrerent, alia in extis, alia in auibus, alia in fulguribus, alia in ostentis, alia in stellis, alia in somniantium uisis, alia in furentium uocibus. ea quibus bene percepta sunt, ij non sepe falluntur. male coniecta, maleq; interpretata, falsa sunt, non rerum uitio, sed interpretum inscitia. hoc autem posito, atq; concesso, esse quandam uim diuinam hominum uitam continentem: non difficile est,

quæ fieri certe uidemus, ea qua ratione fiant, suspicari.  
 nam & ad hostiam deligendam potest dux esse uis quæ=  
 dam sentiens, quæ est toto confusa mundo: & tum, ip=  
 sam cum immolare uelis, extorum fieri mutatio potest,  
 ut aut absit aliquid, aut supersit: paruis enim momen=  
 tis multa natura aut affingit, aut mutat, aut detra=  
 hit: quod ne dubitare possimus, maximo est argumen=  
 to quod paulo ante interitum Cæsaris contigit: qui cum  
 immolaret illo die, quo primum in sella aurea sedit,  
 & cum purpurea ueste processit, in extis bouis opimi  
 cor non fuit. num igitur censes ullum animal, quod  
 sanguinem habeat, sine corde esse posse? qua ille rei no=  
 uitate perculsus, cum Spurinna diceret, timendum es=  
 se, ne consilium, & uita deficeret; earum enim rerum  
 utrunq; à corde proficisci: postero die caput in iecore  
 non fuit. quæ quidem illi portendebantur à dijs immor=  
 talibus, ut uideret interitum, non ut caueret. cum igi=  
 tur ea partes in extis non reperiuntur, sine quibus ui=  
 etima illa uiuere nequisset: intelligendum est, in ipso im=  
 molationis tempore eas partes, quæ absint, interuisse.  
 eademq; efficit in auibus diuina mens; ut tum huc, tum  
 illuc uolent alites; tum in hac, tum in illa parte se  
 occultent; tum à dextra, tum à sinistra parte canant  
 oscines. nam si omne animal, ut uult, ita utitur mo=  
 tu sui corporis, prono, obliquo, supino, membraque  
 quò uult flectit, contorquet, porrigit, contrahit, eaq;  
 ante efficit penè quàm cogitat: quâto id deo est facilius,  
 cuius numini parent omnia? idemq; mittit & signa no=  
 bis eius generis: qualia permulta historia tradidit: quale  
 scriptum illud uidemus: si luna paulo ante solis ortum



defecisset in signo leonis, fore ut armis Darius, & Persæ ab Alexandro, & Macedonibus prælio uincerentur, Dariusq; moreretur : & si puella nata biceps esset, seditionem in populo fore, corruptelam, & adulterium domi : & si mulier leonem peperisse uisa esset, fore ut ab exteris gentibus uinceretur ea Resp. in qua id contigisset. eiusdem autem generis etiam illud est, quod scribit Herodotus : Cræsi filium, cum esset infans, locutum : quo ostento regnum patris, & domum funditus concidisse. caput arsisse Ser. Tullio dormienti, quæ historia non prodidit ? ut igitur, qui se tradet ita quieti, præparato animo tum bonis cogitationibus, tum rebus ad tranquillitatem accommodatis, certa & uera cernit in somnis : sic castus animus, purusq; uigilantis, et ad astrorum, & ad auium, reliquorumq; signorum, & ad extorum ueritatem est paratior. hoc nimirum est illud, quod de Socrate accepimus, quodq; ab ipso in libris Socraticorum sæpe dicitur, esse diuinum quiddam, quod Dæmonion appellat, cui semper ipse paruere, nunquam impellenti, sæpe reuocanti. & Socrates quidem, quo quem auctorem meliorem quærimus ? Xenophonti consulenti, sequeretur ne Cyrum, postea quàm exposuit quæ sibi uidebantur, & nostrum quidem, inquit, humanum est consilium, sed de rebus & obscuris, et incertis ad Apollinem censeo referendum, ad quem etiam Athenienses publice de maioribus rebus semper retulerunt. scriptum est item, cum Critonis sui familiaris oculum alligatum uidisset, quæsiuisse quid esset : cum autem ille respondisset, in agro ambulanti ramulum adductum, ut remissus esset, in oculum recidisse, tum Socra-

tes, non enim paruisti mihi reuocanti, cum uterer, qua  
soleo, præfagitione diuina. idem etiam Socrates, cum  
apud Delium male pugnatum esset Lachete prætore, fu-  
geretq; cum ipso Lachete: ut uentum est in triuium, ea-  
dem, quàm cæteri, fugere noluit. quibus quærentibus cur  
non eadem uia pergeret, deterreari à deo dixit. tum qui-  
dem ij, qui alia uia fugerant, in hostium equitatum inci-  
derunt. permulta coniecta sunt ab Antipatro, quæ mi-  
rabiler à Socrate diuinata sunt: quæ prætermittam:  
tibi enim nota sunt, mihi ad commemorandum non ne-  
cessaria. illud tamen eius philosophi magnificum, ac pe-  
nè diuinum, quòd, cum impijs sententijs damnatus esset,  
æquissimo animo se dixit mori: neq; enim domo egre-  
dienti, neq; illud suggestum, in quo causam dixerat, ascen-  
denti signum sibi ullum, quod consueffet, à deo quasi ma-  
li alicuius impendentis datum. equidem sic arbitror: etià  
si multa fallant eos, qui aut arte, aut coniectura diuina-  
re uideantur, esse tamen diuinationem, homines autem,  
ut in cæteris artibus, sic in hac posse falli. potest accide-  
re, ut aliquod signum dubie datum, pro certo sit acce-  
ptum: potest aliquod latuisse, aut ipsum, aut quod esset  
illi contrarium: mihi autem ad hoc, de quo disputo, pro-  
bandum satis est, non modo plura, sed pauciora diuine  
præfensa, & prædicta reperiri. quin etiam hoc non du-  
bitans dixerim: si unum aliquid ita sit prædictum, præ-  
sensumq; ut, cum euenerit, ita cadat ut prædictum sit,  
neque in eo quicquam casu, & fortuito factum esse  
appareat, esse certe diuinationem, idq; esset omnibus  
confitendum. quocirca primum mihi uidetur, ut Posi-  
donius facis, à deo, de quo satis dictum est, deinde à

fato, deinde à natura uis omnis diuinandi, ratioq; rependa. fieri igitur omnia fato, ratio cogit fateri. fatum autem id appello, quod Græci εἰμαρμένη, id est ordinem, seriemq; causarum, cum causa causæ nexa rem ex se gignat. ea est ex omni æternitate fluens ueritas sempiterna. quod cum ita sit; nihil est factum, quod non futurum fuerit; eodemq; modo nihil est futurum, cuius non causas id ipsum efficientes natura contineat. ex quo intelligitur, ut fatum sit non id quod superstitiose, sed id quod physice dicitur, causa æterna rerum, cur & ea, quæ præterierunt, facta sint, & quæ instant, fiant, & quæ sequuntur, futura sint: ita fit, ut & obseruatione notari possit, quæ res quanq; causam plerunq; consequatur, etiam si non semper: nam id quidem difficile est affirmare. easdemq; causas uerisimile est rerum futurarum cerni ab ijs, qui aut per furorem eas, aut in quiete uideant. præterea cum fato omnia fiant, id quod alio loco ostendetur: si quis modo talis possit esse, qui colligationem causarum omnium perspiciat animo, nihil eum profecto fallat: qui enim teneat causas rerum futurarum, idem necesse est omnia teneat, quæ futura sint. quod cum facere nemo nisi deus possit, relinquendum est homini, ut signis quibusdam consequentia declarantibus futura præsentiat: non enim illa, quæ futura sunt, subito existunt; sed est, quasi rudentis explicatio, sic tractatio temporis nihil noui efficientis, & primum quidq; replicantis. quod & ij uident, quibus naturalis diuinitio data est; & ij, quibus cursus rerum obseruando notatus est. qui etsi causas ipsas non cernunt, signa tamen causarum, & notas cernunt: ad quas adhibita memo-



ria, & diligentia, ex monumentis superiorum efficitur  
 ea diuinatio, quæ artificiosa dicitur, extorum, fulgurum,  
 ostentorum, signorumq; cœlestium. non est igitur ut mi-  
 randum sit, ea præsentiri à diuinantibus, quæ nusquam  
 sint : sunt enim omnia, sed tempore absunt. atq; ut in se-  
 minibus uis inest earum rerum, quæ ex ijs progignun-  
 tur : sic in causis conditæ sunt res futuræ, quas esse futu-  
 ras aut concitata mens, aut soluta somno cernit, aut ra-  
 tio, aut coniectura præsentit. atq; ut ij, qui solis, & lu-  
 næ, reliquorumq; siderum ortus, obitus, motusq; cogno-  
 runt, quo quidq; tempore eorum futurum sit, multo an-  
 te prædicunt : sic qui cursum rerum, euentorumq; conse-  
 quentiam diuturnitate pertractata notauerunt, aut sem-  
 per, aut, si id difficile est, plerunq; quod si ne id quidem  
 conceditur, non nunquam certe, quid futurum sit, intelli-  
 gunt. Atq; hæc quidem, et quædam huiusmodi argumen-  
 ta, cur sit diuinatio, ducuntur à fato. À natura autē alia  
 quædā ratio est : quæ docet, quanta sit animi uis seiuncta  
 à corporis sensibus : quod maxime cōtingit aut dormien-  
 tibus, aut mente permotis. ut enim deorum animi sine  
 oculis, sine auribus, sine lingua sentiunt inter se, quid  
 quisq; sentiat ; ex quo fit, ut homines, etiam cum taciti  
 optent aliquid, aut nōueant, haud dubitent quin dii illud  
 exaudiant : sic animi hominum, cum aut somno soluti ua-  
 cant corpore, aut mente permoti per se ipsi liberi incitati  
 mouentur, cernunt ea, quæ permisti cum corpore animi  
 uidere non possunt. atque hanc quidem rationem na-  
 turæ difficile est fortasse traducere ad id genus diui-  
 nationis, quod ex arte profectum dicimus : sed tamen  
 id quoq; rimatur quantum potest Posidonius, cum esse

cenſet in natura ſigna quædam rerum futurarum . ut enim Ceos accepimus ortum caniculæ diligenter quotannis ſolere ſeruare, coniecturamq; capere, ut ſcribit Ponticus Heraclides, ſalubris ne, an peſtilens annus futurus ſit : nam ſi obſcurior quaſi caliginoſa ſtella extiterit, pingue & concretum eſſe cælum, ut eius aſpiratio grauis, & peſtilens futura ſit : ſin illuſtris, & perlucida ſtella apparuit, ſignificari cælum eſſe tenue, purumq; , & propterea ſalubre. Democritus autem cenſet ſapienter inſtituiſſe ueteres, ut hoſtiarum immolatarum inſpicerentur exta, quorum ex habitu, atq; colore tum ſalubritatis, tum peſtilentiæ ſigna percipi, non nunquam etiam quæ ſit uel ſterilitas agrorum, uel fertilitas futura. quæ ſi à natura proſecta, obſeruatio, atq; uſus agnouit; multa afferre potuit dies, quæ animaduertendo notarentur : ut ille Pacu- nianus, qui in Chryſe phyſicus inducitur, minime natu- ram rerum cognoscere uideatur.

- » Nam iſtis, qui linguam auium intelligunt,
- » Plusq; ex alieno iecore ſapiunt quàm ex ſuo,
- » Magis audiendum quàm auſcultandum cenſeo.  
cur quæſo ? cum ipſe paucis interpoſitis uerſibus dicas ſatis luculente :
- » Quicquid eſt hoc, omnia animat , format, alit , auget,  
creat ,
- » Sepelit , recipitq; in ſeſe omnia , omniumq; idem eſt  
pater ,
- » Indidemq; eadem, quæ oriuntur, de integro, atq; eodem  
occidunt.

quid eſt igitur, cur, cum domus ſit omnium una , ea; communis, cumq; animi hominum ſemper fuerint, fu-

turique sint, cur ij quidem, quid ex quoque eueniat, & quid quanque rem significet, perspicere non possunt?

Hæc habui, inquit, de diuinatione quæ dicerem. nunc illa testabor, non me sortilegos neque eos, qui quæstus causa hariolentur, ne psychomantia quidem, quibus Appius amicus tuus uti solebat, agnoscere. non habeo denique nauæi Marsum augurem,

- » Non uicanos aruspices, non de circo astrologos,
  - » Non Isiacos coniectores, non interpretes somniū :
  - » Non enim sunt ij aut scientia aut arte diuini,
  - » Sed supersticiosi uates, impudentesque harioli,
  - » Aut inertes, aut insani, aut quibus egestas imperat :
  - » Qui sibi semitam non sapiunt, alteri monstrant uiam :
  - » Quibus diuitias pollicentur, ab ijs drachmā ipsi petunt.
  - » De his diuitijs sibi deducant drachmam, reddant cetera.
- atque hæc quidem Ennius, qui paucis ante uersibus esse deos censet, sed eos non curare opinatur quid agat humanum genus. ego autem, qui & curare arbitror, & monere etiam, ac multa prædicere, leuitate, uanitate, malitia exclusa diuinationem probō. quæ cum dixisset Quintus, præclare tu quidem, inquam, paratus,

Desunt pauca quedam.



M. TVLLII CICERONIS

DE DIVINATIONE

LIBER II.

*coll.*  
 Verenti mihi, multumq; & diu cogi-  
 tanti, quam re possem prodesse quam  
 plurimis, ne quando intermitterem con-  
 sulere Reip. nulla maior occurrebat,  
 quam si optimarum artium vias trade-  
 rem meis ciuibus: quod compluribus iam libris me ar-  
 bitror consecutum. nam & cohortati sumus, ut maxi-  
 me potuimus, ad philosophiæ studium eo libro, qui est  
 inscriptus Hortensius: & quod genus philosophandi mi-  
 nime arrogans, maximeq; & constans, & elegans ar-  
 bitraremur, quatuor Academicis libris ostēdimus. cumq;  
 fundamentum esset philosophiæ positum in finibus bono-  
 rum, & malorum, perpurgatus est is locus à nobis quin-  
 que libris, ut, quid à quoque, & quid contra quenque  
 philosophum diceretur, intelligi posset. totidem subsequen-  
 ti libri Tusculanarum disputationum, res ad beate ui-  
 uendum maxime necessarias aperuerunt: primus enim  
 est de contemnenda morte, secundus de tolerando dolo-  
 re, de ægritudine lenienda tertius, quartus de reliquis  
 animi perturbationibus, quintus eum locum complexus  
 est, qui totam philosophiam maxime illustrat: docet e-  
 nim, ad beate uiuendum uirtutem se ipsa esse contentam.  
 quibus rebus editis, tres libri perfecti sunt de natura deo-  
 rum: in quibus omnis eius loci quæstio continetur. quæ  
 ut plene esset, cumulatéq; perfectæ, de diuinatione in-

gressi sumus his libris scribere . quibus , ut est in animo , de fato si adiunxerimus , erit abunde satisfactum toti huic quæstioni . atque his libris annumerandi sunt sex de Rep. quos tunc scripsimus , cum gubernacula Reip. tenebamus : magnus locus , philosophiæq; proprius , à Platone , Aristotele , Theophrasto , totaq; Peripateticorum familia tractatus uberrime . nam quid ego de Consolatione dicam ? quæ mihi quidem ipsi sanè aliquantum medetur : cæteris item multum profuturam puto . interiectus etiam est nuper is , quem ad nostrum Atticum de senectute misimus . in primisq; , quoniam philosophia uir bonus efficitur , & fortis , Cato noster in horum librorum numero ponendus est . cumq; Aristoteles , itemq; Theophrastus , excellentes uiri cum subtilitate , tum copia , cum philosophia dicendi etiam præcepta cōiunxerint , nostri quoque oratorij libri in eundem numerum referendi uidentur . ita tres erunt de Oratore , quartus Brutus , quintus Orator . adhuc hæc erant : ad reliqua acriter tendebamus animo , sic parati , ut , nisi quæ causa grauior obstitisset , nullum philosophiæ locum esse pateremur , qui non latinis literis illustratus pateret . quod enim munus Reip. afferre maius , melius ue possumus , quàm si docemus , atque erudimus iuuentutem ? his præsertim moribus , atque temporibus : quibus ita prolapsa est , ut omnium opibus refrenanda , atque coercenda sit . nec uero id effici posse confido , quod ne postulandum quidem est , ut omnes adolescentes se ad hæc studia cōuertant . pauci uti nam : quorū tamen in Rep. late patere poterit industria . equidem etiam ex ijs fructum capio laboris mei , qui iam ætate prouecti in nostris libris acquiescunt : quorum stu-

dio legendi meum scribendi studium uehementius in dies  
 incitatur : quos quidem plures , quàm rebar , esse cogno  
 ui . magnificum illud etiam , Romanisq; hominibus glo  
 riosum , ut Græcis de philosophia literis non egeant . quod  
 assequar profecto , si instituta perfecero . ac mihi qui=  
 dem explicandæ philosophiæ causam attulit gravis casus  
 ciuitatis , cū in armis ciuilibus nec tueri meo more Remp.  
 nec nihil agere poteram , nec , quid potius , quod quidem  
 me dignum esset , agerem , reperiēbam . dabunt igitur  
 mihi ueniam mei ciues , uel gratiam potius habebunt , q̃  
 cum esset in unius potestate Resp. neque ego me abdidī ,  
 neque deserui , neque affluxi ; neque ita gessi , quasi ho=  
 mini , aut temporibus iratus ; neque ita porro aut adu=  
 latus , aut admiratus fortunam sum alterius , ut me meæ  
 pœniteret : id enim ipsum à Platone , philosophiaq; didi=  
 ceram , naturales esse conuersiones quasdam rerum pu=  
 blicarum , ut eæ tum à principibus tenerentur , tum à  
 populis , aliquando à singulis . quod cum accidisset no=  
 stræ Reip. tum pristinis orbatī muneribus hæc studia re=  
 nouare cœpimus , ut & animus molestijs hac potissimū  
 re leuaretur , & prodessemus ciuibus nostris qua re cun=  
 que possemus . in libris enim sententiam dicebamus , con=  
 cionabamur , philosophiam nobis pro Reip. procuratione  
 substitutam putabamus . nunc , quoniam de Rep. consuli  
 cœpti sumus , tribuenda est opera Reip. uel omnis potius  
 in ea cogitatio , & cura ponenda : tantum huic studio  
 relinquendum , quantum uacabit à publico officio &  
 munere . sed hæc alias pluribus : nunc ad institutam di=  
 sputationem reuertamur . Nam cum de diuinatione Q.  
 frater ea differuisset , quæ superiore libro scripta sunt ,



satisq; ambulatum uideretur, tum in bibliotheca, quæ  
 in Lyceo est, assedimus. atque ego, Accurate tu qui=  
 dem, inquam, Quinte, & Stoice Stoicorum senti=  
 am defendisti: quodq; me maxime delectat, plurimis  
 nostris exemplis usus es, & ijs quidem claris, & illustri=  
 bus. dicendum est mihi igitur ad ea, quæ sunt à te di=  
 eta; sed ita, nihil ut affirmem, quæram omnia, du=  
 bitans plerunque, & mihi ipse diffidens: si enim aliquid  
 certi haberem quod dicerem, ego ipse diuinarem, qui  
 esse diuinationem nego. Etenim me mouet illud, quod  
 in primis Carneades quærere solebat, quarumnam re=  
 rum diuinatio esset, earum ne, quæ sensibus perciperen=  
 tur? at eas quidem cernimus, audimus, gustamus, ol=  
 facimus, tangimus. nunquid ergo in ijs rebus est, quod  
 prouisione, aut permotione mentis magis, quàm natu=  
 ra ipsa sentiamus? aut nescio qui ille diuinus, si oculis ca=  
 ptus sit, ut Tiresias fuit, possit, quæ alba sint, quæ ni=  
 gra, dicere? aut, si surdus sit, uarietates uocum, aut  
 modos noscere? ad nullam igitur earum rerum, quæ  
 sensu accipiuntur, diuinatio adhibetur. Atqui ne in ijs  
 quidem rebus, quæ arte tractantur, diuinatione opus  
 est. etenim ad egros non uates, aut hariolos, sed medi=  
 cos solemus adducere. nec uero, qui tibijs, aut fidibus  
 uti uolunt, ab aruspiciibus accipiunt earum tractatio=  
 nem, sed à musicis. eadem in literis ratio est, reliquisq;  
 rebus, quarum est disciplina. nūm censeres eos, qui diui=  
 nare dicuntur, posse respondere, sol maior ne, quàm  
 terra sit; an tantus, quantus uideatur? lunaq; suo lu=  
 mine, an solis utatur? sol, luna quem motum habeant?  
 quem quinque stella, quæ errare dicuntur? nec hæc,

qui diuini habentur, profitentur se esse dicturos: nec eorum, quæ in geometria describuntur, quæ uera, quæ falsa sint: sunt enim ea mathematicorum, non hariorum. de illis uero rebus, quæ in philosophia uersantur, nunquid est quod quisquam diuinorum aut respondere soleat, aut consuli, quid bonum sit, quid malum, quid neutrum? sunt enim hæc propria philosophorum. quid de officio? num quis aruspiciem consuluit, quemadmodum sit cum parentibus, cum fratribus, cum amicis uiuendum? quemadmodum utendum pecunia? quemadmodum honore? quemadmodum imperio? ad sapientes hæc, non ad diuinos referri solent. quid, quæ à physicis, aut dialecticis tractantur, num quis eorum diuinare potest, unus ne mundus sit, an plures? quæ sint initia rerum, ex quibus nascuntur omnia? physicorum est ista prudentia. quo modo autem mentientem, quem *ψευδομένον* uocant, dissoluas? aut quemadmodum soriti resistas? quem, si necesse sit latino uerbo, liceat acerrimum appellare: sed nihil opus est: ut enim ipsa philosophia & multa uerba Græcorum, sic Sorites satis latino sermone tritus est. ergo hæc quoque dialectici dicent, non diuini. quid? cum queritur qui sit optimus Reip. status, quæ leges, qui mores aut utiles, aut inutiles, aruspices ne ex Etruria accersentur, an principes statuent, & delecti uiri, periti rerum ciuiliū? quod si nec earum rerum, quæ subiectæ sensibus sunt, ulla diuinatio est; nec earum, quæ artibus continentur; nec earum, quæ in philosophia differuntur; nec earum, quæ in Rep. uersantur: quarum rerum sit, nihil prorsus intelligo: nam aut omnium debet esse, aut aliqua ei ma-

teria danda est, in qua uersari possit: sed nec omnium diuination est, ut ratio docuit; nec locus, nec materia inuenitur, cui diuinationem præficere possimus: uide igitur, ne nulla dit diuination. est quidem Græcus in hanc sententiam uersus.

- » Bene qui coniiciet, uatem hunc perhibeto optimum. num igitur, aut quæ tempestas impendat, uates melius coniiciet, quàm gubernator; aut morbi naturam acutius, quàm medicus; aut belli administrationem prudentius, quàm imperator, coniectura assequetur? sed animaduerti Quinte, te caute, & ab ijs coniecturis, quæ haberent artem atque prudentiam, & ab ijs rebus, quæ sensibus aut artificijs perciperentur, abducere diuinationem, eamq; ita diffinire, diuinationem esse earum rerum prædictionem, & præsensioem, quæ essent fortuita. primum eodem reuolueris. nam & medici, & gubernatoris, & imperatoris præsensio est rerum fortuitarum. num igitur aut aruspex, aut augur, aut uates quis, aut somnians melius coniecerit, aut ex morbo euasurum egrotum, aut ex periculo nauem, aut ex insidijs exercitum, quàm medicus, quàm gubernator, quàm imperator? Atqui ne illa quidem diuinantis esse dicebas, uentos, aut imbres impendentes quibusdam præsentire signis. in quo nostra quædam Aratea memoriter à te pronuntiata sunt. & si hæc ipsa fortuita sunt: plerunque enim, non semper eueniunt. quæ est igitur, aut ubi uersatur fortuitarum rerum præsensio? quam diuinationē uocas. quæ enim præsentiri aut arte, aut ratione, aut usu, aut coniectura possunt, ea non diuinis tribuenda putas, sed peritis. ita relinquitur, ut ea fortuita diuinari



## DE DIVINATIONE

possint, quæ nulla nec arte, nec sapientia provideri possunt: ut si quis M. Marcellum illum, qui ter Consul fuit, multis annis ante dixisset naufragio esse periturum, diuinasset profecto: nulla enim arte alia, nec sapientia id scire potuisset. talium ergo rerum, quæ in fortuna positæ sunt, præsensio diuinatio est. potest ne igitur earum rerum, quæ nihil habent rationis, quare futurae sint, ulla esse præsensio? quid est enim aliud fors, quid fortuna, quid casus, quid euentus, nisi cum sic aliquid cecidit, sic euenit, ut uel non cadere, atque euenire, uel aliter cadere, atque euenire potuerit? quo modo ergo id, quod temere fit cæco casu, & uolubilitate fortunæ, præsentiri, & prædici potest? medicus morbum ingrauescentem ratione providet, insidias imperator, tempestates gubernator: tamen hi ipsi saepe falluntur, qui nihil sine certa ratione opinantur: ut agricola cum florem oleæ uidet, baccam quoque se uisurum putat: non sine ratione ille quidem: sed non nunquam tamen fallitur. quod si falluntur ij, qui nihil sine aliqua probabili coniectura, ac ratione dicunt: quid existimandum est de coniectura eorum, qui extis, aut auibus, aut ostentis, aut oraculis, aut somnijs futura præsentunt? non dum dico, quàm hæc signa nulla sint, fissum iecoris, corui catus, uolatus aquilæ, stellæ traiectio, uoces furentium, sortes, somnia: de quibus singulis dicam suo loco, nunc de uniuersis. qui potest provideri, quicquam futurum esse, quod neque causam habet ullam, neque notam cur futurum sit? solis defectiones, itemq; lunæ prædicuntur in multos annos ab ijs, qui siderum cursus, & motus numeris persequuntur: ea enim prædicunt, quæ  
natura

om. 15.  
cote.

naturæ necessitas perfectura est . uident ex constantissimo motu lunæ, quando illa è regione solis facta incurrit in umbram terræ, quæ est meta noctis, ut eam obscurari necesse sit; quandoq; eadem luna subiecta soli atq; opposita nostris oculis eius lumen obscuret; quo in signo quæq; errantium stellarum, quoq; tempore futura sit; qui exortus quoq; die signi alicuius, aut qui occasus futurus sit. hæc qui ante dicunt, quam rationem sequantur uides: qui thesaurum inuenturum, aut hereditatem uenturam dicunt, quid sequuntur? aut in qua rerum natura inest, id futurum? quòd si ea, quæ sunt eiusdem generis, habent aliquam talem necessitatem: quid est tandem, quod casu fieri, aut forte fortuna putemus? nihil enim est tam contrarium rationi, & constantiæ, quàm fortuna: ut mihi ne in deum quidem cadere uideatur, ut sciat quid casu, & fortuito futurum sit. si enim scit, certe illud eueniet. sin certe eueniet, nulla fortuna est. est autem fortuna: rerum igitur fortuitarum nulla est præsensio. aut si negas esse fortunam, & omnia, quæ sunt, quæq; futura sunt, ex omni æternitate diffinita dicis esse fataliter: muta diffinitionem diuinationis, quam dicebas præsensioem esse rerum fortuitarum. si enim nihil fieri potest, nihil accidere, nihil euenire, nisi quod ab omni æternitate certum fuerit esse futurum rato tempore: quæ potest esse fortuna? qua sublata, qui locus est diuinationi? quæ à te fortuitarum rerum est dicta præsensio. quanquam dicebas, omnia, quæ fierent, futura ue essent, fato contineri. anile sanè, & plenum superstitionis fati nomen ipsum: sed tamen apud Stoicos de isto fato multa dicuntur.

tur . de quo aliàs : nunc quod necesse est . Si omnia fato : quid mihi diuinationi prodest ? quod enim is , qui diuinat , prædicit , id uero futurum est : ut ne illud quidem sciam quale sit , quòd Deiotarum familiarem nostrum ex itinere aquila reuocauit . qui nisi reuertisset , in eo con clauì ei cubandum fuisset , quod proxima nocte corruit . ruina igitur oppressus esset . at id neq; , si fatum fuerat , effugisset , nec , si non fuerat , in eum casum incidisset . quid ergo adiuvat diuinatione ? aut quid est , quod me moueant aut sortes , aut exta , aut ulla prædictio ? si enim fatum fuit , classes populi R. bello Punico primo alteram naufragio , alteram à poenis depressam interire ; etiam si tripudium solistimum pulli fecissent , L. Iunio , & P. Clodio Consulibus classes tamen interissent . sin , cum auspicijs obtemperatum esset , interiturae classes non fuerunt , non interierunt fato . uultis autem omnia fato : nulla igitur est diuinatione . quòd si fatum fuit , bello Punico secundo exercitum populi R. ad lacum Trasimenum interire : num id mutari potuit , si Flaminius Consul ijs signis , ijsq; auspicijs , quibus pugnare prohibebatur , paruisset ? certe potuit . aut igitur non fato interijt exercitus ; mutari enim fata non possunt : aut , si fato , quod certe uobis ita dicendum est ; etiam si obtemperasset auspicijs , idem euenturum fuisset . ubi est igitur diuinatione ista Stoicorum ? quæ , si fato omnia fiunt , nihil nos admonere potest , ut cautiore simus : quoquo enim modo nos gesserimus , fiet tamen illud quod futurum est . sin autem id potest flecti , nullum est fatum , ita ne diuinatione quidē , quoniam ea rerum futurarum est . nihil autem est pro certo futurum , quod potest aliqua procuratione accidere ne



fiat. Atq; ego ne utilem quidem arbitror esse nobis futurarum rerum scientiam. quæ enim uita fuisset Priamo, si ab adolescentia scisset quos euentus senectutis esset habiturus? abeamus à fabulis: propiora uideamus: clarissimorum hominum nostræ ciuitatis grauissimos exitus in Consolatione collegimus. quid igitur? ut omittamus superiores, M. ne Crasso putas utile fuisse, tum, cum maximis opibus, fortunisq; florebat, scire, sibi, interfeceto Publio filio, exercituq; deleto, trans Euphratem cum ignominia, & dedecore esse pereundum? an Cn. Pompeium censes tribus suis Consulatibus, tribus triumphis, maximarum rerum gloria, lataturum fuisse, si scisset se in solitudine Aegyptiorum trucidatum iri amisso exercitu, post mortem uero ea consecutura, quæ sine lacrymis non possumus dicere? quid uero Casarem putamus? si diuinasset, fore ut in eo senatu, quem maiore ex parte ipse cooptasset, in curia Pompeiana, ante ipsius Pompeii simulacrum, tot centurionibus suis inspectantibus, à nobilissimis ciuibus, partim etiam à se omnibus rebus ornatis, trucidatus ita iaceret, ut ad eius corpus non modo amicorum, sed ne seruorum quidem quisquam accederet; quo cruciatu animi uitam acturum fuisse? certe igitur ignoratio futurorum malorum utilior est, quam scientia. nam illud quidem dici, præsertim à stoicis, nullo modo potest: non isset ad arma Pompeius: non transisset Crassus Euphratem: non suscepisset bellum ciuile Cæsar. non igitur fatales exitus habuerunt. uultis autem euenire omnia fato: nihil ergo profuisset illis diuinare: atque etiam omnem fructum uitæ superioris perdidissent: quid enim posset ijs esse latum exitus. suos

## DE DIVINATIONE

cogitantibus? ita, quoquo se uerterint Stoici, iaceat necesse est omnis eorum solertia. si enim id, quod euenturum est, uel hoc uel illo modo potest euenire: fortuna ualet plurimum. quæ autem fortuita sunt, certa esse non possunt. sin autem certum est, quid quaq; de re, quoq; tempore futurum sit: quid est, quod me adiuuent aruspices, cum res tristissimas portendi dixerint? Addūt ad extremum, omnia leuius casura rebus diuinis procuratis. si enim nihil sit extra fatum, nihil leuari re diuina potest. hoc sentit Homerus, cum querentem Iouem inducit, quod Sarpedonem filium à morte contra fatum eripere non posset. hoc idem significat Græcus ille in eam sententiam uersus.

- » Quod fore paratum est, id summum exuperat Iouem. totum omnino fatum etiam Atellanio uersu iure mihi esse irrisum uidetur. sed in rebus tam seueris non est iocandi locus. concludatur ergo ratio. si enim provideri nihil potest futurum esse eorum, quæ casu fiunt, quia esse certa non possunt: diuinationo nulla est. sin autem iccirco possunt provideri, quia certa sunt, & fatalia: rursus diuinationo nulla est: eam enim tu fortuitarum rerum esse dicebas. Sed hæc fuerit nobis tanquam leuis armaturæ prima orationis excursio: nunc cominus agamus: experiamur itaq; si possumus cornua commouere disputationis tuæ. duo enim genera diuinandi esse dicebas, unum artificiosum, alterum naturale: artificiosum cōstare partim ex coniectura, partim ex observatione diuturna: naturale, quod animus arriperet, aut exciperet extrinsecus ex diuinitate, unde omnes animos haustos, aut acceptos, aut libatos haberemus: artificiose diuinationis illa ferè

genera ponebas, extispicum, eorumq; qui ex fulguribus, ostentisq; prædicerent, tum augurum, eorumq; qui signis, aut ominibus uterentur: omneq; genus coniecturale in hoc ferè genere ponebas. illud autem naturale aut concitatione mentis edi, & quasi fundi uidebatur, aut animo per somnum sensibus & curis uacuo prouideri. duxisti autem diuinationem omnem à tribus rebus, à deo, à fato, à natura. sed tamen cum explicare nihil posses, pugnasti commentitiorum exemplorum mirifica copia. de quo primo hoc libet dicere. hoc ego philosophi non arbitror, testibus uti: qui aut casu ueri, aut malitia falsi, fictiq; esse possunt. argumentis & rationibus oportet, quare quidq; ita sit, docere, non euentis, ijs præsertim, quibus mihi liceat non credere. ut ordiar ab aruspicina, quam ego Reip. causa, communisq; religionis colendam censeo: sed soli sumus: licet uerum exquirere sine inuidia, mihi præsertim de plerisq; dubitanti: inspiciamus, si placet, exta primum. persuaderi igitur cuiquam potest, ea, quæ significari dicuntur extis, cognita esse ab aruspibus obseruatione diuturna? ecquàm diuturna ista fuit? aut quàm longinquo tempore obseruari potuit? aut quo modo est collata inter ipsos, quæ pars inimici, quæ pars familiaris esset, quod fissum periculum, quod commodum aliquod ostenderet? an hæc inter se aruspices Etrusci, Elij, Aegyptij, Pœni contulerunt? at id, præterquam quod fieri non potuit, ne fingi quidem potest: alios enim alio more uidemus exta interpretari, nec esse unam omnium disciplinam. et certe, si est in extis aliqua uis, quæ declaret futura: necesse est, eam aut cum rerum natura esse coniunctam, aut con-



formari quodā modo numini deorum. atqui diuina cum rerum natura tanta, tamq; præclara in omnes partes, motusq; diffusa, quid habere potest commune? non dicam gallinaceum fel ( sunt enim, qui uel argutissima hæc ex ta esse dicant ) sed tauri opimi iecur, aut cor, aut pulmo quid habet naturale, quod declarare possit quid futurū sit? Democritus tamen non inscite nugatur ut physicus: quo genere nihil arrogantius.

„ Quod est ante pedes, nemo spectat: cœli scrutantur plagas.

uerum is tamen habitu extorum, & colore declarari censet, hoc duntaxat, pabuli genus, & earum rerum, quas terra procreet, uel ubertatem, uel tenuitatem: salubritatem etiam, aut pestilentiam extis significari putat. ò mortalem beatum: cui certo scio ludum nunquam defuisse. hunc cine hominem tantis delectatum esse nugis, ut non uideret, tum futurum id uerisimile, si omniū pecudum exta eodem tempore in eundem habitum se, coloremq; conuerterent? sed si eadem hora aliæ pecudis iecur nitidum, atq; plenum est, aliæ horridum & exile: quid est, quod declarari possit habitu extorum, & colore? an hoc eiusdem modi est, quale Pherecydeum illud, quod est à te dictum? qui cum aquam uidisset ex puteo haustam, terræmotum dixit futurum. parum, credo, impudenter, quòd, cum factus esset motus, dicere audent quæ uis id effecerit. etiam ne futurum esse aquæ iugis colore præsentiant? multa istiusmodi dicuntur in scholis: sed credere omnia uide ne non sit necesse. uerum sint sanè ista Democritea uera: quando ea nos extis exquirimus? aut quando aliquid eiusmodi ab aruspice in-

spectis extis audiuius? ab aqua, aut ab igni pericula  
 monent: tum hereditates, tum damna denunciant: fis-  
 sum familiare, & uitale tractant: caput iecoris ex o-  
 mni parte diligentissime considerant: si uero id non est  
 inuentum, nihil putant accidere potuisse tristius. hac ob-  
 seruari certe non potuerunt, ut supra docui. sunt igitur  
 artis inuenta, non uetustatis, si est ars ulla rerum inco-  
 gnitarum. Cum rerum autem natura quam cognatio-  
 nem habent? quæ ut uno consensu iuncta sit, & con-  
 tinens, quod uideo physicis placuisse, eisq; maxime, qui  
 omne, quod esset, unum esse dixerunt: quid habere  
 mundus potest cum thesauri inuentione coniunctum?  
 si enim extis pecuniæ mihi amplificatio ostenditur, idq;  
 sit natura: primum exta sunt coniuncta mundo, de-  
 inde meum lucrum natura rerum continetur. non ne  
 pudet physicos hac dicere? ut enim iam sit aliqua in  
 natura rerum cognatio, quam esse concedo: multa  
 enim Stoici colligunt: nam & musculorum iecuscula  
 bruma dicuntur augeri, & pulcium aridum flore-  
 scere ipso brumali die, & inflatas rumpi uesiculas,  
 & semina malorum, quæ in his medijs inclusa sint,  
 in contrarias partes se uertere: iam nervos in fidi-  
 bus alijs pulsus resonare alios; ostreisq; & conchilijs  
 omnibus contingere, ut cum luna crescant pariter,  
 pariterq; decrescant; arboresq; ut hiemali tempore,  
 cum luna simul senescentes, quia tum exsiccatae sint,  
 tempestiue cadi putentur. quid de fretis, aut de ma-  
 rinis æstibus plura dicam? quorum accessus & reces-  
 sus lunæ motu gubernantur. sexcenta licet eiusmodi  
 proferri, ut distantium rerum cognatio naturalis appa-

reat . demus hoc : nihil enim huic disputationi aduersatur . num etiam , si fissum cuiusdammodi fuerit in iecore , lucrum ostenditur ? quæ ex cognatione naturæ , & quasi contentu , atq; consensu , quam *συμπάθεια* Græci appellant , conuenire potest aut fissum iecoris cum luctello meo , aut meus quasi iunculus cum cœlo , terra , rerumq; natura ? concedam hoc ipsum , si uis : etsi magnam iacturam causæ fecero , si ullam esse conuenientiam naturæ cum extis concessero : sed tamen eo cōcesso , qui euenit , ut is , qui impertire uelit , conuenientem hostiam rebus suis immolet ? hoc erat , quod ego non rebar posse dissolui . at quàm festiue dissoluitur : pudet me non tui quidem , cuius etiam memoriam admiror ; sed Chrysippi , Antipatri , Posidonij , qui idem istuc quidem dicunt , quod est dictum à te , ad hostiam deligendam ducem esse uim quandam sentientem atq; diuinam , quæ toto confusa mundo sit . illud uero multo etiam melius , quod & à te usurpatum est , & dicitur ab illis : cum immolare quispiam uelit , cum fieri extorum mutationē , ut aut absit aliquid , aut supersit : deorum enim numini parere omnia . hæc , mihi iam crede , ne aniculæ quidem existimant . an censes , eundem uitulum si alius delegerit , sine capite iecur inuenturum ; si alius , cum capite ? hæc decessio capitis , aut accessio subito ne fieri potest , ut se exta ad immolantis fortunam accommodent ? non perspicitis aleam quandam inesse hostijs deligendis , præsertim cum res ipsa doceat ? cum enim tristissima exta sine capite fuerunt , quibus nihil uidetur esse dirius : proxima hostia litatur sæpe pulcherrime . ubi illæ minæ superiorum extorum ? aut quæ tam subita facta est deo-



rum tanta placatio ? sed affers, in tauri opimi extis immolante Casare cor non fuisse : id quia non potuerit accidere, ut sine corde uictima illa uiueret, iudicandum esse tum interisse cor cum immolaretur. qui sit, ut alterum intelligas, sine corde non potuisse bouem uiuere : alterum non uideas, cor subito non potuisse nescio quò auolare ? ego enim possum uel nescire, quæ uis sit cordis ad uiuendum ; uel suspicari, contactum aliquo morbo bovis exile, & exiguum, & uietum cor, & dissimile cordis fuisse. tu uero quid habes, quare putes, si paulo ante cor fuerit in tauro opimo, subito id in ipsa immolatione interisse ? an, quòd aspexit uestitu purpureo excordem Cæsarem, ipse corde priuatus est ? urbem philosophiæ, mihi crede, proditis, cum castella defenditis. nam dum aruspicinam ueram esse uultis, physiologiam totam peruertitis. caput est in iecore, cor in extis : iam abscedet, simul ac molam, & uinum insperseris. deus id eripiet, uis aliqua conficiet, aut exedet. non ergo omnium interitus atque obitus natura conficiet : & erit aliquid, quod aut ex nihilo oriatur, aut in nihilum subito occidat. quis hoc physicus dixit unquam ? aruspices dicunt. his igitur, quàm physicis, potius credendum existimas ? quid, cum pluribus dijs immolatur, qui tandem euenit, ut litetur alijs, alijs non litetur ? quæ autem inconstantia deorum est, ut primis minentur extis, bene promittant secundis ? aut tanta inter eos dissensio, sæpe etiam inter proximos, ut Apollinis exta bona sint, Dianæ non bona ? quid est tam perspicuum, quàm, cum fortuito hostiæ adducantur, talia cuique exta esse, qualis cuique obtigerit hostia ? at enim id ipsum habet aliquid diuini, quæ

*l. diuin*

## DE DIVINATIONE

cuique hostia obtingat, tanquam in sortibus quæ cui ducatur. mox de sortibus. quanquam tu quidem non hostiarum casum confirmas sortium similitudine, sed infirmas sortes collatione hostiarum. an, cum in Aequimelum misimus qui afferat agnum, quem immolemus, is mihi agnus offertur, qui habet extra rebus accommodata, & ad eum agnum non casu, sed duce deo servus deducitur? nam si casum in eo quoque dicis esse, quasi sortem quandam cum deorum voluntate cōiunctam: doleo tantam Stoicos nostros Epicureis irridendi sui facultatem dedisse: non enim ignoras, quàm ista derideant. & quidem illi facilius facere possunt: deos enim ipsos iocandi causa induxit Epicurus perlucidos, & perflabiles, & habitantes, tanquam inter duos lucos, sic inter duos mundos propter metum ruinarum: eosq; habere putat eadem membra, quæ nos, nec ullum usum habere membrorum. ergo is circuitione quadam deos tollens, recte non dubitat diuinationem tollere. sed non, ut hic sibi constat, item Stoici: illius enim deus nihil habens nec sui, nec alieni negocij, non potest hominibus diuinationem impertire: noster autem deus potest non impertire, ut nihilo minus mundum regat, & hominibus consulat. cur igitur vos inducitis in eas captiones, quas nunquam explicetis? ita enim, cum magis properant, concludere solent. si dii sunt, est diuinationis. sunt autem dii, est ergo diuinationis. multo est probabilius: non est autem diuinationis, non sunt ergo dii. uide, quàm temere committant, ut, si nulla sit diuinationis, nulli sint dii: diuinationis enim perspicue tollitur; deos esse, retinendum est, atque hac extispicum diuinatione sublata, omnis aru

spicina sublata est : ostenta enim sequuntur , & fulgu-  
 ra : ualet autē in fulguribus observatio diuturna ; in o-  
 stentis ratio , plerunque coniectura adhibetur . quid est  
 igitur , quod observatum sit in fulgure ? cœlum in X V I  
 partes diuiserunt Etrusci . facile id quidem fuit , quatuor ,  
 quas nos habemus , duplicare , post idem iterum facere ,  
 ut ex eo dicerent , fulmen qua ex parte uenisset . pri-  
 mum id quid interest ? deinde quid significat ? non ne per-  
 spicuum est , ex prima admiratione hominum , quod to-  
 nitrui , iactusq; fulminum extimuisent , credidisse ea  
 efficere rerum omnium præpotentem Iouem ? itaque in  
 nostris commentarijs scriptum habemus : Ioue tonante ,  
 fulgurante , comitia populi habere nefas . hoc fortasse  
 Reip. causa constitutum est . comitiorum enim non haben-  
 dorum causas esse uoluerunt . itaque comitiorum solum  
 uicium est fulmen : quod idem omnibus rebus optimum  
 auspicium habemus , si sinistrum fuerit . de auspicijs alio  
 loco : nunc de fulguribus . quid igitur minus à physicis  
 dici debet , quam quicquam certi significari rebus incer-  
 tis ? non enim te puto esse eum , qui Ioui fulmen fabri-  
 catos esse Cyclopas in Aetna putes . nam esset mirabile ,  
 quo modo Iuppiter toties iaceret , cum unum haberet .  
 nec uero fulminibus homines , quid aut faciendum esset ,  
 aut cauendum , moneret . placet enim Stoicis , eos anhe-  
 litus terræ , qui frigidi sint , cum fluere cœperint , uen-  
 tos esse : cum autem se in nubem induerint , eiusq; tenuis-  
 simam quanque partem cœperint diuidere , atque disrum-  
 pere , idq; crebrius facere , & uehementius , tum & ful-  
 gura , & tonitrui existere : si autem nubium conflictu  
 ardor expressus se emisserit , id esse fulmen . quod igitur



## DE DIVINATIONE

ui naturæ, nulla constantia, nullo rato tempore uide-  
mus effici, ex eo significationem rerum consequentium  
querimus? scilicet, si ista Iuppiter significaret, tam mul-  
ta frustra fulmina emitteret. quid enim proficit, cum  
in medium mare fulmen iecit? quid, cum in altissimos  
montes? quod plerunque fit: quid, cum in desertas soli-  
tudines? quid, cum in earum gentium oras, in quibus  
hæc ne observantur quidem? at inuentum est caput in  
Tiberi. quasi ego artem aliquam istorum esse negem.  
diuinationem nego. cœli enim distributio, quam ante  
dixi, & certarum rerum notatio docet unde fulmen ue-  
nerit, quod concesserit: quid significet autem, nulla ra-  
tio docet. Sed urges me meis uersibus.

- » Nam pater alittonans stellanti nixus olympo,
- » Ipse suos quondam tumulos, ac templa petiuit,
- » Et Capitolinis iniecit sedibus ignes.

tum statua Nattæ, tum simulacra deorum, Romulusq;  
et Remus cum altrice belua ui fulminis iecti conciderunt,  
deq; his rebus aruspicum extiterunt responsa uerissima.  
mirabile autem illud, quod eo ipso tempore, quo fieret  
indiciu coniurationis in senatu, signum Iouis biennio  
post, quàm erat locatum, in Capitolio collocabatur. tu  
igitur animum induces (sic enim mecum agebas) causam  
istam & contra facta tua, & contra scripta defende-  
re? frater es. eo uereor. uerum quid tibi hic tandem  
nocet? res ne, quæ talis est; an ego, qui uerum explica-  
ri uolo? itaque nihil contra dico: à te rationem totius a-  
ruspiciæ peto. sed te mirificam in latebram coniecisti.  
quod enim intelligeres fore ut premerem te, cū ex te cau-  
sam uniuscuiusque diuinationis exquirerem: multa uer-

ba fecisti, te, cum res uideres, rationem causamq; non qua-  
 rere; quid fieret, non cur fieret, ad rem pertinere: quasi  
 ego aut fieri concederem; aut esset philosophi, causam,  
 cur quidq; fieret, nō quaerere. Et eo quidem loco Et pro-  
 gnostica nostra pronuntiabas, Et genera herbarum, Scā  
 moneam, Aristolochiamq; radicem; quarū causam igno-  
 rares, uim Et effectum uideres. dissimile totum. nam  
 Et prognosticorum causas persecuti sunt et Boethus Stoi-  
 cus, qui est à te nominatus, Et noster etiam Posidonius.  
 Et si causae non reperiantur istarum rerum, res tamen  
 ipsae obseruari animaduertiq; possunt. Natta uero sta-  
 tua, aut era legum de coelo tacta quid habent observa-  
 tum, ac uetustum? Pinarij Natta nobiles. à nobilitate  
 igitur periculum. hoc tamen callide Iuppiter cogitauit.  
 Romulus lactens fulmine ictus. urbi igitur periculum  
 ostenditur, ei, quam ille condidit. quā scite per no-  
 tas nos certiores facit Iuppiter? at eodem tempore signū  
 Iouis collocabatur, quo coniuratio indicabatur. Et tu  
 scilicet maioris numine deorum id factum, quā casu ar-  
 bitrari? Et redemptor, qui columnam illam de Cotta  
 Et de Torquato conduxerat faciendam, non inertia,  
 aut inopia tardior fuit, sed à dijs immortalibus ad istā  
 horam seruatus est? non equidem planè despero ista esse  
 uera, sed nescio, Et discere à te uolo. nam cum mihi  
 quaedam casu uiderentur sic euenire, ut praedicta es-  
 sent à diuinantibus: dixisti multa de casu; ut, ueneri-  
 um iaci posse casu, quatuor talis iactis; quadringen-  
 tis, centum uenerios non posse casu consistere. primum  
 nescio, cur non possint: sed non pugno: abundas enim  
 similibus: habes Et respercionem pigmentorum, Et ro-

strum suis, & alia permulta. idem Carneadem fingere dicis de capite Panisci. quasi non potuerit id evenire casu, & non in omni marmore necesse sit inesse uel Praxitelica capita. illa enim ipsa efficiuntur detractiōe: nec quicquam illuc affertur à Praxitele: sed cū multa sunt detracta, & ad lineamenta oris peruentum est, tum intelligas, illud, quod iam expolitum sit, intus fuisse. potest igitur tale aliquid etiam sua sponte in lapicidinis Chiorum extitisse. sed sit hoc fictum: quid? in nubibus nunquid animaduertisti leonis formam? aut hippocentauro? potest igitur, quod modo negabas, ueritatem casus imitari. Sed quoniam de extis & fulguribus satis est disputatum, ostenta restant, ut tota aruspicina sit pertractata. Mula partus prolatus est à te: res mirabilis, propterea quia non sæpe fit: sed si fieri non potuisset, facta non esset. atque hoc contra omnia ostenta ualeat, nunquam, quod fieri non potuerit, esse factum; sin potuerit, non esse mirandum: causarum enim ignoratio in re noua mirationem facit; eadem ignoratio in rebus usitatis est, non miramur: nam qui mulam peperisse miratur, is, quo modo equa pariat, aut omnino quæ natura partum animantis faciat, ignorat: sed, quod crebro uidet, non miratur, etiam si, cur fiat, nescit: quod autem non uidit, id si euenierit, ostentum esse censeat. utrum igitur, cum concepit mula, an cum peperit, ostentum est? conceptio contra naturam fortasse, sed partus propè necessarius. Sed quid plura? ortum uideamus aruspicinæ: sic facillime, quid habeat auctoritatis, iudicabimus. Tages quidam dicitur in agro Tarquinienſi, cum terra araretur, &



sulcus altius esset impressus, extitisse repente, & eum  
 affatus esse, qui arabat. is autem Tages, ut in libris est  
 Etruscorum, puerili specie dicitur uisus, sed senili fuis=  
 se prudentia: eius aspectu cum obstupuisse brubulcus,  
 clamoremq; maiorem cum admiratione edidisset, con=  
 cursum esse factum, totamq; breui tempore in eum lo=  
 cum Etruriam cōuenisse: tum illum plura locutum mul=  
 tis audientibus, qui omnia eius uerba exceperint, lite=  
 risq; mandauerint: omnem autem orationem fuisse eam,  
 qua aruspiciñe disciplina contineretur: eam postea cre=  
 uisse rebus nouis cognoscendis, & ad eadem illa princi=  
 pia referendis. hæc accepimus ab ipsis: hæc scripta con=  
 seruant: hunc fontem habent disciplinæ. num ergo o=  
 pus est ad hæc refellenda Carneade? num Epicuro? est  
 ne quisquam ita desipiens, qui credat exaratum esse, de=  
 um dicam, an hominem? si deum, cur se contra natu=  
 ram in terram abdiderit, ut patefactus aratro lucem  
 aspiceret? quid? idem non ne poterat deus hominibus dī  
 disciplinam superiore ex loco tradere? si autem homo ille  
 Tages fuit, quonam modo potuit terra oppressus uiue=  
 re? unde porro illa potuit, quæ docebat alios, ipse di=  
 dicisse? sed ego insipientior, quàm illi ipsi, qui ista cre=  
 dunt, qui quidem contra eos tam diu disputem. uetus  
 autem illud Catonis admodum scitum est, qui mirari se  
 aiebat, quòd non rideret aruspex, aruspiciem cum ui=  
 disset. quota enim quæque res euenit prædicta ab his?  
 aut, si euenit quippiam, quid afferri potest, cur non ca=  
 su id eueniret? Rex Prusias, cum Annibali apud eum  
 exulanti pugnare placeret, negabat se audere, quòd ex=  
 ta prohiberent. an tu, inquit, carunculæ uitulinae mauis,

quàm imperatori ueteri credere? quid? ipse Cæsar, cum à summo aruspice moneretur, ne in Africam ante brumam transmitteret, non ne transmisit? quod ni fecisset, unum in locum omnes aduersariorum copiae cōuenissent. quid ego aruspicum responsa commemorem (possum equidem innumerabilia) quæ aut nullos habuerunt exitus, aut contrarios? hoc civili bello dii immortales quàm multa luserunt? quæ nobis in Graciam Roma responsa aruspicum missa sunt? quæ dicta Pompcio? etenim ille admodum extis, & ostentis mouebatur. non lubet commemorare, nec uero necesse est, tibi præsertim, qui interfuisti: uides tamen omnia ferè contra, ac dicta sunt, uenisse. Sed hæc hætenus: nunc ad ostenta ueniamus. Multa me Consule à me ipso scripta recitasti: multa ante Marsicum bellum à Sisenna collecta attulisti: multa ante Lacedæmoniorum malam pugnam in Leuctris à Callisthene commemorata dixisti. de quibus dicam equidem singulis, quoad utile uidebitur: sed dicendum etiam est de uniuersis. quæ est enim ista à dijs profecta significatio, & quasi denunciatio calamitatum? qui autem ea uolunt dii immortales primum significantes, quæ sine interpretibus non possumus intelligere; deinde ea, quæ cauere nequeamus? at hoc ne homines quidem probi faciunt, ut amicis impendentes calamitates prædicant, quas illi effugere nullo modo possint: ut medici, quanquam sæpe intelligunt, tamen nunquam ægris dicunt illo morbo eos esse morituros: omnis enim prædictio mali tum probatur, cum ad prædictionem cautio adiungitur. quid igitur aut ostenta, aut eorum interpretes uel Lacedæmonios olim, uel nuper nostros adiun-

runt?

runt? quæ si signa deorum putanda sunt, cur tam obscura fuerunt? si enim, ut intelligeremus, quid esset euenturum: aperte declarari oportebat, aut ne occulte quidem, si ea sciri nolebant. Iam uero coniectura omnis, in qua nititur diuination, ingenijs hominum in multas, ac diuersas, aut etiam contrarias partes sæpe deducitur. ut enim in causis iudicialibus alia est coniectura accusatoris, alia defensoris, & tamen utriusque credibilis: sic in omnibus ijs rebus, quæ coniectura inuestigari solent, anceps reperitur oratio. quas autem res tum natura, tum casus affert, non nunquam etiam errorem creat similitudo: magna stultitia est earum rerum deos facere effectores, causas rerum non querere. tu uates Boeotios credis Lebadia uidisse ex gallorum gallinaceorum cantu uictoriam esse Thebanorum, quia galli uicti silere solent, canere uictores. hoc igitur per gallinas Iuppiter tantæ ciuitati signum dabat? an illæ aues, nisi cum uicerint, canere non solent? at tum canebant, nec uicerant. id enim inquires ostentum: magnum uero: quasi pisces, non galli cecinerint. quod autem est tempus, quo illi non cantent, uel nocturnum, uel diurnum? quod si uictores alacritate, & quasi latitia ad canendum excitantur: potuit accidisse alia quoque latitia, qua ad cantum mouerentur. Democritus quidem optimis uerbis causam explicat, cur ante lucem galli canant: depulso enim de pectore, & in omne corpus diuiso, & modificato cibo, cantus edere quiete satiatos: qui quidem silentio noctis, ut ait Ennius, fauent faucibus: rursus cantu, plausuque premunt alas. cum igitur hoc animal tam sit canorum sua sponte, quid in mentem uenit Callistheni



dicere deos gallis signum dedisse cantandi? cum id uel natura, uel casus efficere potuisset. sanguinem pluuisse senatui nunciatum est, atratum fluvium fluxisse sanguine, deorum sudasse simulacra: num censes his nuncijs Thalem, aut Anaxagoram, aut quenquam physicum crediturum fuisse? nec enim sanguis, nec sudor nisi è corpore est. sed & decoloratio quædam ex aliqua contagione terrena maxime potest sanguinis similis esse; et humor allapsus extrinsecus, ut in tectorijs uidemus austro, sudorem imitari. atq; hæc in bello plura, & maiora uidentur timentibus: eadem non tam animaduertuntur in pace. accedit illud etiã, quòd in metu, & periculo cum creduntur facilius, tum finguntur impunius. nos autem ita leues, atq; inconsiderati sumus, ut, si mures corroserint aliquid, quorum est opus hoc unum, monstrum putemus. ante uero Marsicum bellum, quòd clypeos Lanuij, ut à te est dictum, mures rosissent, maximum id portentum aruspices esse dixerunt. quasi uero quicquam intersit, mures, diem & noctem aliquid rodentes, scuta an cribra corroserint. nam si ista sequimur; quòd Platonis Politiam nuper apud me mures corroserint, de Rep. debui pertimescere; aut, si Epicuri de uoluptate liber corrosus esset, putarem annonam in macello cariorem fore. an uero illa nos terrent, si quando aliqua portentosa aut ex pecude, aut ex homine nata dicuntur? quorum omnium, ne sim longior, una ratio est. quicquid enim oritur, quæcunq; est, causam habeat à natura necesse est: ut etiã si præter consuetudinem extiterit, præter naturam tamen non possit existere. causam igitur inuestigato in re noua, atq; admi-

Politia

rabili, si potes: si nullam reperies, illud tamen explora-  
tum habeto, nihil fieri potuisse sine causa: eumq; er-  
rorem, quem tibi rei nouitas attulerit, naturæ ratione  
depellito. ita te nec terræ fremitus, nec cœli discessus,  
nec lapideus, aut sanguineus imber, nec traiectio stellæ,  
nec faces uisq; terre bunt. quarum omnium causas si à  
Chrysippo quæras, ipse ille diuinationis auctor nunquam  
illa dicet facta fortuito, naturalemq; rationem omnium  
reddet: nihil enim fieri sine causa potest: nec quicquam  
fit, quod fieri non potest: nec, si id factum est, quod fieri  
potuit, portentum debet uideri: nulla igitur portenta  
sunt. nam si, quod raro fit, id portentum putandum est,  
sapientem esse portentum est: sapius enim mulam pepe-  
risse arbitror, q̃ sapientem fuisse. illa igitur ratio conclu-  
ditur; nec id, quod non potuerit fieri, factum unquā esse;  
nec, quod potuerit, id portentum esse; ita omnino nullum  
esse portentum. quod etiam coniector quidam & inter-  
pres portentorum non inscite dicitur ei respondisse, qui  
cum ad eum retulisset quasi ostentum, q̃ anguis domi ue-  
tē circūuectus fuisset, tum esset, inquit, ostētum si an-  
guem uectis circumplicasset. hoc ille responso satis aperte  
declarauit, nihil habendu esse portentum, quod fieri pos-  
set. C. Gracchus ad M. Pōponium scripsit, duobus angui-  
bus domi comprehensis, arustices à patre conuocatos. qui  
magis anguibus, q̃ lacertis, q̃ muribus? quia sunt hæc  
quotidiana, angues non itē. quasi uero referat, quod fie-  
ri potest, quā id sæpe fiat. ego tamen miror, si emissio  
fœminæ anguis mortem afferebat Ti. Graccho, emis-  
sio autem maris anguis erat mortifera Corneliæ, cur al-  
terutram emisserit: nihil enim scribit respondisse aru-

# DE DIVINATIONE

spices, si neuter anguis emissus esset, quid esset futurum. at mors insecuta Gracchum est. causa quidem credo aliqua morbi grauioris, non emissionē serpentis: neq; enim tanta est infelicitas aruspicum, ut ne casu quidem unquam fiat, quod futurum illi esse dixerint. nam illud mirarer, si crederem, quod apud Homerum Calchantem dixisti ex passerum numero belli Troiani annos auguratum: de cuius coniectura sic apud Homerum, ut nos ociosi conuertimus, loquitur Agamemnon.

- » Ferte uiri, & duros animo tolerate labores,
- » Auguris ut nostri Calchantis fata queamus
- » Scire ratos ne habeant, an uanos pectoris orsus:
- » Nanq; omnes memori portentum mente retentant,
- » Qui non funestis liquerunt lumina fati.
- » Argolicis primum ut uestita est classibus Aulis,
- » Quæ Priamo cladem, & Troiæ, pestemq; ferebant:
- » Nos circum latices gelidos fumantibus aris,
- » Aurigeris diuū placantes numina tauris,
- » Sub platano umbrifera, fons unde emanat aquai,
- » Vidimus immani specie, tortuq; draconem
- » Terribilem, Iouis ut pulsus penetrabat ab ara:
- » Qui platani in ramo foliorum tegmine septos
- » Corripuit pullos: quos cum consumeret oëto,
- » Nona super tremulo genitrix clangore uolabat:
- » Cui ferus immani laniauit uiscera morsu.
- » Hunc, ubi tam teneros uolucres, matremq; peremit,
- » Qui luci ediderat, genitor Saturnius idem
- » Abdidit, & duro firmavit tegmine saxi.
- » Nos autem timidi stantes mirabile monstrum
- » Vidimus in medijs diuū uersarier aris.



- » Tum Calchas hæc est fidenti uoce locutus.  
 » Quidnam torpentes subito obstupuistis Achini ?  
 » Nobis hæc portenta deû dedit ipse creator,  
 » Tarda, & sera nimis, sed fama ac laude perenni.  
 » Nam quot aues tetro mactatas dente uidetis,  
 » Tot nos ad Troiam belli exarclabimus annos:  
 » Quæ decimo cadet, & pœna satiabit Achiuos.  
 » Edidit hæc Calchas: quæ iam matura uidetis.

quæ tandem ista auguratio est ex passeribus annorum  
 potius, quàm aut mensium, aut dierum? cur autem de  
 passerculis coniecturam facit, in quibus nullum erat  
 monstrum; de dracone silet, qui, id quod fieri non po-  
 tuit, lapideus dicitur factus? postremo quid simile habet  
 passer annis? nam de angue illo, qui Syllæ apparuit im-  
 molanti, utrûq; memini, & Syllam, cum in expeditionem  
 educiturus esset, immolauisse, et anguem ab ara extitisse,  
 eoq; die rem præclare esse gestam non aruspiciis consilio,  
 sed imperatoris. atq; hæc ostentorum genera mirabile  
 nihil habent: quæ cum facta sunt, tum ad coniecturam  
 aliqua interpretatione reuocantur: ut illa tritici grana  
 in os pueri Midæ congesta, aut apes quas dixisti in la-  
 bris Platonis pueri consedissee, non tam mirabilia sint,  
 quàm coniecta belle: quæ tamen uel ipsa falsa esse, uel  
 illa, quæ prædicta sunt, fortuito accidisse potuerunt. de  
 ipso Roscio potest illud quidem esse falsum, ut circumli-  
 gatus fuerit angui: sed ut in cunis fuerit anguis, nō tam  
 est mirum, in Selonio præsertim, ubi apud focum angues  
 nundinari solent. nam quod aruspices responderunt, ni-  
 hil illo clarius, nihil nobilius fore: miror deos immorta-  
 les histrioni futuro claritatem ostendisse, nullam ostensa

## DE DIVINATIONE

disse Africano. Atq; etiam à te Flaminiana ostenta collata sunt, quòd ipse, et equus eius repente conciderit : non sanè hoc quidem mirabile : quòd euelli primi hastati signum non potuerit : timide fortasse signifer euellebat, quod fidenter infixerat. Nam Dionysij equus quid attulit admirationis, quòd emerfit ex flumine ? quodq; habuit apes in iuba ? sed quia breui tempore regnare coepit ; quod casu acciderat, uim habuit ostenti. At Lacedaemonijs in Herculis fano arma sonuerunt, eiusdemq; dei Thebis ualuae clausae subito se aperuerunt : eaq; scuta, quae fuerant sublime fixa, sunt humi inuenta. horum cum nihil fieri potuerit sine aliquo motu, quid est cur diuinitus ea potius, quàm casu facta esse dicamus ? At in Lysandri statuae capite Delphis extitit corona ex asperis herbis, & quidem subita. ita ne censes ? ante coronam extitisse, quàm herbarum conceptum esse semen ? herbam autem asperam credo auium congestu, non humano satù. iam quicquid in capite est, id coronae simile uideri potest. nam quòd eodem tempore stellas aureas Castoris & Pollucis Delphis positas decidisse, neq; eas usquam repertas esse dixisti : furum id magis factum, quàm deorum uidetur. Simiae uero Dòdoneae improbitatem historijs Græcis mada datam esse demiror. quid minus mirum, quàm illam monstruosissimam bestiam urnam euertisse, sortes dissipauisse ? & negant historici Lacedaemonijs ullum ostentum hoc tristius accidisse. Nam illa praedicta Veientum, si lacus Albanus redundasset, isq; in mare fluxisset, Romam perituram ; si repressus esset, Veios ; ita aqua Albana deducta ad utilitatem agri suburbani, non ad arcem, urbemq; retinendam. At paulo post audita uox est

monentis, ut prouiderent ne à Gallis Roma caperetur : ex eo Aio loquenti aram in noua uia consecratam. quid ergo ? Aius iste loquens, quando eum nemo norat, dicebat, & loquebatur, & ex eo nomen inuenit : postea quam & sedem, & aram, & nomen inuenit, obmutuit ? Quod idem dici de Moneta potest : à qua, praterquam de sue plena, quid unquam moniti sumus ? Satis multa de ostentis. Auspicia restant, & sortes, ex quæ ducuntur, non illæ quæ uaticinatione funduntur : quæ ora cula uerius dicimus : de quibus tum dicemus, cum ad naturalem diuinationem uenerimus. Restat etiam de Chaldeis . sed primum auspicia uideamus . Difficilis auguri locus ad contradicendum, Marso fortasse, sed Romano facillimus : non enim sumus ij nos augures, qui auium, reliquorum'ue signorum obseruatione futura dicamus : & tamen credo Romulum, qui urbem auspicato condidit, habuisse opinionem, esse in prouidendis rebus augurandi scientiam : errabat enim multis in rebus antiquitas : quam uel usu iam, uel doctrina, uel uetustate immutatam uidemus. retinetur autem & ad opinionem uulgi, & ad magnas utilitates Reip. mos, religio, disciplina, ius augurum, collegij auctoritas . nec uero non omni supplicio digni P. Claudius, L. Iunius Consules, qui contra auspicia nauigarunt : parendum enim fuit religioni, nec patrius mos tam contumaciter repudiandus . iure igitur alter populi iudicio damnatus est, alter mortem sibi ipse consciiuit . Flaminius non paruìt auspicijs : itaq; periit cū exercitu. at anno post Paulus paruìt : num minus cecidit in Cānensi pugna cū exercitu : etenim ut sint auspicia, quæ nulla sunt ; hæc certe, quibus uti-



# DE DIVINATIONE

+ *i. audiui. hic  
apud*

mur siue tripudio, siue de caelo, simulacra sunt auspiciorum, auspicia nullo modo. Q. Fabi, te uolo mihi in auspicio esse. uolo, respondet. audiui hæc. apud maiores nostros adhibebatur peritus, nunc quilibet. peritum autem esse necesse est eum, qui, silentium quid sit, intelligat: id enim silentium dicimus in auspicijs, quod omni uitio caret. hoc intelligere, perfecti auguris est. illi autem, qui in auspiciū adhibetur, cum ita imperauit is, qui auspicatur, dicito, si silentium esse uidetur, nec suspicit, nec circumspicit, statim respondet, silentium esse, uideri. tum ille, dicito si pascuntur aues: pascuntur. quæ, aut ubi? attulit, inquit, in cauea pullos is, qui ex eo ipso nominatur pullarius. hæ sunt igitur aues internuntia Iouis: quæ pascantur, nec ne, quid refert? nihil ad auspicia: sed quia, cum pascuntur, necesse est aliquid ex ore cadere, & terram pauire, terripantium primo, post terripudium dictum est, hoc quidem iam tripudium dicitur. cum igitur offa iam cecidit ex ore pulli, tum auspicanti tripudium solistimum nunciant. ergo hoc auspiciū diuini quicquam habere potest, quod tam sit coactum & expressum? quo antiquissimos augures non esse usos, argumento est, quod decretum collegij uetus habemus, omnem auem tripudium facere posse. tum igitur esset auspiciū, si modo ei esset liberum se ostendisse: tum auis illa uideri posset interpres, & satelles Iouis. nunc uero inclusa in cauea, & fame eneeta, si in offam pultis inuadit, & si aliquid ex ore cecidit, hoc tu auspiciū, aut hoc modo Romulum auspicari solitum putas? iam uero de caelo seruare non ipsos censes solitos, qui auspicabantur? nunc imperant pullario: ille renunciat. fulmen sinistrum

auspiciū optimum habemus ad omnes res, præterquam ad comitia: quod quidem institutum Reip. causa est, ut comitiorum uel in iudicijs populi, uel in iure legum, uel in creandis magistratibus principes ciuitatis essent interpretes. at Ti. Gracchi literis Scipio & Figulus, quod augures iudicassent eos uitio creatos esse, magistratu se abdicauerunt. quis negat augurum disciplinam esse? diuinationem nego. at aruspices diuini: quos cum Ti. Gracchus propter mortem repentīnam eius, qui in prærogatiua referenda subito concidisset, in senatum introduxisset, non iustum rogatorem comitiorum fuisse dixerunt. primum uide, ne in eum dixerint, qui rogator centuriæ fuisset: is enim erat mortuus. id autem sine diuinatione, coniectura poterat dicere. deinde fortasse casu: qui nullo modo est ex hoc genere tollendus. quid enim scire Etrusci aruspices aut de tabernaculo recte capto, aut de pomerij iure potuerunt? equidem assentior C. Marcello potius, quàm App. Claudio; qui ambo mei collegæ fuerunt: existimoq; ius augurum, & si diuinationis opinione principio constitutum sit, tamen postea Reip. causa conseruatum, ac retentum. sed de hoc loco plura in alijs, nunc hætenus: externa enim auguria, quæ sunt non tam artificiosa, quàm superstitiosa, uideamus. Omnibus ferè auib; utuntur, nos admodum paucis. alia illis sinistra sunt, alia nostris. solebat ex me Deiotarus percontari nostri augurij disciplinam, & ego illius. dij immortales, quantum differebat: ut quædam essent etiam contraria. atque ille ijs semper utebatur: nos, nisi dum à populo auspicia accepta habemus, quàm multum ijs utimur? bellicam

# DE DIVINATIONE

orad. 20.6.

rem administrari maiores nostri nisi auspicato noluerūt: quàm multi anni sunt, cum bella à propratoribus & proconsulibus administrantur? qui auspicia non habent: itaque nec amnes transeunt auspicato, nec tripudio auspicantur. nam ex acuminibus quidem, quod totum auspiciū militare est, iam M. Marcellus ille quinquies Consul totum omisit, idem imperator, idem augur optimus. ubi est ergo auium diuinatio? quæ, quoniam ab ijs, qui auspicia nulla habent, bella administrantur, ab urbanis retenta uidetur, à bellicis esse sublata. & quidem ille dicebat; si quando rem agere uellet, ne impeditur auspicijs, lectica operta facere se iter solere. huic simile est, quod nos augures precipimus, ne iuge auspiciū obueniat, ut iumenta iubeant disiungere. quid est aliud nolle moneri à Ioue, nisi efficere, ut aut ne fieri possit auspiciū, aut, si fiat, uideri? nam illud admodum ridiculum, quod negas Deiotarum auspiciorum, quæ sibi ad Pompeium proficiscenti facta sunt, poenitere, quod fidem secutus, amicitiamq; populi R. functus sit officio: antiquiorem enim sibi fuisse laudem & gloriam, quàm regnum & possessiones suas. credo id quidem: sed nihil ad auspicia: nec enim ei cornix canere poterat recte eum facere, quod populi R. libertatem defendere pararet. ipse hoc sentiebat, sicuti sensit. aues euentus significant aut aduersos, aut secundos. uirtutis auspicijs uideo esse usum Deiotarum: quæ uetat spectare fortunam, dum præstetur fides. aues uero si prosperos euentos ostenderunt, certe fefellerunt. fugit ex pralio cum Pompeio: graue tempus. discessit ab eo: luctuosa res. Cæsarem eodem tempore



Et hostem, Et hospitem uidit. quid hoc tristius? is cum ei Troginorum tetrarchiam eripuisset, Et affecle suo Pergameno nescio cui dedisset, eidemq; detraxisset Armeniam à senatu datam, cumq; ab eo magnificentissimo hospitio acceptus esset, spoliatum reliquit Et hospitem, Et Regem. sed labor longius: ad propositum reuertar. si euenta querimus, quæ exquiruntur auibus: nullo modo prospera Deiotaro. sin officia: à uirtute ipsius, non ab auspicijs petita sunt. omitte igitur lituum Romuli, quem in maximo incendio negas potuisse comburi: contemne cotem Attij Nauij: nihil debet esse in philosophia commentitijs fabellis loci. illud erat philosophi, totius augurij primum naturam ipsam uidere, de inde inuentionem, deinde constantiam. quæ est igitur natura, quæ uolucres huc, Et illuc passim uagantes efficiat, ut significant aliquid, Et tum uetent agere, tum inbeant aut cantu, aut uolatu? cur autem alijs à dextra, alijs à leua datum est auibus, ut ratum auspicium facere possint? quo modo autem hæc, aut quando, aut à quibus inuenta dicemus? Etrusci tamen habent exaratum puerum auctorem disciplinæ suæ: nos quem? Attium ne Nauium? at aliquot annis antiquior Romulus, Et Remus, ambo augures; ut accepimus. an Pisidærum, aut Cilicum, aut Phrygum ista inuenta dicemus? placet igitur, humanitatis expertes habere diuinitatis auctores. at omnes Reges, populi, nationes utuntur auspicijs. quasi uero quicquam sit tam ualde, quàm nihil sapere, uulgare: aut quasi tibi ipsi in iudicando placeat multitudo. quotus quisque est, qui uoluptatem neget esse bonum? plerique etiam summum bonum dicunt. num

## DE DIVINATIONE

igitur eorum frequentia Stoici de sententia deterren-  
tur? aut num plerisque in rebus sequitur eorum aucto-  
ritatem multitudo? quid mirum igitur, si in omnibus  
auspicijs, & omni diuinatione imbecilli animi supersti-  
tiosa ista concipiant, uerum dispicere non possint? quæ  
autem est inter augures conueniens, & coniuncta  
constantia? ad nostri augurij consuetudinem dixit  
Ennius,

- » Cum tonuit læuum bene tempestate serena .  
at Homericus Ajax apud Achillem querens de ferocitate  
Troianorum, nescio quid hoc modo nunciat .
- » Prospera Iuppiter his dextris fulgoribus edit ,  
ita nobis sinistra uidentur , Graijs & barbaris dextra  
meliora . quanquam haud ignoro , quæ bona sint , sinis-  
tra nos dicere , etiam si dextra sint . sed certe nostri si-  
nistrum nominauerunt , externiq; dextrum , quia ple-  
runque melius id uidebatur . hæc quanta dissensio est ?  
quid , quòd alijs auibus utuntur , alijs signis , aliter ob-  
seruant , aliter respondent ? non necesse est fateri , par-  
tim horum errore susceptum esse , partim superstitione  
multa fallendo ? atque his superstitionibus non dubitasti  
etiam omina adiungere . Aemilia Paulo , Persam peris-  
se : quod pater omen accepit . Cæcilia sororis filia sedes  
suas tradere . iam illa , fauete linguis , & prærogatiua  
omen comitiorum . hoc est , ipsum esse contra se copio-  
sum , & disertum : quando enim illa obseruans , quieto ,  
& libero animo esse poteris , ut ad rem gerendam non  
superstitionem habeas , sed rationem ducem ? ita ne ? si  
quis aliquid ex sua re , atque ex suo sermone dixerit , &  
eius uerbum aliquod apte ceciderit ad id quod ages , aut

cogitabis, ea res tibi aut timorem afferret, aut alacritatem? cum M. Crassus exercitum Brundisij imposeret, quidam in portu caricæ Cauno aduēctas uendens, Cauneas clamitabat. dicamus, si placet, monitum ab eo Crassum, caueret ne iret, non fuisse periturum si omini paruisset. quæ si suscipiamus, pedis offensio nobis, & abruptio corrigiæ, & sternutamenta erunt obseruanda. Sortes restant, & Chaldaei: ut ad uates & somnia ueniamus. Dicendum igitur putas de Sortibus. quid enim Sors est? idem propemodum, quod micare, quod talos iacere, quod tesseras. quibus temeritas, & casus, non ratio, nec consilium ualet. tota res est inuenta fallacijs, aut ad quæstum, aut ad superstitionem, aut ad errorem. atque ut in aruspicina fecimus, sic uideamus clarissimarum sortium quæ tradatur inuentio. Numeri-um suffucium Præneslinorum monumēta declarant honestum hominem, & nobilem somnijs crebris, ad extremum etiam minantibus, cum iuberetur certo in loco silem cedere, perterritum uisis, iridentibus suis ciuibus, id agere cœpisse: itaque perfractō saxo sortes erupisse, in robore insculptas priscarum literarum notas. is est hodie locus septus religiose propter Iouis pueri, qui lætens cum Iunone in gremio Fortunæ sedens mammam appetens castissime colitur à matribus. eodem tempore illo loco, ubi nunc Fortunæ sita ædes est, mel ex olea fluxisse dicunt, aruspicesq; dixisse, summa nobilitate illas sortes futuras, eorumq; iussu ex illa olea arcam esse factam, eaq; conditas sortes, quæ hodie Fortunæ monitu tolluntur. quid igitur in his potest esse certi, quæ Fortunæ monitu pueri manu miscentur, atque ducuntur?



## DE DIVINATIONE

quo modo autem istæ posita in illo loco? quis robur illud cæcidit, dolauit, inscripsit? nihil est, inquiunt, quod deus efficere non possit. utinam sapientes Stoicos effecisset, ne omnia superstitiosa sollicitudine & miseria crederent. sed hoc quidem genus diuinationis uita iam communis explosit. fani pulchritudo, & uetustas, Prænestinarum etiam nunc sortium retinet nomen, atque id in uulgus. quis enim magistratus, aut quis uir illustrior uicitur sortibus? cæteris uero in locis sortes planè refrixerunt. quod Carneadem Clitomachus scribit dicere solitum, nusquam se fortunatiorem, quàm Præneste uidisse Fortunam. ergo hoc diuinationis genus omitemus. Ad Chaldaeorum môstra ueniamus: de quibus Eudoxus Platonis auditor, in astrologia iudicio doctissimorum hominum facile princeps, sic opinatur, id quod scriptum reliquit: Chaldaeis in prædictione, & in notatione cuiusque uitæ ex natali die, minime esse credendum. nominat etiam Panætius, qui unus è Stoicis astrologorum prædicta reiecit; Archelaum, & Cassandrum summos astrologos illius ætatis, qua erat ipse, cum in cæteris astrologiæ partibus excellerent, hoc prædictionis genere non usos. Scylax Halicarnassæus, familiaris Panætij, excellens in astrologia, idemq; in regenda sua ciuitate princeps, totum hoc Chaldaicum prædicendi genus repudiavit. sed ut ratione utamur omiſſis testibus, sic isti disputant, qui hæc Chaldaeorum natalitia prædicta defendunt. uim quandam esse aiunt signifero in orbe, qui græce ζωδιακὸς dicitur, talem, ut eius orbis unaquæque pars alia alio modo moueat, immutetq; coelum, perinde ut quæque stellæ in ijs, finitimisq; partibus sint quoq;

*l. omitemus*

tempore; eamq; uim uarie moueri ab ijs sideribus, quæ uocantur errantia. cum autem in eam ipsam partem orbis uenerint, in qua sit ortus eius qui nascitur; aut in eam, quæ coniunctum aliquid habeat, aut consentiens; ea triangula illi, & quadrata nominant. etenim cum tempore anni, tempestatumq; cœli conuersiones, commutationesq; tantæ fiant accessu stellarum, & recessu; cumq; ea uis solis efficiantur, quæ uidemus: non uerisimile solum, sed etiam uerum esse censent, perinde utcunque temperatus sit aer, ita pueros orientes animari, atque formari, ex eoq; ingenia, mores, animum, corpus, actionem uitæ, casus cuiusque, euentusq; fingi. ò delirationem incredibilem: non enim omnis error stultitia est dicenda. quibus etiam Diogenes Stoicus concedit aliquid ut prædicere possint, duntaxat quali quisque natura, & ad quam quisque maxime rem aptus futurus sit. cetera, quæ profiteantur, negat ullo modo posse sciri: etenim geminorum formas esse similes, uitam atque fortunam plerunque disparem. Proclus, & Euristhenes Lacedæmoniorum Reges gemini fratres fuerunt. at hi nec totidē annos uixerunt: anno enim Procli uita breuior fuit, multumq; is fratri rerum gestarum gloria præstitit. at ego id ipsum, quod uir optimus Diogenes Chaldaïs, quasi quadam prauaricatione, concedit, nego posse intelligi. etenim cum, ut ipsi dicunt, ortus nascentium luna moderetur, eaq; animaduertant, & notent sidera natalitia Chaldaï, quæcunque lunæ iuncta uideantur: oculorum fallacissimo sensu indicant ea, quæ ratione atque animo uidere debebant: docet enim ratio mathematicorum, quam istis notā esse oportebat, quāta humilitate

## DE DIVINATIONE

luna feratur terram pene contingens, quantum absit à proxima Mercurij stella, multo autem longius à Veneris, deinde alio intervallo distet à sole, cuius lumine colustrari putatur. reliqua uero tria intervalla infinita, & immensa, à sole ad Martis, inde ad Iouis, ab eo ad Saturni stellam, inde ad coelum ipsum, quod extremum atque ultimum mundi est. quæ potest igitur contagio ex infinito penè intervallo pertinere ad lunam, uel potius ad terram? quid? cum dicunt id, quod ijs dicere necesse est, omnes omnium ortus, quicunque gignantur in omni terra, quæ incolatur, eosdem esse, eademq; omnibus, qui eodem statu coeli, & stellarum nati sunt, accidere necesse esse, non ne eiusmodi sunt, ut ne coeli quidem naturam interpretes istos coeli nosse appareat? cum enim illi orbes, qui coelum quasi medium diuidunt, & aspectum nostrum definiunt, qui à Græcis ὀρίζοντες nominantur, à nobis finientes rectissime nominari possunt, uarietatem maximam habeant, aliq; in alijs locis sint: necesse est, ortus, occasusq; siderum non fieri eodem tempore apud omnes. quod si eorum ui coelum modo hoc, modo illo modo temperatur: qui potest eadem uis esse nascantium, cum coeli tanta sit dissimilitudo? in his locis, quæ nos incolimus, post solstitium canicula exoritur, & quidem aliquot diebus; apud Troglodytas, ut scribitur, ante solstitiū: ut, si iam concedamus aliquid uim coelestē ad eos, qui in terra gignuntur, pertinere, confitendum sit illis, eos, qui nascuntur eodem tempore, posse in dissimiles incidere naturas propter coeli dissimilitudinem. quod minime illis placet: uolunt enim illi, omnes eodem tempore ortos, qui ubique sint nati, eadem conditione nasci.

sed quæ



sed quæ tanta dementia est, ut in maximis motibus, mutationibusq; coeli nihil intersit qui uentus, qui imber, quæ tempestas ubiq; sit? quarum rerum in proximis locis tantæ dissimilitudines sæpe sunt, ut alia Tusculi, alia Romæ eueniat sæpe tempestas. quod, qui nauigant, maxime animaduertunt, cum in flectendis promontorijs uentorum mutationes maximas sæpe sentiant. hac igitur cum sit tum serenitas, tum perturbatio coeli: est ne sanorum hominum, hoc ad nascentium ortus pertinere non dicere? quod non certe pertinet. illud nescio quid tenue, quod sentiri nullo modo, intelligi autem uix potest, quæ à luna cæterisq; sideribus coeli temperatio fiat, dicere ad puerorum ortus pertinere. quid, quod non intelligunt. seminum uim, quæ ad gignendum, procreandumq; plurimum ualeat, funditus tolli, medio-  
cris erroris est? quis enim non uidet & formas, & mores, & plerosq; status, ac motus effingere à parentibus liberos? quod non contingeret, si hoc non uis, & natura gignentium efficeret, sed temperatio lunæ, coeliq; moderatio. quid, quod uno eodemq; temporis puncto nati dissimiles & naturas, & uitas, & casus habent, parum ne declarant nihil ad agendam uitam nascendi tempus pertinere? nisi forte putamus neminem eodem tempore ipso & conceptum, & natum, quo Africanum. nunquis igitur talis fuit? quid? illud ne dubium est, quin multi, cum ita nati essent, ut quædam contra naturam deprauata haberent, restituerentur, & corrigerentur ab natura, cum se ipsa reuocasset, aut arte, aut medicina? aut quorū linguæ sic inhaerent, ut loqui non possent, eæ scalpello resectæ liberarentur? multi etiam

naturæ uitiū meditatione, atq; exercitatione sustulerunt, ut Demosthenem scribit Phalereus, cum rho dicere nequisset, exercitatione fecisset, ut planissime diceret. quod si hæc astro ingenerata & tradita essent, nulla res ea mutare posset: quid? dissimilitudo locorum non ne dissimiles hominum procreationes habet? quas quidem percurrere oratione facile est: quid inter Indos & Persas, Aethiops & Syros differat corporibus, animis: ut incredibilis uarietas dissimilitudoq; sit. ex quo intelligitur, plus terrarum situs, quam luna tractus ad nascendum ualere. Nam quod aiunt quadringenta et septuaginta milia annorum in periclitandis, experiundisq; pueris, quicunq; essent nati, Babylonios posuisse, fallunt. si enim esset factitatum, non esset desitum. neminem autem habemus auctorem, qui aut fieri dicat, aut factum sciat. uides ne me non ea dicere, quæ Carneades, sed ea, quæ princeps Stoicorum Panætius dixerit? ego autem etiam hoc requiro, omnes ne, qui Cannensi pugna ceciderunt, uno astro fuerint: exitus quidem omnium unus & idem fuit. quid? qui ingenio atq; animo singulares, num astro quoq; uno? quod enim tempus, quo non innumerabiles nascantur? at certe nemo similis Homeri. & si ad rem pertinet, quo modo coelo affecto, compositisq; sideribus quodq; animal oriatur: ualeat id necesse est etiam in rebus inanimis. quo quid dici potest absurdius? L. quidem Tarutius Firmanus, familiaris noster, in primis Chaldaicis rationibus eruditus, urbis etiam nostræ natalem diem reputeabat ab ijs parilibus, quibus eam à Romulo conditam accepimus, Romamq; cum esset in iugo luna, natam esse dicebat, nec eius fata canere dubitabat. o uim maximam

erroris. etiam ne urbis natalis dies ad uim stellarum & lunæ pertinebat? fac in puero referre, ex qua affectio-  
 ne cœli primum spiritum duxerit: num hoc in latere,  
 aut in cemento, ex quibus urbs effecta est, potuit ua-  
 lere? sed quid plura? quotidie refelluntur: quàm mul-  
 ta ego Pompeio, quàm multa Crasso, quàm multa huic  
 ipse Casari à Chaldaeis dicta memini, neminem eorum  
 nisi senectute, nisi domi, nisi cum claritate esse moritu-  
 rum: ut mihi permirum uideatur, quenquam extare,  
 qui etiam nunc credat ijs, quorum prædicta quotidie ui-  
 deat re, & euentis refelli. Restant duo diuinandi ge-  
 nera: quæ habere dicimur à natura, non ab arte: uati-  
 cinandi, & somniandi. de quibus Quinte inquam, si pla-  
 cet, differamus. Mihi uero, inquit, placet: his enim, quæ  
 adhuc disputasti, prorsus assentior. & uere ut loquar,  
 quanquam tua me oratio confirmauit, tamen etiam mea  
 sponte nimis superstitiosam de diuinatione Stoicorum sen-  
 tentiam indicabam: ac me Peripateticorum ratio ma-  
 gis mouebat, & ueteris Dicaarchi, & eius, qui nunc  
 floret, Cratippi: qui censent esse in mentibus hominum  
 tanquam oraculum aliquod, ex quo futura præsen-  
 tiant, si aut furore diuino incitatus animus, aut somno  
 relaxatus solute moueatur ac libere, his de generibus  
 quid sentias, & quibus ea rationibus infirmes, audi-  
 re sanè uelim. Quæ cum ille dixisset, tum ego rur-  
 sus quasi ab alio principio sum exorsus dicere. Non  
 ignoro Quinte, te semper ita sensisse, ut de cæteris diui-  
 nandi generibus dubitares, ista duo furoris & somnij,  
 quæ à libera mente fluere uiderentur, probares. dicam  
 igitur, de istis ipsis duobus generibus mihi quid uidea-



## DE DIVINATIONE

tur, si prius, Stoicorum rationis conclusio, & Cratipp  
 nostri quid ualeat, uidero. Dixisti & Chrysippum, & i  
 Diogenem, & Antipatrum concludere hoc modo. si  
 sunt dii, neq; ante declarant hominibus, quæ futura  
 sint: aut non diligunt homines: aut, quid euenturum  
 sit, ignorant: aut existimant nihil interesse hominem  
 scire, quid sit futurum: aut non censent esse suæ ma-  
 iestatis præsignificare hominibus, quæ sint futura: aut  
 ea ne ipsi quidem dii significare possunt. at neq; non di-  
 ligunt nos; sunt enim benefici, generiq; hominum ami-  
 ci: neq; ignorant ea, quæ ab ipsis constituta, & designa-  
 ta sunt: neq; nostra nihil interest scire ea, quæ futura  
 sunt; erimus enim cautiore, si scierimus: neq; hoc ali-  
 enum ducunt maiestate sua; nihil est enim beneficentia  
 præstantius: neq; non possunt futura prænoscere: non  
 igitur dii sunt, nec significant nobis futura: sunt autem  
 dii, significant ergo. & non, si significant futura, nullas  
 dant nobis uias ad significationum scientiam; frustra  
 enim significarent: neq; si dant uias, non est diuinitas:  
 est igitur diuinitas. o acutos homines: q̄ paucis uerbis ne-  
 gocium confectum putant. ea sumunt ad cōcludendum,  
 quorum ijs nihil conceditur. conclusio autem rationis ea  
 probanda est, in qua ex rebus non dubijs id, quod dubita-  
 tur, efficitur. uides ne Epicurum, quem hebetem, & ru-  
 dem dicere solent Stoici, quemadmodum, quod in natura  
 rerum omne esse dicimus, id infinitum esse concluderit?  
 quod finitum est, inquit, habet extremum. quis hoc non  
 dederit? quod habet extremum, id cernitur ex alio ex-  
 trinsecus. hoc quoq; est concedendum. at quod omne  
 est, id non cernitur ex alio extrinsecus. ne hoc quidem

negari potest . nihil igitur cum habeat extremum, infinitum sit necesse est . uides'ne ut ad rem dubiam concessis rebus peruenerit ? hoc uos dialectici non facitis : nec solum ea non sumitis ad concludendum, quæ ab omnibus concedantur ; sed ea sumitis, quibus concessis, nihilo magis efficiatis quod uelitis . primum enim hoc sumitis . si sunt dii, benefici in homines sunt . quis hoc uobis dabit ? Epicurus'ne, qui negat quicquam deos nec alieni curare, nec sui; an noster Ennius, qui magno applausu loquitur, assentiente populo ?

- „ Ego deū genus esse semper dixi, & dicam cœlitum :  
 „ Sed eos non curare opinor, quid agat humanum genus.  
 & quidem, cur sic opinetur, rationem subiicit . sed nihil est necesse dicere quæ sequuntur . tantum sat est intelligi, id sumere istos pro certo, quod dubium controuersumq; sit . sequitur porro, nihil deos ignorare, quòd omnia sint ab ijs constituta . hic uero quanta pugna est doctissimorum hominum, negantium esse hæc à dijs immortalibus constituta ? at nostra interest scire quæ euentura sint . magnus Dicæarchi liber est, nescire ea melius esse, quàm scire. \* negant enim id esse alienum maiestatis deorum, scilicet causas omnium intraspicere, ut uideant quid cuique conducatur . neq; non possunt futura prænoscerē . negant posse ijs, quibus non placet esse certum, quid futurum sit . uides'ne igitur, quæ dubia sunt, ea sumere ipsos pro certis, atque concessis ? deinde contorquent, & ita concludunt . non igitur & sunt dii, nec significant futura : id enim iam perfectum arbitrantur . deinde assument : sunt autem dii : quod ipsum non ab omnibus conceditur . significant er=

go. ne id quidem sequitur: possunt enim non significare, & tamen esse dii, nec, si significant, non dare vias aliquas ad scientiam significationis. at id quoque potest, ut non dent homini, sed ipsi habeant. cur enim Tuscis potius, quam Romanis darent? nec, si dant vias, nulla est diuinationis. fac dare deos: quod absurdum est: quid refert, si accipere non possumus? extremum, est igitur diuinationis. sit extremum: effectum tamen non est: ex falsis enim, ut ab ipsis didicimus, verum effici non potest: iacet igitur tota conclusio. Veniamus nunc ad optimum virum familiarem nostrum Cratippum. Si sine oculis, inquit, non potest extare officium, & munus oculorum, possunt autem aliquando oculi non fungi suo munere: qui uel semel ita est usus oculis, ut uera cerneret, is habet sensum oculorum uera cernentium. item igitur, si sine diuinatione non potest officium, & munus diuinationis extare, potest autem cum quis diuinationem habeat, errare aliquando, nec uera cernere: satis est ad confirmandam diuinationem, semel aliquid ita esse diuinatum, nihil ut foruito cecidisse uideatur. sunt autem eius generis innumerabilia. esse igitur diuinationem confitendum est. festine, & breuiter: sed cum bis sumpsit quod uoluit, etiam si faciles nos ad concedendum habuerit, id tamen, quod assumit, concedi nullo modo potest. Si, inquit, aliquando oculi peccent, tamen, quia recte aliquando uiderint, inest in ipsis uis uidendi. item, si qui semel aliquid in diuinatione dixerit, is etiam cum peccet, tamen existimandus est habere uim diuinandi. uide quaeso Cratippe noster, quam sint ista similia: nam mihi quidem non uidentur: oculi enim uera cernentes,



utuntur natura, atq; sensu; animi si quando uel uaticinando, uel somniando uera uiderunt, ufi sunt fortuna, atq; casu. nisi forte concessuros tibi existimas eos, qui somnia pro somnijs habent, si quando aliquod somnium uerum euaserit, non id fortuito accidisse. sed demus tibi istas duas sumptiones, ea, quæ λύμματα appetant dialectici; sed nos latine loqui malumus: præsumptio tamen, quam περὸ ληΐω idem uocant, non dabitur. assumit autem Cratippus hoc modo. sunt autem innumerabiles præensiones non fortuitæ. at ego dico nullam. uide, quanta sit controuersia. iam, assumptione non concessa, nulla conclusio est. at impudentes sumus, qui, quod tam perspicuum sit, non concedamus. quid est perspicuum? multa uera, inquit, euadere. quid, quod multo plura falsa? non'ne ipsa uarietas, quæ est propria fortunæ, fortunam esse causam, non naturam docet? deinde, si tua ista conclusio Cratippe uera est (tecum enim mihi res est) non ne intelligis eadem uiri posse et aruspices, et fulguratores, et interpretes ostentorum, et augures, et sortilegos, et Chaldaeos? quorum generum nullum est, ex quo non aliquid, sicut prædictum sit, euaserit. ergo aut ea quoq; genera diuinandi sunt, quæ tu rectissime improbas: aut, si ea non sunt, non intelligo, cur hæc duo sint, quæ relinquis. quæ ergo ratione hæc inducis, eadem illa possunt esse, quæ tollis. Quid uero habet auctoritatis furor iste, quem diuinum uocatis, ut, quæ sapiens non uideat, ea uideat insanus, et is, qui humanos sensus amiserit, diuinos affectus sit? Sibyllæ uersus obseruamus, quos illa furens fudisse dicitur. quorum interpretres nuper falsa quædam ho-

minum fama dicturus in senatu putabatur, eum, quem re uera Regem habebamus, appellandum quoq; esse Regem, si salui esse uellemus. hoc si est in libris, in quem hominem, & in quod tempus est? callide enim, qui illa composuit, perfecit, ut, quodcunq; accidisset, praedictum uideretur, hominum & temporum diffinitione sublata. adhibuit etiam latebram obscuritatis, ut uideretur aliàs in aliam rem posse accommodari uiderentur. non esse autem illud carmen furentis, cum ipsum poema declarat (est enim magis artis, & diligentiae, quàm incitationis, & motus) tum uero ea, quæ ἀρεστὶς dicitur, cum deinceps ex primis uersus literis aliquid connectitur, ut in quibusdam Ennianis, quæ Ennius fecit. id certe magis est attentis animi, quàm furentis. atq; in Sibyllinis ex primo uersu cuiusq; sententiæ primis literis illius sententiæ carmen omne prætexitur. hoc scriptoris est, non furentis; adhibentis diligentiam, non insani. quamobrem Sibyllam quidem sepositam, & conditam habeamus, ut, id quod proditum est à maioribus, iniussu senatus ne legantur quidem libri, ualeantq; ad deponendas potius, quàm ad suscipiendas religiones: cum antistitibus agamus, ut quiduis potius ex illis libris, quàm Regem proferant: quem Romæ posthac nec dy, nec homines esse patientur. at multi sæpe uera uaticinati, ut Cassandra.

„ Iamq; mari magno.=

eademq; paulo post:

„ Eheu uidete.=

num igitur me cogis etiam fabulis credere? quæ delectationis habeant, quantum uoles; uerbis, sententijs, numeris, cantibus adiuentur: auctoritatem quidem

nullam debemus, nec fidem commentitijs rebus adiungere. Eodemq; modo nec ego Publicio nescio cui, nec Martijs uatibus, nec Apollinis opertis credendum existimo; quorum partim ficta aperte, partim effuita temere, nunquam ne mediocri quidem cuiquam, non modo prudenti, probata sunt. Quid, inquires, remex ille de classe Coponij, non ne ea prædixit, quæ facta sunt? ille uero & ea quidem, quæ omnes eo tempore, ne acciderent, timebamus: castra enim in Thessalia castris collata audiebamus: uidebaturq; nobis exercitus Caesaris & audaciæ plus habere, quippe qui patriæ bellum intulisset; & roboris, propter uetustatem. casum autem prælij, nemo nostrum erat, quin timeret, sed ita, ut constantibus hominibus par erat, non aperte. ille autem Græcus quid mirum si magnitudine timoris, ut plerunque fit, à constantia, atque à mente, atque à se ipse discessit? qua perturbatione animi, quæ, sanus cum esset, timebat ne euenirent, ea demens euentura esse dicebat. utrum tandem per deos atque homines magis uerisimile est, uesantum remigem, an aliquem nostrum, qui ibi tum eramus, M. Catonem, Varronem, Coponium ipsum consilia deorum immortalium perspicere potuisse? Sed iam ad te uenio

- » O sancte Apollo, qui umbilicum terrarum certum obsides,  
 » Vnde superstitiosa primum sæua euasit uox fera:  
 tuis enim oraculis Chrysippus totum uolumen impleuit  
 partim falsis, ut ego opinor; partim casu ueris, ut fit  
 in omni oratione sæpissime; partim flexiloquis & obscuris,  
 ut interpretes egeat interprete, & sors ipsa referenda  
 sit ad sortes; partim ambiguïs, & quæ ad dialecti-



cum referenda sint . nam cum fors illa edita est opulentiſſimo regi Aſie,

- » Cræſus Halym penetrâs magnam peruertet opum uim, hoſtium uim ſeſe peruerſurum putauit, peruertit autem ſuam . utrum igitur eorum accidiffet, uerum oraculum fuiſſet . cur autem hoc credam unquam editum Cræſo? aut Herodotum cur ueraciorem ducam Ennio? num mi nus illè potuit de Cræſo, quàm de Pyrrho fingere Ennius? quis enim eſt, qui credat Apollinis ex oraculo Pyrrho eſſe reſponſum,

- » Aio te Aeacida Romanos uincere poſſe? primum latine Apollo nunquam locutus eſt: deinde iſta fors inaudita Græcis eſt: præterea Pyrrhi temporibus iam Apollo uerſus facere deſierat: poſtremo, quanquam ſemper fuit, ut apud Ennium eſt, ſtolidum genus Aeacidarum; Bellipotentes ſunt magi, quàm ſapientipotentes: tamen hanc amphibologiam uerſus intelligere potuiſſet, uincere te Romanos, nihilo magis in ſe, quàm in Romanos ualere . nam illa amphibologia, quæ Cræſum decepit, uel Chryſippum potuiſſet fallere: hæc uero ne Epicurum quidem . ſed, quod caput eſt, cur iſto modo iam oracula Delphis non eduntur, non modo noſtra ætate, ſed iandiu, iam ut nihil poſſit eſſe contemptius? hoc loco cum urgentur, euaniſſe diunt uetuſtate uim loci eius, unde anhelitus ille terræ fieret, quo Pythia mente incitata oracula ederet . de uino aut ſaſamento putes loqui, quæ euaneſcunt uetuſtate . de ui loci agitur, neque ſolum naturali, ſed etiam diuina: quæ quo tandem modo euaniuit? uetuſtate, inquires . quæ uetuſtas eſt, quæ nim diuinam conſicere poſſit? quid tam diuinum, quàm

afflatus ex terra mentem ita mouens, ut eam prouidam  
 rerum futurarum efficiat, ut ea non modo cernat mul-  
 to ante, sed etiam numero uersuq; pronunciet? quando  
 autem ista uis euauit? an postquam homines minus cre-  
 duli esse coeperunt? Demosthenes quidem, qui abhinc  
 annos propè CCC fuit, iam tum φιλίππειον Pythiam  
 dicebat, idest quasi cum Philippo facere. hoc autem eò  
 spectabat, ut eam à Philippo corruptam diceret. quo  
 licet existimare in alijs quoque oraculis Delphicis aliquid  
 non sinceri fuisse. sed nescio quo modo isti philosophi  
 superstitiosi, & penè fanatici quiduis malle uidentur,  
 quàm se non ineptos. euauisse mauultis, & extinctum  
 esse id, quod si unquam fuisset, certe aeternum esset, quàm  
 ea, quæ non sunt credenda, non credere. Similis est er-  
 ror in somnijs: quorum quidem defensio repetita quàm  
 longe est? diuinos animos censent esse nostros, eosq; esse  
 tractos extrinsecus, animorumq; consentientium mul-  
 titudine completum esse mundum: hac igitur mentis &  
 ipsius diuinitate, & coniunctione cum externis men-  
 tibus cerni quæ sint futura. contrahi autem animum  
 Zeno, & quasi labi putat, atque concidere, & ipsum  
 esse dormire. an Pythagoras & Plato, locupletissimi  
 auctores, quo in somnis certiora uideamus, prepara-  
 tos quodam cultu atque uictu proficisci ad dormien-  
 dum iubent: faba quidem Pythagorei utique abstinue-  
 re: quasi uero eo cibo mens, non uenter infletur. sed  
 nescio quo modo nihil tam absurde dici potest, quod  
 non dicatur ab aliquo philosophorum. utrum igitur  
 censemus dormientium animos per semet ipsos in som-  
 niando moueri, an, ut Democritus censet, externa, &

*ē. iam*

*ē. abstinere*

## DE DIVINATIONE

aduentitia uisione pulsari? siue enim sic est, siue illo modo, uideri possunt permulta somniantibus falsa pro ueris. nam & nauigantibus moueri uidentur ea, quæ stant; & quodam obtutu oculorum duo pro uno lucernæ lumina. quid dicam, insanis, quid, ebrijs quàm multa falsa uideantur? quòd si eiusmodi uisis credendum non est, cur somnijs credatur, nescio. nam tam licet de his erroribus, si uelis, quàm de somnijs disputare: ut ea, quæ stant, si moueri uideantur, terræmotum significare dicas, aut repentinam aliquam fugam: gemino autem lucernæ lumine declarari dissensionem, ac seditio- nem moueri. iam ex insanorū aut ebriorum uisis innu- merabilia coniectura trahi possunt, quæ futura uidean- tur. quis est enim, qui totum diem iaculans non aliquā- do collimet? totas noctes somniamus; neque ulla ferè est, qua non dormiamus: & miramur, aliquando id, quod somniamus, euadere? quid est tam incertum, quàm talorum iactus? tamen nemo est, quin sæpe iactans, ue- nereum aliquando iaciat, non nunquam etiam iterum, ac tertium. num igitur, ut inepti, Veneris id fieri im- pulsu malumus, quàm casu dicere? quòd si cæteris tem- poribus falsis uisis credendum non est, non uideo quid præcipui somnus habeat, in quo ualeant falsa pro ueris. quòd si ita natura paratum esset, ut ea dormientes age- rent, quæ somniarent: alligandi essent omnes, qui cubi- tum irent: maiores enim, quàm ulli insani, efficerent motus somniantes. quòd si insanorum uisis fides non est adhibenda, quòd falsa sunt: cur credatur somniantium uisis, quæ multo etiam perturbatiora sunt, non intelli- go. an quod insani sua uisa coniectori non narrant, nar-



rant qui somniauerunt? quæro etiam, si uelim scribere quid, aut legere, aut canere uoce, uel fidibus, aut geometricum quiddam, aut physicum, aut dialecticum explicare, somnium'ne expectandum sit, an ars adhibenda, sine qua nihil earum rerum nec fieri, nec expediri potest? atqui, ne si nauigare quidem uelim, ita gubernarem ut somniauerim: præsens enim poena sit. quid igitur cõuenit egros à coniectore somniorum potius, quàm à medico petere medicinam? an Aesculapius, an Serapis potest præscribere per somnium curationem ualitudinis, Neptunus gubernantibus non potest? & si sine medico medicinam dabit Minerua, musæ scribendi, legendi, cæterarumq; artium scientiam somniantibus non dabunt? at si curatio daretur ualitudinis, hæc quoque, quæ dixi, darentur. quæ quoniam non dantur, medicina non datur. qua sublata, tollitur omnis auctoritas somniorum. sed hæc quoque in promptu: nunc interiora uideamus. aut enim diuina uis quædam consulens nobis somniorum significationes facit: aut coniectores ex quadam conuenientia, & coniunctione naturæ, quam uocant *συνπράξεις*, quid cuique rei conueniat, ex somnijs, & quid quanq; rem sequatur, intelligunt: aut eorum neutrum est, sed quædam observatio constans, atque diuturna est, cum quid uisum secundum quietem sit, quid euenire, aut quid sequi soleat. primum igitur intelligendum est, nullam uim esse diuinam effectricem somniorum. atque illud quidem perspicuum est, nulla uisa somniorum proficisci à numine deorum: nostra enim causa dii id facerent, ut providere futura possemus. quotus igitur est quisque, qui somnijs pareat? qui

Corad: so. 6.

## DE DIVINATIONE

+ ē. abhorret

intelligat? qui meminerit? quā multi uero, qui con-  
temnant, eamq; superstitionem imbecilli animi, atque  
anilis putent? quid est igitur, cur his hominibus consu-  
lens deus, somnijs moneat eos, qui illa non modo cu-  
ra, sed ne memoria quidem digna ducant? nec enim  
ignorare deus potest, qua mente quisque sit: nec, fru-  
stra, ac sine causa quid facere, dignum deo est: quod  
hōrret etiam ab hominis constantia. ita si pleraque som-  
nia aut ignorantur, aut negliguntur: aut nescit hoc de-  
us, aut frustra somniorum significatione utitur: sed ho-  
rum neutrum in deum cadit: nihil igitur à deo somnijs  
significari fatendum est. illud etiam requiro, cur, si deus  
ista uisa nobis providendi causa dat, non uigilantibus po-  
tius det, quā dormientibus. siue enim externus, &  
aduentitius pulsus animos dormientium commouet, siue  
per se ipsi animi mouentur, siue quæ causa alia est, cur  
secundum quietem aliquid uidere, audire, agere uidea-  
mur: eadem causa uigilantibus esse poterat; idq; si no-  
stra causa secundum quietem dii facerent, uigilantibus  
idem facerent, præsertim cum Chrysippus Academicos  
refellens permulto clariora & certiora esse dicat, quæ  
uigilantibus uideantur, quā quæ somniantibus. fuit  
igitur diuina beneficentia dignius, cum consuleret no-  
bis, clariora uisa dare uigilantibus, quā obscuriora  
per somnium. quod quoniam non fit, somnia diuina pu-  
tanda non sunt. iam uero quid opus est circuitione, &  
anfractu, ut sit utendum interpretibus somniorum po-  
tius, quā directo deus, si quidem nobis consulebat, hoc  
facito, hoc ne feceris, diceret? idq; uisum uigilanti po-  
tius, quā dormienti daret? iam uero quis dicere audeat,



uera omnia esse somnia? aliquot somnia uera, inquit En-  
 nius: sed omnia non est necesse. quæ est tandem ista di-  
 stinctio? quæ uera, quæ falsa habet? Et si uera à deo  
 mittuntur, falsa unde nascuntur? nam si ea quoque di-  
 uina, quid inconstantius deo? quid inscitius autem est,  
 quam mentes mortalium falsis, et mendacibus uisus con-  
 citare? si uera uisa diuina sunt, falsa autem, et ina-  
 nia humana: quæ est ista designandi licentia, ut hoc deus,  
 hoc natura fecerit potius, quam aut omnia deus, quod ne-  
 gatis, aut omnia natura? quod quoniam illud negatis,  
 hoc necessario confitendum est. naturam autem eam di-  
 co, qua nunquam animus insisteret agitatione, et motu esse  
 uacuis potest: is cum languore corporis, nec membris uti,  
 nec sensibus potest, incidit in uisa uaria, et incerta ex re-  
 liquis, ut ait Aristoteles, inheretibus earum rerum, quas  
 uigilans gesserit, aut cogitarit: quarum perturbatione  
 mirabiles interdum existunt species somniorum: quæ si  
 alia uera, alia falsa: qua nota internoscantur, scire sa-  
 nè uelim. si nulla est, quid istos interpretes audiamus?  
 si quæpiam est, aueo audire quæ sit: sed hærebunt: ue-  
 nit enim iam in contentionem, utrum sit probabilius, de-  
 os ne immortales rerum omnium præstantia excellentes  
 concurrere omnium mortalium, qui ubique sunt, non  
 modo lectos, uerum etiam grabatos, et, cum stertentes  
 aliquos uiderint, obicere his uisa quadam tortuosa, et  
 obscura, quæ illi exterriti somnio ad coniectorem mane  
 deferant; an natura fieri, ut mobiliter animus agitato,  
 quod uigilans uiderit, dormiens uidere uideatur. utrum  
 philosophia dignius, sagarum superstitione ista interpre-  
 tari, an explicatione naturæ: ut si iam fieri possit



coniectura uera somniorum, tamen isti, qui profitentur, eam facere non possunt: ex leuissimo enim, & indoctissimo genere constant. Stoici autem tui negant quæquã nisi sapientem diuinum esse posse. Chrysippus quidem diuinationem diffinit his uerbis, uim cognoscentem, & uidentem, & explicantem signa, quæ à dijs hominibus portendantur: officium autem eius esse, prænoscere, dei erga homines mente qua sint, quidquid significant, quemadmodumquid; ea procurentur, atque expientur. idemquid; somniorum coniectionem diffinit hoc modo, esse uim cernentem, & explanantem quæ à dijs hominibus significantur in somnis. quid ergo, ad hæc mediocri opus est prudentia, an & ingenio præstanti, & eruditione perfecta? talem autem cognouimus neminem. uide igitur, ne, etiam si diuinationem tibi esse concessero, quod nunquam faciam; neminem tamen diuinum reperire possimus. qualis autem ista mens est deorum, si neque ea nobis significant in somnis, quæ ipsi per nos intelligamus; neque ea, quorum interpretes habere possimus? similes enim sunt dii, si ea nobis obijciunt, quorum neque scientiam, neque explanationem habeamus, tanquam si Pœni, aut Hispani in senatu nostro sine interprete loquerentur. iam uero quod pertinent obscuritates, & ænigmata somniorum? intelligi enim à nobis dii uelle debebant ea, quæ nostra causa nos monebant. quid? poeta nemo, nemo physicus obscurus? ille uero nimis etiam obscurus Euphorion: at non Homerus: uter igitur melior? ualde Heraclitus obscurus, minime Democritus: num igitur conferendi? mea causa me mones, quod non intelligam. quid me igitur mones? ut si quis medicus

ægroto

ægroto imperet, ut sumat

- » Terrigenam, herbigradā, domiportā, sanguine cassam,  
potiusquam hominum more, cocteam, dicere. nam Pacu-  
vianus Amphion,
- » Quadrupes tardigrada, agrestis, humilis, aspera,
- » Capite breui, ceruice anguina, aspectu truci,
- » Euiscerata, inanima cum animali sono,  
cum dixisset obscurius, tum Attici respondent: non intel-  
ligimus, nisi aperte dixeris. at ille uno uerbo, testudo. non  
potueras hoc igitur à principio cytharista dicere? defert  
ad coniectorem quidam somniasse se, ouum pendere ex  
fascia lecti sui cubicularis. est hoc in Chrysippi libro so-  
mnium. respondit coniector, thesaurum defossum esse  
sub lecto. fodit: inuenit auri aliquantum, idq; circunda-  
tum argento: misit coniectori quantulum uisum est de  
argento. tum ille, nihil, ne de uitello? id enim ex ouo ui-  
debatur aurum declarasse, reliquum argentum. nemo ne  
igitur unquam alius ouum somniauit? cur ergo hic ne-  
scio quis thesaurum solus inuenit? quàm multi inopes,  
digni præsidio deorum, nullo somnio ad thesaurum repe-  
riendum admonentur? quam autem ob causam tam est  
obscurè admonitus, ut ex ouo nasceretur thesauri simi-  
litudo, potius, quàm aperte thesaurum querere inbere-  
tur, sicut aperte Simonides uetitus est nauigare? ergo  
obscura somnia minime consentanea sunt maiestati deo-  
rum. ad aperta et clara ueniamus, quale est de illo inter-  
fecto à caupone Megaris, quale de Simonide, qui ab eo,  
quem humauerat, uetitus est nauigare; quale etiam de  
Alexandro: quod à te præteritum esse miror: qui, cum  
Ptolemaus familiaris eius in prælio telo ueneno iectus



esset, eoq; uulnere summo cum dolore moreretur, Alexander assidens somno est consopitus. tum secundum quietem uisus ei dicitur draco is, quem mater Olympias alebat, radiculam ore ferre, & simul dicere quo illa loci nasceretur (neq; is longe aberat ab eo loco) eius autem esse uim tantam, ut Ptolemæum facile sanaret. cum Alexander experrectus narrasset amicis somnium, emisisse qui illam radiculam quærerent. qua inuenta, & Ptolemæus sanatus dicitur, & multi milites, qui erant eodem genere teli uulnerati. multa etiam sunt à te ex historijs prolata somnia, matris Phalaridis, Cyri superioris, matris Dionysij, Pœni Amilcaris, Annibalis, P. Decij, peruulgatum iam illud de præfultore, Gracchi etiam, & recens Cæcilie Balearici filie somnium. sed hæc externa, ob eamq; causam ignota nobis sunt: non nulla etiam ficta fortasse: quis enim auctor istorum? de nostris somnijs quid habemus dicere? tu de merso me, & equo ad ripam? ego de Mario cum fascibus laureatis me in suum deduci iubente monumentum? omnium somniorum Quinte una ratio est. quæ, per deos immortales, uideamus ne nostra superstitione, & deprauatione superetur. quem enim tu Marium uisum à me putas? speciem credo eius, & imaginem, ut Democrito uidetur, unde profectam imaginem: à corporibus enim solidis, & à certis figuris uult fluere imagines. quod igitur Marij corpus erat, ex eo, inquit, quod fuerat, plena sunt imaginum omnia ista. igitur me imago Marij in campum Atinatem persequabatur: nulla enim species cogitari potest, nisi pulsu imaginum. quid ergo? istæ imagines ita nobis dicto audientes sunt, ut, simul atq; uelimus, accurrant? etiam



ne earum rerum, quæ nullæ sunt? quæ est enim forma tam inusitata, tam nulla, quam non sibi animus possit effingere? ut, quæ nunquam uidimus, ea tamen formata habeamus, oppidorum situs, hominum figuras. num igitur, cum aut muros Babylonis, aut Homeri faciem cogito, imago illorum me aliqua pellit? omnia igitur, quæ uolumus, nota nobis esse possunt: nihil est enim, de quo cogitare nequeamus. nullæ ergo imagines obrepunt in animos dormientiū extrinsecus, nec omnino fluunt illæ: nec cognoui quenquam, qui maiore auctoritate nihil diceret. animorum est ea uis, atq; natura, ut uigilent uigilantes, nullo aduentitio pulsu, sed suo motu, incredibili quadam celeritate. hi cum sustinentur membris, & corpore, & sensibus, omnia certiora cernunt, cogitant, sentiunt. cum autem hæc subtracta sunt, desertusq; animus languore corporis, tum agitur ipse per sese. itaq; in eo & formæ uersantur, & actiones, & multa audiri, multa dici uidentur. hæc scilicet imbecillo remissoq; animo multa omnibus modis confusa & uariata uersantur: maximeq; reliquæ earum rerum mouentur in animis, & agitantur, de quibus uigilantes aut cogitauimus, aut egimus: ut mihi temporibus illis multum in animo Marius uersabatur recordanti, quàm ille grauem suum casum magno animo, quàm constanti tulisset. hanc credo causam de illo somniandi fuisse. tibi autem de me cum sollicitudine cogitanti subito sum uisus emersus ex flumine: inerant enim in utriusq; nostrum animis uigilantium cogitationum uestigia. At quædam adiuncta sunt: ut mihi de monumento Marij: tibi, quæ equus, in quo ego uehebar, mecū unà demersus rursus ap

## DE DIVINATIONE

paruit. an tu censes ullam anum tam deliram futuram  
 fuisse, ut somnijs crederet, nisi ista causa non nunquam,  
 forte, temere concurrerent? Alexandro loqui draco ui-  
 sus est. potest omnino hoc esse falsum, potest uerum: sed  
 utrum sit, non est mirabile: non enim audiuit ille draco-  
 nem loquentem, sed est uisus audire: & quidem, quo  
 maius sit, cum radicem ore teneret, locutus est. sed nihil  
 est magnum somnianti. quæro autem, cur Alexandro  
 tam illustre somnium, tam certum, nec huic eidem aliàs,  
 nec multa ceteris. mihi quidem, præter hoc Marianum,  
 nihil sanè, quod meminerim. frustra igitur consumptæ  
 tot noctes tam longa in ætate. nunc quidem propter in-  
 termissionem forensis operæ & lucubrationes detraxi,  
 & meridiationes addidi, quibus uti antea non solebam:  
 nec tam multum dormiens ullo somno sum admonitus,  
 tantis præsertim de rebus: nec mihi magis usquam ui-  
 deor, quàm cum aut in foro magistratus, aut in curia  
 senatum uideo, somniare. Etenim ex diuisione hoc secun-  
 dum est, quæ est continuatio, coniunctioq; naturæ: quæ,  
 ut dixi, uocant οὐρανῶδαια eiusmodi, ut thesaurus ex  
 ouo intelligi debeat. nam medici ex quibusdam rebus  
 & aduenientes & crescentes morbos intelligunt: non  
 nullæ etiam ualeitudinis significationes, ut hoc ipsum,  
 pleni, enectiue simus, ex quodam genere somniorum  
 intelligi posse dicuntur. thesaurus uero, & hæreditas,  
 & honos, & uictoria, & multa generis eiusdem qua  
 cum somnijs naturali cognatione iunguntur? dicitur  
 quidam, cum in somnijs complexu uenerio iungere-  
 tur, calculos eiecisse. uideo sympathiã: uisum est enim  
 tale obiectum dormienti, ut id, quod euenit, naturæ uis,

2. casu

2. somnio

non opinio erroris effecerit . quæ igitur natura obtulit  
 illam speciem Simonidi, à qua uetaretur nauigare? aut  
 quid naturæ copulatum habuit Alcibiadis quod scribi-  
 tur somnium? qui paulo ante interitum uisus est in  
 somnis amicæ esse amictus amiculo . is cum esset proie-  
 ctus inhumatus, ab omnibusq; desertus iaceret : amica  
 corpus eius texit suo pallio . ergo hoc inerat in rebus fu-  
 turis, & causas naturales habebat, an, & ut uideretur,  
 & ut eueniret, casus effecit? quid ipsorum interpretum  
 coniecturæ, non'ne magis ingenia declarant eorum,  
 quàm uim consensumq; naturæ? cursor ad Olympia  
 proficisci cogitans, uisus est in somnis curru quadriga-  
 rum uehi . mane ad coniectorem . at ille, uinces, inquit :  
 id enim celeritas significat, & uis equorum . post idem  
 ad Antiphontem . is autem, uincare, inquit, necesse est.  
 an non intelligis quatuor ante te cucurrisse? ecce alius  
 cursor . atq; horum somniorum, & talium plenus est  
 Chrysippi liber, plenus Antipatri . sed ad cursores re-  
 deo . ad interpretem detulit, aquilam se in somnis ui-  
 sum esse factum . at ille, uicisti : ista enim auis uolat  
 nulla uehementius . huic equidem Antipho, tu uero, in-  
 quit, te uictum esse non uides? ista enim auis insectans  
 alias & agitans, semper ipsa postrema est . parere quæ-  
 dam matrona cupiens, dubitans esset ne prægnans, uisa  
 est in quiete obsignatam habere naturam : retulit . nega-  
 uit eam, quoniam obsignata fuisset, concipere potuisse .  
 at alter prægnantem esse dixit : nam inane obsignari ni-  
 hil solere . quæ est ista ars coniectoris, eludentis ingenio?  
 an ea, quæ dixi, & innumerabilia, quæ collecta habent  
 stoici, quicquam significant, nisi acumen hominum ex



## DE DIVINATIONE

similitudine aliqua coniecturam modo huc, modo illuc ducentium? medici signa quadam habent ex uenis, & ex spiritu ægroti, multisq; ex alijs futura præsentunt. gubernatores cum exultantes Loligenes uiderint, aut Delphinos se in portum conijcentes, tempestatem significari putant. hæc ratione explicari, & ad naturam facile reuocari possunt: ea uero, quæ paulo ante dixi, nullo modo. At enim obseruatio diuturna (hæc enim pars una restat) notandis rebus fecit artem. an tandem somnia obseruari possunt? quoniam modo? sunt enim innumerabiles uarietates. nihil tam præpostere, tam incondite, tam monstruose cogitari potest, quod non possimus somniare. quo modo igitur hæc infinita, & semper noua aut memoria complecti, aut obseruando notare possumus? astrologi motus errantium stellarum notauerunt: inuentus est enim ordo in ijs stellis, qui non putabatur. cedò tandem, qui sit ordo, aut quæ concursatio somniorum? quo modo autem distingui possunt uera somnia à falsis, cum eadem & alijs aliter euadant, & ijsdem non semper eodem modo? ut mihi mirum uideatur, cum mendaci homini, ne uerum quidem dicenti credere soleamus, quo modo isti, si somnium uerum euasit aliquod, non ex multis potius uni fidem derogant, quam ex uno innumerabilia cōfirmant. si igitur neq; deus est effector somniorum, neq; naturæ societas ulla cum somnijs, neq; obseruatione inueniri potuit scientia: effectum est, ut nihil prorsus somnijs tribuendum sit; præsertim cum illi ipsi, qui ea uident, nihil diuinent; ij, qui interpretantur, coniecturam adhibeant, non naturam; casus autem innumerabilibus penè seculis in omnibus plura mirabilia, quam in

somniorum uis effecerit; neq; coniectura, quæ in uarias  
 partes duci potest, non nunquam etiam in contrarias,  
 quicquam sit incertius! explodatur hæc quoq; somnio=  
 rum diuinitas pariter cum cæteris: nam, ut uere loqua=  
 mur, superstitio fusa per gentes, oppressit omnium fe=  
 rè animos, atq; hominum imbecillitatem occupauit. quod  
 & in ijs libris dictum est, qui sunt de natura deorum:  
 & hac disputatione id maxime egimus: multum enim  
 & nobismet ipsis, & nostris profuturi uidebamur, si  
 eam funditus substulissimus. nec uero (id enim dili=  
 genter intelligi uolo) superstitione tollenda religio tolli=  
 tur. nam & maiorum instituta tueri sacris, ceremonijsq;  
 retinendis, sapientis est: et esse præstantem aliquam, æter=  
 namq; naturam, & eam suspiciendam admirandamq;  
 hominum generi, pulchritudo mundi, ordoq; rerum cœ=  
 lestium cogit confiteri. quamobrem ut religio propagan=  
 da etiam est, quæ est iuncta cum cognitione naturæ: sic  
 superstitionis stirpes omnes eiiciendæ sunt: instat enim,  
 & urget, & quocunq; te uerteris, persequitur, siue tu  
 uatem, siue tu omen audieris, siue immolaris, siue auem  
 aspexeris, si Chaldaum, si aruspice uideris, si fulse=  
 rit, si tonuerit, si tactum aliquid erit de cœlo, si osten=  
 ti simile natum, factum ue quippiam: quorum neces=  
 se est plerumque aliquid eueniat: ut nunquam liceat  
 quæta mente consistere. perfugium uidetur omnium  
 laborum & solitudinum esse somnus. at ex eo ipso  
 plurimæ curæ, metusq; nascuntur. qui quidem ipsi per  
 se minus ualerent, & magis contemnerentur, nisi som=  
 niorum patrociniū philosophi suscepissent, nec ij qui=  
 dem contemptissimi, sed in primis acuti, & consequen=

etia & repugnantia uidentes : qui propè iam absoluti, et perfecti putantur . quorum licentiæ nisi Carneades restitisset, haud scio an soli iam philosophi iudicarentur. cū quibus omnis ferè nobis disceptatio, contentioq; est : non quòd eos maxime contemnamus : sed quòd uidentur acutissime sententias suas, prudentissimeq; defendere . cum autem proprium sit Academiae, iudicium suum nullum interponere ; ea probare , quæ simillima ueri uideantur ; conferre causas, & quid in quanq; sententiam dici possit, expromere ; nulla adhibita sua auctoritate, iudiciū audientium relinquere integrum, ac liberum : tenebimus hanc consuetudinem à Socrate traditam, eaq; inter nos, si tibi Quinte frater placebit, quam sæpissime utemur . mihi uero, inquit ille, nihil potest esse iucundius. quæ cum essent dicta, surreximus.



## M. TVLLII CICERONIS

## DE FATO LIBER.

Via pertinet ad mores, quos ἠθικά  
 Græci uocant, nos eam partem  
 philosophiæ de moribus appella-  
 re solemus. sed decet augentem  
 linguam latinam nominare mo-  
 ralem. explicandaq; uis est, ra-  
 tioq; enunciationum: quæ Græci  
 ἀξιωματικά uocant: quæ de re futura cum aliquid dicunt,  
 deq; eo, quod possit fieri, aut non possit, quam uim habe-  
 ant obscura quæstio est: quam περὶ ὀυδατων appellant:  
 totaq; est logicæ: quam rationem differendi uoco. quod  
 autem in alijs libris feci, qui sunt de natura deorum,  
 itemq; in ijs, quos de diuinatione edidi, ut in utranque  
 partem perpetua explicaretur oratio, quo facilius id à  
 quoque probaretur, quod cuique maxime probabile ui-  
 deretur; in hac disputatione de fato casus quidam, ne fa-  
 cerem, impediuit. nam cum essem in Puteolano, Hirciusq;  
 noster Consul designatus ijsdem in locis, uir nobis amicis-  
 simus, & ijs studijs, in quibus nos à pueritia uiximus, de-  
 ditus; multum unà eramus, maxime nos quidem exqui-  
 rentes ea consilia, quæ ad pacem, & ad cōcordiam ciuiū  
 pertinerent. cum enim omnes post interitum Cæsaris no-  
 uarum perturbationum causæ quæri uiderētur, hisq; esse  
 occurrendum putaremus: omnis fere nostra in his deli-  
 berationibus consumebatur oratio: idq; & sæpe aliàs, et  
 quodam liberiore, quàm solebam, & magis uacuo ab in-

*ca. solebat*

teruentoribus die, cum ille ad me uenisset, primo illa, quæ  
 erant quotidiana, & quasi legitima nobis, de pace, &  
 de ocio dicta sunt. quibus acceptis, quid ergo, inquit il-  
 le, quoniam oratorias exercitationes nō tu quidem, ut spe-  
 ro, reliquisti, sed certe philosophiā illis anteposuisti, pos-  
 sum ne aliquid audire? Tu nero, inquam, uel audire,  
 uel dicere: nec enim, quod recte existimas, oratoria il-  
 la studia deserui; quibus etiam te incendi, quanquam fla-  
 grantissimum acceperam: nec ea, quæ nunc tracto, mi-  
 nuūt, sed augent potius illam facultatem: nam cum hoc  
 genere philosophiæ, quod nos sequimur, magnam habet  
 orator societatem: subtilitatem enim ab Academia mu-  
 tuatur, & ei uicissim reddit ubertatem orationis, & or-  
 namenta dicendi. quamobrem, inquam, quoniam u-  
 triusque studij nostra possessio est, hodie utro frui malis,  
 optio sit tua. Tum Hircius, gratissimum, inquit, &  
 tuorum omnium simile: nihil enim unquam abnuūt uo-  
 luntas tua meo studio. sed quoniam mihi rhetorica ue-  
 stra sat nota, teq; in his & audiuius sæpe, & audie-  
 mus, atque hanc Academicorum contra propositum di-  
 sputando consuetudinem indicant te suscepisse Tūsculanæ  
 disputationes: proponere aliquid, ad quod audiam, si ti-  
 bi non est molestum, uolo. An mihi, inquam, potest  
 quicquam esse molestum, quod tibi gratum futurum sit?  
 sed ita audies, ut Romanum hominem, ut timide ingre-  
 dientem ad hoc genus disputandi, ut longo interuallo hæc  
 studia repetentem. ita, inquit, audiam te disputantem,  
 ut ea lego, quæ scripsisti. proinde ordinare.

l. pōnere

## Multa desunt.

Consideramus hic, quorum in alijs, ut in Antipatro poeta, ut in brumali die natis, ut in simul egrotantibus fratribus, ut in urina, ut in unguibus, ut in reliquis eius modi naturæ contagio ualeret: quam ego non tollo: uis est nulla fatalis. in alijs autem fortuita quadam esse possunt, ut in illo naufragio, ut in Icadio, ut in Daphita. *E. naufrago* +  
 quadam etiam Posidonius, pace magistri dixerim, comminisci uidetur. sunt inquam quidem absurda. quid enim? si Daphita fatum fuit de equo cadere, atque ita perire, ex hoc ne equo, qui cum equus non esset, nomen habebat alienum? aut Philippus hasce in capulo quadrigulas uitare monebatur? quasi uero capulo sit occisus.

\* quid autem magnum, & naufragum illum sine nomine in riuo esse lapsum? quanquam huic quidem hic scribit prædictum in aqua esse pereundum: ne Hercule Icadij quidem prædonis uideo fatum ullum: nihil enim scribit ei prædictum. quid mirum igitur, ex spelunca saxum in crura eius incidisse? puto enim, etiam si Icadius tum in spelunca non fuisset, saxum tamen illud casurum fuisse. nam aut nihil est omnino fortuitum, aut hoc ipsum potuit euenire fortuna. quero igitur, atque hoc late patebit, si fati omnino nullum nomen, nulla natura, nulla uis esset, & forte, temere, casu aut pleaque fierent, aut omnia: num aliter, de nunc eueniunt, euenirent? quid ergo attinet inculcare fatum, cum sine fato ratio omnium rerum ad naturam, fortu-

*E. inculcare* +



nam'ue referatur? sed Posidonium, sicut æquum est, cum bona gratia dimittamus: ad Chrysippi laqueos reuertamur. cui primum quidem de ipsa rerum contagione respondeamus: reliqua postea persequemur: inter locorum naturas quantum intersit, uideamus: alios esse salubres, alios pestilentes, in alijs esse pituitosos, & quasi redundantes, in alijs exsiccatos, atque aridos: multaq; sunt alia, quæ inter locum & locum plurimum differunt. Athenis tenue cœlum, ex quo acutiores etiam putantur Attici: crassum Thebis, itaque pingues Thebani, & ualentes. tamen neque illud tenue cœlum efficiet, ut aut Zenonem quis, aut Arcesilam, aut Theophrastum audiat: neque crassum, ut Nemea potius, quàm Isthmo uictoriam petat: disiunge longius: quid enim loci natura asferre potest, ut in porticu Pompeij potius, quàm in campo ambulemus? tecum, quàm cum alio? Idibus potius, quàm Calendis? ut igitur ad quasdam res natura loci pertinet, & operatur aliquid, ad quasdam autem nihil: sic affectio astrorum ualeat, si uis, ad quasdam res, ad omnes certe non ualebit. at enim quoniam in naturis hominum dissimilitudines sunt, ut alios dulcia, alios subamara delectent, alij libidinosi, alij iracundi, aut crudeles, aut superbi sint, alij talibus uitijs abhorreant: quoniam igitur, inquit, tantum natura à natura distat; quid mirum est, has dissimilitudines ex differentibus causis esse factas? hæc differens, quæ de re agatur, & in quo causa consistat, non uidet. nō enim, si alij ad alia propensiores sint propter causas naturales, & antecedentes, ictirco etiam nostrarum uoluntatum, atque appetitionum sunt causæ naturales, & antecedentes: nam nihil esset in nostra

potestate, si res ita se haberet: nunc uero fateamur, acuti, hebetes ne, ualentes, imbecilli ne simus, non esse id in nobis. qui autem ex eo cogi putat, ne ut sedeamus quidem, aut ambulemus uoluntatis esse, is non uidet. quæ quæque res consequatur. ut enim & ingeniosi, & tardi ita nascentur antecedentibus causis, itemq; ualentes, & imbecilli: non sequitur tamen, ut etiam sedere, & ambulare, & rem agere aliquam, principalibus causis definitum, & constitutum sit. Stylphonem Megaricum philosophum, acutum sanè hominem, & probatum temporibus illis accepimus. hunc scribunt ipsius familiares & ebriosum, & mulierosum fuisse: neque hoc scribunt uituperantes, sed potius ad laudem: uitiosam enim naturam ab eo sic edomitam, & compressam esse doctrina, ut nemo unquam uinolentum illum, nemo in eo libidinis uestigium uiderit. quid? Socratem nonne legimus quæ admodum notarit Zopirus physiognomon, qui se profitebatur hominum mores naturasq; ex corpore, oculis, uultu, fronte pernoscere? stupidum esse Socratem dixit, & bardum, quòd iugula concava non haberet: obstruitas eas partes, & obturatas esse dicebat: addidit etiam mulierosum: in quo Alcibiades cachinnum dicitur sustulisse. sed hæc ex naturalibus causis uitia nasci possunt: extirpari autem, & funditus tolli, ut is ipse, qui ad ea propensus fuerit, à tantis uitijs auocetur, non est id possum in naturalibus causis, sed in uoluntate, studio, disciplina: quæ tolluntur omnia, si uis & natura fati ex diuinationis ratione firmabitur. etenim si est diuinatio, qualibet natura à præceptis artis profisciscitur: præcepta appello, quæ dicuntur græce βεβημετα. non enim

credo nullo præcepto aut ceteros artifices uersari in suo munere, aut eos, qui diuinatione utantur, futura prædicere. sunt igitur astrologorum præcepta huiusmodi. si quis, uerbi causa, oriente canicula natus est, is in mari non morietur. uigila Chrysippe, ne tuam causam, in qua tibi cum Diodoro ualente dialectico magna luctatio est, deferas. si enim uerum est, quod ita connectitur; si quis oriente canicula natus est, in mari non morietur: illud quoque uerum est; si Fabius oriente canicula natus est, Fabius in mari non morietur. pugnant ergo hæc inter se, oriente canicula natum esse, & in mari Fabium moriturum: & quoniam certum in Fabio ponitur, ortum esse eum canicula oriente, hæc quoque pugnant, & esse Fabium, & in mari moriturum. ergo hæc quoque coniunctio est ex repugnantibus, & est Fabius, & in mari Fabius morietur. quod ut propositum est, ne fieri quidem potest. ergo illud, morietur in mari Fabius, ex eo genere est, quod fieri non potest. omne igitur, quod falsum dicitur in futuro, id fieri non potest. at hoc Chrysippe minime uis: maximeq; tibi de hoc ipso cum Diodoro certamen est: ille enim id solum fieri posse dicit, quod aut sit uerum, aut futurum sit uerum. & quicquid futurum sit, id dicit fieri necesse esse; & quicquid non sit futurum, id negat fieri posse. tu, & quæ non sint futura, posse fieri dicis; ut frangi hanc gemmam, etiam si id nunquam futurum sit: neque necesse fuisse Cypselum regnare Corinthi, quanquam id millesimo ante anno Apollinis oraculo editum esset. at si ista comprobabis diuina prædicta: & quæ falsa in futuris dicentur, in his habemus, ut ea fieri non possint: ut si dicatur Afri-



canum Carthagine potiturum, & si uere dicatur de futuro, idq; ita futurum sit, dicas esse necessarium. quæ est tota Diodori nobis inimica sententia. etenim si illud uere connectitur; si oriente canicula natus es, in mari non morieris; primumq; quod in connexo, natus es oriente canicula, necessarium est; omnia enim uera in præteritis necessaria sunt, ut Chrysippo placet dissentienti à magistro Cleanthe, quia sunt immutabilia, nec in falsum e uero præterita possunt conuerti: si igitur quod primum in connexo est, necessarium est, fit etiam quod consequitur necessarium. quanquam hoc Chrysippo non uidetur ualere in omnibus. sed tamen, si naturalis est causa cur in mari Fabius non moriatur, in mari Fabius mori non potest. hoc loco Chrysippus asiuans falli sperat Chaldaos, ceterosq; diuinos, neque eos usuros esse conjunctionibus, ut ita sua præcepta pronuncient, si quis natus est oriente canicula, is in mari non morietur, sed potius ita dicant, non & natus est quis oriente canicula, & is in mari morietur. ò licentiam iocularem: ne ipse incidat in Diodorum, docet Chaldaos, quo pacto eos exponere præcepta oporteat. quæro enim, si Chaldaei ita loquantur, ut negationes infinitarum conjunctionum potius, q̃ infinita conexa ponat: cur idem medici, cur geometræ, cur reliqui facere non possint? medicus in primis, quod erit ei perspectum in arte, non ita proponet; si cui uena sic mouentur, is habet febrē: sed potius illo modo; nō & huic uena sic mouentur, & febrē is non habet. itemq; geometræ nō ita dicet; si in sphaera maximi orbes sunt, medij inter se diuiduntur: sed potius illo modo; nō et sunt in sphaera maximi orbes, & hī nō medij inter se diuiduntur. quid

est, quod non possit isto modo ex connexo transferri ad  
coniunctionum negationem? & quidem alijs modis eas=  
dem res efferre possumus. modo dixi, si in sphaera ma=  
ximi orbes sunt, medij inter se diuiduntur: possum di=  
cere, si in sphaera maximi orbes erunt: possum dicere,  
quia in sphaera maximi orbes erunt. multa genera  
sunt enunciandi, nec ullum distortius, quàm hoc, quò  
Chrysippus sperat Chaldaeos contentos Stoicorum causa  
fore. illorum tamen nemo ita loquitur: maius est enim  
has contortiones orationis, quàm signorum ortus obitusq;  
perdiscere. sed ad illam Diodori contentionem, quam  
περί ἀνακτόν appellant, reuertamur. in qua quid ua=  
leat id, quod fieri possit, inquirat. placet igitur Diodoro  
id solum fieri posse, quod aut uerum sit, aut uerum futu=  
rum sit. qui locus attingit hanc quæstionem; nihil fieri,  
quod non necesse fuerit; & quicquid fieri possit, id aut  
esse iam, aut futurum esse; nec magis commutari ex ue=  
ris in falsa ea posse, quæ futura sunt, quàm ea, quæ fa=  
cta sunt; sed in factis immutabilitatem apparere; in fu=  
turis quibusdam quia non apparent, ne necesse quidem  
uideri: ut in eo, qui mortifero morbo urgeatur, uerum  
sit, hic morietur hoc morbo: at hoc idem si uere dicatur  
in eo, in quo uis morbi tanta non appareat, nihilo mi=  
nus futurum sit. ita fit, ut commutatio ex uero in fal=  
sum ne in futuro quidem ulla fieri possit. nam, morie=  
tur Scipio, talem uim habet, ut, quanquam de futuro di=  
cetur, tamen id non possit conuerti in falsum: de homi=  
ne enim dicitur, cui necesse est mori. sic si diceretur, mo=  
rietur noctu in cubiculo suo Scipio ui oppressus, uere di=  
ceretur: id. n. fore diceretur, quod esset futurum: futurum  
autem

tem fuisse, ex eo, quia factum est, intelligi debet : nec magis erat uerum, morietur Scipio, quam, morietur illo modo : nec minus necesse est mori Scipioni, quam illo modo mori : nec magis immutabile ex uero in falsum, necatus est Scipio, quam, necabitur Scipio : nec, cum hac ita sint, est causa cur Epicurus fatum extimescat, & ab atomis petat praesidium, easque de uia deducat, & uno tempore suscipiat res duas inenodabiles, unam, ut sine causa fiat aliquid, ex quo existet, ut de nihilo quippiam fiat, quod nec ipsi, nec cuiquam physico placet ; alteram, ut, cum duo indiuidua per inanitatem ferantur, alterum è regione moueatur, alterum declinet : licet enim Epicuro, concedenti omne enūciatum aut uerum, aut falsum esse, non uereri, ne omnia fato fieri sit necesse : non enim æternis causis naturæ necessitate manantibus uerum est id, quod ita enunciatur : descendit in Academiam Carneades : nec tamen sine causis : sed interest inter causas fortuito antegressas, & inter causas cohibentes in se efficientiam naturalem. ita et semper uerum fuit, morietur Epicurus, cum duo & septuaginta annos uixerit, Archonte Pitarato : neque tamen erant causæ fatales, cur ita accideret : sed quod ita cecidisset, certe casurum, sicut cecidit, fuit. nec ij, qui dicunt immutabilia esse, quæ futura sint, nec posse uerum futurum conuerti in falsum, fati necessitatem confirmant, sed uerborum uim interpretantur. at qui introducunt causarum seriem sempiternam, ij mentem hominis uoluntate libera spoliata, necessitate fati deuinciunt. sed hæc hætenus. alia uideamus. concludit enim Chrysippus hoc modo : si est motus sine causa, non omnis enunciatio, quod ἀξίωμα dialectici appellant, aut



uera, aut falsa erit : causas enim efficientes quod non ha-  
 bebit, id nec uerum, nec falsum erit : omnis autem enun-  
 ciatio aut uera, aut falsa est : motus ergo sine causa nul-  
 lus est. quod si ita est, omnia, quæ sunt, causis sunt ante-  
 gressis : id si ita est, omnia fato fiunt : efficitur igitur fa-  
 to fieri quæcunq; fiant. hic primum si mihi libeat assenti-  
 ri Epicuro, & negare omnem enunciationem aut ueram  
 esse, aut falsam, eam plagam potius accipiam, quàm fa-  
 to omnia fieri cōprobem : illa enim sententia aliquid ha-  
 bet disputationis, hæc uero non est tolerabilis : itaq; con-  
 tendit omnes neruos Chrysippus, ut persuadeat omne  
 αἰῶνα aut uerum esse, aut falsum. ut enim Epicurus ue-  
 retur, ne, si hoc concesserit, concedendū sit, fato fieri quæ-  
 cunq; fiant ; si enim alterutrum ex æternitate uerum  
 sit, esse id etiam certum ; & si certum, etiam necessariū ;  
 ita et necessitatem, et fatum confirmari putat : sic Chry-  
 sippus metuit, ne, si non obtinuerit, omne, quod enuncie-  
 tur, aut uerum esse, aut falsum, omnia fato fieri possint,  
 & ex causis æternis rerum futurarum. sed Epicurus de-  
 clinatione atomi uitari fati necessitatem putat. itaq; ter-  
 tius quidam motus oritur extra pondus, et plagam, cum  
 declinat atomus interuallo minimo. id appellat ἐλάχι-  
 στον. quam declinationem sine causa fieri, si minus uer-  
 bis, re cogitur confiteri : non enim atomus ab atomo pul-  
 sa declinat : nam qui potest pelli alia ab alia, si gravitate  
 feruntur ad perpendicularum corpora indiuidua, rectis li-  
 neis, ut Epicuro placet ? sequitur enim, ut, si alia ab alia  
 nunquam depellatur, ne contingat quidem alia aliam. ex  
 quo efficitur, ut iam si sit atomus, eaq; declinet, declinare  
 sine causa. hanc rationem Epicurus induxit ob eam rem,

quod ueritus est, ne, si semper atomus gravitate ferretur naturali, ac necessaria, nihil liberum nobis esset, cum ita moueretur animus, ut atomorum motu cogeretur. id Democritus auctor atomorum accipere maluit, necessitate omnia fieri, quam à corporibus indiuiduis naturales motus auellere. acutius Carneades, qui docebat Epicureos suam causam sine hac commentitia declinatione defendere. nam cum doceret esse posse quendam animi motum uoluntarium, id fuit defendi melius, quam introducere declinationem, cuius præsertim causam reperire non possunt. quo defenso, facile Chrysippo possent resistere: cum enim concessissent motum nullum esse sine causa, non concederent, omnia, quæ fierent, fieri causis antecedentibus: uoluntatis enim nostræ non esse causas externas, & antecedentes. communi igitur consuetudine sermonis abutimur, cum ita dicimus, uelle aliquid quempiam, aut nolle sine causa. ita enim dicimus sine causa, ut dicamus sine externa & antecedente causa, non sine aliqua. ut cum uas inane dicimus, non ita loquimur ut physici, quibus inane esse nihil placet; sed ita, ut, uerbi causa, sine aqua, sine uino, sine oleo uas esse dicamus: sic, cum sine causa animum moueri dicimus, sine antecedente & externa causa moueri, non omnino sine causa, dicimus. de ipsa atomo dici potest, cum per inane moueatur gravitate, & pondere, sine causa moueri, quia nulla causa accedat extrinsecus. rursus autem, ne omnes physici irrideamur, si dicamus quicquam fieri sine causa, distinguendum est, & ita dicendum, ipsius indiuidui hanc esse naturam, ut pondere & gravitate moueatur, eamque ipsam esse causam cur ita feratur. similiter ad animorum

c. à physici-  
cis

motus uoluntarios, non est requirenda externa causa. mo-  
 tus enim uoluntarius eam naturam in se ipso continet, ut  
 sit in nostra potestate, nobisq; pareat : nec id sine causa :  
 eius enim rei causa, ipsa natura est. quod cum ita sit,  
 quid est, cur non omnis pronuntiatio aut uera, aut falsa  
 sit? nisi concesserimus fato fieri quacumq; fiant. quia fu-  
 tura, inquit, uera non possunt esse ea, quæ causas, cur fu-  
 tura sint, non habent. habeant igitur causas necesse est, ut  
 ea, quæ uera sunt, ita cum euenerint, fato euenerint. con-  
 fectum negotium, si quidem tibi concedendum est, aut  
 fato omnia fieri, aut quicquam posse fieri sine causa. an  
 aliter hæc enunciatio uera esse non potest, capiet Numan-  
 tiam Scipio, nisi ex æternitate causa causam serens hoc  
 erit effectura? an hoc falsum potuisset esse, si esset sexcen-  
 tis seculis ante dictum? et si tum non esset uera hæc enun-  
 ciatio, capiet Numantiam Scipio; ne illa quidem uera est  
 hæc enunciatio, capiet Numantiam Scipio. potest igitur  
 quicquam factum esse, quod non uerum fuerit futurum  
 esse. nam ut præterita ea uera dicimus, quorum superio-  
 re tempore uera fuerint instantia: sic futura, quorum  
 consequenti tempore uera erunt instantia, ea uera dice-  
 mus. nec si omne enunciatum aut uerum aut falsum est,  
 sequitur ilico esse causas immutabiles, easq; æternas, quæ  
 prohibeant quicquam secus cadere, atq; casurum sit. for-  
 tuitæ sunt causæ, quæ efficiant, ut uere dicantur, quæ ita  
 dicentur, ueniet Cato in senatum; non incluse in rerum  
 natura, atq; mundo. & tamen tam est immutabile uen-  
 turum, cum est uerum; quàm uenisse; nec ob eam cau-  
 sam fatum, aut necessitas extimescenda est. etenim erit  
 confiteri necesse, si hæc enunciatio, ueniet in Tusculanum



Hortensius, uerum non est : sequitur, ut falsum sit. quorum isti neutrum uolunt : quod fieri non potest. nec nos impedit illa ignaua ratio, quæ dicitur : appellatur enim quidam à philosophis ἀεὶ ὄντος λόγος : cui si pareamus, nihil est omnino, quod agamus in uita. sic enim interrogant : si fatum tibi est ex hoc morbo conualescere ; siue medicum adhibueris, siue non, conualesces. item, si fatum tibi est ex hoc morbo non conualescere ; siue tu medicum adhibueris, siue non, non conualesces. & alterutrum fatum est : medicum ergo adhibere nihil attinet. recte genus hoc interrogationis ignauum, atq; iners nominatum est, & eadem ratione omnis è uita tollitur actio. licet etià immutare, ut fati nomen non adiungas, & eandem tamen teneas sententiã, hoc modo. si ex æternitate uerum hoc fuit, ex isto morbo conualesces ; siue adhibueris medicum. siue non, conualesces. itemq; si ex æternitate hoc falsum fuit, ex isto morbo non conualesces ; siue adhibueris medicum, siue non adhibueris, non conualesces : deinde cetera. hæc ratio à Chrysippo reprehenditur. quædam enim sunt, inquit, in rebus simplicia, quædam copulata. simplex est, morietur eo die Socrates. huic, siue quid fecerit, siue nō fecerit, finitus est moriendi dies. at si ita fatum sit, nascetur Oedipus Laio, non poterit dici, siue fuerit Laius cum muliere, siue non fuerit : copulata enim res est, & confatalis : sic enim appellat : quia ita fatum sit, & concubiturum cum uxore Laium, & ex ea Oedipum procreaturum. ut si esset dictum, luëtabitur Olympius Milo; et referret aliquis, ergo, siue habuerit aduersarium, siue non habuerit, luëtabitur : erraret : est enim copulatum, luëtabitur, quia sine aduersario nulla luëtatio est. omnes

tia & repugnantia uidentes : qui propè iam absoluti, et perfecti putantur . quorum licentiæ nisi Carneades restitisset, haud scio an soli iam philosophi indicarentur. cū quibus omnis ferè nobis disceptatio, contentioq; est : non quòd eos maxime contemnamus : sed quòd uidentur acutissime sententias suas, prudentissimeq; defendere . cum autem proprium sit Academiæ, iudiciū suum nullum interponere ; ea probare , quæ simillima ueri uideantur ; conferre causas, & quid in quanq; sententiam dici possit, expromere ; nulla adhibita sua auctoritate, iudiciū audientium relinquere integrum, ac liberum: tenebimus hanc consuetudinem à Socrate traditam, eaq; inter nos, si tibi Quinte frater placebit, quam sæpissime utemur . mihi uero, inquit ille, nihil potest esse iucundius. quæ cum essent dicta, surreximus.

## M. TVLLII CICERONIS

## DE FATO LIBER.

Via pertinet ad mores, quos ἤθη  
 Græci uocant, nos eam partem  
 philosophiæ de moribus appella=  
 re solemus. sed decet augentem  
 linguam latinam nominare mo=  
 ralem. explicandaq; uis est, ra=  
 tioq; enunciationum: quæ Græci  
 ἀξιωματικὰ uocant: quæ de re futura cum aliquid dicunt,  
 deq; eo, quod possit fieri, aut non possit, quam uim habe=  
 ant obscura quæstio est: quam περὶ δυνάτων appellant: totaq;  
 est logicæ: quam rationem differendi uoco. quod  
 autem in alijs libris feci, qui sunt de natura deorum,  
 itemq; in ijs, quos de diuinatione edidi, ut in utranque  
 partem perpetua explicaretur oratio, quo facilius id à  
 quoque probaretur, quod cuique maxime probabile ui=  
 deretur; in hac disputatione de fato casus quidam, ne fa=  
 cerem, impediuit. nam cum essem in Puteolano, Hirciusq;  
 noster Consul designatus ijsdem in locis, uir nobis amicis=  
 simus, & ijs studijs, in quibus nos à pueritia uiximus, de=  
 ditus; multum unà eramus, maxime nos quidem exqui=  
 rentes ea consilia, quæ ad pacem, & ad cōcordiam ciuiū  
 pertinerent. cum enim omnes post interitum Cæsaris no=  
 uarum perturbationum causæ quæri uiderentur, hisq; esse  
 occurrendum putaremus: omnis fere nostra in his deli=  
 berationibus consumebatur oratio: idq; & sæpe aliàs, et  
 quodam liberiore, quàm solebam, & magis uacuo ab in=

in solebat



teruentoribus die, cum ille ad me uenisset, primo illa, quæ erant quotidiana, & quasi legitima nobis, de pace, & de ocio dicta sunt. quibus acceptis, quid ergo, inquit ille, quoniam oratorias exercitationes nō tu quidem, ut spero, reliquisti, sed certe philosophiā illis anteposuisti, possum ne aliquid audire? Tu uero, inquam, uel audire, uel dicere: nec enim, quod recte existimas, oratoria illa studia deserui; quibus etiam te incendi, quanquam flagrantissimum acceperam: nec ea, quæ nunc tracto, minuit, sed augent potius illam facultatem: nam cum hoc genere philosophiæ, quod nos sequimur, magnam habet orator societatem: subtilitatem enim ab Academia mutuatur, & ei uicissim reddit ubertatem orationis, & ornamenta dicendi. quamobrem, inquam, quoniam utriusque studij nostra possessio est, hodie utro frui malis, optio sit tua. Tum Hircius, gratissimum, inquit, & tuorum omnium simile: nihil enim unquam abnuic uoluntas tua meo studio. sed quoniam mihi rhetorica uestra sat nota, teq; in his & audiuius sæpe, & audimus; atque hanc Academicorum contra propositum disputandi consuetudinem indicant te suscepisse Tusculana disputationes: proponere aliquid, ad quod audiam, si tibi non est molestum, uolo. An mihi, inquam, potest quicquam esse molestum, quod tibi gratum futurum sit? sed ita audies, ut Romanum hominem, ut timide ingredientem ad hoc genus disputandi, ut longo intervallo hæc studia repetentem. Itæ, inquit, audiam te disputantem, ut ea lego, quæ scripsisti. proinde ordire.

l. pōnere

## Multa desunt.

Consideramus hic, quorum in alijs, ut in Antipatro poeta, ut in brumali die natis, ut in simul agrotantibus fratribus, ut in urina, ut in unguibus, ut in reliquis eius modi naturæ contagio ualeret: quam ego non tollo: uis est nulla fatalis. in alijs autem fortuita quadam esse possunt, ut in illo naufragio, ut in Icadio, ut in Daphita. *ē. naufrago*  
 quadam etiam Posidonius, pace magistri dixerim, comminisci uidetur. sunt inquam quidem absurda. quid enim? si Daphitæ fatum fuit de equo cadere, atque ita perire, ex hoc ne equo, qui cum equus non esset, nomen habebat alienum? aut Philippus hæc in capulo quadrigulas uitare monebatur? quasi uero capulo sit occisus.

\* quid autem magnum, & naufragum illum sine nomine in riuo esse lapsum? quanquam huic quidem hic scribit prædictum in aqua esse pereundum: ne Hercule Ica dii quidem prædonis uideo fatum ullum: nihil enim scribit ei prædictum. quid mirum igitur, ex spelunca saxum in crura eius incidisse? puto enim, etiam si Icadius tum in spelunca non fuisset, saxum tamen illud casurum fuisse. nam aut nihil est omnino fortuitum, aut hoc ipsum potuit euenire fortuna. quaero igitur, atque hoc late patebit, si fati omnino nullum nomen, nulla natura, nulla uis esset, & forte, temere, casu aut pleaque fierent, aut omnia: num aliter, de nunc eueniunt, euenirent? quid ergo attinet inculcare fatum, cum *ē. inculcare*  
 sine fato ratio omnium rerum ad naturam, fortu-

nam'ue referatur? sed Posidonium, sicut equum est, cum bona gratia dimittamus: ad Chrysippi laqueos reuertamur. cui primum quidem de ipsa rerum contagione respondeamus: reliqua postea persequemur. inter locorum naturas quantum intersit, uideamus: alios esse salubres, alios pestilentes, in alijs esse pituitosos, & quasi redundantes, in alijs exsiccatos, atque aridos: multaque sunt alia, quæ inter locum & locum plurimum differunt. Athenis tenue cælum, ex quo acutiores etiam putantur Attici: crassum Thebis, itaque pingues Thebani, & ualentes. tamen neque illud tenue cælum efficiet, ut aut Zenonem quis, aut Arcesilam, aut Theophrastum audiat: neque crassum, ut Nemea potius, quam Isihmo uictoriam petat. disjunge longius. quid enim loci natura asferre potest, ut in porticu Pompeij potius, quam in campo ambulemus? tecum, quam cum alio? Idibus potius, quam Calendis? ut igitur ad quasdam res natura loci pertinet, & operatur aliquid, ad quasdam autem nihil: sic affectio astrorum ualeat, si uis, ad quasdam res, ad omnes certe non ualebit. at enim quoniam in naturis hominum dissimilitudines sunt, ut alios dulcia, alios subamara delectent, alij libidinosi, alij iracundi, aut crudeles, aut superbi sint, alij talibus uitijs abhorreant: quoniam igitur, inquit, tantum natura à natura distat; quid mirum est, has dissimilitudines ex differentibus causis esse factas? hæc differens, quæ de re agatur, & in quo causa consistat, non uidet. nō enim, si alij ad alia propensiores sint propter causas naturales, & antecedentes, ideo etiam nostrarum uoluntatum, atque appetitionum sunt causæ naturales, & antecedentes: nam nihil esset in nostra



potestate, si res ita se haberet: nunc uero fateamur, acuti, hebetes ne, ualentes, imbecilli ne simus, non esse id in nobis. qui autem ex eo cogi putat, ne ut sedeamus quidem, aut ambulemus uoluntatis esse, is non uidet quæ quaque res consequatur: ut enim & ingeniosi, & tardi ita nascantur antecedentibus causis, itemq; ualentes, & imbecilli: non sequitur tamen, ut etiam sedere, & ambulare, & rem agere aliquam, principalibus causis definitum, & constitutum sit. Stylphonem Megaricum philosophum, acutum sanè hominem, & probatum temporibus illis accepimus. hunc scribunt ipsius familiares & ebriosum, & mulierosum fuisse: neque hoc scribunt uituperantes, sed potius ad laudem: uitiosam enim naturam ab eo sic edomitam, & compressam esse doctrina, ut nemo unquam uinolentum illum, nemo in eo libidinis uestigium uiderit. quid? Socratem non ne legimus quæ admodum notarit Zopirus physiognomon, qui se profitebatur hominum mores naturasq; ex corpore, oculis, uultu, fronte pernoscere? stupidum esse Socratem dixit, & bardum, quod iugula concava non haberet: obstruētas eas partes, & obturatas esse dicebat: addidit etiam mulierosum: in quo Alcibiades cachinnum dicitur sustulisse. sed hæc ex naturalibus causis uitia nasci possunt: extirpari autem, & funditus tolli, ut is ipse, qui ad ea propensus fuerit, à tantis uitijs auocetur, non est id positum in naturalibus causis, sed in uoluntate, studio, disciplina: quæ tolluntur omnia, si uis & natura fati ex diuinationis ratione firmabitur. etenim si est diuinatio, qualibet natura à præceptis artis proficitur: præcepta appello, quæ dicuntur græce βεβήματα. non enim

credo nullo præcepto aut ceteros artifices uersari in suo munere, aut eos, qui diuinatione utantur, futura prædicere. sunt igitur astrologorum præcepta huiusmodi. si quis, uerbi causa, oriente canicula natus est, is in mari non morietur. uigila Chrysippe, ne tuam causam, in qua tibi cum Diodoro ualente dialectico magna luctatio est, deferas. si enim uerum est, quod ita conuenit, si quis oriente canicula natus est, in mari non morietur: illud quoque uerum est, si Fabius oriente canicula natus est, Fabius in mari non morietur. pugnant ergo hæc inter se, oriente canicula natum esse, & in mari Fabium moriturum: & quoniam certum in Fabio ponitur, ortum esse eum canicula oriente, hæc quoque pugnant, & esse Fabium, & in mari moriturum: ergo hæc quoque coniunctio est ex repugnantibus, & est Fabius, & in mari Fabius morietur. quod ut propositum est, ne fieri quidem potest. ergo illud, morietur in mari Fabius, ex eo genere est, quod fieri non potest. omne igitur, quod falsum dicitur in futuro, id fieri non potest. at hoc Chrysippe minime uis: maximeq; tibi de hoc ipso cum Diodoro certamen est: ille enim id solum fieri posse dicit, quod aut sit uerum, aut futurum sit uerum: & quicquid futurum sit, id dicit fieri necesse esse; & quicquid non sit futurum, id negat fieri posse: tu, & quæ non sint futura, posse fieri dicis; ut frangi hanc gemmam, etiam si id nunquam futurum sit: neque necesse fuisse Cypselum regnare Corinthi, quanquam id millesimo ante anno Apollinis oraculo editum esset: at si ista comprobabis diuina prædicta: & quæ falsa in futuris dicentur, in his habemus, ut ea fieri non possint: ut si dicatur Afri-

canum Carthagine potiturum, & si uere dicatur de futuro, idq; ita futurum sit, dicas esse necessarium. quæ est tota Diodori nobis inimica sententia. etenim si illud uere connectitur; si oriente canicula natus es, in mari non morieris; primumq; quod in connexo, natus es oriente canicula, necessarium est; omnia enim uera in præteritis necessaria sunt, ut Chrysippo placet dissentienti à magistro Cleanthe, quia sunt immutabilia, nec in falsum è uero præterita possunt conuerti: si igitur quod primum in connexo est, necessarium est, fit etiam quod consequitur necessarium. quanquam hoc Chrysippo non uidetur ualere in omnibus. sed tamen, si naturalis est causa cur in mari Fabius non moriatur, in mari Fabius mori non potest. hoc loco Chrysippus astuans falli sperat Chaldaeos, ceterosq; diuinos, neque eos usuros esse conjunctionibus, ut ita sua præcepta pronuncient, si quis natus est oriente canicula, is in mari non morietur, sed potius ita dicant, non & natus est quis oriente canicula, & is in mari morietur. ò licentiam ioculari: ne ipse incidat in Diodorum, docet Chaldaeos, quo pacto eos exponere præcepta oporteat. quæro enim, si Chaldaei ita loquantur, ut negationes infinitarum conjunctionum potius, q̃ infinita conexa ponat: cur idem medici, cur geometræ, cur reliqui facere non possint? medicus in primis, quod erit ei perspectum in arte, non ita proponet; si cui uena sic mouentur, is habet febrē: sed potius illo modo; nō & huic uenæ sic mouentur, & febrē is non habet. itemq; geometres nō ita dicet; si in sphaera maximi orbes sunt, medij inter se diuiduntur: sed potius illo modo; nō et sunt in sphaera maximi orbes, & hi nō medij inter se diuiduntur. quid



est, quod non possit isto modo ex connexo transferri ad  
coniunctionum negationem? & quidem alijs modis eas-  
dem res efferre possumus. modo dixi, si in sphaera ma-  
ximi orbes sunt, medij inter se diuiduntur: possum di-  
cere, si in sphaera maximi orbes erunt: possum dicere,  
quia in sphaera maximi orbes erunt. multa genera  
sunt enunciandi, nec ullum distortius, quàm hoc, quo  
Chrysippus sperat Chaldaeos contentos Stoicorum causa  
fore. illorum tamen nemo ita loquitur: maius est enim  
has contortiones orationis, quàm signorum ortus obitusq;  
perdiscere. sed ad illam Diodori contentionem, quam  
περί ἀνακτῶν appellant, reuertamur. in qua quid ual-  
leat id, quod fieri possit, inquiri. placet igitur Diodoro  
id solum fieri posse, quod aut uerum sit, aut uerum futu-  
rum sit. qui locus attingit hanc quæstionem; nihil fieri,  
quod non necesse fuerit; & quicquid fieri possit, id aut  
esse iam, aut futurum esse; nec magis commutari ex ue-  
ris in falsa ea posse, quæ futura sunt, quàm ea, quæ fa-  
cta sunt; sed in factis immutabilitatem apparere; in fu-  
turis quibusdam quia non apparent, ne necesse quidem  
uideri: ut in eo, qui mortifero morbo urgeatur, uerum  
sit, hic morietur hoc morbo: at hoc idem si uere dicatur  
in eo, in quo uis morbi tanta non appareat, nihilo mi-  
nus futurum sit. ita fit, ut commutatio ex uero in fal-  
sum ne in futuro quidem ulla fieri possit. nam, morie-  
tur Scipio, talem uim habet, ut, quanquam de futuro di-  
cetur, tamen id non possit conuerti in falsum: de homi-  
ne enim dicitur, cui necesse est mori. sic si diceretur, mo-  
rietur noctu in cubiculo suo Scipio ui oppressus, uere di-  
ceretur: id. n. fore diceretur, quod esset futurum: futurum  
autem

tem fuisse, ex eo, quia factum est, intelligi debet : nec magis erat uerum, morietur Scipio, quàm, morietur illo modo : nec minus necesse est mori Scipioni, quàm illo modo mori : nec magis immutabile ex uero in falsum, necatus est Scipio, quàm, necabitur Scipio : nec, cum hæc ita sint, est causa cur Epicurus fatum extimescat, & ab atomis petat prasidium, easq; de uia deducat, & uno tempore suscipiat res duas inenodabiles, unam, ut sine causa fiat aliquid, ex quo existet, ut de nihilo quippiam fiat, quod nec ipsi, nec cuiquam physico placet ; alteram, ut, cum duo indiuidua per inanitatem ferantur, alterum è regione moueatur, alterum declinet : licet enim Epicuro, concedenti omne enūciatum aut uerum, aut falsum esse, non uereri, ne omnia fato fieri sit necesse : non enim æternis causis naturæ necessitate manantibus uerum est id, quod ita enunciatur : descendit in Academiam Carneades : nec tamen sine causis : sed interest inter causas fortuito antegressas, & inter causas cohibentes in se efficientiam naturalem. ita et semper uerum fuit, morietur Epicurus, cum duo & septuaginta annos uixerit, Archonte Pitarato : neq; tamen erant causæ fatales, cur ita accideret : sed quòd ita cecidisset, certe casurum, sicut cecidit, fuit. nec ij, qui dicunt immutabilia esse, quæ futura sint, nec posse uerum futurum conuerti in falsum, fati necessitatem confirmant, sed uerborum uim interpretantur . at qui introducunt causarum seriem sempiternam, ij mentem hominis uoluntate libera spoliata, necessitate fati deuinciunt. sed hæc hætenus . alia uideamus . concludit enim Chrysippus hoc modo : si est motus sine causa, non omnis enunciatio, quod ἀξίωμα dialectici appellant, aut

uera, aut falsa erit : causas enim efficientes quod non ha-  
 bebit, id nec uerum, nec falsum erit : omnis autem enun-  
 ciatio aut uera, aut falsa est : motus ergo sine causa nul-  
 lus est. quod si ita est, omnia, quæ fiunt, causis fiunt ante-  
 gressis : id si ita est, omnia fato fiunt : efficitur igitur fa-  
 to fieri quæcunq; fiant. hic primum si mihi libeat assenti-  
 ri Epicuro, & negare omnem enunciationem aut ueram  
 esse, aut falsam, eam plagam potius accipiam, quàm fa-  
 to omnia fieri cōprobem : illa enim sententia aliquid ha-  
 bet disputationis, hæc uero non est tolerabilis : itaq; con-  
 tendit omnes ueruos Chrysippus, ut persuadeat omne  
 αἰσιμα aut uerum esse, aut falsum. ut enim Epicurus ue-  
 retur, ne, si hoc concesserit, concedendū sit, fato fieri quæ-  
 cunq; fiant ; si enim alterutrum ex æternitate uerum  
 sit, esse id etiam certum ; & si certum, etiam necessariū ;  
 ita et necessitatem, et fatum confirmari putat : sic Chry-  
 sippus metuit, ne, si non obtinuerit, omne, quod enuncie-  
 tur, aut uerum esse, aut falsum, omnia fato fieri possint,  
 & ex causis æternis rerum futurarum. sed Epicurus de-  
 clinatione atomi uitari fati necessitatem putat. itaq; ter-  
 tius quidam motus oritur extra pondus, et plagam, cum  
 declinat atomus interuallo minimo : id appellat ἐλάχι-  
 στον. quam declinationem sine causa fieri, si minus uer-  
 bis, re cogitur confiteri : non enim atomus ab atomo pul-  
 sa declinat : nam qui potest pelli alia ab alia, si gravitate  
 feruntur ad perpendicularum corpora indiuidua, rectis li-  
 neis, ut Epicuro placet ? sequitur enim, ut, si alia ab alia  
 nunquam depellatur, ne contingat quidem alia aliam. ex  
 quo efficitur, ut iam si sit atomus, eaq; declinet, declinare  
 sine causa. hanc rationem Epicurus induxit ob eam rem,



quod ueritus est, ne, si semper atomus gravitate ferretur naturali, ac necessaria, nihil liberum nobis esset, cum ita moueretur animus, ut atomorum motu cogeretur. id. Democritus auctor atomorum accipere maluit, necessitate omnia fieri, quàm à corporibus indiuiduis naturales motus auellere. acutius Carneades, qui docebat Epicureos suam causam sine hac commentitia declinatione defendere. nam cum doceret esse posse quendam animi motum uoluntarium, id fuit defendi melius, quàm introducere declinationem, cuius præsertim causam reperire non possunt. quo defenso, facile Chrysippo possent resistere: cum enim concessissent motum nullum esse sine causa, non concederent, omnia, quæ fierent, fieri causis antecedentibus: uoluntatis enim nostræ non esse causas externas, & antecedentes. communi igitur consuetudine sermonis abutimur, cum ita dicimus, uelle aliquid quempiam, aut nolle sine causa. ita enim dicimus sine causa, ut dicamus sine externa & antecedente causa, non sine aliqua. ut cum uas inane dicimus, non ita loquimur ut physici, quibus inane esse nihil placet; sed ita, ut, uerbi causa, sine aqua, sine uino, sine oleo uas esse dicamus: sic, cum sine causa animum moueri dicimus, sine antecedente & externa causa moueri, non omnino sine causa, dicimus. de ipsa atomo dici potest, cum per inane moueatur gravitate, & pondere, sine causa moueri, quia nulla causa accedat extrinsecus. rursus autem, ne omnes physici irrideamur, si dicamus quicquam fieri sine causa, distinguendum est, & ita dicendum, ipsius indiuidui hanc esse naturam, ut pondere & gravitate moueatur, eamq; ipsam esse causam cur ita feratur. similiter ad animorum

ē. à physi-  
cis

motus uoluntarios, non est requirenda externa causa. motus enim uoluntarius eam naturam in se ipso continet, ut sit in nostra potestate, nobisq; pareat: nec id sine causa: eius enim rei causa, ipsa natura est. quod cum ita sit, quid est, cur non omnis pronuntiatio aut uera, aut falsa sit? nisi concesserimus fato fieri quacumq; fiant. quia futura, inquit, uera non possunt esse ea, quæ causas, cur futura sint, non habent. habeant igitur causas necesse est, ut ea, quæ uera sunt, ita cum euenerint, fato euenerint. confectum negotium, si quidem tibi concedendum est, aut fato omnia fieri, aut quicquam posse fieri sine causa. an aliter hæc enunciatio uera esse non potest, capiet Numantiam Scipio, nisi ex æternitate causa causam serens hoc erit effectura? an hoc falsum potuisset esse, si esset sexcentis seculis ante dictum? et si tum non esset uera hæc enunciatio, capiet Numantiam Scipio; ne illa quidem uera est hæc enunciatio, capiet Numantiam Scipio. potest igitur quicquam factum esse, quod non uerum fuerit futurum esse. nam ut præterita ea uera dicimus, quorum superiore tempore uera fuerint instantia: sic futura, quorum consequenti tempore uera erunt instantia, ea uera dicimus. nec si omne enunciatum aut uerum aut falsum est, sequitur ilico esse causas immutabiles, easq; æternas, quæ prohibeant quicquam secus cadere, atq; casurum sit. fortuitæ sunt causæ, quæ efficiant, ut uere dicantur, quæ ita dicentur, ueniet Cato in senatum; non incluse in rerum natura, atq; mundo. & tamen tam est immutabile uenturum, cum est uerum; quàm uenisse; nec ob eam causam fatum, aut necessitas extimescenda est. etenim erit confiteri necesse, si hæc enunciatio, ueniet in Tusculanum

Hortensius, uerum non est : sequitur, ut falsum sit. quorum isti neutrum uolunt : quod fieri non potest. nec nos impedit illa ignaua ratio, quæ dicitur : appellatur enim quidam à philosophis ἀεὶ ὁδὸς λόγος : cui si pareamus, nihil est omnino, quod agamus in uita. sic enim interrogant : si fatum tibi est ex hoc morbo conualescere ; siue medicū adhibueris, siue non, conualesces. item, si fatum tibi est ex hoc morbo non conualescere ; siue tu medicum adhibueris, siue non, non conualesces. & alterutrum fatū est : medicum ergo adhibere nihil attinet. recte genus hoc interrogationis ignauum, atq; iners nominatum est, q̃ eadem ratione omnis è uita tolletur actio. licet etiā immutare, ut fati nomen non adiungas, & eandem tamen teneas sententiā, hoc modo. si ex æternitate uerum hoc fuit, ex isto morbo conualesces ; siue adhibueris medicum, siue non, conualesces. itemq; si ex æternitate hoc falsum fuit, ex isto morbo non conualesces ; siue adhibueris medicum, siue non adhibueris, non conualesces : deinde cetera. hæc ratio à Chrysippo reprehenditur. quædam enim sunt, inquit, in rebus simplicia, quædam copulata. simplex est, morietur eo die Socrates. huic, siue quid fecerit, siue nō fecerit, finitus est moriendi dies. at si ita fatum sit, nascetur Oedipus Laio, non poterit dici, siue fuerit Laius cum muliere, siue non fuerit : copulata enim res est, & confatalis : sic enim appellat : quia ita fatum sit, & concubiturum cum uxore Laium, & ex ea Oedipum procreaturum. ut si esset dictum, luētabitur Olympijs Milo ; et referret aliquis, ergo, siue habuerit aduersarium, siue non habuerit, luētabitur : erraret : est enim copulatum, luētabitur, quia sint aduersario nulla luētatio est. omnes



igitur istius generis captiones eodem modo refelluntur. siue tu adhibueris medicum, siue non adhibueris, conualesces: captiosum: tam enim est fatale medicum adhibere, quam conualescere. hæc, ut dixi, confatalia ille appellat. Carneades hoc totum genus non probabat, & nimis inconsiderate concludi hanc rationem putabat: itaq; premebat alio modo, nec ullam adhibebat. calumniam: cuius erat hæc conclusio. si omnia antecedentibus causis fiunt, omnia naturali colligatione conserte, contexteq; fiunt. quod si ita est, omnia necessitas efficit. id si uerum est, nihil est in nostra potestate. est autem aliquid in nostra potestate. ac si omnia fato fiunt, omnia causis antecedentibus fiunt. non igitur fato fiunt, quæcunq; fiunt. hæc arctius astringi ratio non potest. nam si quis uelit idem referre, atq; ita dicere; si omne futurum ex æternitate uerum est, ut ita certe eueniat, quemadmodum sit futurum, omnia necesse est colligatione naturali conserte, contexteq; fieri: nihil dicat: multum enim differt, utrum causa naturalis ex æternitate futura uera efficiat, an etiam sine æternitate naturali, futura quæ sint, ea uera esse possint intelligi. itaq; dicebat Carneades, ne Apollinem quidem futura posse dicere, nisi ea, quorum causas natura ita cōtineret, ut ea fieri necesse esset. quid enim spectans deus ipse diceret, Marcellum eum, qui ter Consul fuit, in mari esse periturum? erat quidem hoc uerum ex æternitate, sed causas id efficientes nō habebat. ita ne præterita quidem ea, quorum nulla signa tāquam uestigia extarent, Apollini nota esse censebat: quo minus futura: causis enim efficientibus quanq; rem cognitis, posse deniq; sciri quid futurum esset: ergo nec de Oedipo potuisse Apolli-

nem prædicere, nullis in rerum natura causis propositis, cur ab eo patrem interfici necesse esset: nec quicquam huiusmodi. quo circa si Stoicis, qui omnia fato fieri dicunt, consentaneum est huiusmodi oracula, ceteraq; quæ ad diuinationem pertinent, comprobare; ijs autem, qui, quæ futura sunt, ea uera esse ex æternitate dicunt, non idem dicendum est: uide, ne non eadem sit illorum causa, & Stoicorum: hi enim urgentur angustius, illorum ratio soluta, ac libera est. quod si concedatur nihil posse euenire nisi causa antecedente: quid proficiatur, si ea causa non ex æternis causis apta ducatur? causa autem ea est, quæ id efficit, cuius est causa, ut uulnus mortis, cruditas morbi, ignis ardoris. itaq; non sic causa intelligi debet, ut, quod cuiq; antecedit, id & causa sit, sed quod cuiq; efficienter antecedit: nec, quod in campum descenderim, id fuisse causam, cur pila luderem: nec Hecubam causam interitus fuisse Troianis, quod Alexandrum genuerit: nec Tyndareum Agamemnoni, quod Clytemnestram: hoc enim modo uiator quoq; bene uestitus causa crassatori fuisse diceretur, cur ab eo spoliaretur. ex hoc genere illud est Ennij,

» Utinam ne in nemore Pelio securibus

» Cæsa cecidisset abieгна ad terram trabes.

licuit uel altius, utinam ne in Pelio nata ulla unquã esset arbor: etiam supra, utinam ne esset mōs ullus Pelius: similiterq; superiora repetētem regredi in infinitum licet.

» Ne ue inde nauis inchoandæ exordium

» Cepisset.

quorsum hæc præterita? quia sequitur illud,

» Nam nunquam hera errans mea, domo efferret pedem

» Medea, animo agro, amore sauo saucia,  
 non ut ea res causam afferrent amoris. interesse autem  
 aiunt, utrum eiusmodi quid sit, sine quo aliquid effici nō  
 possit; aut eiusmodi, cum quo aliquid effici necesse sit.  
 nulla igitur earum causa est, quoniam nullam rem sua  
 ui efficit, cuius dicitur causa: nec id, sine quo quippiam  
 non sit, causa est; sed id, quod cum accessit, id, cuius cau-  
 sa est, efficit necessario: non dum enim ulcerato serpentis  
 morsu Philoëteta, quæ causa in rerum natura contineba-  
 tur, fore, ut is in insula Lemno lineretur? post autem  
 causa fuit propior, & cum exitu iunctior. ratio igitur  
 euentus aperit causam: sed ex æternitate uera fuit hæc  
 enunciatio: relinquetur in insula Lemno Philoëtetes: nec  
 hoc ex uero in falsum poterat conuerti: necesse est enim  
 in rebus contrarijs duabus (contraria autem hoc loco ea  
 dico, quorum alterum ait quid, alterum negat) ex his igi-  
 tur necesse est inuito Epicūro alterum uerum esse, alte-  
 rum falsum: ut, sauciabitur Philoëtetes, omnibus ante  
 seculis uerum fuit; non sauciabitur, falsum. nisi forte  
 uolumus Epicureorum opinionem sequi, qui tales enūcia-  
 tiones nec ueras, nec falsas esse dicūt: aut, cum id pudet,  
 illud tamen dicunt, quod est impudentius, ueras esse ex  
 contrarijs disiunctiones; sed quæ in his enunciata essent,  
 eorum neutrum esse uerum. ò admirabilem licentiam,  
 & miserabilem incitiam differendi. si enim aliquid in  
 eloquendo nec uerum, nec falsum est, certe id uerum  
 non est. quod autem uerum non est, qui potest non fal-  
 sum esse? aut quod falsum non est, qui potest non ue-  
 rum esse? tenebitur id, quod à Chrysippo defenditur. om-  
 nem enūciationem aut uerā, aut falsam esse, ratio ipsa



coget, & ex aternitate quadam uera esse, & ea non esse nexa causis aternis, & à fati necessitate esse libera. ac mihi quidem uidetur, cum duæ sententiæ fuissent ueterum philosophorum, una eorum, qui censerent omnia ita fato fieri, ut id fatum uim necessitatis afferret, in qua sententia Democritus, Heraclitus, Empedocles, Aristoteles fuit; altera eorum, quibus uideretur sine ullo fato esse animorum motus uoluntarij; Chrysippus tanquam arbiter honorarius medium se ferre uoluisse; sed applicat se ad eos potius, qui necessitate motus animos liberatos uolunt. dū autem uerbis utitur suis, delabitur in eas difficultates, ut necessitatem fati confirmet inuitus. atq; hoc, si placet, quale sit uideamus, in assensionibus, quas prima oratione tractauimus: eas enim ueteres illi, quibus omnia fato fieri uidebantur, ui effici & necessitate dicebant: qui autem ab his dissentiebant, fato assensiones liberabant; negabantq; fato assensionibus adhibito, necessitatem ab his posse remoueri: ijq; ita differebant. si omnia fato fiunt, omnia fiunt antecedente causa: & si appetitus, illa etiam quæ appetitum sequuntur, ergo etiam assensiones. at si causa appetitus non est sita in nobis, ne ipse quidem appetitus est in nostra potestate. quod si ita est, ne illa quidem, quæ appetitu efficiuntur, sita in nobis sunt: non sunt igitur neq; assensiones, neq; actiones in nostra potestate: ex quo efficitur, ut neque laudationes iustæ sint, nec uituperationes; nec honores, nec supplicia. quod cum uitiosum sit, probabiliter concludi putant nō omnia fato fieri, quæcunq; fiant. Chrysippus autem cum & necessitatem improbare, & nihil uellet sine propositis causis euenire, causarum genera distinguit, ut & necessitatem effugiat, & retineat

l. præpositis  
vis

fatum. causarum enim, inquit, alie sunt perfectæ, et prin-  
 cipales, alie adiuuantes, & proximæ. quamobrem cum  
 dicimus omnia fato fieri causis antecedentibus, nō hoc in-  
 telligi uolumus, causis perfectis & principalibus, sed cau-  
 sis antecedentibus adiuuantibus & proximis: itaq; illi ra-  
 tioni, quam paulo ante conclusi, sic occurrit; si omnia fa-  
 to fiant, sequi illud quidem, ut omnia causis fiant anteposi-  
 tis, uerum non principalibus, & perfectis, sed adiuuanti-  
 bus, & proximis. quæ si ipsæ non sint in nostra potesta-  
 te, nō sequitur, ut ne appetitus quidē sit in nostra potesta-  
 te: at hoc sequeretur, si omnia perfectis et principalibus  
 causis fieri diceremus, ut cum hæ causæ non essent in no-  
 stra potestate, ne ille quidē esset in nostra potestate. quā-  
 obrem qui ita fatum introducunt, ut necessitatem adiu-  
 gant, in eos ualebit illa conclusio: qui autem causas ante-  
 cedentes non dicent perfectas neq; principales, in eos nihil  
 ualebit: quod enim dicantur assensiones fieri causis ante-  
 positis, id quale sit, facile à se explicari putant. nā quanq̃  
 assensio non possit fieri nisi cōmota uiso: tamen cum id ui-  
 sum proximam causam habeat, nō principalem, hanc ha-  
 bet rationem, ut Chrysippus uult, quam dudum diximus,  
 non ut illa quidem fieri possit nulla ui extrinsecus excita-  
 ta (neesse est enim assensionē uiso cōmoueri) sed reuertitur  
 ad cylindrum, & turbinem suum, quæ moueri inci-  
 pere, nisi pulsa, non possunt: id autem cū accidit, suapte  
 natura, quod superest, & cylindrū uolui, & uersari tur-  
 binem putant. ut igitur, inquit, qui protrusit cylindrum,  
 dedit ei principium motionis, uolubilitatem autem nō de-  
 dit: sic uisum obiectum imprimet illud quidem, & quasi  
 signabit in animo suam speciem, sed assensio nostra erit in

& E. putat

potestate, eaq; quemadmodum in cylindro dictum est, ex  
trinsecus pulsa, quod reliquū est, suapte ui, & natura mo  
uebitur. quod si aliqua res efficeretur sine causa antece  
dēte, falsum esset omnia fato fieri. sin omnibus, quacunq;  
sunt, uerisimile est causam antecedere: quid afferri pōte  
rit, cur non omnia fato fieri fatendum sit? modo intelli  
gatur quæ sit causarum distinctio, ac dissimilitudo. hæc  
cum ita sint à Chrysippo explicata; si illi, qui negant as  
sensiones fato fieri, fateantur tamen eas non sine uiso an  
tecedente fieri, alia ratio est: sed si concedunt anteire uisa,  
nec tamen fato fieri assensiones, q̃ proxima illa, & conti  
nens causa nō moueat assensionem; uide, ne idem dicāt:  
neq; enim Chrysippus concedens assensionis proximam et  
continentē causam esse in uiso positam, neq; eam causam  
ad assentiendū necessariam esse, concedet, ut, si omnia fa  
to fiant, omnia fiant causis antecedentibus, & necessarijs:  
itemq; illi, qui ab hoc dissentiunt, confitentes nō fieri assen  
siones sine præcursione uisorum, dicent, si omnia fato fie  
rēt eiusmodi, ut nihil fieret nisi prægressione causæ, confi  
tendū esse fato fieri omnia. ex quo facile intellectu est, cū  
utriq; patefacta, atq; explicata sententia sua, ad eundem  
exitum ueniant, uerbis eos, nō re dissidere. omninoq; cum  
hæc sit distinctio, ut quibusdā in rebus uere dici possit, cū  
hæ causæ antegressæ sint, non esse in nostra potestate, quin  
illa eueniāt, quoru causæ fuerint; quibusdā autē in rebus,  
causis antegressis, in nostra tamē esse potestate, ut illud ali  
ter eueniat: hæc distinctionē utriq; approbant: sed alteri  
censent, quibus in rebus cū causæ antecesserint ita, ut nō  
sit in nostra potestate, ut aliter illa eueniant, illas fato fie  
ri; quæ autem in nostra potestate sint, ab his fatum abes=



se . hoc modo hanc causam disceptari oportet, nō ab atomis errantibus, & de uia declinatibus praesidium petere . declinat, inquit, atomus . primum cur? aliam enim quam uim motus habebunt à Democrito impulsione, quā plagam ille appellat; à te Epicure grauitatis & ponderis . quæ ergo noua causa in natura est, quæ declinet atomū? aut num sortiuntur inter se, quæ declinent, quæ nō? aut cur minimo declinēt interuallo, maiore non? aut cur declinent uno minimo, non declinent duobus, aut tribus? optare hoc quidem est, non disputare . nam neq; extrinsecus impulsam atomum loco moueri, & declinare dicis: neq; in illo inani, per quod feratur atomus, quicquā fuisse causæ, cur ea non è regione ferretur: nec in ipsa atomi mutationis aliquid factum est, quamobrem naturalē sui ponderis motum non teneret . ita cum attulisset nullam causam, quæ istam declinationem efficeret; tamē aliquid sibi dicere uidetur; cum id dicat, quod omnium mentes aspernentur, ac respuant . nec uero quisquam magis confirmare mihi uidetur non modo fatum, uerum etiam necessitatem, & uim omnium rerum, substulisseq; motus animi uoluntarios, q̄ hic, qui aliter obsistere fato fateretur se non potuisse, nisi ad has cōmentitias declinationes cōfugisset . nam, ut essent atomi, quas quidem esse mihi probari nullo modo potest: tamen declinationes istæ nunq̄ explicarentur . nam si atomis, ut grauitate ferantur, tributū est necessitate naturæ, q̄ omne pondus nulla re impediēte moueatur & feratur necesse est: illud quoque necesse est, declinare quibusdam atomis, uel, si uolūt, omnibus naturaliter.

Multa defunt.

## LIBER PRIMVS.

## ATTICVS.

L

Vetus quidem ille, & hæc Arpinatum quercus agnoscitur, sæpe à me lectus in Mario. si manet illa quercus, hæc est profecto: et enim est sanè vetus. QVIN= T V S. Manet uero Attice no= ster, & semper manebit: sata est enim ingenio: nullius autem agricolæ cultu stirps tam diuturna, quàm poetæ uersu seminari potest. Att. Quo tandem modo Quinte? aut quale est istuc, quod poetæ serunt? mihi enim uideris fratrem laudando suffragari tibi. Q. Sit ita sanè. ueruntamen, dum latine loquentur literæ, quercus huic loco non deerit, quæ Mariana dicatur, eaq; ut ait Scauola, de fratris mei Mario Canescet seclis innumerabilibus. nisi forte Athenæ tuæ sempiternam in arce oleam tenere potuerunt: aut, quod Homericus Vlyxes Deli se proceram & teneram palmam uidi disse dixit, hodie monstrant eandem: multaq; alia multis locis diutius commemoratione manent, quàm natura stare potuerunt. quare glandifera illa quercus, ex qua olim euolauit

2. palmam

- » Nuncia fulua Iouis, miranda uisa figura,  
nunc sit hæc: sed cum eam tempestas uetustas ue consum= pserit, tamen erit his in locis, quam Marianam quercum uocent. Att. Non dubito id quidem: sed hoc iam non ex

te Quinte quero, uerum ex ipso poeta, tui ne uersus hâc quercum seuerint, an ita factum de Mario, ut scribis, acceperis. MARCVS. Respondebo tibi equidem, sed nō ante, quā tu ipse mihi respondeas Attice, certe non longe à tuis ædibus inambulans post excessum suum Romulus Proculo Iulio dixerit, se deum esse, & Quirinum uocari, templumq; sibi dedicari in eo loco iusserit; & Athenis nō lōge item à tua illa antiqua domo Orithyiam Aquilo sustulerit: sic enim est traditum. Att. Quorsum tandem, aut cur ista quæris? M. Nihil sanè, nisi ne nimis diligēter inquiras in ea, quæ isto modo memoriæ sint prodita. Att. Atqui multa queruntur in Mario ficta ne, an uera sint, & à non nullis, quod & in recenti memoriâ, & in Arpinati homine: sed ueritas à te postulatur. M. Et mehercule ego me cupio non mendacem putari: sed tamen nōn nulli isti Tite faciunt imperite, qui in isto opusculo non ut à poeta, sed ut à teste ueritatem exigāt: nec dubito, quin idem, & cum Egeria collocutum Numam, & ab aquila Tarquinio apicem impositum putent. Q. Intelligo te frater alias in historia leges obseruandas putare, alias in poemate. M. Quippe cum in illa ad ueritatem Quinte referantur, in hac ad delectationem pleraque: quanquam & apud Herodotum patrem historiae, & apud Theopompum sunt innumerabiles fabulæ. Att. Teneo quam optabam occasionem, neque omittam. M. Quam tandem Tite? Att. Postulatur à te iandiu, uel flagitatur potius historia: sic enim putant, te illam tractante effici posse, ut in hoc etiam genere Graciæ nihil cedamus. atq; ut audias quid ego ipse sentiam, non solum mihi uideris eorum studijs, qui li-

coll.

exponere non  
nulli



teris delectantur, sed etiam patriæ debere hoc munus, ut ea, quæ salua per te est, per te eundem sit ornata: abest enim historia literis nostris, ut & ipse intelligo, & ex te persæpe audio: potes autem tu profecto satisfacere in ea, quippe cum sit opus, ut tibi quidem uideri solet, unum hoc oratorium maxime. quamobrem aggredere quæsumus, & sume ad hanc rem tempus, quæ est à nostris hominibus adhuc aut ignorata, aut relicta. nam post annales pontificum maximorum, quibus nihil potest esse iucundius; si aut ad Fabium, aut ad eum, qui tibi semper in ore est, Catonem; aut ad Pisonem, aut ad Fannium, aut ad Vennonium uenias; quanquā ex his alius alio plus habet uirium, tamen quid tam exile, quàm isti omnes? Fannij autem atate coniunctus Antipater paulo inflauit uehementius, habuitq; uires agrestes ille quidem, atque horridas, sine nitore, ac palæstra, sed tamen admonere reliquos potuit, ut accuratius scriberent. ecce autem successere huic bello Clodius, Asilo, nihil ad Celium, sed potius ad antiquorum languorem, atque inscitiam. nam quid Accium memorem? cuius loquacitas habet aliquid argutiarum, nec id tamē ex illa erudita Græcorum copia, sed ex librariolis latinis: in orationibus autem multus & ineptus, ad summam impudentiam. Sisenna eius amicus omnes adhuc nostros scriptores, nisi qui forte non dum ediderunt, de quibus existimare non possumus, facile superauit. is tamen neque orator in numero uestro unquam est habitus, & in historia puerile quiddam confectatur: ut unum Clitarchum, neque præterea quenquam, de Græcis legisse uideatur, eum tamen uelle duntaxat imitari: quem si

assequi posset, aliquantum ab optimo tamen abesset. quare tuum est munus: hoc à te expectatur: nisi quid Quinto uidetur secus. Q. Mihi uero nihil: & saepe de isto collocuti sumus: sed est quædam inter nos parua dissensio. Att. Quæ tandem? Q. A quibus temporibus scribendi capiatur exordium: ego enim ab ultimis censeo, quoniam illa sic scripta sunt, ut ne legantur quidem: ipse autem æqualem ætatis suæ memoriam deposcit, ut ea cōplectatur, quibus ipse interfuit. Att. Ego uero huic potius assentior: sunt enim maximæ res in hac memoria, atque ætate nostra: tum autem hominis amicissimi Cn. Pompeij laudes illustrabit: incurret etiam in illum memorabilem annum suum: quem ab isto malo prædicari, quàm, ut aiunt, de Remo, & Romulo. M. Intelligo equidem à me istum laborem iandiu postulari Attice: quem non recusarem, si mihi ullum tribueretur uacuum tempus & liberum: neque enim occupata opera, neque impedito animo, res tanta suscipi potest: utrumque opus est, & cura uacare, & negotio. Att. Quid? ad cætera, quæ scripsisti plura, quàm quisquam è nostris, quod tibi tandem tempus uacuum fuit concessum? M. Subsiciua quædam tempora incurrunt: quæ ego perire non patior: ut si qui dies ad rusticandum dati sint, ad eorum numerum accommodentur, quæ scribimus. historia uero nec institui potest, nisi præparato ocio; nec exiguo tempore absolui: & ego animi pendere soleo, cum semel quid orsus, si traducor aliò: neque tam facile interrupta contexo, quàm absoluo instituta. Att. Legationem aliquam nimirum oratio ista postulat, aut eiusmodi quampiam cessationem libe-

ram

ram, atq; ociosam. M. Ego uero etatis potius uacatio=  
ni confidebam, cum præsertim non recusarem, quo mi=  
nus more patrio sedens in solio consulentibus responde=  
rem, senectutisq; non inertis grato atq; honesto funge=  
rer munere: sic enim mihi liceret & isti rei, quam desi=  
deras, & multis uberioribus atq; maioribus operæ, quan=  
tum uellem, dare. Att. Atqui uereor, ne istam causam  
nemo noscat: tibiq; semper dicendum sit, & eo magis,  
quod te ipse mutasti, & aliud dicendi genus instituisi:  
ut quemadmodum Roscius familiaris tuus in senectute  
numeros in cantu ceciderat, ipsasq; tardiores fecerat  
tibus, sic tu à contentionibus, quibus summis uti sole=  
bas, quotidie relaxes aliquid, ut iam oratio tua non  
multum à philosophorum lenitate absit. quod sustine=  
re cum uel summa senectus posse uideatur, nullam ti=  
bi à causis uacationem uideo dari. Q. At mehercule  
ego arbitrabar posse id populo nostro probari, si te ad  
ius respondendum dedisses. quamobrem, cum place=  
bit, tibi experiendum censeo. M. Id, siquidem Quin=  
te nullum esset in experiendo periculum: sed uereor,  
ne; dum minuere uelim laborem, augeam, atque ad  
illam causarum operam, ad quam ego nunquam nisi  
paratus, & meditatus accedo, adiungatur hac iuris  
interpretatio, quæ non tam mihi molesta sit propter  
laborem, quàm quod dicendi cogitationem auferat, si=  
ne qua ad nullam maiorem unquam causam sum ausus  
accedere. Att. Quin igitur ista ipsa explicas nobis his  
subsiciuis, ut ais, temporibus, & conscribis de iure ci=  
uili subtilius, quàm cateri. nam à primo tempore atq;  
tis iuri studere te memini, cum ipse etiam ad Scauolam



uentitarem : neq; unquam mihi uisus es ita te ad dicen-  
 dum dedisse, ut ius ciuile contemneres. M. In longum  
 sermonem me reuocas Attice : quem tamen, nisi Quin-  
 tus aliud quid nos agere mauult, suscipiam : & quonia  
 uacui sumus, dicam. Q. Ego uero libenter audierim :  
 quid enim agam potius ? aut in quo melius hunc consu-  
 mam diem ? M. Quin igitur ad illa spatia nostra, se-  
 desq; pergitur ? ubi, cum satis erit deambulatum, re-  
 quiescemus : nec profecto nobis delectatio deerit, aliud  
 ex alio quærentibus. Att. Nos uero, & hac quidem, adi-  
 re si placet per ripam & umbram. sed iam ordire expli-  
 care quaeso, de iure ciuili quid sentias. M. Ego memini  
 summos fuisse in ciuitate nostra uiros, qui id interpreta-  
 ri populo, & respondere soliti sint ; sed eos magna pro-  
 fessos, in paruis esse uersatos. quid enim est tantum, quan-  
 tum ius ciuitatis ? quid autem tam exiguum, quàm est  
 munus hoc eorum, qui consuluntur ? quàm est popu-  
 lo necessarium ? nec uero eos, qui ei muneri præfue-  
 runt, uniuersi iuris expertes fuisse existimo, sed hoc, ci-  
 uile quod uocant, eatenus exercuerunt, quoad populo  
 præstare uoluerunt. id autem incognitum est, minusq;  
 in usu necessarium. quamobrem quò me uocas ? aut quid  
 hortaris, ut libellos conficiam de stillicidiorum, ac de pa-  
 rietum iure ? aut ut stipulationum, & iudiciorum for-  
 mulas componam ? quæ & conscripta sunt à multis di-  
 ligenter, & sunt humiliora, quàm illa, quæ à uobis  
 expectari puto. Att. Atqui, si quæres ego quid expe-  
 ctem ; quoniam scriptum est à te satis de optimo Reip.  
 statu, consequens esse uidetur, ut scribas tu idem de le-  
 gibus : sic enim fecisse uideo Platonem illum tuum, quem

x expunge satis

tu admiraris, quem omnibus anteponis, quem maxime diligis. M. Vis ne igitur, ut ille Cretæ cum Clinia, & cum Lacedæmonio Megillo, æstiuo, quemadmodum describit, die, in cupressetis Gnossiorum, & spatijs siluestribus, crebro insistens, interdum acquiescens, de institutis rerum publicarum, ac de optimis legibus disputat; sic nos inter has procerissimas populos, in uiridi opacâq; ripa inambulantes, tum autem residentes, quæramus ijsdem de rebus aliquid uberius, quàm forensis usus desiderat? Att. Ego uero ista audire cupio. M. Quid ait Quintus? Q. Nulla de re magis. M. Et recte quidem: nam sic habetote, nullo in genere disputandi magis honesta patefieri, quid sit homini natura tributum, quantam uim rerum optimarum mens humana contineat, cuius muneris colendi, efficiendiq; causa nati, & in lucem editi sumus, quæ sit coniunctio hominum, quæ naturalis societas inter ipsos: his enim explicatis, fons legum, & iuris inueniri potest. Att. Non ergo à pratoris edicto, ut pleriq; nunc, neq; à XII tabulis, ut superiores, sed penitus ex intima philosophia hauriendam iuris disciplinam putas. M. Non enim id quærimus hoc sermone Pomponi, quemadmodum caueamus in iure, aut quid de quaq; cōsultatione respondeamus. sit ista res magna, sicut est: quæ quondam à multis claris uiris, nunc ab uno summa auctoritate, & scientia sustinetur. sed noris ista. complectenda in hac disputatione tota causa uniuersi iuris est, ac legum, ut hoc, ciuile quod dicimus, in paruum quendam, & angustum locum concludatur naturæ: natura enim iuris. nobis explicanda est, eaq; ab hominis repetenda natura:

motus uoluntarios, non est requirenda externa causa. motus enim uoluntarius eam naturam in se ipso continet, ut sit in nostra potestate, nobisq; pareat: nec id sine causa: eius enim rei causa, ipsa natura est. quod cum ita sit, quid est, cur non omnis pronuntiatio aut uera, aut falsa sit? nisi concesserimus fato fieri quacumq; fiant. quia futura, inquit, uera non possunt esse ea, quæ causas, cur futura sint, non habent. habeant igitur causas necesse est, ut ea, quæ uera sunt, ita cum euenerint, fato euenerint. confectum negotium, si quidem tibi concedendum est, aut fato omnia fieri, aut quicquam posse fieri sine causa. an aliter hæc enunciatio uera esse non potest, capiet Numantiam Scipio, nisi ex æternitate causa causam serens hoc erit effectura? an hoc falsum potuisset esse, si esset sexcentis seculis ante dictum? et si tum non esset uera hæc enunciatio, capiet Numantiam Scipio; ne illa quidem uera est hæc enunciatio, capiet Numantiam Scipio. potest igitur quicquam factum esse, quod non uerum fuerit futurum esse. nam ut præterita ea uera dicimus, quorum superiore tempore uera fuerint instantia: sic futura, quorum consequenti tempore uera erunt instantia, ea uera dicimus. nec si omne enunciatum aut uerum aut falsum est, sequitur ilico esse causas immutabiles, easq; æternas, quæ prohibeant quicquam secus cadere, atq; casurum sit. fortuitæ sunt causæ, quæ efficiant, ut uere dicantur, quæ ita dicuntur, ueniet Cato in senatum; non incluse in rerum natura, atq; mundo. & tamen tam est immutabile uenturum, cum est uerum; quàm uenisse; nec ob eam causam fatum, aut necessitas extimescenda est. etenim erit confiteri necesse, si hæc enunciatio, ueniet in Tusculanum



Hortensius, uerum non est : sequitur, ut falsum sit. quorum isti neutrum uolunt : quod fieri non potest. nec nos impedit illa ignaua ratio, quæ dicitur : appellatur enim quidam à philosophis ἀεὶ ὁς λόγος : cui si pareamus, nihil est omnino, quod agamus in uita. sic enim interrogant : si fatum tibi est ex hoc morbo conualescere ; siue medicū adhibueris, siue non, conualesces. item, si fatum tibi est ex hoc morbo non conualescere ; siue tu medicum adhibueris, siue non, non conualesces. & alterutrum fatū est : medicum ergo adhibere nihil attinet. recte genus hoc interrogationis ignauum, atq; iners nominatum est, q̃ eadem ratione omnis è uita tollitur actio. licet etiā immutare, ut fati nomen non adiungas, & eandem tamen teneas sententiā, hoc modo. si ex aeternitate uerum hoc fuit, ex isto morbo conualesces ; siue adhibueris medicum. siue non, conualesces. itemq; si ex aeternitate hoc falsum fuit, ex isto morbo non conualesces ; siue adhibueris medicum, siue non adhibueris, non conualesces : deinde cætera. hæc ratio à Chrysippo reprehenditur. quædam enim sunt, inquit, in rebus simplicia, quædam copulata. simplex est, morietur eo die Socrates. huic, siue quid fecerit, siue nō fecerit, finitus est moriendi dies. at si ita fatum sit, nascetur Oedipus Laio, non poterit dici, siue fuerit Laius cum muliere, siue non fuerit : copulata enim res est, & confatalis : sic enim appellat : quia ita fatum sit, & concubiturum cum uxore Laium, & ex ea Oedipum procreaturum. ut si esset dictum, luëtabitur Olympijs Milo; et referret aliquis, ergo, siue habuerit aduersarium, siue non habuerit, luëtabitur : erraret : est enim copulatum, luëtabitur, quia sine aduersario nulla luëtatio est. omnes

igitur istius generis captiones eodem modo refelluntur. siue tu adhibueris medicum, siue non adhibueris, conualesces: captiosum: tam enim est fatale medicum adhibere, quàm conualescere. hæc, ut dixi, confatalia ille appellat. Carneades hoc totum genus non probabat, & nimis inconsiderate concludi hanc rationem putabat: itaq; premebat alio modo, nec ullam adhibebat calumniam: cuius erat hæc conclusio. si omnia antecedentibus causis fiunt, omnia naturali colligatione conserte, contexteq; fiunt. quod si ita est, omnia necessitas efficit. id si uerum est, nihil est in nostra potestate. est autem aliquid in nostra potestate. ac si omnia fato fiunt, omnia causis antecedentibus fiunt. non igitur fato fiunt, quæcunq; fiunt. hæc arëtius astringi ratio non potest. nam si quis uelit idem referre, atq; ita dicere; si omne futurum ex æternitate uerum est, ut ita certe eueniat, quemadmodum sit futurum, omnia necesse est colligatione naturali conserte, contexteq; fieri: nihil dicat: multum enim differt, utrum causa naturalis ex æternitate futura uera efficiat, an etiam sine æternitate naturali, futura quæ sint, ea uera esse possint intelligi. itaq; dicebat Carneades, ne Apollinem quidem futura posse dicere, nisi ea, quorum causas natura ita cõtineret, ut ea fieri necesse esset. quid enim spectans deus ipse diceret, Marcellum eum, qui ter Consul fuit, in mari esse periturum? erat quidem hoc uerum ex æternitate, sed causas id efficientes nõ habebat. ita ne præterita quidem ea, quorum nulla signa tãquam uestigia extarent, Apollini nota esse censebat: quo minus futura: causis enim efficientibus quanq; rem cognitis, posse deniq; sciri quid futurum esset: ergo nec de Oedipo potuisse Apolli-

nem prædicere, nullis in rerum natura causis propositis, cur ab eo patrem interfici necesse esset: nec quicquam huiusmodi. quo circa si Stoicis, qui omnia fato fieri dicunt, consentaneum est huiusmodi oracula, ceteraq; quæ ad diuinationem pertinent, comprobare; ijs autem, qui, quæ futura sunt, ea uera esse ex æternitate dicunt, non idem dicendum est: uide, ne non eadem sit illorum causa, & Stoicorum: hi enim urgentur angustius, illorum ratio soluta, ac libera est. quod si concedatur nihil posse euenire nisi causa antecedente: quid proficiatur, si ea causa non ex æternis causis apta ducatur? causa autem ea est, quæ id efficit, cuius est causa, ut uulnus mortis, cruditas morbi, ignis ardoris. itaq; non sic causa intelligi debet, ut, quod cuiq; antecedit, id & causa sit, sed quod cuiq; efficienter antecedit: nec, quod in campum descenderim, id fuisse causa, cur pila luderem: nec Hecubâ causam interitus fuisse Troianis, quod Alexandrum genuerit: nec Tyndareum Agamemnoni, quod Clytemnestram: hoc enim modo uiator quoq; bene uestitus causa crassatori fuisse diceretur, cur ab eo spoliaretur. ex hoc genere illud est Ennij,

» Utinam ne in nemore Pelio securibus

» Casa cecidisset abiegnâ ad terram trabes.

licuit uel altius, utinam ne in Pelio nata ulla unquâ esset arbor: etiam supra, utinam ne esset mōs ullus Pelius: similiterq; superiora repetētem regredi in infinitum licet.

» Ne ue inde nauis inchoandæ exordium

» Cepisset.

quorsum hæc præterita? quia sequitur illud,

» Nam nunquam hera errans mea, domo efferret pedem



» Medea, animo agro, amore sauo saucia,  
 non ut ea res causam afferrent amoris. interesse autem  
 aiunt, utrum eiusmodi quid sit, sine quo aliquid effici nō  
 possit; aut eiusmodi, cum quo aliquid effici necesse sit.  
 nulla igitur earum causa est, quoniam nullam rem sua  
 ui efficit, cuius dicitur causa: nec id, sine quo quippiam  
 non sit, causa est; sed id, quod cum accessit, id, cuius cau-  
 sa est, efficit necessario: non dum enim ulcerato serpentis  
 morsu Philoëteta, quæ causa in rerum natura contineba-  
 tur, fore, ut is in insula Lemno linqueretur? post autem  
 causa fuit propior, & cum exitu iunctior. ratio igitur  
 euentus aperit causam: sed ex aternitate uera fuit hæc  
 enunciatio: relinquetur in insula Lemno Philoëtetes: nec  
 hoc ex uero in falsum poterat conuerti: necesse est enim  
 in rebus contrarijs duabus (contraria autem hoc loco ea  
 dico, quorum alterum ait quid, alterum negat) ex his igi-  
 tur necesse est inuito Epicuro alterum uerum esse, alte-  
 rum falsum: ut, sauciabitur Philoëtetes, omnibus ante  
 seculis uerum fuit; non sauciabitur, falsum. nisi forte  
 uolumus Epicureorum opinionem sequi, qui tales enūcia-  
 tiones nec ueras, nec falsas esse dicunt: aut, cum id pudet,  
 illud tamen dicunt, quod est impudentius, ueras esse ex  
 contrarijs disiunctiones; sed quæ in his enunciata essent,  
 eorum neutrum esse uerum. ò admirabilem licentiam,  
 & miserabilem inscitiam differendi. si enim aliquid in  
 eloquendo nec uerum, nec falsum est, certe id uerum  
 non est. quod autem uerum non est, qui potest non fal-  
 sum esse? aut quod falsum non est, qui potest non ue-  
 rum esse? tenebitur id, quod à Chrysippo defenditur. om-  
 nem enūciationem aut uerā, aut falsam esse, ratio ipsa

coget, & ex aternitate quadam uera esse, & ea non esse nexa causis aternis, & à fati necessitate esse libera. ac mihi quidem uidetur, cum duæ sententiæ fuissent ueterum philosophorum, una eorum, qui censerent omnia ita fato fieri, ut id fatum uim necessitatis asferret, in qua sententia Democritus, Heraclitus, Empedocles, Aristoteles fuit; altera eorum, quibus uideretur sine ullo fato esse animorum motus uoluntarij; Chrysippus tanquam arbiter honorarius medium se ferre uoluisse; sed applicat se ad eos potius, qui necessitate motus animos liberatos uolunt. dū autem uerbis uititur suis, delabitur in eas difficultates, ut necessitatem fati confirmet inuitus. atq; hoc, si placet, quale sit uideamus, in assensionibus, quas prima oratione tractauī: eas enim ueteres illi, quibus omnia fato fieri uidebantur, ui effici & necessitate dicebant: qui autem ab his dissentiebant, fato assensiones liberabant; negabantq; fato assensionibus adhibito, necessitatem ab his posse remoueri: uq; ita differebant. si omnia fato fiunt, omnia sūt antecedente causa: & si appetitus, illa etiam quæ appetitum sequuntur, ergo etiam assensiones. at si causa appetitus non est sita in nobis, ne ipse quidem appetitus est in nostra potestate. quod si ita est, ne illa quidem, quæ appetitu efficiuntur, sita in nobis sunt: non sunt igitur neq; assensiones, neq; actiones in nostra potestate: ex quo efficitur, ut neque laudationes iustæ sint, nec uituperationes; nec honores, nec supplicia. quod cum uitiosum sit, probabiliter concludi putant nō omnia fato fieri, quæcunq; fiant. Chrysippus autem cum & necessitatem improbaret, & nihil uellet sine propositis causis euenire, causarum genera distinguit, ut & necessitatem effugiat, & retineat

l. præpositis  
uis

fatum. causarum enim, inquit, aliæ sunt perfectæ, et principales, aliæ adiuuantes, & proximæ. quamobrem cum dicimus omnia fato fieri causis antecedentibus, nō hoc intelligi uolumus, causis perfectis & principalibus, sed causis antecedentibus adiuuantibus & proximis: itaq; illi rationi, quam paulo ante conclusi, sic occurrit; si omnia fato fiant, sequi illud quidem, ut omnia causis fiant antepositis, uerum non principalibus, & perfectis, sed adiuuantibus, & proximis. quæ si ipsæ non sint in nostra potestate, nō sequitur, ut ne appetitus quidē sit in nostra potestate: at hoc sequeretur, si omnia perfectis et principalibus causis fieri diceremus, ut cum hæ causæ non essent in nostra potestate, ne ille quidē esset in nostra potestate. quāobrem qui ita fatum introducunt, ut necessitatem adiungant, in eos ualebit illa conclusio: qui autem causas antecedentes non dicunt perfectas neq; principales, in eos nihil ualebit: quod enim dicantur assensiones fieri causis antepositis, id quale sit, facile à se explicari putant. nā quāq; assensio non possit fieri nisi cōmota uiso: tamen cum id uisum proximam causam habeat, nō principalem, hanc habet rationem, ut Chrysippus uult, quam dudum diximus, non ut illa quidem fieri possit nulla ui extrinsecus excitata (necesse est enim assensionē uiso cōmoueri) sed reuertitur ad cylindrum, & turbinem suum, quæ moueri incipere, nisi pulsa, non possunt: id autem cū accidit, suapte natura, quod superest, & cylindrū uolui, & uersari turbinem putant. ut igitur, inquit, qui protrusit cylindrum, dedit ei principium motionis, uolubilitatem autem nō dedit: sic uisum obiectum imprimet illud quidem, & quasi signabit in animo suam speciem, sed assensio nostra erit in

*ē. putat*



potestate, eaq; quemadmodum in cylindro dictum est, extrinsecus pulsa, quod reliquū est, suapte ui, & natura mouebitur. quod si aliqua res efficeretur sine causa antecedente, falsum esset omnia fato fieri. sin omnibus, quacunq; sunt, uerisimile est causam antecedere: quid afferri poterit, cur non omnia fato fieri fatendum sit? modo intelligatur quæ sit causarum distinctio, ac dissimilitudo. hæc cum ita sint à Chrysippo explicata; si illi, qui negant assensiones fato fieri, fateantur tamen eas non sine uiso antecedente fieri, alia ratio est: sed si concedunt anteire uisa, nec tamen fato fieri assensiones, q̃ proxima illa, & continens causa nō moueat assensionem; uide, ne idem dicāt: neq; enim Chrysippus concedens assensionis proximam et continentē causam esse in uiso positam, neq; eam causam ad assentiendū necessariam esse, concedet, ut, si omnia fato fiant, omnia fiant causis antecedentibus, & necessarijs: itemq; illi, qui ab hoc dissentiunt, confitentes nō fieri assensiones sine præcursione uisorum, dicent, si omnia fato fieret eiusmodi, ut nihil fieret nisi prægressione causæ, confitendū esse fato fieri omnia. ex quo facile intellectu est, cū utriq; patefacta, atq; explicata sententia sua, ad eundem exitum ueniant, uerbis eos, nō re dissidere. omninoq; cum hæc sit distinctio, ut quibusdā in rebus uere dici possit, cū hæ causæ antegressæ sint, non esse in nostra potestate, quin illa eueniāt, quoru causæ fuerint; quibusdā autē in rebus, causis antegressis, in nostra tamē esse potestate, ut illud aliter eueniat: hæc distinctionē utriq; approbant: sed alteri censent, quibus in rebus cū causæ antecesserint ita, ut nō sit in nostra potestate, ut aliter illa eueniant, illas fato fieri; quæ autem in nostra potestate sint, ab his fatum abes-

se . hoc modo hanc causam disceptari oportet, nō ab atomis errantibus, & de uia declinatibus præsidium petere . declinat, inquit, atomus . primum cur? aliam enim quam uim motus habebunt à Democrito impulsione, quā plagam ille appellat ; à te Epicure grauitatis & ponderis . quæ ergo noua causa in natura est, quæ declinet atomus? aut num sortiuntur inter se, quæ declinent, quæ nō? aut cur minimo declinēt interuallo, maiore non? aut cur declinent uno minimo, non declinent duobus, aut tribus? optare hoc quidem est, non disputare . nam neq; extrinsecus impulsam atomum loco moueri, & declinare dicis : neq; in illo inani, per quod feratur atomus, quicquā fuisse causæ, cur ea non è regione ferretur : nec in ipsa atomi mutationis aliquid factum est, quamobrem naturalē sui ponderis motum non teneret : ita cum attulisset nullam causam, quæ istam declinationem efficeret ; tamē aliquid sibi dicere uidetur ; cum id dicat, quod omnium mentes aspernentur, ac respuant . nec uero quisquam magis confirmare mihi uidetur non modo fatum, uerum etiam necessitatem, & uim omnium rerum, substulisseq; motus animi uoluntarios, q̄ hic, qui aliter obsistere fato fatetur se non potuisse, nisi ad has cōmentitias declinationes cōfugisset . nam, ut essent atomi, quas quidem esse mihi probari nullo modo potest : tamen declinationes istæ nunq̄ explicarentur . nam si atomis, ut grauitate ferantur, tributū est necessitate naturæ, q̄ omne pondus nulla re impediēte moueatur & feratur necesse est : illud quoque necesse est, declinare quibusdam atomis, uel, si uolūt, omnibus naturaliter.

Multa desunt.

LIBER PRIMVS.

ATTICVS.

L

Vcus quidem ille, & hæc Arpi-  
natum quercus agnoscitur, sæpe  
à me lectus in Mario. si manet  
illa quercus, hæc est profecto: et=  
enim est sanè uetus. QVIN=  
T V S. Manet uero Attice no=  
ster, & semper manebit: sata est

enim ingenio: nullius autem agricolæ cultu stirps tam  
diuturna, quàm poetæ uersu seminari potest. Att. Quo  
tandem modo Quinte? aut quale est istuc, quod poetæ se  
runt? mihi enim uideris fratrem laudando suffragari ti  
bi. Q. Sit ita sanè. ueruntamen, dum latine loquentur  
literæ, quercus huic loco non deerit, quæ Mariana dica=  
tur, eaq; ut ait Scæuola, de fratris mei Mario Canescet se  
clis innumerabilibus. nisi forte Athenæ tuæ sempiter=  
nam in arce oleam tenere potuerūt: aut, quod Homeriz=  
cus Vlyxes Deli se proceram & teneram pālmā ui  
disse dixit, hodie monstrant eandem: multa; alia multis  
locis diutius commemoratione manent, quàm natura sta  
re potuerunt. quare glandifera illa quercus, ex qua  
olim enolauit

l. pālmā

» Nuncia fulua Iouis, miranda uisa figura,  
nunc sit hæc: sed cum eam tempestas uetustas'ue consum=  
pserit, tamen erit his in locis, quam Marianam quercum  
uocent. Att. Non dubito id quidem: sed hoc iam non ex



teris delectantur, sed etiam patriæ debere hoc munus, ut ea, quæ salua per te est, per te eundem sit ornata: abest enim historia literis nostris, ut & ipse intelligo, & ex te persæpe audio: potes autem tu profecto satisfacere in ea, quippe cum sit opus, ut tibi quidem uideri solet, unum hoc oratorium maxime. quamobrem aggredere quæsumus, & sume ad hanc rem tempus, quæ est à nostris hominibus adhuc aut ignorata, aut relicta. nam post annales pontificum maximorum, quibus nihil potest esse iucundius; si aut ad Fabium, aut ad eum, qui tibi semper in ore est, Catonem; aut ad Pisonem, aut ad Fannium, aut ad Vennonium uenias; quanquā ex his alius alio plus habet uirium, tamen quid tam exi-  
le, quàm isti omnes? Fannij autem atate coniunctus An-  
tipater paulo inflauit uehementius, habuitq; uires agre-  
stes ille quidem, atque horridas, sine nitore, ac pale-  
stra, sed tamen admonere reliquos potuit, ut accurati-  
us scriberent. ecce autem successere huic bello Clodius,  
Asilo, nihil ad Celium, sed potius ad antiquorum lan-  
guorem, atque inscitiam. nam quid Accium memorem?  
cuius loquacitas habet aliquid argutiarum, nec id tamē  
ex illa erudita Græcorum copia, sed ex librariolis lati-  
nis: in orationibus autem multus & ineptus, ad sum-  
mam impudentiam. Sisenna eius amicus omnes adhuc  
nostros scriptores, nisi qui forte non dum ediderunt, de  
quibus existimare non possumus, facile superauit. is ta-  
men neque orator in numero uestro unquam est habitus,  
& in historia puerile quiddam consecatur: ut unum  
Clitarchum, neque praterea quenquam, de Græcis legis-  
se uideatur, cum tamen uelle duntaxat imitari: quem si

assequi posset, aliquantum ab optimo tamen abesset. quare tuum est munus: hoc à te expectatur: nisi quid Quinto uidetur secus. Q. Mibi uero nihil: & sæpe de isto collocuti sumus: sed est quedam inter nos parua dissensio. Att. Quæ tandem? Q. A' quibus temporibus scribendi capiatur exordium: ego enim ab ultimis censeo, quoniam illa sic scripta sunt, ut ne legantur quidem: ipse autem æqualem ætatis suæ memoriam deposcit, ut ea cōplectatur, quibus ipse interfuit. Att. Ego uero huic potius assentior: sunt enim maximæ res in hac memoria, atque ætate nostra: tum autem hominis amicissimi Cn. Pompeij laudes illustrabit: incurreret etiam in illum memorabilem annum suum: quem ab isto malo prædicari, quàm, ut aiunt, de Remo, & Romulo. M. Intellego equidem à me istum laborem iandiu postulari Attice: quem non recusarem, si mihi ullum tribueretur uacuum tempus & liberum: neque enim occupata opera, neque impedito animo, res tanta suscipi potest: utrumque opus est, & cura uacare, & negotio. Att. Quid? ad cætera, quæ scripsisti plura, quàm quisquam è nostris, quod tibi tandem tempus uacuum fuit concessum? M. Subsiciua quedam tempora incurrunt: quæ ego perire non patior: ut si qui dies ad rusticandum dati sint, ad eorum numerum accommodentur, quæ scribimus. historia uero nec institui potest, nisi præparato ocio; nec exiguo tempore absolui: & ego animi pendere soleo, cum semel quid orsus, si traducor aliò: neque tam facile interrupta contexo, quàm absoluo instituta. Att. Legationem aliquam nimirum oratio ista postulat, aut eiusmodi quampiam cessationem liberam

ram, atq; ociosam. M. Ego uero etatis potius uacatio=  
ni confidebam, cum praesertim non recusarem, quo mi=  
nus more patrio sedens in solio consulentibus responde=  
rem, senectutisq; non inertis grato atq; honesto funge=  
rer munere: sic enim mihi liceret & isti rei, quam desi=  
deras, & multis uberioribus atq; maioribus opera, quan=  
tum uellem, dare. Att. Atqui uereor, ne istam causam  
nemo noscat: tibiq; semper dicendum sit, & eo magis,  
quod te ipse mutasti, & aliud dicendi genus instituisti:  
ut quemadmodum Roscius familiaris tuus in senectute  
numeros, in cantu ceciderat, ipsasq; tardiores fecerat  
tibus, sic tu à contentionibus, quibus summis uti sole=  
bas, quotidie relaxes aliquid, ut iam oratio tua non  
multum à philosophorum lenitate absit. quod sustine=  
re cum uel summa senectus posse uideatur, nullam ti=  
bi à causis uacationem uideo dari. Q. At mehercule  
ego arbitrabar posse id populo nostro probari, si te ad  
ius respondendum dedisses. quamobrem, cum place=  
bit, tibi experiendum censeo. M. Id, siquidem Quin=  
te nullum esset in experiendo periculum: sed uereor,  
ne, dum minuere uelim laborem, augeam, atque ad  
illam causarum operam, ad quam ego nunquam nisi  
paratus, & meditatus accedo, adiungatur hac iuris  
interpretatio, quae non tam mihi molesta sit propter  
laborem, quam quod dicendi cogitationem auferat, si=  
ne qua ad nullam maiorem unquam causam sum ausus  
accedere. Att. Quin igitur ista ipsa explicas nobis his  
subsidiis, ut ais, temporibus, & conscribis de iure ci=  
uili subtilius, quam ceteri. nam à primo tempore ata=  
tis iuri studere te memini, cum ipse etiam ad Scauolam



uentitarem : neq; unquam mihi uisus es ita te ad dicen-  
dum dedisse, ut ius ciuile contemneres. M. In longum  
sermonem me reuocas Attice : quem tamen, nisi Quin-  
tus aliud quid nos agere mauult, suscipiam : & quoniā  
uacui sumus, dicam. Q. Ego uero libenter audierim :  
quid enim agam potius ? aut in quo melius hunc consu-  
mam diem ? M. Quin igitur ad illa spatia nostra, se-  
desq; pergitur ? ubi, cum satis erit deambulatum, re-  
quiescemus : nec profecto nobis delectatio deerit, aliud  
ex alio quærentibus. Att. Nos uero, & hac quidem, adi-  
re si placet per ripam & umbram. sed iam ordire expli-  
care quaeso, de iure ciuili quid sentias. M. Ego memini  
summos fuisse in ciuitate nostra uiros, qui id interpreta-  
ri populo, & respondere soliti sint ; sed eos magna pro-  
fessos, in paruis esse uersatos. quid enim est tantum, quan-  
tum ius ciuitatis ? quid autem tam exiguum, quā est  
munus hoc eorum, qui consuluntur ? quā est popu-  
lo necessarium ? nec uero eos, qui ei muneri præfue-  
runt, uniuerſi iuris expertes fuisse existimo, sed hoc, ci-  
uile quod uocant, eatenus exercuerunt, quoad populo  
præstare uoluerunt. id autem incognitum est, minusq;  
in usu necessarium. quamobrem quò me uocas ? aut quid  
hortaris, ut libellos conficiam de stillicidiorum, ac de pa-  
rietum iure ? aut ut stipulationum, & iudiciorum for-  
mulas componam ? quæ & conscriptæ sunt à multis di-  
ligenter, & sunt humiliora, quā illa, quæ à uobis  
expectari puto. Att. Atqui, si quæres ego quid expe-  
ctem ; quoniam scriptum est à te satis de optimo Reip.  
statu, consequens esse uidetur, ut scribas tu idem de le-  
gibus : sic enim fecisse uideo Platonem illum tuū, quem

expienge satis

tu admiraris, quem omnibus anteponis, quem maxime diligis. M. Vis ne igitur, ut ille Cretæ cum Clinia, & cum Lacedæmonio Megillo, æstiuo, quemadmodum describit, die, in cupressetis Gnosiæ, & spatiis siluestribus, crebro insists, interdum acquiescens, de institutis rerum publicarum, ac de optimis legibus disputat; sic nos inter has procerissimas populos, in uiridi opacâq; ripa inambulantes, tum autem residentes, quaramus iisdem de rebus aliquid uberius, quàm forensis usus considerat? Att. Ego uero ista audire cupio. M. Quid ait Quintus? Q. Nulla de re magis. M. Et recte quidem: nam sic habetote, nullo in genere disputandi magis honesta patefieri, quid sit homini natura tributum, quantam uim rerum optimarum mens humana contineat, cuius muneris colendi, efficiendiq; causa nati, & in lucem editi sumus, quæ sit coniunctio hominum, quæ naturalis societas inter ipsos: his enim explicatis, fons legum, & iuris inueniri potest. Att. Non ergo à pratoris edicto, ut pleriq; nunc, neq; à XII tabulis, ut superiores, sed penitus ex intima philosophia hauriendam iuris disciplinam putas. M. Non enim id querimus hoc sermone Pomponi, quemadmodum caueamus in iure, aut quid de quaq; cõsultatione respondeamus. sit ista res magna, sicut est: quæ quondam à multis claris uiris, nunc ab uno summa auctoritate, & scientia sustinetur. sed noris ista. complectenda in hac disputatione tota causa uniuersi iuris est, ac legum, ut hoc, ciuile quod dicimus, in paruum quendam, & angustum locum concludatur naturæ: natura enim iuris nobis explicanda est, eaq; ab hominis repetenda natura:

considerandæ leges, quibus ciuitates regi debeant: cum hæc tractanda, quæ composita sunt, & descripta, iura, & iussa populorum, in quibus ne nostri quidem populi latebunt, quæ uocantur iura ciuilia. Q. Alte uero, & ut oportet, à capite frater repetis quod querimus: & qui aliter ius ciuile tradunt, non tam iustitiæ, quàm litigandi tradunt uias. M. Non est ita Quinte: ac potius ignoratio iuris litigiosa est, quàm scientia. sed hæc posterius. nunc iuris principia uideamus. Igitur doctissimis uiris proficisci placuit à lege: haud scio an recte, si modo, ut iidem definiunt, lex est ratio summa insita in natura, quæ iubet ea, quæ facienda sunt, prohibetq; contraria. eadem ratio cum est in hominis mente confirmata, & confecta, lex est. itaq; arbitrantur prudentiam esse legem, cuius ea uis sit, ut recte facere iubeat, uetet delinquere: eamq; rem illi græco putant nō mine suū cuique tribuendo appellatam. Ego nostro à legendo: nam ut illi æquitatis, sic nos delectus uim in lege ponimus; & proprium tamen utrunq; legis est. quod si ita recte dicitur, ut mihi quidem plerunq; uideri solet: à lege ducendum est iuris exordium: ea est enim naturæ uis, ea mens ratioq; prudentis, ea iuris atq; iniuriæ regula. sed quoniam in populari ratione omnis nostra uersatur oratio, populariter interdum loqui necesse erit, & appellare eam legem, quæ scripto sancit quod uult, aut iubendo, aut uetando, ut uulgus appellat. constituendi uero iuris ab illa summa lege capiamus exordium, quæ sæculis omnibus ante nata est, quàm scripta lex ulla, aut quàm omnino ciuitas constituta. Q. Commodius uero, & ad rationem institui

ty. à suum

et. compluribus



sermonis sapientius. M. Vis ne ergo, ipsius iuris ortum à fonte repetamus? quo inuento, non erit dubium, quò sint hæc referenda quæ quærimus. Q. Ego uero ita faciendum esse censeo. Att. Me quoq; adscribito fratris sententiæ. M. Quoniam igitur eius Reip. quam optimam esse docuit in illis sex libris Scipio, tenendus est nobis, & seruandus status, omnesq; leges accommo-  
dandæ ad illud ciuitatis genus, serendi etiam mores, nec scriptis omnia sancienda: repetam stirpem iuris à natura; qua duce est nobis omnis disputatio explicanda.

Att. Rectissime: & quidem ista duce errari nullo pacto potest. M. Das ne igitur hoc nobis Pomponi (nam Quinti noui sententiam) deorum immortalium natura,

ratione, potestate, mente, numine, siue quod est aliud uerbum, quo planius significem quod uolo, naturam omnem diuinam regi? nam si hoc non probas, à deo nobis cau-  
sa ordiendæ est potissimum. Att. Do sanè, si postulas: etenim propter hunc concentum auium, si repitumq; fluminum, non uereor, condiscipulorum ne quis exaudiat. M. Atqui cauendum est: solent enim, id quod uirorum bonorum est, admodum irasci: nec uero fe-  
rent, si audierint te primum caput libri optimi prodidisse: in quo scripsit nihil curare deum nec sui, nec alie-  
ni. Att. Perge quæso: nam id, quod tibi concessi, quorsum pertineat expecto.

M. Non faciam longius: huc enim pertinet. Animal hoc prouidum, sagax, multiplex, acutum, memor, plenum rationis, & consilij, quem uocamus hominem, præclara quadam conditione generatum esse à suprema deo: solum est enim ex tot animantium generibus, atq; naturis particeps rationis & cogitatio-

nis, cum cætera sint omnia expertia, quid est autem non dicam in homine, sed in omni cælo, atq; terra, ratione diuinius? quæ cum adoleuit, atq; perfecta est, nominatur rite sapientia. est igitur, quoniam nihil est ratione melius, eaq; & in homine & in deo, prima homini cum deo rationis societas. inter quos autem ratio, inter eosdem etiam recta ratio cõmunis est: quæ cum sit lex, lege quoq; consociati homines cum dijs putandi sumus. inter quos porro est communio legis, inter eos communio iuris est. quibus autem hæc sunt inter eos communia, & ciuitatis eiusdem habendi sunt. si uero ijsdem imperijs & potestatibus parent, multo etiam magis parent huic cælesti descriptioni, menti; diuinæ, & præpotenti deo: unde etiam uniuersus hic mundus una ciuitas communis deorum atq; hominum existimanda. & quod in ciuitatibus ratione quadam, de qua dicitur idoneo loco, agnationibus familiarum distinguuntur status, id in rerum natura tanto est magnificentius, tantoq; præclarior, ut homines deorum agnatione & gente teneantur. nam cum de natura omni queritur, disputari solent nimirum ista; perpetuis cursibus, conuersionibus cælestibus extitisse quandam materiam serendi generis humani, quod sparsum in terras, atq; satum, diuino auctum sit animorum munere. nam quod aliquibus coherent homines, è mortali genere sumpserunt quæ fragilia essent et caduca: animum esse ingeneratum à deo; ex quo uere uel agnatio nobis cum cælestibus, uel genus, uel stirps appellari potest. itaq; ex tot generibus nullum est animal præter hominem, quod habeat notitiam aliquam dei: de ipsiq; hominibus nulla gens est neq; tam

immansueta, neq; tam fera, quæ non, etiam si ignoret  
 qualem habere deum deceat, tamen habendum sciati, ex  
 quo efficitur illud, ut is agnoscat deum, qui, unde ortus  
 sit, quasi recorderetur ac noscat. nam uero uirtus eadem  
in homine ac deo est, neq; ullo alio ingenio prater ea *est*  
autem uirtus nihil aliud, quàm in se perfecta, & ad  
summum perducta natura *est* igitur homini cum deo  
 similitudo. quod cum ita sit, quæ tandem potest esse  
 propior certiorue cognatio? itaq; ad hominum commo-  
 ditates, & usus tantam rerum ubertatem natura largi-  
 ta est, ut ea, quæ gignuntur, donota consulto nobis, non  
 fortuito nata uideantur; nec solum ea, quæ frugibus  
 atq; bacis terræ foetu profunduntur; sed etiam pecu-  
 des, quod perspicuum sit, partim esse ad usum homi-  
 num, partim ad fructum, partim ad uescendum pro-  
 creatas. partes uero innumerabiles repertæ sunt docente  
natura quam imitata ratio res ad uitam necessarias so-  
 lenter consecuta est. ipsam autem hominem eadem na-  
tura non solum celeritate mentis ornauit, sed etiam sen-  
sus tanquam satellites attribuit ac nuncios; & rerum  
 plurimarum obscuras & necessarias intelligentias enu-  
 dauit, quasi fundamenta quedam scientiæ; figuramq;  
 corporisabilem, et aptam ingenio humano dedit: nam  
 cum cæteras animantes abiecisset ad pastum, solum ho-  
 minem erexit, ad coeliq; quasi cognationis domiciliq;  
 pristini conspectum excitauit: tum speciem ita forma-  
 uit oris, ut in ea penitus reconditos mores effingeret, nam  
 & oculi nimis arguti, quemadmodum animo affecti si-  
 mus, loquuntur. & is, qui appellatur uultus, qui nullo  
in animante esse prater hominem potest, indicat mores:

om. 22  
coll.Vinc. quid  
i. fo. 105.

E. donata +



Nomen uultu  
græci nō sūt

cuius uim Græci norunt, nomen omnino non habent. o-  
mitto opportunitates, habilitatesq; reliqui corporis, mo-  
derationem uocis, orationis uim, quæ conciliatrix est hu-  
manæ maxime societatis. neq; enim omnia sunt huius di-  
sputationis, ac temporis: & hunc locum satis, ut mihi ui-  
detur, in ijs libris, quos legistis, expressit Scipio, nūc quo-  
niam hominem, quod principium reliquarum rerum esse  
uoluit, generauit & ornauit deus, perspicuum sit illud,  
ne omnia differantur, ipsam per se naturā longius pro-  
gredi; quæ etiam nullo docente profecta ab ijs, quorum  
ex prima & inchoata intelligentia genera cognouit, con-  
firmat ipsa per se rationem & perficit. Att. Dī im-  
mortales, quā tu longe iuris principia repetis, atq; ita,  
ut ego non modo ad illa non properem, quæ expectabam  
à te de iure civili, sed facile patiar te hunc diem uel to-  
tum in isto sermone consumere: sunt enim hæc maiora,  
quæ aliorum causa fortasse complecteris, quā ipsa il-  
la, quarum hæc causa præparantur. M. Sunt hæc qui-  
dem magna, quæ nunc breuiter attinguntur: sed omniū,  
quæ in hominum doctorum disputatione uersantur, ni-  
hil est profecto præstabilius, quā planè intelligi nos  
ad iustitiam esse natos, neq; opinione, sed natura consti-  
tutum esse ius. id iam patebit, si hominum inter ipsos  
societatem, coniunctionemq; perspexeris. nihil est enim  
unum uni tam simile, tam par, quā omnes inter nos  
met ipsos sumus. quod, si deprauatio consuetudinum, si  
opinionum uanitas non imbecillitatem animorū torque-  
ret, et flecteret quocunq; cœpisset: sui nemo ipse tam si-  
milis esset, q̄ omnes sunt omnium. itaq; quæcūq; est homi-  
nis diffinitio, una in omnes ualet. quod argumenti satis

est, nullam dissimilitudinem esse in genere. quæ si esset, non una omnes diffinitio contineret. etenim ratio, quæ una præstamus beluis, per quam coniectura ualemus, argumentamur, refellimus, differimus, conficimus aliquid, concludimus, certe est communis, doctrina differens, discendi quidem facultate par. nam & sensibus eadem omnia comprehenduntur: & ea, quæ mouent sensus, itidem mouent omnium: quæq; in animis imprimuntur, de quibus ante dixi, inchoatæ intelligentiæ, similiter in omnibus imprimuntur: interpretq; est mentis oratio, uerbis discrepans, sententijs congruens. nec est quisquam gentis ullius, qui ducem naturam nactus ad uirtutem peruenire non possit. nec solum in rectis, sed etiam in prauis actibus insignis est humani generis similitudo, nam & uoluptate capiuntur omnes: quæ etsi est illecebra turpitudinis, tamen habet quiddam naturalis boni: lenitatis est enim, & suauitatis: id enim, ut suauitate delectans, sic ab errore mentis tanquam salutare aliquid asciscitur. similiq; inscitia mors fugitur, quasi dissolutio naturæ: uita expetitur, quia nos, in quo nati sumus, continet: dolor in maximis malis ducitur, cum sua asferitate, tum quod naturæ interitus uidetur sequi. propter quam honestatis, & gloriæ similitudinem beati, qui honorati sunt, uidentur; miseri autem, qui inglorij, molestiæ, lætitiæ, cupiditates, timores similiter omnium mentes peruagantur: nec, si opiniones aliæ sunt apud alios, iccirco, qui canem & felem ut deos colunt, non eadem superstitione, qua cæteræ gentes, conficiantur. quæ autem natio non comitatem, non benignitatem, non gratum animum, & beneficij memorem diligit? quæ

om 3/2  
coll.



superbos; quæ maleficos, quæ crudeles, quæ ingratos non  
aspernatur, non odit? quibus ex rebus cum omne genus  
 hominum sociatum inter se esse intelligatur; illud extre-  
 mum est, quod recte uiuendi ratio meliores efficit. quæ  
 si approbatis, pergā ad reliqua: sin quid requiritis, id  
 explicemus prius. Att. Nos uero nihil; ut pro utroque  
 respondeam. M. Sequitur igitur; ad participandum a-  
 lium alio communicandumq; inter omnes, iustos natura  
 esse factos (atque hoc in omni disputatione sic intelligi uo-  
 lo, quod dicam naturam esse) tantam autem esse corru-  
 ptelam malæ consuetudinis; ut ab ea tanquam igniculi  
 extinguantur à natura dati, exorianturq; & confirmen-  
 tur uitia contraria. quod si, quo modo est natura, sic  
iudicio homines humani (ut ait poeta) nihil à se alienū  
putarent, coleretur ius æque ab omnibus: quibus enim  
ratio natura data est, iisdem etiam recta ratio data est:  
ergo & lex, quæ est recta ratio in iubendo, & uetan-  
do: si lex, ius quoque, at omnibus ratio: ius igitur da-  
tum est omnibus: recteq; Socrates execrari eum solebat,  
qui primus utilitatem à natura sciunxisset: id enim que-  
rebatur caput esse exitiorum omnium: unde enim illa  
 Pythagorea uox, τὰ τῶν φίλων κοινὰ; καὶ φίλων ἰσότη-  
 τα. ex quo perspicitur; cum hanc beneuolentiam tam  
 late longeq; diffusam uir sapiens in aliquem pari uirtu-  
 te præditum conculerit, tum illud effici, quod quibusdā  
 incredibile uideatur, sit autem necessarium, ut nihilo  
 sese plus, quàm alterum diligat. quid enim est, quod  
 afferat, cum sint cuncta paria? quod si interesse quip-  
 piam tantulum modo potuerit, iam amicitie nomen oc-  
 ciderit: cuius est ea vis, ut, simul atque sibi aliquid, q



alteri maluerit, nulla sit, quæ præmuniuntur omnia re  
liquo sermoni, disputationiq; nostræ, quo facilius, ius  
in natura esse positum, intelligi possit. de quo cum per=  
pauca dixerō, tum ad ius ciuile ueniam, ex quo hæc o=  
mnis nata est oratio. Q. Tu uero iam perpauca scilicet:  
ex ijs enim quæ dixisti, Attice \* uidetur, mihi qui=  
dem certe ex natura ortum esse ius. Att. An mihi aliter  
uideri possit, cum hæc iam perfectæ sint? primum quasi  
muneribus deorum nos esse instructos, & ornatos. Se=  
cundo autem loco unam esse hominum inter ipsos uiuen  
di parem, communemq; rationem. Deinde omnes inter  
se naturali quadam indulgentia, & beneuolentia, tum  
etiam societate iuris contineri. Quæ cum uera esse recte,  
ut arbitror, concesserimus, qui iam licet nobis à natu=  
ra leges & iura seiungere? M. Recte dicis: & res sic se  
habet. uerum philosophorum more, non ueterum qui=  
dem illorum, sed eorum, qui quasi officinas instruxe=  
runt sapientiæ, quæ fuse olim disputabantur, ac libere,  
ea nunc articulatim distincteq; dicuntur: nec enim satis  
fieri censent huic loco, qui nunc est in manibus, nisi se=  
paratim hoc ipsum, naturæ esse ius, disputarint. Att.  
Et scilicet tua libertas differendi amissa est; aut tu is es,  
qui in disputando non tuum iudicium sequare, sed au=  
ctoritati aliorum pareas. M. Non semper Tite: sed,  
iter huius sermonis quod sit, uides: ad Reip. firman=  
das, & stabiliendas uires, sanandos populos omnis no=  
stra pergit oratio. quocirca uereor committere, ut non  
bene prouisa, & diligenter explorata principia po=  
nantur, nec tamen ut omnibus probentur (nam id fie=  
ri non potest) sed ut ijs, qui omnia recta, atque ho=

nestra per se expetenda duxerunt, & aut nihil omnino  
 in bonis numerandum, nisi quod per se ipsum laudabile  
 esset, aut certe nullum habendum magnum bonum, ni-  
 si quod uere laudari sua sponte posset. his omnibus, si-  
 ue in Academia uetere cum Speusippo, Xenocrate, Po-  
 lemone manserunt, siue Aristotelem, & Theophrastū,  
 cum illis re congruentes, genere docendi paulum diffe-  
 rentes, secuti sunt, siue, ut Zenoni uisum est, rebus  
 non commutatis immutauerunt uocabula, siue etiam A-  
 ristonis difficilem, atque arduam, sed iam tamen fra-  
 ctam, & conuictam sectam secuti sunt, ut uirtutibus  
 exceptis, atque uitijs, cetera in summa aequalitate po-  
 nerent, his omnibus hæc, quæ dixi, probantur. sibi au-  
 tem indulgentes, & corpori deseruientes, atque omnia,  
 quæ sequantur in uita, quæq; fugiant, uoluptatibus,  
 & doloribus ponderantes, etiam si uera dicunt, nihil  
 enim opus est hoc loco litibus, in hortulis suis iubeamus  
 dicere, atque etiam ab omni societate Reip. cuius partem  
 nec norunt ullam, nec unquam nosse uoluerunt, pau-  
 lisser facebant rogemus, perturbatricem autem harum  
 omnium rerum Academiam hanc ab Arcesila, & Car-  
 neade recentem exoremus, ut sileat. nam si inuasit in  
 hæc, quæ satis scite nobis instructa & composita uiden-  
 tur, nimias edet ruinas. quam quidem ego placare cu-  
 pio, submouere non audeo. \* nam & in ijs sine  
 illius suffimentis expiati sumus. at uero scelerum in ho-  
 mines, atque impietatum nulla expiatio est. itaque poenas  
 luunt non tam iudicijs, quæ quondam nusquam erant,  
 hodie multifariam nulla sunt, ut sint tamen, persæpe  
 falsa sunt, ut eos agitent, insectenturq; furia, non ar-

Speusippus  
 Xenocrates  
 Polemon  
 Aristoteles  
 Theophrastus  
 Zeno  
 Aristotle

Arcesilas  
 Carneades



dentibus tædis, sicut in fabulis, sed angore conscientia,  
 fraudisq; cruciatu. quod si homines ab iniuria pœna,  
non natura arcere deberet, quænam sollicitudo uexaret  
impios, sublato suppliciorum metu? quorum tamen ne-  
 mo tam audax unquam fuit, quin aut abnuerit à se cõ-  
 missum esse facinus, aut iusti sui doloris causam aliquã  
 fingeret, defensionemq; facinoris à natura iure aliquo  
 quæreret. quæ si appellare audent impij, quo tandem  
studio colentur à bonis? quod si pœna, si metus supplicij,  
non ipsa turpitudine, deterret ab iniuriosa, facinorosaq;  
uita: nemo est iniustus, at incauti potius habendi sunt  
improbi. tum autem qui non ipso honesto mouemur, ut  
 boni uiri simus, sed utilitate aliqua atque fructu, calli-  
 di sumus, non boni. nam quid faciet is homo in tene-  
bris, qui nihil timet nisi testem, uel iudicem? quid in de-  
 serto loco, naetus quem multo auro spoliare possit im-  
 becillum, atque solum? noster quidem hic natura iustus  
 uir ac bonus etiam colloquetur, iuuabit, in uiam dedu-  
 cet. is uero, qui nihil alterius causa facit, & metitur  
 suis commodis omnia, uideris credo quid sit acturus, quod  
 si negabit se illi uitam erepturum, & aurum ablaturũ,  
 nunquam ob eam causam negabit, quod id natura turpe  
 iudicet, sed quod metuat ne emanet, idest ne malum ha-  
 beat. o rem dignam, in qua non modo docti, uerum eti-  
am agrestes erubescant. iam uero stultissimum illud, exi-  
 stimare omnia iusta esse, quæ scita sint in populorum in-  
 stitutis, aut legibus. etiam ne, si quæ sint tyrannorum le-  
 ges, si triginta illi Athenis leges imponere uoluissent? aut  
 si omnes Athenienses delectarentur tyrannicis legibus, nũ  
 iccirco hæ leges iustæ haberentur? nihil credo magis illa,

coll. Plu.  
nihil



quam interrex noster tulit, ut Dictator, quem uellet ci-  
 uium, indicta causa impune posset occidere. est enim  
 unum ius, quo deuincta est hominum societas, & quod  
 lex constituit una, quæ lex est recta ratio imperandi, at-  
 que prohibendi: quam qui ignorat, is est iniustus, siue  
 est illa scripta usquam, siue nusquam. quod si iustitia est  
 obtemperatio scriptis legibus, institutisq; populorum, &  
 si, ut iidem dicunt, utilitate omnia metienda sunt, ne-  
 gliget leges, easq; perrumpet, si poterit, is, qui sibi eam  
 rem fructuosam putabit fore: ita fit, ut nulla sit omni-  
 no iustitia, si neque natura est, & ea, quæ propter uti-  
 litatem constituitur, utilitate illa conuellitur. atqui si na-  
 tura confirmatum ius non erit, uirtutes omnes tollantur:  
 ubi enim liberalitas, ubi patriæ charitas, ubi pietas, ubi  
 autem bene merendi de altero, aut referendæ gratiæ uo-  
 luntas poterit existere? nam hæc nascuntur ex eo, quod  
 natura propensi sumus ad diligendos homines, quod fun-  
 damentum iuris est: neque solum in homines obsequia,  
 sed etiam in deos cærimoniæ, religionesq; tolluntur: quas  
 non metu, sed ea coniunctione, quæ est homini cum deo,  
 conseruandas puto. quod si populorum iussis, si prin-  
 cipum decretis, si sententijs iudicum, iura constitue-  
 rentur; ius esset latrocinari, ius adulterare, ius testa-  
 menta falsa supponere, si hæc suffragijs, aut scitis mul-  
 titudinis probarentur. quæ si tanta potentia est stulto-  
 rum sententijs, atque iussis, ut eorum suffragijs rerum  
 natura uertatur: cur non sanciant, ut, quæ mala, per-  
 niciosaq; sunt, habeantur pro bonis, ac salutaribus? aut  
 cur, cum ius ex iniuria lex facere possit, bonum eadem  
 facere non possit ex malo? atqui nos legem bonam à ma-

l. aut

fundam<sup>m</sup> iu-  
ris

la nulla alia nisi naturali norma diuidere possumus, nec  
solum ius à natura dijudicatur, sed omnino omnia ho=  
nesta ac turpia. nam & communis intelligentia nobis  
notas res efficit, easq; in animis nostris inchoauit, ut ho=  
nesta in uirtute ponantur, in uitijs turpia. hæc autem  
in opinione existimare, non in natura ponere, dementis  
est. nam nec arboris, nec equi uirtus quæ dicitur, in quo  
abutimur nomine, in opinione sita est, sed in natura.  
quod si ita est, honesta quoque & turpia natura dijudi=  
canda sunt. nam si opinione uniuersa uirtus, eadem e=  
ius etiam partes probarentur. quis igitur prudentem,  
& ut ita dicam, catum non ex ipsius habitu, sed ex  
aliqua re externa iudicet? est enim uirtus perfecta ra=  
tio. quod certe in natura est. igitur omnis honestas eo=  
dem modo. nam ut uera, & falsa, ut consequentia, et  
contraria, sua sponte, non aliena indicantur: sic con=  
stans, & perpetua ratio uita, quæ est uirtus, itemq; in=  
constantia, quod est uitium, sua natura probatur. nos  
ingenia inueniunt non ratione ab ingenita natura uirtu=  
te, sed uitia, quæ existunt ab ingenijs, indicamus. an  
ea non aliter, quam honesta & turpia, non ad naturam  
referri necesse erit? quod laudabile bonum est, in se ha=  
beat quod laudetur necesse est: ipsum enim bonum non  
est in opinionibus, sed in natura: nam ni ita esset, bea=  
ti quoque opinione essent: quo quid dici potest stultius?  
quare cum & bonum & malum natura iudicetur, &  
ea sint principia naturæ: certe honesta quoque & tur=  
pia simili ratione dijudicanda, & ad naturam refe=  
renda sunt. Sed perturbat nos opinionum uarietas,  
hominumq; dissensio: & quia non idem contingit in

Virtus.  
f. 161.

sensibus, hos natura certos putamus; illa, quæ alijs sic,  
 alijs secus, nec ijsdem semper uno modo uidentur, ficta  
 esse dicimus. quod est longe aliter. nam sensus nostros  
 non parens, non nutrix, non magister, non poeta, non  
 scena deprauat, non multitudinis consensus abducit à ue-  
 ro. animis omnes tenduntur insidiæ, uel ab ijs, quos mo-  
 do enumeravi, qui teneros, & rudes cum acceperunt,  
 insciant, & flectunt, ut uolunt; uel ab ea, quæ peni-  
 tus in omni sensu implicata insidet imitatrix boni uolu-  
 ptas, malorum autem mater omnium; cuius blanditijs  
 corrupti, quæ natura bona sunt, quia dulcedine hac et  
 scabie carent, non cernimus satis. Sequitur, ut conclusa  
 mihi iam hæc sit omnis ratio, id quod ante oculos ex ijs  
 est, quæ dicta sunt, & ius, & omne honestum sua  
 sponte esse expetendum. etenim omnes uiri boni ipsam  
 æquitatem & ius ipsum amant: nec est uiri boni erra-  
 re, & diligere, quod per se non sit diligendum. per se  
 igitur ius est expetendum & colendum. quod si ius: &  
 iustitia: sic reliquæ quoque uirtutes per se colendæ sunt.  
 quid liberalitas? gratuita ne est, an mercenaria? si si-  
 ne præmio benigna est, gratuita: si cum mercede, con-  
 ducta: nec est dubium, quin is, qui liberalis, benignus  
 ue dicitur, officium, non fructum sequatur. ergo item  
 iustitia nihil expetit præmij, nihil pretij: per se igitur  
 expetitur. eademq; omnium uirtutum causa, atque sen-  
 tentia est. atque etiam si emolumentis, non suapte natu-  
 ra uirtus expetitur, una erit uirtus, quæ malitia re-  
 etissime dicitur. ut enim quisque maxime ad suum  
 commodum refert quacunque agit, ita minime est uir  
 bonus, ut, qui uirtutem præmio metiuntur, nullam  
 uirtutem

l. etiam



uirtutem nisi malitiam putent. ubi enim beneficium, si nemo alterius causa benigne facit? ubi gratus, si non eum ipsum, cui referunt gratiam, cernunt grati? ubi illa sancta amicitia, si non ipse amicus per se amatur toto petore, ut dicitur? qui etiam deferendus et abijciendus est, desperatis emolumentis, et fructibus. quo quid potest dici immanius? quod si amicitia per se colenda est, societas quoque hominum, et aequalitas, et iustitia per se expetenda. quod non ita est, omnino iustitia nulla est: id enim iniustissimum ipsum est, iustitiae mercedem quaerere. quid uero de modestia, quid de temperantia, quid de continentia, quid de uerecundia, pudore, pudicitiaque dicemus? infamiae ne metu non esse petulantes, an legum, et iudiciorum? innocentes ergo et uerecundi sunt, ut bene audiant; et ut rumorem bonum colligant, erubescunt; et pudet impudica loqui. ac me nimium istorum philosophorum pudet, qui nullum uitium uitare, nisi iudicio ipso multatum, putant. quid enim? possumus eos, qui stupro arcentur infamiae metu, pudicos dicere, cum ipsa infamia propter rei turpitudinem consequatur? nam quid aut laudari rite, aut uituperari potest, si ab eius natura recesseris, quod aut laudandum, aut uituperandum putes? an corporis prauitates, si erunt perinsignes, habebunt aliquid offensionis, an mi deformitas non habebit? cuius turpitudine ex ipsis uitibus facillime perspicitur: quid enim foedius auaritia, quid immanius libidine, quid contemptius timiditate, quid abiecius tarditate et stultitia dici potest? quid ergo? eos, qui singulis uitibus excellunt, aut etiam pluribus, propter damna, aut detrimenta, aut cruciatus aliquos

m. 52.  
 ill.  
 miseros dicimus, an propter uim turpitudinemq; uitio-  
 rum? quod item ad contrariam laudem in uirtute dici  
 potest. nam si propter alias res uirtus expetitur, melius  
 esse aliquid, quam uirtutem, necesse est. pecuniam ne  
 igitur? an honores? an formam? an ualitudinem?  
 quæ & cum adsunt, perparua sunt; & quam diu af-  
 futura sint, certum sciri nullo modo potest. an, id quod  
 turpissimum dictu est, uoluptatem? at in ea quidem  
 spernenda & repudianda uirtus uel maxime cernitur.  
 Videtis ne, quanta series rerum, sententiarumq; sit?  
 atq; ut ex alio alia neſtantur? quin labebar longius, nisi  
 me retinuisssem. Q. Quò tandem? libenter enim fra-  
 ter cum ista oratione tecum prolaberer. M. Ad finem  
 bonorum, quò referuntur, & cuius causa sunt facien-  
 da omnia: controuersam rem, et plenam dissensionis in-  
 ter doctissimos, sed aliquando tamen iudicandam. A.  
 Qui istuc fieri potest. L. Gellio mortuo? M. Quid  
 tandem id ad rem? Att. Quia me Athenis audire ex  
 Phædro meo memini, Gellium, familiarem tuum, cum  
 proconsul ex Prætura in Græciam uenisset, Athenis phi-  
 losophos, qui tum erant, in locum unum conuocasse,  
 ipsisq; magnopere auctorem fuisse, ut aliquando con-  
 trouersiarum aliquem facerent modum: quòd si essent  
 eo animo, ut nollent ætatem in litibus conterere, posse  
 rem conuenire; & simul operam suam illis esse polli-  
 citum, si posset inter eos aliquid conuenire. M. Iocu-  
 lare istud quidem Pomponi, & à multis sæpe derisum:  
 sed ego planè uellem me arbitrum inter antiquam Aca-  
 demiam & Zenonem datum. Att. Quo tandem istuc  
 modo? M. Quia de re una solum dissident, de cæte-

ris mirifice congruunt. Att. An tandem una de re est solum dissensio? M. Quæ quidem ad rem pertineat, una: quippe cum antiqui omnes, quod secundum naturam esset, quo iuuaremur in uita, bonum esse decreuerint, hic, nisi quod honestum esset, putauerit bonum. Att. Perparuam uero controuersiam dicis, ac non eam, quæ dirimat omnia. M. Probe quidem sentis, si re, ac non uerbis dissiderent. Att. Ergo assentiris Antiocho familiari meo, magistro enim non audeo dicere; quocum uixi, & qui me ex nostris penè conuellit hortulis, deduxitq; in Academiam perpauculis passibus. M. Vir iste fuit ille quidem prudens & acutus, & in suo genere perfectus, mihiq; ut scis, familiaris: cui tamē ego assentiar in omnibus, nec ne, mox uidero: hoc dico, controuersiam totam istam posse sedari. Att. Qui istuc tandem uides? M. Quia si, ut Chius Aristio dixit, solum bonum esse diceret, quod honestum esset; malumq; quod turpe; ceteras res omnes planè pares, ac ne minimum quidem, utrum adessent, an abessent, interesse: ualde à Xenocrate, & Aristotele, & ab illa Platonis familia discreparet, essetq; inter eos de re maxima, & de omni uiuendi ratione dissensio. nunc uero cum decus, quod antiqui summum bonum esse dixerunt, hic solum bonum dicat; item dedecus, quod illi summum malum, hic solum; diuitias, ualetudinem, pulchritudinem, commodas res appellet, non bonas; paupertatem, debilitatem, dolorem, incommodas; non malas: sentit idem, quod Xenocrates, quod Aristoteles; loquitur alio modo. ex hac autem non rerum, sed uerborum discordia controuersia nata est de finibus: in

L. Ait

om. ss.  
coll.



qua quoniam usucapionem XII tabulæ inter quinque pedes esse uoluerunt, depasci ueterem possessionem Academia ab hoc acuto homine non sinemus: nec Manilia lege singuli, sed ex his tres arbitri fines regemus. Q. Quamnam igitur sententiam dicimus? M. Requiriti placere terminos, quos Socrates pepigerit; ijsq; parere. Q. Præclare frater iam nunc à te uerba usurpantur ciuili iuris & legum: quo de genere expecto disputationem tuam: nam ista quidem magna diu dicatio est, ut ex te ipso sæpe cognoui. M. Sed certe res ita se habent, ut ex natura uiuere summum bonum sit, id est uita modica, & apta uirtute perfrui, aut naturam sequi, & eius quasi lege uiuere, id est nihil, quantum in ipso sit, prætermittere, quo minus ea, quæ natura postulet, consequatur, quod inter hæc uelit uirtute tanquam lege uiuere: quapropter hoc diiudicari, nescio an unquam, sed hoc sermone certe non potest, si quidem id, quod suscepimus, perfecturi simus. Att. At ego huc declinabam non inuitus. Q. Licebit aliàs: nunc id agamus, quod cœpimus, cum præsertim ad id nihil pertineat hæc de summo malo, bonoq; dissensio. M. Prudentissime Quinte dicis: nam quæ à me adhuc dicta sunt, \*

Q. nec Licurgi leges, nec Solonis, neq; Charondæ, neq; Zaleuci, nec nostras XII tabulas, nec plebiscita desidero: sed te existimo tum populis, tum etiam singulis hodierno sermone legem uiuendi, & disciplinam daturum. M. Est huius uere disputationis Quinte proprium id, quod expectas: atque utinam esset etiam facultatis meæ. sed profecto ita se res habet, ut, quoniam uitiorum emendatricem legem esse oportet, commendatri-

cemq; uirtutum, ab ea uiuendi doctrina ducatur. ita fit, ut mater omnium bonarum artium sapientia sit: à cuius amore græco uerbo philosophia nomen inuenit: qua nihil à dys immortalibus uberius, nihil florentius, nihil præstabilius hominum uitæ datum est. hæc enim una nos cum ceteras res omnes, tum, quod est difficillimum, docuit, ut nosmet ipsos nosceremus: cuius præcepti tanta uis, tanta sententia est, ut ea non homini cuiuspiam, sed Delphico deo tribueretur. nam qui se ipse norit, primum aliquid sentiet se habere diuinum, ingeniumq; in se suum, sicut simulacrum aliquod, dedicatum putabit; tantoq; munere deorum semper dignum aliquid & faciet, & sentiet; & cum se ipse perspexerit, totumq; tentarit, intelliget quemadmodum à natura subornatus in uitam uenerit, quantaq; instrumenta habeat ad obtinendam, adipiscendamq; sapientiam, quoniam principio rerum omnium quasi adumbratas intelligentias animo ac mente conceperit, quibus illustratus sapientia duce bonum uirum, & ob eam ipsam causam cernat se beatum fore. nam cum animus, cognitis perceptisq; uirtutibus, à corporis obsequio, indulgentiaq; discesserit, uoluptatemq; sicut labem aliquam dedecoris oppresserit, omnemq; mortis dolorisq; timorem effugerit, societatemq; carnis eiecerit, tum suis, omnibusq; natura cōiunctos, suos duxerit, cultumq; deorum, & puram religionem susceperit, & exacuerit illam, ut oculorum, sic ingenij aciem ad bona deligenda & reijcienda contraria, quæ uirtus ex prouidendo est appellata prudentia: quid eo dici, aut excogitari poterit beatius? idemq; cum cœlum, terras, maria, omniumq;

rerum naturam perspexerit, eaq; unde generata, quò  
recurrant, quando, quo modo obitura, quid in ijs mor-  
tale, & caducum, quid diuinum, æternumq; sit, uide-  
rit, ipsumq; ea moderantem & regentem penè prehen-  
derit, seseq; non unis circumdatum mœnibus popularem  
alicuius loci, sed ciuem totius mundi, quasi unius urbis,  
agnouerit: in hac ille magnificentia rerum, atq; in hoc  
conspetu & cognitione naturæ, dij immortales, quàm  
ipse se noscet, quod Apollo præcepit Pythius; quàm con-  
temnet, quàm despiciet, quàm pro nihilo putabit ea, quæ  
uulgo dicuntur amplissima. atq; hæc omnia, quasi sepi-  
mento aliquo, uallabit differendi ratione, ueri, & falsi, iu-  
dicio, scientia, & arte quadam intelligendi quid quanq;  
rem sequatur, & quid sit cuiq; contrarium. cumq; se  
ad ciuilem societatem natum senserit, non solum illa  
subtili disputatione sibi utendum putabit, sed etiam fu-  
sa latius perpetua oratione, qua regat populos, qua stabi-  
liat. leges, qua castiget improbos, qua tueatur bonos, qua  
laudet claros uiros, qua præcepta salutis, & laudis apte  
ad persuadendum edat suis ciuibus, qua hortari ad de-  
cus, reuocare à flagitio, consolari possit afflictos, fa-  
ctaq; & consulta fortium & sapientum cum improbo-  
rum ignominia sempiternis monumentis prodere. quæ  
cum tot res tantæq; sint, quæ inesse in homine perspician-  
tur ab ijs, qui se ipsi uelint noscere; earum parens est  
educatrixq; sapientia. Att. Laudata quidem à te gra-  
uiter, & uere. sed quorsus hæc pertinent? M. Primum  
ad ea Pomponi, de quibus aëтури iam sumus: quæ tanta  
esse uolumus: non enim erunt, nisi ea fuerint, unde illa  
manant, amplissima. deinde facio & libenter, & ut



spero, recte, quòd eam, cuius studio teneor, quæq; me, quicumq; sum, effecit, non possum silentio præterire. Att. Re uera facis & merito, & ipse, fuitq; id, ut dicis, in hoc sermone faciendum.

## M. T. CICERONIS DE LEGIBVS

## LIBER SECVNDVS.

## ATTICVS.

Ed uis'ne, quoniam & satis iam deambulatum est, & tibi aliud dicendi initium sumendum est, locum mutemus, et in insula, quæ est in Fibreno, (nam opinor illi alteri flumini nomen esse) sermoni reliquo demus operam sedentes? M. Sane quidem: nam illo loco libentissime soleo uti, siue quid mecum ipse cogito, siue aliquid scribo, aut lego. Att. Equidem, qui nunc primum huc uenerim, satiari non queo, magnificasq; uillas, & pauimenta marmorea, & laqueata tecta contemno. ductus uero aquarum, quos isti tubos & euripos uocant, quis non, cum hæc uideat, irriserit? itaq; ut tu paulo ante de lege & iure differens ad naturam referbas omnia, sic in his ipsis rebus, quæ ad quietem animi, delectationemq; quærentur, natura dominatur. quare antea mirabar (nihil enim his in locis nisi saxa, & montes cogitabam: idq; ut facerem, & orationibus inducebar tuis, & uersibus) sed mirabar, ut dixi, te tam ualde hoc loco delectari: nunc cõtra miror, te, cum Roma absus, usquã potius esse. M. Ego uero, cum licet plures dies

abesse, præsertim hoc tempore anni, & amœnitatem, & salubritatem hanc sequor. raro autem licet. sed nimirum me alia quoq; causa delectat, quæ te non attingit ita. Att. Quæ tandem ista causa est? M. Quia, si

*l. fratris me* uerum dicimus, hæc est mea, & huius fratris germana patria: hic enim orti stirpe antiquissima sumus: hic sacra, hic genus, hic maiorum multa uestigia. quid plura? hanc uides uillam, ut nunc quidem est, lautius ædificatam patris nostri studio: qui cum esset infirma ualitudine, hic ferè atatem egit in literis. sed hoc ipso in loco cum auus uiueret, & antiquo more parua esset uilla, ut illa Curiana in Sabinis, me scito esse natum. quare id est nescio quid, & latet in animo ac sensu meo, quo me plus hic locus fortasse delectet: siquidem etiam ille sapientissimus uir, Itacham ut uideret, immortalitatem scribitur repudiasse. Att. Ego uero tibi istam iustam causam puto, cur huc libentius uenias, atq; hunc locum diligas. quin ipse, uere dicam, sum ipsi uillæ amior factus, atq; huic omni solo, in quo tu ortus, & procreatus es: mouemur enim nescio quo pacto locis ipsis, in quibus eorum, quos diligimus, aut admiramur, adsunt uestigia. me quidem ipsæ illæ nostræ Athenæ non tam operibus magnificis, exquisitisq; antiquorum artibus delectant, quàm recordatione summorum uirorum, ubi quisq; habitare, ubi sedere, ubi disputare sit solitus: studioseq; eorum etiam sepulcra contemplor. quare istum, ubi tu es natus, plus amabo posthac locum. M. Gaudeo igitur me incunabula penè mea tibi ostendisse. Att. Et quidem me cognosse admodum gaudeo. sed illud tamen quale est, quod paulo ante dixisti? hunc locum, idem ego te ac-

cipio dicere Arpinum, germanam patriam esse uestram. nunquid uos duas habetis patrias, an est illa una patria communis? nisi forte sapienti illi Catoni fuit patria non Roma, sed Tusculum. M. Ego mehercule & illi, & omnibus municipibus duas esse censeo patrias, unam naturæ, alteram ciuitatis: ut ille Cato, cum esset Tusculi natus, in populi R. ciuitatem susceptus est: itaque, cum ortu Tusculanus esset, ciuitate Romanus, habuit alteram loci patriam, alteram iuris: ut uestri Attici, priusquam Theseus eosdem migrare ex agris, & in astu, quod appellatur, omnes se conferre iussit, & Symphradas ex Atticis: sic nos & eam patriam dicimus, ubi nati, & illam, qua excepti sumus: sed necesse est charitate eam præstare, qua Reip. nomen uniuersæ ciuitatis est: pro qua mori, & cui nos totos dedere, & in qua nostra omnia ponere, & quasi consecrare debemus. dulcis autem non multo secus est ea, quæ genuit, quàm illa, quæ excepit: itaque ego esse hanc meam patriam prorsus nunquam negabo, dum illa sit maior, & hæc in ea contineatur. Att. Recte igitur Magnus ille noster me audiente posuit in iudicio, cum pro Ambio tecum simul diceret, Remp. nostram iustissimas huic municipio gratias agere posse, quòd ex eo duo sui conseruatores extitissent: ut iam uideam adduci, hanc quoque, quæ te procreauit, esse patriam tuam. Sed uentum in insulam est. hac uero nihil est amoënius. ut enim hoc quasi rostro finditur Fibrenus, & diuisus æqualiter in duas partes latera hæc alluit, rapideq; dilapsus cito in unum confluit, & tantum complectitur quod satis sit modicæ palestræ loci. quo effecto, tanquam id habuerit ope =

Corad: 30. a.



ris, ac muneris, ut hanc nobis efficeret sedem ad disputandum, statim præcipitat in Lirem, & quasi in familiam patriam uenerit, amittit nomen obscurius, Liremque multo gelidiorum facit: nec enim ullum hoc frigidius flumen attingi, cum ad multa accesserim, ut uix pede tentare id possim: quod in Phædro Platonis facit Socrates. M. Est uero ita: sed tamen huic amœnitati, quam ex Quinto sæpe audio, Thebanus Epirotes tuus ille nihil opinor concesserit. Q. Est ita, ut dicis: caue enim putes Attici nostri Emathio, plataniisque illis quicquam esse præclarius. sed, si uidetur, confidamus hic in umbra, atque ad eam partem sermonis, ex qua egressi sumus, reuertamur. M. Præclare exigis Quinte. at ego effugisse arbitrabar: & tibi nihil horum deberi potest. Q. Ordire igitur: nam hunc tibi totum dicamus diem, maiore musarum primordio, sicut in Arati carmine orsi sumus. M. Quorsum istuc? Q. Quia nunc itidem ab eodem, & cæteris dijs immortalibus sunt nobis agendi capienda primordia. M. Optime uero frater: & fieri sic decet. Videamus igitur rursus, priusquam aggrediamur ad leges singulas, uim naturamque legis, ne, cum referenda sint ad eam nobis omnia, labamur interdum errore sermonis, ignoremusque uim sermonis eius, quo iura nobis diffinienda sint. Q. Sanè quidem Hercule: & est ista recta docendi uia. M. Hanc igitur uideo sapientissimarum fuisse sententiam, legem neque hominum ingenijs excogitatam, neque scitum aliquod esse populorum, sed æternum quiddam, quod uniuersum mundum regeret imperandi, prohibendi que sapientia. ita principem legem illam, & ultimam, mentem esse

*coll.*

dicebant omnia ratione aut cogentis, aut uetantis dei : ex qua illa lex, quam dii humano generi dederunt, recte est laudata : est enim ratio, mensq; sapientis ad iubendum, & ad deterrendum idonea. Q. Aliquoties iam iste locus à te tactus est : sed antequam ad populares leges uenias, uim istius cœlestis legis explana, si placet; ne æstus nos consuetudinis absorbeat, & ad sermonis morem usitati trahat. M. A. paruis enim Quinte didicimus, si in ius uocat, atque eat, eiusmodi leges alias nominare. sed uero intelligi sic oportet, & hæc, & alia iussa, ac uetita populorum uim habere ad recte facta uocandi, & à peccatis auocandi : quæ uis non modo senior est, quam ætas populorum, & ciuitatum, sed æqualis illius cœlum, atque terras tuentis, & regentis dei : neque enim esse mens diuina sine ratione potest, nec ratio diuina non hanc uim in rectis prauisq; sanciendis habere : nec, quia nusquam erat scriptum, ut contra omnes hostium copias in ponte unus assisteret, à tergoq; pontem interscindi iuberet, iccirco mirus Coclitem illum rem gessisse tantam fortitudinis lege, atque imperio putabimus : nec, si regnante Tarquinio nulla erat Romæ scripta lex de stupris, iccirco non contra illam legem sempiternam Sex. Tarquinius uim Lucretiæ Tricipitini filiæ attulit : erat enim ratio profecta à rerum natura, & ad recte faciendum impellens, & à delicto auocans : quæ non tum denique incipit lex esse, cum scripta est, sed tum, cum orta est : orta autem simul est cum mente diuina : quamobrem lex uera, atque princeps, apta ad iubendum, & ad uetandum, ratio est recta summi Iouis. Q. Assentior

frater, ut, quod est rectum, uerum quoque sit, neque cum literis, quibus scita scribuntur, aut oriatur, aut occidat. M. Ergo ut illa diuina mens summa lex est, item, cum in homine est perfecta, est in mente sapientis. quæ sunt autem uariæ, & ad tempus scriptæ, populi fauore magis, quàm re, legum nomen tenent: omnem enim legem, quæ quidem recte lex appellari possit, esse laudabilem quibusdam talibus argumentis docent. constat profecto, ad salutem ciuium, ciuitatumq; incolumitatem, uitamq; omnium quietam, & beatam conditas esse leges; eosq;, qui primum eiusmodi scita sanxerunt, populis ostendisse, ea se scripturos, atque laturus, quibus illi ascriptis, susceptisq;, honeste beatèq; uiuerent: quæq; ita composita, sanctaq; essent, eas leges uidelicet nominarunt. ex quo intelligi par est, eos, qui perniciofa, & iniusta populis iussa descripserint, cum contra fecerint, quàm polliciti, professiq; sint, quiduis potius tulisse, quàm leges: ut perspicuum esse possit, in ipso nomine legis interpretando inesse uim, & sententiam iusti, & iuris colendi. quæro igitur Quinte à te, sicut illi solent: quo si ciuitas careat, ob eam ipsam causam, quòd eo careat, pro nihilo habenda sit, id est ne numerandù in bonis? Q. Ac maximis quidem. M. Lege autem carens ciuitas an ne ob ipsum habenda nullo loco? Q. Dici aliter non potest. M. Necesse est igitur legem haberi in rebus optimis. Q. Prorsus assentior. M. Quid, quòd multa perniciofa, multa pestifera sciscuntur in populis? quæ non magis legis nomen attingunt, quàm si latores aliquas concessu suo sanxerint. nam neque medicorum præcepta dici uere possent, si quæ insciji imperitiq; pro



salutaribus mortifera conscripserint : neque in populo  
lex , cuiusmodi fuerit , illa , etiam si perniciosum aliqd  
populus acceperit . ergo est lex iustorum , iniustorumq;  
distinctio , ad illam antiquissimam , & rerum omnium  
principem expressa naturam , ad quam leges hominum  
diriguntur , quæ supplicio improbos afficiunt , & defen-  
dunt , & tuentur bonos . Q . Præclare intelligo : nec ue-  
ro iam aliam esse ullam legem puto non modo habendâ ,  
sed ne appellandam quidem . M . Igitur tu Seias & Apu-  
leias leges nullas putas ? Q . Ego uero ne Linias quidem .  
M . Et recte , quæ præsertim uno uersiculo senatus pun-  
cto temporis sublata sint : lex autem illa , cuius uim ex-  
plicaui , neque tolli , neque abrogari potest . Q . Eas tu  
igitur leges rogabis uidelicet , quæ nunquam abrogen-  
tur . M . Certe , si modo acceptæ à uobis duobus erunt .  
sed , ut uir doctissimus fecit Plato , atque idem grauissi-  
mus , omniumq; princeps , de Rep . cum scripsit , idemq;  
separatim de legibus eius , id mihi credo esse faciendum ,  
ut , priusquam ipsam legem recitem , de eius legis laude  
dicam . quod idem & Zaleucum , & Charondam fecis-  
se uideo , cum quidem illi non studij , & delectationis ,  
sed Reip . causa leges ciuitatibus suis scripserunt . quos imi-  
tatus Plato , uidelicet hoc quoque legis putauit esse , per-  
suadere aliquid , nō omnia ui ac minis cogere . Q . Quid ,  
quod Zaleucum istum negat ullum fuisse Timæus ? M .  
At Theophrastus auctor , haud deterior mea quidem sen-  
tentia , meliorem multi nominant : commemorant uero  
ipsius ciues , nostri clientes , Locri . sed siue fuit , siue non  
fuit , nihil ad rem . loquimur , quod traditum est . sit igi-  
tur hoc iam à principio persuasum ciuibus , dominos esse

omnium rerum, ac moderatores deos, eaq; quæ geratur,  
 eorum geri iudicio, ac numine, eosdemq; optime de gene-  
 re hominum mereri, & qualis quisq; sit, quid agat, quid  
 in se admittat, qua mente, qua pietate religiones colat,  
 intueri, piorumq; & impiorum habere rationem: his e-  
 nim rebus imbutæ mentes, haud sanè abhorrebunt ab uti-  
 li, & à vera sententia: quid est enim uerius, quàm ne-  
 minem esse oportere tam stulte arrogantem, ut in se men-  
 tem & rationem putet inesse, in cœlo mundoq; non pu-  
 tet? aut ea, quæ uix summa ingenij ratione cõprehen-  
 dat, nulla ratione moueri putet? quem uero astrorum  
 ordines, quem dierum, noctiumq; uicissitudines, quem  
 mensium temperatio, quemq; ea, quæ gignuntur nobis  
 ad fruendum, non gratum esse cogant, hunc hominem  
 omnino numerare qui decet? cumq; omnia, quæ ratio-  
 nem habent, præstent ijs, quæ sint rationis expertia, ne-  
 fasq; sit dicere ullam rem præstare naturæ omnium re-  
 rum: rationem inesse in ea confitendum est. utiles esse  
 autem opiniones has quis neget, cum intelligat, quàm  
 multa firmentur iureiurando, quantæ salutis sint fœde-  
 ra religionis, quàm multos diuini supplicij metus à sce-  
 lere reuocarit, quàmq; sancta sit societas ciuium, inter  
 ipsos dijs immortalibus interpositis tum iudicibus, tum te-  
 stibus? Habes legis proæmium: sic enim hoc appellat Pla-  
 to. Q. Habeo uero frater: & in hoc admodum dele-  
 ctor, quòd in alijs rebus, alijsq; sententijs uersaris, at-  
 que ille: nihil enim tam dissimile est, quàm uel ea, quæ  
 ante dixisti, uel hoc ipsum legis exordium. unum illud  
 mihi uideris imitari orationis genus. M. Vellem fortas-  
 se: quis enim id potest, aut unquam poterit imitari? nã

sententias interpretari per facile est. quod quidem ego facerem, nisi planè esse uellem meus: quid enim negotij est, eadem propè uerbis iisdem conuersa dicere? Q. Prorsus assentior. uerum, ut modo tute dixisti, te esse malo tuum. sed iam exprome, si placet, istas leges de religione. M. Expromam equidem, ut potero: & quoniam & locus, & sermo familiaris est, legum uocem proponam. Q. Quidnam id est? M. Sunt certa legum uerba quæ nunc, neque ita prisca, ut in ueteribus his, sacrisq; legibus, & tamen, quo plus auctoritatis habent, paulo antiquiora, quàm hic sermo est. cum morè igitur cum breuitate, si potero, consequar. leges autem à me edentur non perfectæ, nam esset infinitum, sed ipse summæ rerum, ac sententiæ. Q. Ita uero necesse est: quare audiamus uerba legis. M. Ad diuos adeunto caste: pietatem adhibento: opes amouento. qui secus faxit, deus ipse uindex erit. Separatim nemo habessit deos, neue nouos: sed ne aduenas, nisi publice adscitos, priuatim colunto. constructa à patribus delubra habento: lucos in agris habento, & larum sedes: ritus familiæ, patrumq; seruanto. diuos, & eos, qui cœlestes semper habiti, colunto, & ollos, quos in cœlum merita uocauerint, Herculem, Liberum, Aesculapium, Castorem, Pollucem, Quirinum: ast olla, propter quæ datur homini ascensus in cœlum, Mentem, Virtutem, Pietatem, Fidem, earumq; laudum delubra sunt. nec ulla uitiorum sacra solennia obeunto. feriis iurgia amouento, easq; in famulis operibus patratis habento. itaque, ut ita cadat in annuis anfractibus, descriptum est: certasq; fruges, certasq; bacas sacerdotes publice libanto:



# DE LEGIBVS

22 hoc certis sacrificijs ac diebus . itemq; alios addes . uber=  
 22 tatem lactis , foetusq; seruanto : idq; ne committi possit,  
 22 ad eam rem, & rationem cursus annuos sacerdotes fini=  
 22 unto . quaq; cuique diuo decoræ grataq; sint hostiæ , pro  
 22 uidento : diuisq; alijs alij sacerdotes, omnibus pontifices ,  
 22 singulis flamines sunt . uirgines Vestales in urbe custo=  
 22 diunto ignem foci publici sempiternum : quoq; & pri=  
 22 uatim, & publice modo, rituq; fiat, discunto ignari a pu=  
 22 plicis sacerdotibus . eorum autem duo genera sunt, unū  
 22 quod præsit cerimonijs, & sacris, alterum quod interpre=  
 22 tetur fatidicorum & uatum effata incognita, cum sena=  
 22 tus populusq; ascuerit . interpretes autem Iouis optimi  
 22 maximi publici augures signis, & auspicijs postea uiden=  
 22 to, disciplinam tenent . sacerdotes uineta, uirgetaq; , &  
 22 salutem populi auguranto : quiq; agent rem duelli, quiq;  
 22 populare auspiciū præmonent : ollicq; obtemperanto ,  
 22 diuorumq; iras prouident, ijsq; parent, coeliq; fulgura  
 22 regionibus ratis temperanto, urbemq; , & agros , & tem=  
 22 pla liberata , & efflata habent : quaq; augur iniusta,  
 22 nefasta , uitiosa , dira defixerit , irrita, infectaq; sunt :  
 22 quiq; non paruerit, capitale esto . foederum, pacis , belli,  
 22 induciarum oratores , feciales, iudices sunt : bella, disce=  
 22 ptatio, prodigia, portenta ad Etruscos & aruspices, si se=  
 22 natus iusserit, deferunt : Etruriæq; principes disciplinā  
 22 docent : quibus diuis creuerint , procurant : idemq;  
 22 fulgura atque obstita pianto . nocturna mulierum sacri=  
 22 ficia ne sunt, præter olla, quæ pro populo rite fient . ne  
 22 ue initiant, nisi ut assolet Cereri Græco sacro . sacrum  
 22 commissum, quod neque expiari poterit, impie commissum  
 22 est : quod expiari poterit , publici sacerdotes expiant .

Ludis

» Ludis publicis, quod sine curriculo & sine certatione  
 » corporum fiat, popularem letitiam in cantu, & fidi=  
 » bus, & tibijs moderanto, eamq; cum diuini honore iun=  
 » gunt. Ex patrijs ritibus optima colunt, præter Idea  
 » matris famulos, eosq; iustis diebus, nequis stipem cogito.  
 » Sacrum sacro uel comendatum qui clepserit, rapseritq;  
 » parricida esto. Periurij poena diuina, exitium; huma=  
 » na, dedecus. Incestum pontifices supremo supplicio san=  
 » ciunt. Impius ne audeto placare donis iram deorum.  
 » sancte uota reddunt. Poena uiolati iuris esto. Quo cir=  
 » ca ne quis agrum consecrato auri, argenti, eboris sacran=  
 » di modus esto. sacra priuata perpetua manento. Deorum  
 » manium iura sancta sunt. Hos leto dato diuos habento.  
 » sumptum in ollos luctumq; minuunt. Att. Conclufa  
 est quidem apte tam magna lex, sanequam breuis: &  
 ut mihi quidem uidetur, non multum discrepat ista con=  
 stitutio religionum à legibus Numæ, nostrisq; moribus.  
 M. An censes, cum in illis de Rep. libris persuadere ui=  
 deatur Africanus omnium rerum publicarum nostram  
 ueterem illam fuisse optimam, non necesse esse optimæ  
 Reip. leges dare consentaneas? Att. Immo prorsus ita  
 censeo. M. Ergo adeo expectate leges, quæ genus illud  
 optimum Reip. contineant: et si quæ forte à me hodie ro=  
 gabuntur, quæ non sint in nostra Rep. nec fuerint, ta=  
 men erant ferè in more maiorum, qui tum ut lex ua=  
 lebat. Att. Suade igitur, si placet, istam ipsam legem,  
 ut ego, ut & tu rogas, possim edicere. M. Ain tandem  
 Attice, non es edicturus aliter? Att. Prorsus maiorem  
 quidem rem nullam sciscam aliter: in minoribus, si uo=  
 les, remittā hoc tibi. M. Atq; mea quidem sententia est.



at ne longum fiat, uidete. Att. Vtinam quidem : quid enim agere malumus ? M. Caste iubet lex adire ad deos, animo uidelicet, in quo sunt omnia : nec tollit castimoniam corporis : sed hoc oportet intelligi, cum multum animus corpori præstet, obserueturq; ut casto corpore adeatur, multo esse in animis id seruandum magis : nam illud uel aspersione aquæ, uel dierum numero tollitur ; animi labe nec diuturnitate uanescere, nec manibus ullis elui potest. Quod autem pietatem adhiberi, opes amoueri iubet, significat probitatem gratam esse deo, sumptum esse remouendum : quid est enim, cum paupertatem diuitijs etiã inter homines esse æqualem uelimus, cur eam sumptu ad sacra adhibito deorum aditu arceamus ? præsertim cum ipsi deo nihil minus gratum futurum sit, quàm non omnibus patere ad se placandum, & colendum uiam. Quod autem nõ iudex, sed deus ipse uindex cõstituitur, præsentis pœnæ metu religio cõfirmari uidetur. Suosq; deos, aut nouos, aut alienigenas coli confusionem habet religionum, & ignotas cerimonias etiam sacerdotibus. nam à patribus acceptos deos ita placet coli, si huic legi paruerunt ipsi. Patrum delubra esse in urbibus censeo : nec sequor magos Persarum : quibus auctõribus Xerxes inflammasse templa Graciæ dicitur, quòd parietibus includerent deos, quibus omnia deberent esse patentia, ac libera, quorumq; hic mundus omnis templum esset, & domus. melius Graci, atq; nostri : qui, ut augerent pietatem in deos, easdem illos, quas nos, urbes incolere uoluerunt : affert enim hæc opinio religionem utilem ciuitatibus : siquidem & illud bene dictum est à Pythagora doctissimo uiro, tum maxime & pietatem



Et religionem uersari in animis, cum rebus diuinis ope-  
 ram daremus : Et quod Thales, qui sapientissimus inter  
 \* septem fuit, homines existimare oportere deos omnia cer-  
 nere, deorum omnia esse plena : fore enim omnes casti-  
 res, ueluti quo infans esset maxime religiosus : est enim  
 quadam opinione species deorum in oculis, non solum  
 in mentibus. Eandemq; rationem luci habent in agris.  
 neq; ea, quæ à maioribus prodita est cum dominis, tum  
 famulis, posita in fundi, uillaq; conspectu religio patrū  
 repudianda est. Iam ritus familiæ patrumq; serua-  
 ri, id est, quoniam antiquitas proxime accedit ad deos, à  
 dijs quasi traditam religionem tueri. Quod autem ex  
 hominum genere consecratos, sicut Herculem, Et cæ-  
 teros, coli lex iubet, indicat omnium quidem animos im-  
 mortales esse, sed fortium, bonorumq; diuinos. Be-  
 ne uero, quod Mens, Pietas, Virtus, Fides, consecra-  
 tur manu : quarum omnium Romæ dedicata publice  
 templa sunt, ut illa qui habeant ( habent autem omnes  
 boni ) deos ipsos in animis suis collocatos putent. nam  
 illud uitiosum Athenis, quod, Cylonio scelere expiato,  
 Epimenide Crete suadente fecerunt Contumeliæ fanum,  
 Et Impudentiæ : uirtutes enim, non uitia consecrare de-  
 cet. atq; uetus stat in Palatio Febris, Et altera Exqui-  
 līs malæ Fortunæ, detestataq; : quæ omnia eiusmodi re-  
 pudiana sunt. quod si fingenda nomina uice poeta,  
 \* Et potius uincendi, atq; potiundi, stat assandiq; cogno-  
 mina, statoris, Et inuicti Iouis, rerumq; expetendarum  
 nomina, salutis, honoris, opis, uictoriæ, quoniam qui-  
 dem expectatione rerum bonarum erigitur animus. Re-  
 ste etiam à Colatino spes consecrata est : fortunaq; sit

\* uel huius diei. nam ualet in omnes dies uel respiciens ad opem ferendam, uel forum, in quo incerti casus significatur magis, uel primigeniam à gignendo: cum est  
 \* feriarum festorumq; dierum ratio in liberis re- quietem habet litium, & iurgiorum, in seruis operum, & laborum: quas compositio anni conferre debet & perfectionem operum rusticorum. quod tempus, ut sacrificiorum libamenta seruentur, foetusq; pecorum, quæ dicta in lege sunt, diligenter habenda ratio intercalandi est. quod institutum perire à Numa, posteriorum pontificum negligentia dissolutum est. Iam illud ex institutis pontificum & aruspicum non mutandum est, quibus hostijs immolandum cuiq; deo, cui maioribus, cui lactentibus, cui maribus, cui foeminis. Plures autem deorum omnium, singuli singulorum sacerdotes, & respondendi iuris & confitendarum religionum facultatum afferunt. cumq; Vesta quasi focus urbis, ut græco nomine est appellata, quod nos propè idem græcum interpretatum nomen tenemus, conspecta sit, ei colendæ uirgines præsent, ut aduigiletur facilius ad custodiam ignis, & sentiant mulieres in natura foeminarum omnium deū castitatem pati. Quod sequitur uero, non solum ad religionem pertinet, sed etiam ad ciuitatis statum, ut sine ijs, qui sacris publice præsent, religioni priuatæ satisfacere non possint: continet enim Reip. consilio & auctoritate optimatum semper populum indigere: descriptioq; sacerdotum nullum iustæ religionis genus præmittit. nam sunt ad placandos deos alij constituti, qui sacris præsent solennibus; ad interpretanda alij prædicta uatum, neq; multorum, ne esset infinitum, neq; ut ea

ipsa, quæ suscepta publice essent, quisquam extra collegium nosset. Maximum autem, & præstantissimum in Rep. ius est augurū, cum est auctoritati coniunctum. neq; uero hoc, quia sum ipse augur, ita sentio, sed quia sic existimare nos est necesse. quid enim maius est, si de iure quærimus, quàm posse à summis imperiis, & summis potestatibus comitia tollere? concilia uel instituta dimittere, uel habita rescindere? quid. grauius, quàm rem susceptam dirimi, si unus augur aliter dixerit? quid magnificentius, quàm posse decernere, ut magistratu se abdicent consules? quid religiosius, quàm cum populo cum plebe agendi ius aut dare, aut non dare? quid, legem, si non iure rogata est, tollere? ut etiam decreto collegij, ut Linius consilio Philippi, consules, & augures: nihil domi, nihil foris per magistratus gestum, sine eorum auctoritate posse cuiquam probari? Att. Age iam ista uideo, fateorq; omnia esse magna: sed est in collegio uestro inter Marcellum, & Appium optimos augures magna dissensio: nam eorum ego in libros incidi: cum alteri placeat auspicia ista ad utilitatem esse Reip. composita, alteri disciplina uestra quasi diuinari uideatur prorsus posse. hac tu de re quero quid sentias. M. Ego ne diuinationem, quàm Græci *μαντιχὴν* appellant, esse censeo, & huius hanc ipsam partem, quæ est in auibus cæterisq; signis disciplinæ nostræ, quod, cum summos deos esse concedamus, eorumq; mente mundum regi, & eorundem benignitatem hominum consulere generi, & posse nobis signa rerum futurarum ostendere, non uideo cur diuinationem esse negem. sunt autem ea, quæ posui, ex quibus id, quod uolumus, efficitur, & co-



gitur . iam uero permultorum exemplorum & nostra  
 plena est Resp. & omnia regna , omnesq; populi , cun-  
 ctæq; gentes , augurum prædictis multa incredibiliter  
 uera cecidisse : neq; enim Poletis , neq; Melampodis , neq;  
 Mopsi , neq; Amphiarai , neq; Calchantis , neq; Heleni tan-  
 tum nomen fuisset , neq; tot nationes id ad hoc tempus  
 retinuisent , Arabum , Phrygum , Lycaonum , Cilicum , ma-  
 ximeq; Pisidarum , nisi uetustas ea certa esse docuisset :  
 nec uero Romulus noster auspicato urbem condidisset ,  
 neq; Attij Nauij nomen memoria floreret tam diu , nisi  
 hi omnes multa ad ueritatem admirabilia dixissent . sed  
 dubium non est , quin hæc disciplina & ars augurum  
 euanuerit iam & uetustate , & negligentia . itaq; neq;  
 illi assentior , qui hanc scientiam negat unquam in no-  
 stro collegio fuisse : neq; illi , qui esse etiam nunc putat .  
 quæ mihi uidetur apud maiores fuisse dupliciter , ut ad  
 Reip. tempus non nunquam , ad agendi consilium sæ-  
 pissime pertineret . Att. Credo Hercle ita esse , istiq;  
 rationi potissimum assentior . sed redde cætera . M.  
 Reddam uero , & , si potero , breui . Sequitur enim de  
 iure belli : in quo & suscipiendo , & gerendo , & de-  
 ponendo ius ut plurimum ualet , & fides : horumq;  
 ut publici interpretes essens , lege sancimus . Iam de  
 aruspicum religione , de expiationibus , & procuratio-  
 nibus satis , superq; in ipsa lege dictum puto . Att.  
 Assentior , quoniam omnis hæc in religione uersatur ora-  
 tio . M. At uero , quod sequitur , quo modo aut tu as-  
 sentiare , aut ego reprehendam , sanè quero Tite . Att.  
 Quid tandem id est ? M. De nocturnis sacrificijs mu-  
 lierum . Att. Ego uero assentior , excepto præsertim in

essent

ipsa lege solenni sacrificio ac publico. M. Quid ergo aget Iacchus, Eumolpidaq; nostri, & augusta illa mysteria, siquidem sacra nocturna tollimus? non enim populo R. sed omnibus bonis firmisq; populis leges damus. Att. Excipis credo illa, quibus ipsi initiati sumus. M. Ego uero excipiam. nam mihi cum multa eximia diuinaq; uidentur Athenæ tuæ peperisse, atq; in uita hominum attulisse, tum nihil melius illis mysterijs, quibus ex agresti immaniq; uita exculi ad humanitatem, & mitigati sumus: initiaq; ut appellantur, ita re uera principia uitæ cognouimus: neq; solum cum latitia uiuendi rationem accepimus, sed etiam cum spe meliore moriendi. quid autem mihi displiceat, innocentes poetæ indicant commici, qua licentia Romæ data, quidnam egisset ille, qui in sacrificium cogitatam libidinem intulit, quò ne imprudentiam quidem oculorum adijci fas fuit? Att. Tu uero istam Romæ legem rogato, nobis nostras ne ademeris. M. Ad nostra igitur reuertor: quibus profecto diligentissime sancendum est, ut mulierum famam multorum oculis lux clara custodiat, initienturq; eo ritu Cereri, quo Romæ initiantur. quo in genere seueritatem maiorum senatus uetus auctoritas de Bacchanalibus, et Consulum exercitu adhibito questio, animaduersioq; declarat. atq; omnia nocturna, ne nos duriores forte uideamur, in media Græcia Diagondas Thebanus lege perpetua sustulit. nouos uero deos, & in his colendis nocturnas peruigilationes sic Aristophanes facetissimus poeta ueteris comædiæ uexat, ut apud eum Sabazius, & quidam alij dij, peregrini iudicati, e ciuitate eiciantur. Publicus autem sacerdos imprudentiâ consilio

expiatam metu liberet, audaciam in admittendis religio-  
 nibus scedis damnet, atq; impiam iudicet. Iam ludi  
 publici, cum sint cauea, circoq; diuisi, sint corporum cer-  
 tationes, cursu, & pugillatione, luctatione, curriculisq;  
 equorum usq; ad certam uictoriam circo constitutis;  
 cauea, cantu, uoce, ac fidibus, & tibijs; dum modo ea  
 moderata sint, ut lege praescribitur: assentior enim Pla-  
 toni, nihil tam facile in animos teneros, atq; molles influe-  
 re, quam uarios canendi sonos. quorum dici uix potest  
 quanta sit uis in utranq; partem. nanq; & incitat lan-  
 guentes, & languescit excitatos, & tum remittit ani-  
 mos, tum contrahit: ciuitatumq; hoc multarum in Grae-  
 cia interfuit, antiquum uocum seruare modum: quarum  
 mores lapsi ad molliem, pariter sunt immutati cum  
 cantibus, aut hac dulcedine corruptelaq; deprauati, ut  
 quidam putant; aut, cum seueritas eorum ob alia uitia  
 cecidisset, tum fuit in auribus animisq; mutatis etiam huic  
 mutationi locus. quamobrem ille quidem sapientissimus  
 Graeciae uir, longeque doctissimus ualde hanc labem uere-  
 tur: negat enim mutari posse musicas leges sine muta-  
 tione legum publicarum. ego nec tam ualde id timen-  
 dum, nec plane contemnendum puto. illa quidem, quae so-  
 lebant quondam complecti seueritate incunda Liuianis,  
 et Nauianis modis, nunc ut eadem exultent, ceruices ocu-  
 losq; pariter cum modorum flexionibus torqueant. gra-  
 uiter olim ista uindicabat uetus illa Graecia, longe proui-  
 dens, quam sensim perniciēs illapsa ciuium animos ma-  
 lis studijs, malisq; doctrinis repente totas ciuitates euer-  
 teret: siquidem illa seuera Lacedaemon nervos iussit, quod  
 plures quam septem haberet; in Timothei fidibus inde



demi. Deinceps in lege est, ut de ritibus patrijs co-  
 lantur optimi: de quo cum consulerent Athenienses A-  
 pollinem Pythium, quas potissimum religiones tenerent;  
 oraculum editum est, eas, quæ essent in more maiorum.  
 quò cum iterum uenissent, maiorumq; morem dixissent  
 sepe esse mutatum, quæsiuissentq; quem morem potissi-  
 mum sequerentur è uarijs, respondit, optimum. Et pro-  
 fecto ita est, ut id habendum sit antiquissimum, et deo  
 proximum, quod sit optimum. Stipem sustulimus,  
 nisi eam, quam apud paucos dies propriam Ideæ matris  
 excepimus: implet enim superstitione animos, et exhau-  
 rit domos. Sacrilegò poena est, neque ei soli, qui sa-  
 crum abstulerit; sed etiam ei, qui sacro commendatum.  
 quod et nunc multis fit in fanis. Alexander in Cilicia  
 deposuisse apud Solem in delubro pecuniam dicitur, et  
 Atheniensis Clisthenes Iunoni Samiæ ciuis egregius, cum  
 rebus timeret suis, filiarum dotes credidit. Sed iam de  
 periuris: de incestis nihil sanè hoc quidem loco disputan-  
 dum est. Donis impij ne placare audeant deos, Plato-  
 nem audiant, qui uetat dubitare qua sit mente futurus  
 deus, cum uir nemo bonus ab improbo se donari uelit.

Diligentia uotorum satis in lege dicta est, ac uoti spò-  
 sio, qua obligamur deo. Poena uero uiolatæ religio-  
 nis iustam recusationem non habet. quid ego hic scelera-  
 torum utar exemplis? quorum sunt plenæ tragædiæ.  
 quæ ante oculos sunt, ea potius attingantur. Et si hæc  
 cōmemoratio uereor ne supra hominis fortunam esse ui-  
 deatur: tamen, quoniam mihi sermo est apud deos, ni-  
 hil reticebo: uelimq; hoc, quod loquar, dijs immortali-  
 bus gratū potius uideri, quàm graue. omnia autem tum

perditorum ciuium scelere discessu meo religionum iura  
 polluta sunt: uexati nostri lares familiares: in eorum se-  
 dibus exaedificatum templum Licentiae: pulsus à delubris  
 is, qui illa seruauit. circumspicit haec celeriter animus (ni-  
 hil enim attinet quenquam nominari) qui sint rerum exi-  
 tus consecuti. nos, qui illam custodem urbis, omnibus  
 ereptis nostris rebus, ac perditis, uiolari ab impijs passi  
 non sumus, eamq; ex nostra domo in ipsius patris domu  
 dedulimus, iudicia senatus, Italiae, gentium denique o-  
 mnium, conseruata patriae consecuti sumus. quo quid  
 \* accidere potuit homini praeclearius? quo scelere religiones  
 prostratae, afflictaeq; sunt: partim ex illis distraetae ac  
 dissipatae iacent. qui uero ex his & omnium scelerum  
 principes fuerunt, & praeter ceteros in omni religione  
 impij, non solum uita cruciati, atque dedecore, uerum  
 etiam sepultura, ac iustis exequijs caruerunt. Q. Equi-  
 dem ista agnosco frater, & meritis dijs gratias ago:  
 sed nimis saepe secus aliquanto uidemus enadere. M. Non  
 enim Quinte recte existimamus, quae poena diuina sit:  
 & opinionibus uulgi rapimur in errorem, nec uera cer-  
 nimus: morte, aut dolore corporis, aut luctu animi,  
 aut offensione iudicij, hominum miseras ponderamus:  
 quae fateor humana esse, & multis bonis uiris accidisse:  
 sceleris autem poena tristis, & praeter eos euentus, qui  
 sequuntur, per se ipsa maxima est. uidimus eos, qui ni-  
 si odissent patriam, nunquam inimici nobis fuissent, ar-  
 dentes tum cupiditate, tum metu, tum conscientia, quid  
 agerent modo timentes, uicissim contemnentes religiones,  
 iudicia perrupta, ab iisdem corrupta hominum, non deo-  
 rum. reprimam iam, & non insequar longius, eoq; mi-

nus, quo plus poenarum habui, quàm petiui : tantum poe-  
 nam merui, duplicem poenam esse diuinam, quòd con-  
 \* staret & ex uexandis uiuorum animis, & ea fama mor-  
 tuorum, ut eorum exitium & iudicio uiuorum, & gai-  
 dio comprobetur. Agri autem ne consecrentur, Pla-  
 toni prorsus assentior : qui, si modo interpretari potue-  
 ro, his ferè uerbis utitur. Terra igitur, ut focus, domi-  
 ciliū sacrum omnium deorum est. quocirca ne quis ite-  
 rum idem consecrato. aurum autem, & argentum in  
 urbibus & priuatim, & in fanis inuidiosa res est. tum  
 ebur ex inani corpore extractum, haud satis castum do-  
 num deo. iam æs, atque ferrum duelli instrumenta, non  
 fani. ligneum autem quodq; uoluerit uno è ligno dedi-  
 cato, itemq; lapideum. in delubris communibus textile :  
 nec operosius, quàm mulieris opus menstruum. color  
 autem albus præcipue decorus deo est tum in ceteris, tum  
 maxime in textili. tineta uero absint, nisi à bellicis insi-  
 gnibus. diuinissima autem dona habent, & formæ ab  
 uno pictore uno absolutæ die. itemq; cætera huius exem-  
 pli dona sunt. hæc illi placent. sed ego cætera non tam  
 restrictè præfinio, uel hominum uitijs, uel subsidijs tem-  
 porum uictus. terræ cultum segniorem suspicor fore,  
 si ad eam tuendam, ferroq; subiiciendam superstitio-  
 nis aliquid accesserit. Att. Habeo ista. nunc de sacris  
 perpetuis, & de manium iure restat. M. O miram  
 memoriam Pomponi tuam. at mihi ista exciderant.  
 Att. Ita credo : sed tamen hoc magis eas res & memi-  
 ni, & expecto, quòd & ad pontificium ius, & ad ci-  
 uile pertinent. M. Vera, & apertissima sunt istis  
 de rebus & responsa, & scripta multa : & ego in-

Corad: 30. 6.

l. dignissima  
 & aues,



hoc omni sermone nostro, quod ad cunque legis genus me disputatio nostra deduxerit, tractabo, quoad poterō, eius ipsius generis ius ciuile nostrum, sed ita, locus ipse ut notus sit, ex quo ducatur quæque res, & ars iuris, ut non difficile sit, quæcunque noua causa consultatione acciderit, eius tenere ius, cum scias à quo sit capite repetendum. Sed iureconsultus siue erroris obijciendi causa, quo plura & difficiliora scire uideatur, siue, quod similis ueri est, ignoratione docendi (nam non solum scire aliquid, artis est, sed quædam ars etiam docendi) sæpe, quod positum est in una cognitione, id in infinita dispartitur: uelut in hoc ipso genere, quàm magnum illud scæuolæ faciunt, pontifices ambo, & iidem iuris peritissimi? at, inquit Publij filius, ex patre diuui, pontificem neminem bonum esse, nisi qui ius ciuile cognosset: totum'ne? quid ita? quid enim ad pontificem de iure parietum, aut aquarum, aut ullo omnino? si ergo quod cum religione coniunctum est: id autem quantum est? de sacris credo, de uotis, de ferijs, de sepulcris, & si quid eiusmodi est: cur igitur hæc tanta facimus, cum cætera perparua sint? de sacris autem, qui locus patet latius, hæc sit una sententia, ut conseruentur semper, & deinceps familijs prodantur, & ut in lege posui, perpetua sint sacra hic posita. hæc iura pontificum auctoritatem consecuta sunt, ut ne morte patris familias sacrorum memoria occideret, et ipsi esset ea adiuncta, ad quos eiusdem morte pecunia uenerit. hoc uno posito, quod est ad cognitionem disciplinæ satis, innumerabilia nascuntur, quibus implentur iurisconsultorum libri. quærantur enim, qui astringantur sacris.

hæredum causa iustissima est : nulla est enim persona , quæ ad uicem eius , qui è uita emigrauerit , propius accedat . deinde qui morte , testamento uè eius tantundem capiat , quantum omnes hæredes : id quoque ordine : est enim ad id , quod propositum est , accommodatum . Tertio loco , si nemo sit hæres , is , qui de bonis , quæ eius fuerint , cum moriturus , acceperit plurimum possidendo . Quarto , si nemo sit , qui ullam rem ceperit , de creditibus eius qui plurimum seruet . extrema illa persona est , ut is , qui mortuus sit , pecuniam debuerit , neminiq ; eam soluerit , perinde habeatur , quasi eam pecuniam ceperit . Hæc nos à Scæuola didicimus : non ita descripta sunt ab antiquis . nam illi quidem his uerbis docebant , tribus modis sacris astringi hæreditatem , aut si maiorem partem pecuniæ capiat , aut si maior pars pecuniæ legata est , aut si inde quippiam ceperit . sed pontificem sequamur . uidetis igitur omnia pendere ex uno illo , quod pontificum pecuniam sacro coniungi uolunt . iisdemq ; ferias & cerimonias ascribendas putant . atque etiam dant hoc Scæuolæ , quod est partitio ; ut , si in testamento deducta , scripta non sint , ipsiq ; minus ceperint , quàm omnibus hæredibus relinquatur , sacris ne alligentur . in donatione hoc iudem secus interpretantur : & quod paterfamilias in eius donatione , qui in ipsius potestate esset , approbauit , ratum est : quod eo inscio factum est , si id is non approbat , ratum non est . his propositis , quasiunculae multæ nascuntur : quas qui intelligat , non , si ad caput referat , per se ipse perspiciat : ueluti , si minus quis cepisset , ne sacris alligaretur , post de eius hæredibus aliquis exegisset

pro sua parte id, quod ab eo, cuius ipse heres esset, prætermissum fuisset: eaq; pecunia non minor esset facta cum superiore exactione, quam heredibus omnibus esset relicta: qui eam pecuniam exegisset, solum, nisi cohæredibus, sacris alligari. quin etiam cauent, ut cui plus legatum sit, quam sine religione capere liceat, is per æs, & libram heredem testamenti soluat; propterea quod eo loco res est ita soluta hereditate, quasi ea pecunia legata non esset. hoc ego loco, multisq; alijs quæro à vobis Scauolæ pontifices maximi, & homines meo quidem iudicio acutissimi, quid sit, quod ad ius pontificium civile appetatis? civilis enim iuris scientia pontificum quodam modo tollitis: nam sacra cum pecunia pontificum auctoritate nulla lege coniuncta sunt: itaque usibus tantum modo pontificis esset, si pontificalis maneret auctoritas. sed quod idem iuris civilis est, spernitis, ac scientia illa eluditis. placuit P. Scauolæ, & Coruncanio pontificibus maximis, idemq; cæteris, qui tantundem caperet, quantum omnes heredes, sacris alligari. habeo ius pontificium. quid huc accessit ex iure civili? partitionis caput, scriptum caute, ut centum numi deducerentur. inuenta est ratio, cur pecunia sacrorum molestia liberaretur. quod si hoc, qui testamentum faciebat, cauere uoluisset, admonet iuriconsultus hic qui eodem ipse Mutius, pontifex idem, ut minus capiat, quam omnibus heredibus relinquatur. super dicebant, quicquid cepisset, astringi. rursus sacris liberantur. hoc uero nihil ad pontificium ius, & e' medio est iure civili, ut per æs, & libram heredem testamenti soluant, et eodem loco res sit, quasi ea pecunia legata non esset, si is,



cui legatum est, stipulatus est id ipsum, quod legatum est, ut ea pecunia ex stipulatione debeatur, sitq; ea

\* non doctum hominem sanè: cuius fuit Accius per familiaris: sed mensem credo extremum anni, ut ueteres februarium, sic hic decembrem sequebatur. Hostia autem maxima parentare, pietatis esse adiunctum putabat. Iam tanta religio est sepulcrorum, ut extra sacra, & gentem inferri fas negent esse: idq; apud maiores nostros Torquatus in gente Popilia iudicauit. nec uero tam denicales, quæ à nece appellatæ sunt, quæ residunt mortui, quàm cæterorum coelestium quieti dies feriæ nominarentur, nisi maiores eos, qui ex hac uita migrassent, in deorum numero esse uoluissent: eas in eos dies cõferre ius, ut neque ipsius, neque publicæ feriæ sint. totaque huius iuris compositio pontificalis magnam religionem cerimoniamq; declarat. neque necesse est edisseri à nobis, quæ finis funestæ familiæ, quod genus sacrificij lare ueruecibus fiat, quemadmodum os reiectum terræ obtegatur, quæq; in porca confracta iura sint, quo tempore incipiat sepulcrum esse, & religione teneatur. at mihi quidem antiquissimum sepulturæ genus id fuisse uidetur, quo apud Xenophontem Cyrus utitur: redditur enim terræ corpus, & ita locatum, ac situm, quasi operimento matris obducitur. eodemq; ritu in eo sepulcro, quod procul ad fontis aras, Regem nostrum Numam conditum accepimus: gentemq; Corneliæ usque ad memoriam nostram hac sepultura scimus esse humatam. C. Marij sitas reliquias apud Anienem dissipari iussit Sylla uictor, acerbioris odio incitatus, quàm si tam sapiens fuisset, quàm fuit uehemens. quod haud scio an timens suo

om. 99.  
coll.

corpore posse accidere, primus è patritijs Cornelijs igni uoluit cremari: declarat enim Ennius de Africano,

» Hic est ille situs.

uere: nam siti dicuntur ij, qui conditi sunt: nec tamen eorum ante sepulcrum est, quàm iusta facta, & corpus incensum est. & quod nunc communiter in omnibus sepultis penitus, humati dicantur; id erat proprium tum in ijs, quos humus iniecta contegeret: eumq; morem ius pontificale confirmat. nam priusquam in eos iniecta gleba est, locus ille, ubi crematum est corpus, nihil habet religionis. iniecta gleba tumulis, & humatus est, & gleba uocatur: ac tum deniq; multa religiosa iura complectitur. itaque in eo, qui in naui necatus, deinde in mare pro-

\* iectus esset, decreuit P. Mutius familiam puram quot os supra terram non extare, porcæ heredi esset. contra censet habendas triduum ferias, & porco foemina piaculum pati: si in mari mortuus esset, eadem præter piaculum & ferias. Att. Video, quæ sint in pontificio iure. sed quæro, quidnam sit in legibus. M. Pauca sanè Tite, & uti arbitror, non ignota uobis. sed ea non tam ad religionem spectant, quàm ad ius sepulcrorum. hominem mortuum, inquit lex in duodecim tabulis, in urbe ne sepelito, ne ue urito. credo uel propter ignis periculum. quod autem addit, ne ue urito, indicat, non qui uratur sepeliri, sed qui humetur. Att. Quid, qui post duodecim in urbe sepulti sunt? M. Claros uiros credo Tite fuisse, aut eos, quibus hoc ante hanc legem uirtutis causa tributum est, ut Publicolæ, ut Tuberto, quod eorum posteri iure tenuerunt, aut eos, si qui hoc, ut C. Fabricius, uirtutis causa soluti legibus cōsecuti sunt. sed in urbe sepe-

liri

liri lex uetat . sic decretum à pontificum collegio ; non  
 esse ius in loco publico fieri sepulcrum . nostis extra por-  
 tam Collinam ædem Honoris : & aram in eo loco fuis-  
 se , memoriæ proditum est : ad eam cum lamina esset in-  
 uenta, & in ea scriptum, domina honoris : ea causa fuit  
 ædis huius dedicandæ . sed cum multa in eo loco sepulcra  
 fuissent, exarata sunt : statuit enim collegium, locum pu-  
 blicum non potuisse priuata religione obligari . Iam cæ-  
 » tera in duodecim, minuendi sunt sumptus, lamentatio=  
 » nesq; funeris, translata de Solonis ferè legibus : hoc  
 » plus inquit, ne facito rogum, ascia ne polito . nostis  
 quæ sequuntur : discebamus enim pueri duodecim ut  
 carmen necessarium : quas iam nemo discit . extenuato  
 igitur sumptu tribus ricinijs, & uinculis purpuræ, &  
 » decem tibicinibus, tollit etiam lamentationem . mulieres  
 » genas ne radunto, ne ue lessum funeris ergò habento .  
 hoc ueteres interpretes, Sex. Aelius, L. Acilius nō satis se  
 intelligere dixerunt, sed suspicari uestimenti aliquod  
 genus funebria : Lælius lessum quasi lugubrem eiulatio=  
 nem, ut uox ipsa significat . quod eo magis iudico ue=  
 rum esse, quia lex Solonis id ipsum uetat . hæc laudabi=  
 lia, & locupletibus ferè cum plebe communia . quod  
 quidem maxime è natura est, tolli fortunæ discrimen  
 in morte . cætera item funebria, quibus luctus auge=  
 » tur, duodecim sustulerunt . homini, inquit, mortuo ne  
 » ossa legito, quo post funus faciat . excipit bellicam pere=  
 grinamq; mortem . hæc præterea sunt in legibus de un=  
 » ctura : quæ seruilis unctura tollitur, omnisq; circumpo=  
 tatio . quæ & recte tolluntur, neq; tollerentur, nisi fuis=  
 sent, ne sumptuosa aspersione longæ coronæ, nec acerræ



prætereantur . illa iam significatio est, laudis ornamenta ad mortuos pertinere, quod coronam uirtute paratam, & ei, qui peperisset, & eius parenti sine fraude esse lex impositam iubet ; credoq; quod erat facilitatum, ut uni plura fierent, lectiq; plures sternerentur, id quoq; ne fieret, lege sancitum est. qua in lege cum esset, ne uel aurum  
 » addito, quàm humane excipiat. Altera lex præcipit, altera lex uetat, ut cui auro dentes iuncti essent, astim cum  
 \* illo sepeliretur : & ne se fraudi esto : & simul illud uidetote, aliud habitum esse sepeliretur ære. Duæ sunt præterea leges de sepulcris. quarum altera priuatorum ædificijs, altera ipsis sepulcris cauet. nã quod rogi bustum uel nouum uetat propius sexaginta pedes adijci ædes alienas inuito domino, incendium ueretur acerbum . Quod autem forum, id est uestibulum sepulcri bustum uel usucapi uetat, tuetur ius sepulcrorum. hæc habemus in duodecim sanè secundum naturam : quæ norma legis est. reliqua sunt in more : funus ut indicatur, si quid ludorum,  
 \* rum, domusq; funeris utatur accenso, atq; liëtoribus : honoratorum uirorum laudes in concione memorantur, easq; etiam ad cantus ad tibicinem prosequantur : cui nomen Næniæ: quo uocabulo etiã Græcos cantus lugubres nominant. Q. Gaudeo nostra iura ad naturam accommodari : maiorumq; sapientia admodum delector. M. Sed credo Quinte, ut ceteros sumptus, sic etiam sepulcrorum modum recte requiri : quos enim ad sumptus progressa iam ista res sit, in C. Figuli sepulcro uides . sed credo minimam olim istius rei fuisse cupiditatem . alioquin multa extarent exempla maiorum. nostræ quidem legis interpretes, quo capite iubentur sumptus, et luctum

remouere à deorum manium iure, hoc intelligunt, in pri-  
 mis sepulcrorum magnificentiam esse minuendam. nec  
 hæc à sapientissimis legum scriptoribus neglecta sunt.  
 nam & Athenis iam ille mos à Cecrope, ut aiunt, permã  
 sit, hoc ius terra humandi: quam cum proximi fecerant,  
 obductaq; terra erat, frugibus obserebatur, ut sinus &  
 gremiũ quasi matris mortuo tribueretur, solum autem  
 frugibus expiatum ut uiuis redderetur. sequebantur epu-  
 læ, quas inibant parentes coronati: apud quas de mortuũ  
 laude, cum ni quid ueri erat prædicatum: nam mentiri  
 nefas habebatur: ad iusta coniecta erant. posteaquam;  
 ut scribit Phalereus, sumptuosa fieri funera, & lamenta-  
 bilia coepissent, Solonis lege sublata sunt. quã legem eis-  
 dem propè uerbis nostri uiri in decimam tabulam conie-  
 cerunt. nam de tribus ricinijs, & pleraq; illa Solonis  
 sunt. de lamentis uero expressa uerbis sunt. mulieres ge-  
 nas ne radunto, ne ue lessum funeris ergò habento. de se-  
 pulcris autem nihil est apud Solonem amplius, quàm ne  
 quis ea deleat, ne ue alienum inferat: poenãq; est, si quis  
 bustum (nam id puto appellari tymbon) aut monu-  
 mentum, inquit, aut columnam uiolarit, deicerit, frege-  
 rit, sed post aliquanto propter has amplitudines sepul-  
 crorum, quas in Ceramico uidemus, lege sanctum est, ne  
 quis sepulcrum faceret operosius, quàm quod decem ho-  
 mines effecerint triduo. neq; id opere tectorio exornari,  
 nec, Hermas quos uocant, licebat imponi, nec de mortuũ  
 laude nisi in publicis sepulturis, nec ab alio nisi qui pu-  
 blice ad eam rem constitutus esset, dici licebat. sublata  
 etiam erat celebritas uirorum & mulierum, quo lamen-  
 tatio minueretur: habet enim luctum concursus homi-

num . quocirca Pittacus omnino accedere quenquam uetat in funus aliorum . sed ait rursus idem Demetrius increbuisse eam funerum , sepulcrorumq; magnificentiam , quæ nunc fere Romæ est . quam consuetudinem lege minuit ipse : fuit enim hic uir , ut scitis , non solum eruditissimus , sed etiam ciuis Reip. maxime tuendæq; ciuitatis peritissimus . iste igitur sumptus minuit non solum pœna , sed etiam tempore : ante lucem enim iussit efferri . sepulcris autem nouis finiuit modum : nam super terræ tumulum noluit quid statui , nisi columellam tribus cubitis non altiore , aut mensam , aut labellum : & huic procuratori certum magistratum præfecerat . Hæc igitur Athenienses tui . sed uideamus Platonem , qui iusta funerum reycit ad interpretes religionum . quem nos morem tenemus . de sepulcris autem dicit hæc . Vetat ex agro culto , eo'ue , qui coli possit , ullam partem sumi sepulcro ; sed quæ natura agri tantummodo efficere possit , ut mortuorum corpora sine detrimento uiuorum recipiat , ea potissimum ut compleatur ; quæ autem terra fruges ferre , & ut mater cibos suppeditare possit , eam ne quis nobis minuat ne'ue uiuus , ne'ue mortuus . extrui autem uetat sepulcrum altius , quàm quod quinque diebus absoluerint , nec è lapide extari plus , nec imponi quàm quod capiat laudem mortui incisam quatuor heroicis uersibus : quos longos appellat Ennius . Habemus igitur huius quoq; auctoritatem summi uiri de sepulcris : à quo iterum funerum sumptus præfinitur ex censibus à minis quinque usq; ad minam : deinceps dicit eadem illa de immortalitate animorum , & reliqua post mortem tranquillitate bonorum , pœnis impiorum . Hæc



betis igitur explicatum omnem, ut arbitror, religionis locum. Q. Nos uero frater, & copiose quidem: sed perge ad cetera. M. Pergam equidem: &, quoniam libitum est uobis me ad hæc impellere, hodierno sermone conficiam spero, hoc præsertim die: uideo enim Platonem idem fecisse, omnemque orationem eius de legibus peroratum esse uno æstiuo die. sic igitur faciam, & dicam de magistratibus: id est enim profecto, quod constituta religione Remp. contineat maxime. Att. Tu uero dic, & istam rationem, quam coepisti, tene.

## M. T. CICERONIS DE LEGIBVS

## LIBER TERTIVS.

## MARCVS.

Equar igitur, ut institui, diuinum illum uirum: quem quadam admiratione commotus sæpius fortasse laudo, quam necesse est. Att. Platonem uidelicet dicis. M. Istum ipsum Attice. Att. Tu uero enim nec nimis ualde unquam, nec nimis sæpe laudaueris: nam hoc mihi etiam nostri illi, qui neminem nisi suum laudari uolunt, concedunt, ut eum arbitrato meo diligam. M. Bene Hercle faciunt: quid enim est elegatia tua dignius? cuius & uita & oratio consecuta mihi uidetur difficillimam illam societatem grauitatis cum humanitate. Att. Sanè gaudeo quod te interpellavi, quandoquidem tam præclarum mihi dedisti iudicii tui testimonium. sed perge, ut coeperas. M. Laudemus igitur prius legem ipsam

ueris, & proprijs generis sui laudibus. Att. Sanè quidem, sicut de religionum lege fecisti. M. Videtis igitur, magistratus hanc esse uim, ut præsint, præscribatq; recta, & utilia, & coniuncta cum legibus. ut enim magistratibus leges, ita populo præsunt magistratus: neq; dici potest magistratum legem esse loquentem, legem autem mutū magistratum. nihil porro tam aptum est ad ius, conditionemq; naturæ: quod cum dico legem, a me dici nihil aliud intelligi uolo, quàm imperium, sine quo nec domus ulla, nec ciuitas, nec gens, nec hominum uniuersum genus stare, nec rerum natura omnis, nec ipse mundus potest: nam & hic deo paret, et huic obediunt maria terræq; et hominum uita iussis supremæ legis obtemperat. atq; ut ad ceteriora ueniam & notiora nobis: omnes antiquæ gentes Regibus quondā paruerunt. quod genus imperij primum ad homines iustissimos, et sapientissimos deferrebat: idq; in Rep. nostra maxime ualuit, quoad ei regalis potestas præfuit. deinde etiam deinceps posteris prodebat: quod & in his etiam, qui nunc regnant, manet. quibus autem regia potestas non placuit, non ij nemini, sed non semper uni parere uoluerunt. nos autem, quoniam leges damus liberis populis; quæq; de optima Rep. sentiremus, in sex libris ante diximus; accōmodabimus hoc tempore leges ad illum, quē probamus, ciuitatis statum. magistratibus igitur opus est: sine quorum prudentia ac diligentia esse ciuitas non potest: quorum descriptione omnis Reip. moderatio continetur. neq; solum ijs præscribendus est imperandi, sed etiam ciuibus obtemperandi modus. nam & qui bene imperat, paruert aliquando necesse est: & qui modeste paret, uidetur,

qui aliquando imperet, dignus esse. itaq; oportet & eū,  
 qui paret, sperare se aliquo tempore imperaturum; et  
 illum, qui imperat, cogitare breui tempore sibi esse pa=  
 rendum. nec uero solum ut obtemperent, obediantq; ma=  
 gistratibus, sed etiam ut eos colant, diligantq; præscri=  
 bimus, ut Charondas in suis facit legibus. noster uero  
 Plato Titanum è genere statuit eos, qui, ut illi cœle=  
 stibus, sic hi aduersentur magistratibus. quæ cum ita  
 sint, ad ipsas iam leges ueniamus, si placet. Att. Mi  
 hi uero & istud, & ordo iste rerum placet. M. Iu=  
 sta imperia sunt, ijsq; ciues modeste, ac sine recusa=  
 tione parento. magistratus nec obedientem, & noxium  
 ciuem mulcta, uinculis, uerberibusq; coercento, ni par,  
 maior ue potestas, populusq; prohibessit, ad quos pro=  
 uocatio esto. cum magistratus iudicassit, interrogassit ue,  
 per populum mulctæ pœna certatio esto. militiæ ab=  
 eo, qui imperabit, prouocatio ne esto. quodq; is, qui  
 bellum gerat, imperassit, ius ratumq; esto. minores  
 magistratus periti iuris plures in prælia sunt. mi=  
 litæ quibus iussi erunt imperanto, eorumq; Tribuni  
 sunt. domi pecuniam publicam custodiunt: uincu=  
 la fontium seruant: capitalia uindictant: as, argen=  
 tum, aurum ue publice signant: lites contrahentes in=  
 dicant: quodcunq; senatus creuerit, agunt. suntq;  
 Aediles curatores urbis, annonæ, ludorumq; solennium:  
 ollisq; ad honoris amplioris gradum is primus ascensus  
 esto. Censores, populi æuitates, soboles, familias, pecu=  
 niasq; censent, urbis templa, uias, aquas, ararium, ue=  
 eligalia tuent, populiq; partes in tribus distribuunt:  
 exin pecunias, æuitates, ordines partiunt: equitum, pedi=



„ tumq; prolem describunto : coelibes esse prohibento : mo  
 „ res populi regunto : probrum in senatu ne relinquunto :  
 „ bini sunt : magistratum quinquennium habento : reli-  
 „ qui magistratus annui sunt : eaq; potestas semper esto.  
 „ iuris disceptator, qui priuata iudicet, iudicari ue iubeat,  
 „ praetor esto : is iuris civilis custos esto : huic potestati pa-  
 „ rento . quotcunq; senatus creuerit, populus ue iusserit ,  
 „ tot sunt . regio imperio duo sunt : iq; praefundo, iudi-  
 „ cando, consulendo, praetores, iudices, consules appellant :  
 „ militiae summum ius habento : nemini parento : salus po-  
 „ puli suprema lex esto . eundem magistratum, ni interfue-  
 „ rint X anni, nequis capito . aequitatem annali lege seruan-  
 „ to . ast quando duellum grauius, discordiae ciuium, estun-  
 „ to ne amplius sex menses, si senatus creuerit : idem iuris,  
 „ quod duo Consules, tenunto : isq; aue sinistra dictus, po-  
 „ puli magister esto . aequitatem quicunq; regat habeto pa-  
 „ ri iure cum eo, quicunq; erit iuris disceptator . ast quando  
 „ Consulis est , magistratus ue populi , nec reliqui magi-  
 „ stratus ne sunt . auspicia patrum sunt : olliq; ex se  
 „ produnto, qui comitijs creare Consules rite possint . impe-  
 „ ria, potestates, legationes cum senatus creuerit . populus  
 „ ue iusserit, ex urbe exeunto : duella iusta iuste gerunto :  
 „ socijs parcunto : se, & seruos continento , populi sui glo-  
 „ riam augento : domum cum laude redeunto : rei suae  
 „ ergo ne quis legatus esto . Plebes quos pro se contra uim  
 „ auxilij ergo decem creassit, Tribuni eius sunt : quodq;  
 „ ij prohibessint, quodq; plebem rogassint, ratum esto : san-  
 „ ctisq; sunt : ne ue plebem orbam Tribunis relinquunto .  
 „ omnes magistratus auspiciu, iudiciuq; habento : eq; his  
 „ senatus esto : eius decreta rata sunt . ast ni potestas par,

» maior'ue prohibet, S. C. per scripta seruant. is ordo  
 » uitio uacato: ceteris specimen esto. creatio magistratu=  
 » um, iudicia, populi iussa, uetita, cum suffragio consci=  
 » scentur, optimatibus nota, plebi libera sunt. at si quid  
 » erit, quod extra magistratus coherario æfussit, qui co=  
 » hæret, populus creato, eiq; ius coërcendi dato. cum po=  
 » pulo, patribusq; agendi ius esto consuli, pratori, magi=  
 » stro populi, equitumq; eiq; quem produnt patres con=  
 » sulum rogandorum ergo: Tribunisq; quos sibi plebs ro=  
 » gassit, ius esto cum patribus agendi: idem ad plebē, quod  
 » census erit, ferunt. quæ cum populo, quæ cum patri=  
 » bus agentur, modica sunt. senatori, qui nec aderit, aut  
 » causa, aut culpa esto. causas populi teneto. uis in po=  
 » pulo abesto. par, maior'ue potestas plus ualeto. ast qui  
 » turbassitur in agendo, fraus auctoris esto. intercessor  
 » rei malæ salutaris ciuis esto. qui agent, auspicia seruan=  
 » to: auguri publico parento: promulgata, proposita, in  
 » ærario cognita, agunt: nec plus, quam de singulis rebus  
 » semel consulunt: rem populum docento: doceri à ma=  
 » gistratibus priuatisq; patiuntur. priuilegia ne irrogan=  
 » to de capite ciuis, nisi per maximum comitatum: ollosq;  
 » quos censores in partibus populi locassint, ne ferunt: do=  
 » num ne capiunt, ne'ue danto, ne'ue petenda, ne'ue geren=  
 » da, ne'ue gesta potestate. quod quis earum rerū migras=  
 » sit, noxiæ pœna par esto. Censores fide legem custodiun=  
 » to. priuata ad eos acta referunt: nec eo magis lege li=  
 » beri sunt. Lex recitata est. discere, & tabellam iu=  
 » bebo dari. Q. Quam breui frater in conspectu posita  
 » est à te omnium magistratuum descriptio, sed ea penè  
 » nostræ ciuitatis: & si à te paululum allatum est noui.

# DE LEGIBVS

M. Rectissime Quinte animaduertis: hæc est enim, quam Scipio laudat in libris, & quam maxime probat temperationem Reip. quæ effici non potuisset, nisi tali descriptione magistratuum: nam sic habetote, magistratibus, usq; , qui præsumt, contineri Remp. & ex eorum compositione, quod cuiusque in Rep. genus sit, intelligi. quæ res cum sapientissime, moderatissimeq; constituta esset à maioribus nostris, nihil habui sanè, non modo multum, quod putarem nouandum in legibus. Att. Reddes igitur nobis, ut in religionis lege fecisti admonitu, & rogatu meo, sic de magistratibus, ut disputes, quibus de causis maxime placeat ista descriptio. M. Faciam Attice, ut uis; et locum istum totum, ut à doctissimis Græciæ quæsitum, & disputatum est, explicabo; & , ut institui, nostra iura attingam. Att. Istud maxime expecto. disse-  
rendi genus. M. Atqui pleraque sunt dicta in illis libris: quod faciundum fuit, cum de optima Rep. quæreretur. sed huius loci de magistratibus sunt propria quedam, à Theophrasto primū, deinde à Dione Stoico quæsitā subtilius. Att. Ain tandem, etiam à Stoicis ista tractata sunt? M. Non sanè, nisi ab eo, quem modo nominavi, & postea à magno homine, & in primis erudito, Panætio. nam ueteres uerbo tenus, acute illi quidem, sed non ad hunc usum popularem, atque ciuilem, de Rep. differebant. ab hac familia magis ista manarunt Platone principe: post Aristoteles illustrauit. omnem hunc ciuilem in disputando locum, Heraclidesq; Ponticus profectus ab eodem Platone. Theophrastus uero institutus ab Aristotele habitauit, ut scitis, in eo genere rerum: ab eodemq; Aristotele doctus Dicaearchus huic rationi stu-

m. 13.  
coll.

m. 14  
coll. 13.



dioq; non defuit . post à Theophrasto Phalereus ille De-  
 metrius, de quo feci supra mentionem, mirabiliter doctri-  
 nam ex umbraculis eruditorum, ocioq; non modo in so-  
 lem, atque puluerem, sed in ipsum discrimen, aciemq; per-  
 duxit. nam & mediocriter doctos magnos in Rep. uiros,  
 & doctissimos homines non nimis in Rep. uersatos mul-  
 tos commemorare possumus . qui uero utraque re excel-  
 leret, ut & doctrinæ studijs, & regēda ciuitate princeps  
 esset, quis facile præter hunc inueniri potest ? Att. Puto  
 posse, & quidem aliquem de tribus nobis . sed perge, ut  
 cœperas. M. Quæsitum igitur ab illis est, placeret ne u-  
 num in ciuitate esse magistratum, cui reliqui parentent:  
 quod exactis Regibus intelligo placuisse nostris maiori-  
 bus. sed quoniam regale ciuitatis genus probatum quon-  
 dam, postea non tam regni, quàm Regis uitijs repudia-  
 tum est, nomen tantum uidebitur Regis repudiatum, res  
 manebit si unus omnibus reliquis magistratibus impera-  
 bit. quare nec Ephori Lacedæmone sine causa à Theopō-  
 po oppositi Regibus, nec apud nos Consulibus Tribuni .  
 nam illud quidem ipsum, quod in iure positum est, habet  
 Consul, ut ei reliqui magistratus omnes pareant, excepto  
 Tribuno, qui post extitit, ne id, quod fuerat, esset : hoc e-  
 nim primum minuit consulare ius, quod extitit ipse, qui  
 in eo non teneretur ; deinde quod attulit auxilium reli- *exp. in*  
 quis non modo magistratibus, sed etiam priuatis, Con-  
 suli non parentibus. Q. Magnum dicis malum : nam,  
 ista potestate nata, grauitas optimatum cecidit, conua-  
 luitq; ius multitudinis. M. Non est ita Quinte : non  
 enim ius illud solum superbius populo, sed uiolentius  
 uideri necesse erat : quò posteaquam modica & sapiens

temperatio accessit, conuersa lex in omnes est.

Multa defunt.

- » domum cum laude redeunto . nihil enim præter laudem bonis, atque innocentibus, neque ex hostibus, neque à socijs reportandum . iam illud apertum profecto est, nihil esse turpius, quàm quenuquam legari nisi Reip. causa. omitto, quemadmodum isti se gerant, atq; gesserint, qui legatione hæreditates, aut syngraphas suas persequuntur. in hominibus est hoc fortasse uitium . sed quæro, quid hac re sit turpius, quàm sine procuratione senator, legatus sine mandatis, sine ullo Reip. munere? quod quidem genus legationis ego Consul, quanquam ad commodum senatus pertinere uideatur, tamen approbante senatu frequentissimo, nisi mihi leuissimus Tribunus pl. intercessisset, sustulisset : tamē minui tempus, & quod erat infinitum, annuum feci . ita turpitudine manet, diuturnitate sublata . sed iam, si placet, de prouincijs decedatur, in urbemq; redeatur. A. Nobis uero placet : sed ijs, qui in prouincijs sunt, minime placet. M. At uero Tite, si pareant his legibus, nihil his urbe, nihil domo sua dulcius, nec laboriosius, molestiusq; prouincia . Sed sequitur lex, quæ sancit eam Tribunorum pl. potestatem, quæ in Rep. no=

stra: de qua differi nihil necesse est. Q. At mehercule ego frater quero, de ista potestate quid sentias: nam mihi quidem pestifera uidetur, quippe quæ in seditione, & ad seditionem nata sit: cuius primum ortum, si recordari uolumus, inter arma ciuium & occupatis, & obsessis urbis locis procreatum uidemus. deinde cum esset cito legatus tanquam ex XII tabulis, insignis ad deformitatem puer breui tēpore nescio quo pacto creatus, multoq; tetrior, & foedior natus est. quem enim ille non edidit, qui primum, ut impio dignum fuit, patribus omnem honorem eripuit, omnia infima summis paria fecit, turbauit, miscuit; cum afflixisset principum grauitatem, nunquam tamen conqueuit? atque ut Cn. Flaminium, atque ea, quæ prisca sunt, relinquam: quid iuris bonis uiris T. Gracchi Tribunatus reliquit? & si quinquennio ante D. Brutum, & P. Scipionem Consules, quos, & quantos uiros, homo omnium infimus, & sordidissimus Tribunus pl. C. Curiatius in uincula coniecit: quod \* ante factum non erat. C. uero Gracchus ruinis, & emissicijs, quas ipse se proiecisse in forum dixit, quibus digladiarentur inter se ciues, nonne omnem Reip. statum permutauit? quid iam de Saturnini supplicio, reliquisq; dicam? quos ne depellere quidem à se sine ferro potuit Resp. cur autem aut uetera, aut aliena proferamus potius, quam & nostra, & recentia? quis unquam tam audax, tam inimicus nobis fuisse, ut cogitaret unquam de statu nostro labefactando, nisi mucronem aliquem tribunitium exacuisset in nos? quem cum homines scelerati, ac perdiri non modo ulla in domo, sed nulla in gente reperirent, gentes sibi in tenebris Reip.



\* perturbandas putauerunt. quod nobis quidem egregium,  
 & ad immortalitatem memoriæ gloriosum, neminem in  
 nos mercede ullā pōtuisse reperiri, nisi cui nec esse quidē  
 licuisset Tribuno. sed ille quas strages edidit, eas uideli-  
 cet, quas sine ratione, ac sine ulla spe bona furor edere  
 potuit impuræ beluæ multorum inflammatus furoribus.  
 quamobrem in ista quidem re uehementer Syllam pro-  
 bo, qui Tribunis pl. sua lege iniuriæ faciendæ potesta-  
 tem ademerit, auxilium ferendi reliquerit: Pompeiumq;  
 nostrum cæteris rebus omnibus, semper amplissimis, sum-  
 misq; effero laudibus: de tribunitia potestate taceo: nec  
 enim reprehendere libet, nec laudare possum. M. Vitia  
 quidem Tribunatus præclare Quinte perspicis. sed est  
 iniqua in omni re accusanda prætermis-  
 sis bonis malo-  
 rum enumeratio, uitiorumq; selectio. nam isto quidem  
 modo uel Consulatui uituperabilis est, si Consulum, quos  
 enumerare nolo, peccata collegeris. ego enim fateor in  
 ipsa ista potestate inesse quiddam mali. sed bonum, quod  
 est quæsitum in ea, sine isto malo non haberemus. nimia  
 potestas est Tribunorum pl. quis negat? sed uis populi  
 multo sæuior, multoq; uehementior: quæ ducem quod  
 habet, interdum lenior est, quàm si nullum haberet:  
 dux enim suo periculo progredi cogitat, populi impe-  
 cus perituli rationem sui non habet. at aliquando in-  
 cenditur. & quidem sæpe sedatur: quod enim est tam  
 desperatum collegium, in quo nemo è decem sana men-  
 te sit? quin per ipsum Ti. Gracchum non solum uetitus,  
 sed etiam sublatus intercessor fuerat. quid enim illum  
 aliud perculit, nisi quod potestatem intercedendi colle-  
 gæ abrogauit? sed tu sapientia maiore nihilo uide. con=

l. Tribu-  
 num potuisse

l. impetus  
 l. periculi

cessa plebi à patribus ista potestate arma ceciderunt :  
restringēta seditio est : inuentum est temperamentum, quo  
tenuiores cum principibus aquari se putarint : in quo  
uno fuit ciuitatis salus . at duo Gracchi fuerunt . &  
præter eos quamuis enumeres multos licet , cum denique  
crearentur : nullos in omni memoria reperies pernicio-  
sos Tribunos , leues , & non bonos fortasse plures .  
inuidia quidem summus ordo caret : plebs de suo in-  
re periculosas contentiones nullas facit . quamobrem  
aut exigendi Reges non fuerunt , aut plebi re , non  
uerbo danda libertas : quæ tamen sic data est , ut mul-  
tis præclarissimis addiceretur , ut auctoritati princi-  
pum cederet . Nostra autem causa , quæ optime & dul-  
cissime frater incidit in tribunitiam potestatem , nihil  
habuit contentionis cum Tribunatu . non enim plebs  
incitata nostris rebus inuidit : sed uincula soluta  
sunt , & seruitia incitata , adiuncto terrore etiam  
militari . neque nobis cum illa tum peste certamen  
fuit , sed cum grauissimo Reip. tempore : cui si non  
cessissem , non diuturnum beneficii mei patria fructum  
tulisset . atque hoc rei exitus indicauit . quis enim non  
modo liber , sed etiam seruus libertate dignus fuit ,  
cui nostra salus chara non esset ? quod si is casus fuisset  
rerum , quas pro salute Reip. gessimus , ut non om-  
nibus gratus esset , & si in nos multitudinis uis fu-  
rentis inflammata inuidia pepulisset tribunitia : quis in  
me populum , sicut Gracchus in Lenatem , Saturninus  
in Metellum , incitasset ? ferremus ò Quinte frater :  
consolarenturq; nos non tam philosophi qui Athe-  
nis fuerunt , qui hoc facere debent , quam clarissimè

uiri, qui illa urbe pulsi carere ingrata ciuitate, quàm manere in improba maluerunt. Pompeium uero quòd una ista in re non ita ualde probas, uix satis mihi illud uideris attendere, non solum ei, quid esset optimum, uidendum fuisse, sed etiam quid necessarium: sensit enim deberi non posse huic ciuitati illam potestatem: quippe quam tantopere populus noster ignotam expetisset, qui posset carere cognita? sapientis autem ciuis fuit, causam nec perniciosam, & ita popularem, ut non posset obsisti, perniciose populari ciui non relinquere. Scis solere frater in huiusmodi sermone, ut transiri aliò possit, admodum dici. Q. Prorsus ita est: haud equidem assentior: tu tamen ad reliqua pergas uelim. M. Perseueras tu quidem, & in tua uetere sententia permanes. Q. Non mehercule. Att. Ego sanè à Quinto nostro dissentio. sed ea, quæ restant, audiamus. M. Deinceps igitur omnibus magistratibus auspicia, & iudicia dantur: iudicia, ut esset populi potestas, ad quam prouocaretur: auspicia, ut multos inutiles comitatus probabiles impedirent moræ: sæpe enim populi impetum iniustum, auspicijs dij immortales reprefferunt: ex ijs autem, qui magistratum ceperunt, quod senatus consulto efficitur, popularem sanè neminem in summum locum nisi per populum uenire sublata cooptatione censoria. sed præsto est huius uitij temperatio, quòd senatus

» lege nostra confirmatur auctoritas. sequitur enim, eius  
 » decreta rata sunt. nam ita se res habet, ut, si senatus dominus sit publici consilij, quodq; is creuerit, defendant omnes, & si ordines reliqui principis ordinis cōsilio Rēp. gubernari uelint, possit ex temperatione iuris, cum po-

restas



- testas in populo, auctoritas in senatu sit, teneri ille moderatus, et concors ciuitatis status, praesertim si proxima legi parebitur. nam proximum est. is ordo uitio caret, ceteris specimen esto. Q. Praeclara uero frater ista lex: sed & altera, ut & uitio careat ordo, & ut censorem quaerat interpretem. Att. Ille uero, etsi tuus totus est ordo, gratissimamq; memoriam retinet Consulatus tui; pace tua dixerim, non modo censores, sed etiam iudices omnes potest defatigare. M. Omitte ista Attice: non enim de hoc senatu, nec his de hominibus, qui nunc sunt, sed de futuris, si qui forte his legibus parere uoluerint, haec habetur oratio. nam cum omni uitio carere lex iubeat, ne ueniet quidem in eum ordinem quisquam uitij particeps. id autem difficile factu est, nisi educatione quadam, & disciplina: de qua dicemus aliquid fortasse, si quid fuerit loci, aut temporis. Att. Locus certe non deerit, quoniam tenes ordinem legum: tempus uero largitur longitudo diei. ego autem, etiam si praeterieris, repetam à te istum de educatione, & de disciplina locum.
- M. Tu uero & istum Attice, & si quem alium. Ceteris
- \* specimen esto: quod sic tenemus omnia. ut enim cupiditatibus principum, & uitijs infici solet tota ciuitas: sic emendari & corrigi continentia. uir magnus, & nobis omnibus amicus, L. Lucullus ferebatur quam commo-  
dissime respondisse, cum esset obiecta magnificentia uillae Tusculanae, duos se habere uicinos, superiorem equitem R. inferiorem libertinum: quorum cum essent magnificae uillae, concedi sibi oportere, quod ijs, qui tenuioris ordinis essent, liceret. non ne uides Luculle à te id ipsum natum, ut illi cuperent? quibus id, si tu non faceres, non

ē. uideret  
m. 31.  
et.

liceret. quis enim ferret istos, cū uideres eorum uillas  
signis, & tabulis refertas partim publicis, partim etiam  
sacris, & religiosis? quis non frangeret eorum libidines,  
nisi illi ipsi, qui eas frangere deberent, cupiditatis eius-  
dem tenerentur? nec enim tantum mali est peccare prin-  
cipes (quanquā est hoc magnum per se ipsum malum)  
quantum illud, quod permulti imitatores principum exi-  
stunt. nam licet uidere, si uelis replicare memoriam tem-  
porum, qualescunq; summi ciuitatis uiri fuerunt, ta-  
lem ciuitatem fuisse: quaecunq; mutatio morum in prin-  
cipibus extiterat, eandem in populo secuturam. idq;  
haud paulo est uerius, quā quod Platoni nostro pla-  
cet, qui mūsicorum cantibus ait mutatis, mutari ciuita-  
tum status. ego autem, nobilium uita, uictuq; mutato,  
mores mutari ciuitatum puto. quo perniciosius de Rep.  
merentur uitiosi principes, quod non solum uitia conci-  
piunt ipsi, sed ea infundunt in ciuitatem; neq; solum ob-  
sunt, quod illi ipsi corrumpuntur, sed etiā quod corrup-  
punt, plusq; exemplo, quā peccato nocent. atq; hæc lex  
dilatata in ordinem cunctum coangustari etiam potest:  
pauci enim, atq; admodum pauci, honore & gloria am-  
plificati, uel corrumpere mores ciuitatis, uel corrigere  
possunt. sed hæc & nunc satis, & in alijs libris tracta-  
ta sunt diligentius. quare ad reliqua ueniamus. Proxi-  
mus autem est de suffragijs: quæ iubeo nota esse opti-  
matibus, populo libera. Att. Ita mehercule attendi, nec  
satis intellexi, quid sibi lex, aut quid uerba ista uellent.  
M. Dicam Attice, & uersabor in re difficili, ac multum  
et sepe quæsitā; suffragia in magistratu mandando, aut  
de reo iudicando quin in lege, aut rogatione clam, an pa-

ē. extiterit

eg. illi

lam ferre, melius esset. Q. An etiam id dubium est? uertor, ne à te rursus dissentiam. M. Non facies Quinte: nam ego in ista sum sententia, qua te fuisse semper scio, nihil ut fuerit in suffragijs uoce melius. sed, obtineri an possit, uidendum est. Q. bona tua uenia dixerim, ista sententia maxime & fallit imperitos, & obest sæpissime Reip. cum aliquid uerum, & rectum esse dicitur, sed obtineri, id est obsisti posse populo, negatur. primum enim obsistitur, cum agitur seuerè: deinde ui opprimi in bona causa, est melius, quàm male cedere. qui autem non sentit auctoritatem omnem optimatum tabellariam legem abstulisse? quam populus liber nunquam desiderauit, idem oppressus dominatu, ac potentia principum flagitauit. itaq; grauiora iudicia de potentissimis hominibus extant uocis, quàm tabellæ. quamobrem suffragandi nimia libido in non bonis causis eripienda fuit potentibus, non latebra danda populo, in qua, bonis ignorantibus quid quisq; sentiret, tabella uitiosum occultaret suffragium. itaq; isti rationi neq; lator quisquam est inuentus, neq; auctor unquam bonus. sunt enim quatuor leges tabellariæ: quarum prima de magistratibus mandandis: ea est Gabinia, lata ab homine ignoto, & sordido. secuta biennio post Cassia est de populi iudicio: ea à nobili homine lata est L. Cassio, sed, pace familiæ dixerim, dissidente à bonis, atque omnes rumusculos populari ratione aucupante. Carbonis est tertia de iubendis legibus, ac uetandis, seditiosi atq; improbi ciuis: cui ne reditus quidem ad bonos salutem à bonis potuit auferre. uno in genere relinqui uidebatur uocis suffragiū, quod ipse Cassius exceperat, perduellio-



ē. uideret  
m. 31.  
et.

ē. extiterit

eg. illi

liceret. quis enim ferret istos, cū uideres eorum uillas  
signis, & tabulis refertas partim publicis, partim etiam  
sacris, & religiosis? quis non frangeret eorum libidines,  
nisi illi ipsi, qui eas frangere deberent, cupiditatis eius-  
dem tenerentur? nec enim tantum mali est peccare prin-  
cipes (quanquā est hoc magnum per se ipsum malum)  
quantum illud, quod permulti imitatores principum exi-  
stunt. nam licet uidere, si uelis replicare memoriam tem-  
porum; qualescunq; summi ciuitatis uiri fuerunt; ta-  
lem ciuitatem fuisse: quaecunq; mutatio morum in prin-  
cipibus extiterat, eandem in populo secuturam. idq;  
haud paulo est uerius, quam quod Platoni nostro pla-  
cet, qui musicorum cantibus ait mutatis, mutari ciuita-  
tum status. ego autem, nobilium uita; uictuq; mutato,  
mores mutari ciuitatum puto. quo perniciosius de Rep.  
merentur uitiosi principes, quod non solum uitia conci-  
piunt ipsi, sed ea infundunt in ciuitatem; neq; solum ob-  
sunt, quod illi ipsi corrumpuntur, sed etiā quod corrup-  
punt, plusq; exemplo, quam peccato nocent. atq; hæc lex  
dilatata in ordinem cunctum coangustari etiam potest:  
pauci enim, atq; admodum pauci, honore & gloria am-  
plificati, uel corrumpere mores ciuitatis, uel corrigere  
possunt. sed hæc & nunc satis, & in alijs libris tracta-  
ta sunt diligentius. quare ad reliqua ueniamus. Proxi-  
mus autem est de suffragijs: quæ iubeo nota esse opti-  
matibus, populo libera. Att. Ita mehercule attendi, nec  
satis intellexi, quid sibi lex, aut quid uerba ista uellent.  
M. Dicam Attice, & uersabor in re difficili, ac multum  
et sepe quæsitā; suffragia in magistratu mandando, aut  
de reo iudicando quin in lege, aut rogatione clam, an pa-

lam ferre, melius esset. Q. An etiam id dubium est ?  
 uereor, ne à te rursus dissentiam. M. Non facies Quin-  
 te : nam ego in ista sum sententia, qua te fuisse semper  
 scio, nihil ut fuerit in suffragiis uoce melius. sed, obti-  
 neri an possit, uidendum est. Q. bona tua uenia di-  
 xerim, ista sententia maxime & fallit imperitos, &  
 obest sæpissime Reip. cum aliquid uerum, & rectum  
 esse dicitur, sed obtineri, id est obsisti posse populo, nega-  
 tur. primum enim obsistitur, cum agitur senere : dein-  
 de ui opprimi in bona causa, est melius, quam male ce-  
 dere. qui autem non sentit auctoritatem omnem opti-  
 matium tabellariam legem abstulisse? quam populus li-  
 ber nunquam desiderauit, idem oppressus dominatu, ac  
 potentia principum flagitauit. itaq; grauiora iudicia  
 de potentiissimis hominibus extant uocis, quam tabellæ.  
 quamobrem suffragandi nimia libido in non bonis cau-  
 sis eripienda fuit potentibus, non latebra danda populo,  
 in qua, bonis ignorantibus quid quisq; sentiret, tabella ui-  
 tiosum occultaret suffragium. itaq; isti rationi neq; la-  
 tor quisquam est inuentus, neq; auctor unquam bonus.  
 sunt enim quatuor leges tabellariæ : quarum prima de  
 magistratibus mandandis : ea est Gabinia, lata ab homi-  
 ne ignoto, & sordido. secuta biennio post Cassia est de  
 populi iudicio : ea à nobili homine lata est L. Cassio, sed,  
 pace familiæ dixerim, dissidente à bonis, atque omnes  
 rumusculos populari ratione aucupante. Carbonis est  
 tertia de iubendis legibus, ac uetandis, seditiosi atq; im-  
 probi ciuis : cui ne reditus quidem ad bonos salutem à  
 bonis potuit auferre. uno in genere relinqui uidebatur  
 uocis suffragiū, quod ipse Cassius exceperat, perduellio-

hendo. sin ualuerint tamen leges, ut ne sint ambitus: habeat sanè populus tabellam, quasi uindicem libertatis, dummodo hac optimo cuiq; , & grauissimo ciui ostendatur, ultroq; offeratur, uti sit ipsa libertas, in qua populo potestas honeste bonis gratificandi datur. eoq; nunc fit illud, quod à te modo Quinte dictum est, ut minus multos tabella condemnet, quàm solebat uox, quia populo licere satis est. hoc retento, reliqua uoluntas auctori-  
tati, aut gratiæ traditur. itaq; , ut omittam largitione corrupta suffragia: non uides, si quando ambitus si-  
leat, quæri in suffragijs, quid optimi uiri sentiant? quamobrem lege nostra libertatis species datur, bono-  
rum auctoritas retinetur, contentionis causa tollitur.

- » Deinde sequitur, quibus ius sit cum populo agendi, aut
- » cum senatu. grauis, & ut arbitror, præclara lex. quæ
- » cum patribus agentur, modica sunt: id est modesta, atq; sedata: auctor enim moderatur effingit non modo mentem, ac uoluntates, sed penè uultus eorum, apud
- \* quos agit. quod si in senatu non difficile est: est enim ipse senator is, cuius non ad auctorem referatur animus, sed qui per se ipse spectari uelit. huic iussa tria sunt: ut adsit; nam grauitatem res habet, cum frequens ordo est: ut loco dicat, id est rogatus: ut modo; ne sit infinitus: nam breuitas non modo senatoris, sed etiam oratoris magna laus est in sententia. nec est unquam longa oratione utendum, nisi aut spectante senatu, quod sit ambitione sapissime, nullo magistratu adiuuante, tolli diem utile est; aut cum tanta causa est, ut opus sit oratoris copia uel ad hortandum, uel ad docendum. quorum generum in utroq; magnus noster Cato est. Quodq; addit,



# DE LEGIBVS

- 33 causas populi teneto, est senatori necessariū nosse Remp.  
 idq; late patet, quid habeat militum, quid ualeat aerario,  
 quos socios Resp. habeat, quos amicos, quos stipendiarios,  
 qua quisq; sit lege, conditione, foedere: tenere consuetu-  
 dinem decernendi, nosse exempla maiorum. uidetis iam,  
 genus hoc omne scientiæ diligentiae memoriam esse, sine  
 quo paratus esse senator nullo pacto potest. Deinceps  
 sunt cum populo actiones: in quibus primum & maxi-  
 mum, uis abesto. nihil est enim exitiosius ciuitatibus, nihil  
 tam contrarium iuri, & legibus, nihil minus ciuile, &  
 humanum, quam, composita, & constituta Rep. quic-  
 quam agi per uim. parere iubet intercessori: quo nihil  
 præstantius: impediri enim bonā rem melius, quam con-  
 cedi malā. Quod uero aëtoris iubeo abesse fraudē, id to-  
 tum dixi ex Crassi sapientissimi hominis sententia: quam  
 senatus est secutus, cum decreuisset, C. Claudio Consule  
 designato Carbonis seditionem referente, eo inuito, qui  
 cum populo ageret, seditionem non posse fieri, quippe  
 cui liceat consilium, simul atq; intercessum, turbariq; cœ-  
 ptum sit, dimittere. quod qui permouet cum agi nihil  
 potest, uim querit. cuius impunitatem amittit hac lege.  
 33 sequitur illud. intercessor rei malæ salutaris ciuis esto.  
 quis non studiose Reip. subuenerit, hac tam præclara le-  
 gis uoce laudatus? Sunt deinde posita deinceps, quæ  
 33 habemus etiam in publicis institutis, ac legibus: auspicia  
 33 seruant: auguri parento. est autem boni auguris me-  
 minisse, maximis Reip. temporibus præsto esse debere, lo-  
 uiq; optimo maximo se consiliarium, atq; administrum  
 datum, ut sibi eos, quos in auspicio esse iusserit, coeliq; par-  
 tes sibi definitas esse traditas, è quibus sæpe opem referre

de C. Carb.  
 seditione

possit. deinde de promulgatione, de singulis rebus agendis, de priuatis; magistratibus uel audiendis. tum leges præclarissimæ de XII. tabulis translatae duæ: quarum altera priuilegia tollit, altera de capite ciuis rogari, nisi maximo comitatu, uetat, nõ dum initis seditiosis Tribunis

\* plebis Negocialis quidem admirandũ tantum maiores in posterum prouidisse: in priuatos homines leges ferri noluerunt: id est enim priuilegiũ: quo quid est iniustius? cum legis hæc uis sit, scitum est iussum in omnes ferri, de

*ē. omnes, fortis de de*

\* singulis nisi centuriatis comitijs noluerunt: descriptus enim populus censu, ordinibus, ætatibus, plus adhibet ad suffragiũ auxiliij, q̃ fuit in tribus conuocatus. quo uerius in nostra causa uir magni ingenij, summæq; prudentia L. Cotta dicebat, nihil omnino actum esse de nobis: præter enim q̃ quod comitia illa essent armis gesta seruilibus, præterea neq; tributa capitis, neq; comitia rata esse possent, neq; ulla priuilegia: quo circa nihil nobis opus esse lege, de quibus nihil omnino actũ esset legibus. sed uisum est & nobis, & clarissimis uiris melius, de quo serui, et latrones sciuisse se aliquid dicerent, de hoc eodem cunctam Italiam, quid sentiret, ostendere. Sequitur de capitis pecunijs, de ambitu legis. quæ cum magis iudicijs, q̃ uerbis san-

*ē. capitis x*

cienda sint: adiungitur, noxiæ pœna par esto, ut in suo uitio quisq; plectatur, uis capite, auaritia multa, honoris cupiditas ignominia sanciat. Extremæ leges sunt nobis non usitatae, Reip. necessariae. legum custodiã nullam habemus: itaq; hæ leges sunt, quas apparitores nostri uolunt: à librarijs petimus: publicis literis cõsignatã memoriã publicam nullam habemus. Græci hoc diligentius: apud quos νομοφύλακες creantur: nec hi solum literas (nam id

quidem etiam apud maiores nostros erat) sed etiam facta hominum obseruabant, ad legesq; reuocabant. Hac detur cura censoribus: quando quidem eos in Rep. semper uolumus esse: apud eosdem, qui magistratu abierint, edant, & exponant quid in magistratu gesserint: deq; ijs Censores præiudicent. hoc in Græcia fit publice cōstitutis accusatoribus. qui quidem graues esse non possunt, nisi sint uoluntarij. quocirca melius est rationes referri, causamq; exponi Censoribus, integram tamen legem accusatori, iudicioq; seruari. Sed satis iam disputatum est de magistratibus, nisi forte quid desideratis. Att. Quid? si nos tacemus, locus tamen ipse nō admonet, quid tibi sit deinde dicendum? M. Mihi ne? de iudicijs arbitror Pomponi: id est enim iunctum magistratibus. Att. Quid? de iure populi R. quemadmodum instituisti, dicendum nihil putas? M. Quid tandem hoc loco est, quod requiras? Att. Ego ne? quod ignorari ab ijs, qui in Rep. uersantur, turpissimum puto. nam, ut modo à te dictum est, leges à librarijs lego: sic animaduerto, quosq; in magistratibus ignoratione iuris sui tantum sapere, quantum apparitores uelint. quamobrem, si de sacrorum alienatione dicendum putasti, cum de religione leges proposueras; faciendum tibi est, ut, magistratibus lege constitutis, de potestate, tum de iure disputes. M. Faciam breuiter, si cōse qui potuero: nā pluribus uerbis scripsit ad patrem suū M. Iunius sodalis, perite meo quidem iudicio, & diligenter, at de iure naturæ cogitari per nos, et quæ dicere debemus de iure populi R. quæ relicta sunt, & tradita. Att. Sic profecto cēseo: et id ipsum, quod dicis, expecto. Multa desunt.



## M. TVLLII CICERONIS

## DE VNIVERSITATE

## LIBER.

Vltæ sunt à nobis & in Academicis  
 conscripta contra physicos, & sæpe cū  
 P. Nigidio, Carneadeo more & modo  
 disputata: fuit enim uir ille cum cate-  
 ris artibus, quæ quidem dignæ libero  
 essent, ornatus omnibus, tum acer inuestigator, & dili-  
 gens earum rerum, quæ à natura inuolutæ uidentur. de-  
 nique sic iudico, post illos nobiles Pythagoreos, quorum di-  
 sciplina extincta est quodam modo, cum aliquot secula  
 in Italia, Siciliaq; uiguisset, hunc extitisse, qui illam reno-  
 uaret. qui cum me in Ciliciam proficiscentem, Ephesi ex-  
 pectauisset, Romam ex legatione ipse decedens, uenissetq;  
 eodem Mytilenis mei salutandi, & uisendi causa Cratip-  
 pus Peripateticorum omnium, quos quidem ego audire-  
 rim, meo iudicio facile princeps: perlibenter & Nigidium  
 uidi, et Cratippum cognoui. ac primum quidem tempus  
 salutationibus, reliquum percunetatione consumpsimus.

Desunt multa.

327  
 \* perturbandas putauerunt. quod nobis quidem egregium,  
 & ad immortalitatem memoriæ gloriosum, neminem in  
 nos mercede ullā pōtuisse reperiri, nisi cui nec esse quidē  
 licuisset Tribuno. sed ille quas strages edidit? eas uideli-  
 cet, quas sine ratione, ac sine ulla spe bona furor edere  
 potuit impuræ beluæ multorum inflammatus furoribus.  
 quamobrem in ista quidem re uehementer Syllam pro-  
 bo, qui Tribunis pl. sua lege iniuriæ faciendæ potesta-  
 tem ademerit, auxilium ferendi reliquerit: Pompeiumq;  
 nostrum cæteris rebus omnibus, semper amplissimis, sum-  
 misq; effero laudibus: de tribunitia potestate taceo: nec  
 enim reprehendere libet, nec laudare possum. M. Vicia  
 quidem Tribunatus præclare Quinte perspicis. sed est  
 iniqua in omni re accusanda prætermis-  
 sis bonis malorum enumeratio, uitiorumq; selectio. nam isto quidem  
 modo uel Consulatus uituperabilis est, si Consulum, quos  
 enumerare nolo, peccata collegeris. ego enim fateor in  
 ipsa ista potestate inesse quiddam mali. sed bonum, quod  
 est quæsitum in ea, sine isto malo non haberemus. nimia  
 potestas est Tribunorum pl. quis negat? sed uis populi  
 multo seuior, multoq; uehementior: quæ ducem quod  
 habet, interdum lenior est, quàm si nullum haberet:  
 dux enim suo periculo progredi cogitat, populi im-  
 petus perituli rationem sui non habet. at aliquando in-  
 cenditur. & quidem sæpe sedatur: quod enim est tam  
 desperatum collegium, in quo nemo è decem sana men-  
 te sit? quin per ipsum Ti. Gracchum non solum uetitus,  
 sed etiam sublati intercessor fuerat: quid enim illum  
 aliud perculit, nisi quod potestatem intercedendi colle-  
 gæ abrogauit? sed tu sapientia maiore nihilo uide. con-

l. Tribu-  
 num potuisse

l. impetus  
 l. periculi

cessa plebi à patribus ista potestate arma ceciderunt :  
restringēta seditio est : inuentum est temperamentum, quo  
tenuiores cum principibus aequari se putarint : in quo  
uno fuit ciuitatis salus . at duo Gracchi fuerunt . &  
præter eos quamuis enumeres multos licet , cum denique  
crearentur : nullos in omni memoria reperies pernicio-  
sos Tribunos , leues , & non bonos fortasse plures .  
inuidia quidem summus ordo caret : plebs de suo in-  
re periculosas contentiones nullas facit . quamobrem  
aut exigendi Reges non fuerunt , aut plebi re , non  
uerbo danda libertas : quæ tamen sic data est , ut mul-  
tis præclarissimis addiceretur , ut auctoritati princi-  
pum cederet . Nostra autem causa , quæ optime & dul-  
cissime frater incidit in tribunitiam potestatem , nihil  
habuit contentionis cum Tribunatu . non enim plebs  
incitata nostris rebus inuidit : sed uincula soluta  
sunt , & seruitia incitata , adiuncto terrore etiam  
militari . neque nobis cum illa tum peste certamen  
fuit , sed cum grauissimo Reip. tempore : cui si non  
cessissem , non diuturnum beneficii mei patria fructum  
tulisset . atque hoc rei exitus indicauit . quis enim non  
modo liber , sed etiam seruus libertate dignus fuit ,  
cui nostra salus chara non esset ? quod si is casus fuisset  
rerum , quas pro salute Reip. gessimus , ut non om-  
nibus gratus esset , & si in nos multitudinis uis fu-  
rentis inflammata inuidia pepulisset tribunitia : quis in  
me populum , sicut Gracchus in Lenatem , Saturninus  
in Metellum , incitasset ? ferremus ò Quinte frater :  
consolarenturq; nos non tam philosophi qui Athe-  
nis fuerunt , qui hoc facere debent , quam clarissimi



testas in populo, auctoritas in senatu sit, teneri ille moderatus, et concors ciuitatis status, praesertim si proxima legi parebitur. nam proximum est. is ordo uitio caret, ceteris specimen esto. Q. Praeclara uero frater ista lex: sed & altera, ut & uitio careat ordo, & ut censorem quaerat interpretem. Att. Ille uero, etsi tuus totus est ordo, gratissimamq; memoriam retinet Consulatus tui; pace tua dixerim, non modo censores, sed etiam iudices omnes potest defatigare. M. Omitte ista Attice: non enim de hoc senatu, nec his de hominibus, qui nunc sunt, sed de futuris, si qui forte his legibus parere uoluerint, haec habetur oratio. nam cum omni uitio carere lex iubeat, ne ueniet quidem in eum ordinem quisquam uitij particeps. id autem difficile factu est, nisi educatione quadam, & disciplina: de qua dicemus aliquid fortasse, si quid fuerit loci, aut temporis. Att. Locus certe non deerit, quoniam tenes ordinem legum: tempus uero largitur longitudo dici. ego autem, etiam si praeterieris, repetam à te istum de educatione, & de disciplina locum.

» M. Tu uero & istum Attice, & si quem alium. Ceteris  
 \* specimen esto: quod sic tenemus omnia. ut enim cupiditatibus principum, & uitijs infici solet tota ciuitas: sic emendari & corrigi continentia. uir magnus, & nobis omnibus amicus, L. Lucullus ferebatur quam commo-  
 dissime respondisse, cum esset obiecta magnificentia uillae Tusculanae, duos se habere uicinos, superiorem equitem R. inferiorem libertinum: quorum cum essent magnifica uillae, concedi sibi oportere, quod ijs, qui tenuioris ordinis essent, liceret. non ne uides Luculle à te id ipsum natum, ut illi cuperent? quibus id, si tu non faceres, non

l. uideret  
m. 31.  
64.

liceret. quis enim ferret istos, cum uideres eorum uillas  
signis, & tabulis refertas partim publicis, partim etiam  
sacris, & religiosis? quis non frangeret eorum libidines,  
nisi illi ipsi, qui eas frangere deberent, cupiditatis eius-  
dem tenerentur? nec enim tantum mali est peccare prin-  
cipes (quanquam est hoc magnum per se ipsum malum)   
quantum illud, quod permulti imitatores principum exi-  
stunt. nam licet uidere, si uelis replicare memoriam tem-  
porum, qualescunq; summi ciuitatis uiri fuerunt, ta-  
lem ciuitatem fuisse: quaecunq; mutatio morum in prin-  
cipibus extiterat, eandem in populo secuturam. idq;  
haud paulo est uerius, quam quod Platoni nostro pla-  
cet, qui musicorum cantibus ait mutatis, mutari ciuita-  
tum status. ego autem, nobilium uita, uictuq; mutato,  
mores mutari ciuitatum puto. quo perniciosius de Rep.  
merentur uitiosi principes, quod non solum uitia conci-  
piunt ipsi, sed ea infundunt in ciuitatem; neq; solum ob-  
sunt, quod illi ipsi corrumpuntur, sed etiam quod corrup-  
punt, plusq; exemplo, quam peccato nocent. atq; haec lex  
dilatata in ordinem cunctum coangustari etiam potest:  
pauci enim, atq; admodum pauci, honore & gloria am-  
plificati, uel corrumpere mores ciuitatis, uel corrigere  
possunt. sed haec & nunc satis, & in alijs libris tracta-  
ta sunt diligentius. quare ad reliqua ueniamus. Proxi-  
mus autem est de suffragijs: quae iubeo nota esse opti-  
matibus, populo libera. Att. Ita mehercule attendi, nec  
satis intellexi, quid sibi lex, aut quid uerba ista uellent.  
M. Dicam Attice, & uersabor in re difficili, ac multum  
et saepe quaesita; suffragia in magistratu mandando, aut  
de reo iudicando quin in lege, aut rogatione clam, an pa-

l. extiterit

leg. illi

lam ferre, melius esset. Q. An etiam id dubium est? uereor, ne à te rursus dissentiam. M. Non facies Quinte: nam ego in ista sum sententia, qua te fuisse semper scio, nihil ut fuerit in suffragijs uoce melius. sed, obtineri an possit, uidendum est. Q. bona tua uenia dixerim, ista sententia maxime & fallit imperitos, & obest sapissime Reip. cum aliquid uerum, & rectum esse dicitur, sed obtineri, id est obsisti posse populo, negatur. primum enim obsistitur, cum agitur seuerè: deinde ui opprimi in bona causa, est melius, quàm male cedere. qui autem non sentit auctoritatem omnem optimatum tabellariam legem abstulisse? quam populus liber nunquam desiderauit, idem oppressus dominatu, ac potentia principum flagitauit. itaq; grauiora iudicia de potentissimis hominibus extant uocis, quàm tabellæ. quamobrem suffragandi nimia libido in non bonis causis eripienda fuit potentibus, non latebra danda populo, in qua, bonis ignorantibus quid quisq; sentiret, tabella uictiosum occultaret suffragium. itaq; isti rationi neq; lator quisquam est inuentus, neq; auctor unquam bonus. sunt enim quatuor leges tabellariæ: quarum prima de magistratibus mandandis: ea est Gabinia, lata ab homine ignoto, & sordido. secuta biennio post Cassia est de populi iudicio: ea à nobili homine lata est L. Cassio, sed, pace familiæ dixerim, dissidente à bonis, atque omnes rumusculos populari ratione aucupante. Carbonis est tertia de iubendis legibus, ac uetandis, seditiosi atq; improbi ciuis: cui ne reditus quidem ad bonos salutem à bonis potuit auferre. uno in genere relinqui uidebatur uocis suffragiū, quod ipse Cassius exceperat, perduellio.



hendo. sin ualuerint tamen leges, ut ne sint ambitus: habeat sanè populus tabellam, quasi uindicem libertatis, dummodo hac optimo cuiq; , & grauissimo cini ostendatur, ultroq; offeratur, uti sit ipsa libertas, in qua populo potestas honeste bonis gratificandi datur. eoq; nunc sit illud, quod à te modo Quinte dictum est, ut minus multos tabella condemnet, quàm solebat uox, quia populo licere satis est. hoc retento, reliqua uoluntas auctoritati, aut gratia traditur. itaq; , ut omittam largitione corrupta suffragia: non uides, si quando ambitus si leat, quæri in suffragiis, quid optimi uiri sentiant? quamobrem lege nostra libertatis species datur, bonorum auctoritas retinetur, contentionis causa tollitur.

- » Deinde sequitur, quibus ius sit cum populo agendi, aut
- » cum senatu. grauis, & ut arbitror, præclara lex. quæ
- » cum patribus agentur, modica sunt: id est modesta, atq; sedata: auctor enim moderatur effingit non modo mentem, ac uoluntates, sed penè uultus eorum, apud
- \* quos agit. quod si in senatu non difficile est: est enim ipse senator is, cuius non ad auctorem referatur animus, sed qui per se ipse spectari uelit. huic iussa tria sunt: ut adsit; nam grauitatem res habet, cum frequens ordo est: ut loco dicat, id est rogatus: ut modo; ne sit infinitus: nam breuitas non modo senatoris, sed etiam oratoris magna laus est in sententia. nec est unquam longa oratione utendum, nisi aut spectante senatu, quod sit ambituione sapissime, nullo magistratu adiuuante, tolli diem utile est; aut cum tanta causa est, ut opus sit oratoris copia uel ad hortandum, uel ad docendum. quorum generum in utroq; magnus noster Cato est. Quodq; addit,

- 22 causas populi teneto, est senatori necessariū nosse Remp.  
 idq; late patet, quid habeat militum, quid valeat ærario,  
 quos socios Resp. habeat, quos amicos, quos stipendiarios,  
 qua quisq; sit lege, conditione, fœdere: tenere consuetu-  
 dinem decernendi, nosse exempla maiorum. uidetis iam,  
 genus hoc omne scientiæ diligentia memoriam esse, sine  
 quo paratus esse senator nullo pacto potest. Deinceps  
 sunt cum populo actiones: in quibus primum & maxi-  
 mum, uis abesto. nihil est enim exitiosius ciuitatibus, nihil  
 tam contrarium iuri, & legibus, nihil minus ciuile, &  
 humanum, quam, composita, & constituta Rep. quic-  
 quam agi per uim. parere iubet intercessori: quo nihil  
 præstantius: impediri enim bonā rem melius, quam con-  
 cedi malā. Quod uero aëtoris iubeo abesse fraudē, id to-  
 tum dixi ex Crassi sapientissimi hominis sententia: quam  
 senatus est secutus, cum decreuisset, C. Claudio Consule  
 designato Carbonis seditionem referente, eo inuito, qui  
 cum populo ageret, seditionem non posse fieri, quippe  
 cui liceat consilium, simul atq; intercessum, turbariq; cœ-  
 ptum sit, dimittere. quod qui permouet cum agi nihil  
 potest, uim quærit. cuius impunitatem amittit hac lege.
- 22 sequitur illud. intercessor rei malæ salutaris ciuis esto.  
 quis non studiose Reip. subuenerit, hac tam præclara le-  
 gis uoce laudatus? Sunt deinde posita deinceps, quæ
- 22 habemus etiam in publicis institutis, ac legibus: auspicia
- 22 seruant: auguri parento. est autem boni auguris me-  
 minisse, maximis Reip. temporibus præsto esse debere, lo-  
 uiq; optimo maximo se consiliarium, atq; administrum  
 datum, ut sibi eos, quos in auspicio esse iusserit, cœliq; par-
- \* tes sibi definitas esse traditas, è quibus sæpe opem referre

de C. Carb.  
 Seditione

possit. deinde de promulgatione, de singulis rebus agendis, de priuatis, magistratibus ue audiendis. tum leges præclarissimæ de XII. tabulis translatae duæ: quarum altera priuilegia tollit, altera de capite ciuis rogari, nisi maximo comitatu, uetat, nō dum initis seditiosis Tribunis

\* plebis Negocialis quidem admirandū tantum maiores in posterum prouidisse: in priuatos homines leges ferri noluerunt: id est enim priuilegiū: quo quid est iniustius? cum legis hæc uis sit, scitum est iussum in omnes ferri, de

*ē. omnes, ferri de de*

\* singulis nisi centuriatis comitijs. noluerunt: descriptus enim populus censu, ordinibus, ætatibus, plus adhibet ad suffragiū auxiliij, q̄ fusc in tribus conuocatus. quo uerius in nostra causa uir magni ingenij, summaq; prudentia L. Cotta dicebat, nihil omnino actum esse de nobis: præter enim q̄ quod comitia illa essent armis gesta seruilibus, præterea neq; tributa capitis, neq; comitia rata esse possent, neq; ulla priuilegia: quo circa nihil nobis opus esse lege, de quibus nihil omnino actū esset legibus. sed uisum est & nobis, & clarissimis uiris melius, de quo serui, et latrones sciuisse se aliquid dicerent, de hoc eodem cunctam Italiam, quid sentiret, ostendere. Sequitur de capitis pecunijs, de ambitu legis. quæ cum magis iudicijs, q̄ uerbis san-

*ē. capitis x*

>> cienda sine: adiungitur, noxiæ pœna par esto, ut in suo uitio quisq; plectatur, uis capite, auaritia mulea, honoris cupiditas ignominia sanciat. Extremæ leges sunt nobis non usitatae, neip. necessariae. legum custodiā nullam habemus: itaq; hæc leges sunt, quas apparitores nostri uolūt: à librarijs petimus: publicis literis cōsignatā memoriā publicam nullam habemus. Græci hoc diligentius: apud quos νομοφύλακες creantur: nec hi solum literas (nam id



quidem etiam apud maiores nostros erat) sed etiam facta hominum observabant, ad legesq; reuocabant. Hac detur cura censoribus: quando quidem eos in Rep. semper uolumus esse: apud eosdem, qui magistratu abierint, edant, & exponant quid in magistratu gesserint: deq; ijs Censores præiudicent. hoc in Græcia fit publice cõstitutis accusatoribus. qui quidem graues esse non possunt, nisi sint uoluntarij. quocirca melius est rationes referri, causamq; exponi Censoribus, integram tamen legem accusatori, iudicioq; seruari. Sed satis iam disputatum est de magistratibus, nisi forte quid desideratis. Att. Quid? si nos tacemus, locus tamen ipse nõ admonet, quid tibi sit deinde dicendum? M. Mihi ne? de iudijs arbitror Pomponi: id est enim iunctum magistratibus. Att. Quid? de iure populi R. quemadmodum instituiisti, dicendum nihil putas? M. Quid tandem hoc loco est, quod requiras? Att. Ego ne? quod ignorari ab ijs, qui in Rep. uersantur, turpissimum puto. nam, ut modo à te dictum est, leges à librarijs lego: sic animaduerto, quosq; in magistratibus ignoratione iuris sui tantum sapere, quantum apparitores uelint. quamobrem, si de sacrorum alienatione dicendum putasti, cum de religione leges proposueras, faciendum tibi est, ut, magistratibus lege constitutis, de potestate, tum de iure disputes. M. Faciam breuiter, si cõse qui potuero: nã pluribus uerbis scripsit ad patrem suum M. Iunius sodalis, perite meo quidem iudicio, & diligenter, at de iure naturæ cogitari per nos, et quæ dicere debemus de iure populi R. quæ relicta sunt, & tradita. Att. Sic profecto ceseo: et id ipsum, quod dicis, expecto. Multa desunt.

## M. TVLLII CICERONIS

## DE VNIVERSITATE

## LIBER.

Vltæ sunt à nobis & in Academicis  
 conscripta contra phisicos, & sæpe cū  
 P. Nigidio, Carneadeo more & modo  
 disputata: fuit enim uir ille cum cate-  
 ris artibus, quæ quidem dignæ libero  
 essent, ornatus omnibus, tum acer inuestigator, & dili-  
 gens earum rerum, quæ à natura inuolutæ uidetur. de-  
 nique sic iudico, post illos nobiles Pythagoreos, quorum di-  
 sciplina extincta est quodam modo, cum aliquot secula  
 in Italia, Siciliaq; uiguisset, hunc extitisse, qui illam reno-  
 uaret. qui cum me in Ciliciam proficiscentem, Ephesi ex-  
 pectauisset, Romam ex legatione ipse decedens, uenissetq;  
 eodem Mytilenis mei salutandi, & uisendi causa Cratip-  
 pus Peripateticorum omnium, quos quidem ego audire-  
 rim, meo iudicio facile princeps: perlibenter & Nigidium  
 uidi, et Cratippum cognoui. ac primum quidem tempus  
 salutationibus, reliquum percunetatione consumpsimus.

Desunt multa.

quid est, quod semper sit, neque ullum habet ortum, & quod gignatur, nec unquam sit. quorum alterum intelligentia, & ratione comprehenditur, quod unum semper, atque idem est: alterum, quod affert opinionem per sensus, rationis experts, quod totum opinabile est, id gignitur, & interit, nec unquam esse uere potest. omne autem, quod gignitur, ex aliqua causa gigni necesse est: nullius enim rei causa remota, reperiri origo potest. quocirca si is, qui aliquod munus efficere molitur, eam speciem, quæ semper est eadem, intuebitur, atque eam sibi proponet exemplar, præclarum opus efficiat necesse est. sin autem illam, quæ gignitur: nunquam illam, quam expetet, pulchritudinem consequetur. omne igitur cælum, siue mundus, siue quouis alio uocabulo gaudet, hoc à nobis nuncupatus sit. de quo id primum consideremus, quod principio est in omni quæstione considerandum, semper ne fuerit nullo generatus ortu, an ortus sit, an ab aliquo temporis principatu ortus est, quandoquidem cer nitur, & tangitur, & est undique corporatus. omnia autem talia sensum mouet: sensusq; mouentia quæ sunt, eadem in opinatione confidunt: quæ ortum habere, gigni; diximus, nihil autem gigni posse sine causis. atque illum quidem quasi parentem huius uniuersitatis inuenire difficile: & cum iam inueneris, indicare in uulgus nefas. rursus igitur uidendum, ille fabricator tanti operis utrum sit imitatus exemplar, id ne quod semper unum et idem, & sui simile, an id quod generatum ortumq; dicimus. Atqui si pulcher est hic mundus, si probus eius artifex: profecto speciem æternitatis imitari maluit. sin secus, quod ne dictu quidem fas est: generatum exem-



plum est pro aeterno securus. non igitur dubium, quin aeternitatem maluerit exequi, quandoquidem neque quando quicquam pulchrius, neque eius aedificatore praestantius. si ergo generatus, ad id est effectus, quod ratione sapientiâq; comprehenditur, atque immutabili aeternitate continetur. ex quo efficitur, ut sit necesse hunc, quem cernimus, mundum, simulacrum aeternum esse alicuius aeterni. difficillimum autem est in omni conquisitione rationis exordium. de ijs igitur, quæ diximus, hæc sit prima distinctio: in omni oratione cum ijs rebus, de quibus explicandum uidetur, esse cognitio: itaque cum de re stabili & immutabili disputatur, oratio talis sit, qualis sit illa, quæ neque redargui, neque conuinci potest. cum autem ingressa est imitata, et effecta simulacra, bene agi putat, si similitudinem ueri consequatur. quantum enim ad id, quod ortum est, aeternitas ualet: tantum ad fidem ueritas: quocirca si forte de deorum natura, ortuq; mundi differentes, minus id, quod habemus animo, consequimur, ut tota dilucide, & plane oratio exornata sibi constet, & ex omni parte secum ipsa consentiat: haud sanè erit mirum: contentiq; esse debebitis, si probabilia dicentur: æquum est enim meminisse, & me, qui differam, hominem esse, & uos, qui iudicatis: ut, si probabilia dicentur, nil ultra requiratis. Queramus igitur causam, quæ eum impulerit, qui hæc machinatus sit, ut originem rerum, & molitionem nouam quæreret. probitate uidelicet praestabat: probus autem inuidet nemini: itaque omnia sui similia generauit. hæc nimirum gignendi mundi causa iustissima. nam cum constituisset deus bonis omnibus explere mundum, mali nihil admiscere, quoad natura patere:

temperatio accessit, conuersa lex in omnes est.

Multa defunt.

domum cum laude redeunto . nihil enim præter laudem bonis, atque innocentibus, neque ex hostibus, neque à socijs reportandum . iam illud apertum profecto est, nihil esse turpius, quàm quenquam legari nisi Reip. causa. omitto, quemadmodum isti se gerant, atq; gesserint, qui legatione hereditates, aut syngraphas suas persequuntur. in hominibus est hoc fortasse uitium . sed quæro, quid hac res sit turpius, quàm sine procuratione senator, legatus sine mandatis, sine ullo Reip. munere? quod quidem genus legationis ego Consul, quanquam ad commodum senatus pertinere uideatur, tamen approbante senatu frequentissimo, nisi mihi leuissimus Tribunus pl. intercessisset, sustulisset : tamē minui tempus, & quod erat infinitum, annuum feci . ita turpitudine manet, diuturnitate sublata . sed iam, si placet, de prouincijs decedatur, in urbemq; redeatur. A. Nobis uero placet : sed ijs, qui in prouincijs sunt, minime placet. M. At uero Tite, si pareant his legibus, nihil his urbe, nihil domo sua dulcius, nec laboriosius, molestiusq; prouincia . sed sequitur lex, quæ sancit eam Tribunorum pl. potestatem, quæ in Rep. no-

stra: de qua differi nihil necesse est. Q. At mehercule ego frater quaero, de ista potestate quid sentias: nam mihi quidem pestifera uidetur, quippe quæ in seditione, & ad seditionem nata sit: cuius primum ortum, si recordari uolumus, inter arma ciuium & occupatis, & obsessis urbis locis procreatum uidemus. deinde cum esset cito legatus tanquam ex XII tabulis, insignis ad deformitatem puer breui tēpore nescio quo pacto creatus, multoq; tetrior, & fœdior natus est. quem enim ille non edidit, qui primum, ut impio dignum fuit, patribus omnem honorem eripuit, omnia infima summis paria fecit, turbauit, miscuit; cum afflixisset principum grauitatem, nunquam tamen conquieuit? atque ut Cn. Flaminium, atque ea, quæ prisca sunt, relinquam: quid iuris bonis uiris T. Gracchi Tribunatus reliquit? & Si quinquennio ante D. Brutum, & P. Scipionem Consules, quos, & quantos uiros, homo omnium infimus, & sordidissimus Tribunus pl. C. Curiatius in uincula coniecit: quod  
 \* ante factum non erat. C. uero Gracchus ruinis, & emissicijs, quas ipse se proiecisse in forum dixit, quibus digladiarentur inter se ciues, nonne omnem Reip. statum permutauit? quid iam de Saturnini supplicio, reliquisq; dicam? quos ne depellere quidem à se sine ferro potuit Resp. cur autem aut uetera, aut aliena proferamus potius, quàm & nostra, & recentia? quis unquam tam audax, tam inimicus nobis fuisset, ut cogitaret unquam de statu nostro labefactando, nisi mucronem aliquem tribunitium exacuisse in nos? quem cum homines scelerati, ac perdit non modo ulla in domo, sed nulla in gente reperirent, gentes sibi in tenebris Reip.



\* perturbandas putauerunt. quod nobis quidem egregium,  
 & ad immortalitatem memoriæ gloriosum, neminem in  
 nos mercede ullā potuisse reperiri, nisi cui nec esse quidē  
 licuisset Tribuno. sed ille quas strages edidit eas uideli-  
 cet, quas sine ratione, ac sine ulla spe bona furor edere  
 potuit impuræ beluæ multorum inflammatus furoribus.  
 quamobrem in ista quidem re uehementer Syllam pro-  
 bo, qui Tribunis pl. sua lege iniuriæ faciendæ potesta-  
 tem ademerit, auxilium ferendi reliquerit: Pompeiumq;  
 nostrum ceteris rebus omnibus, semper amplissimis sum-  
 misq; effero laudibus: de tribunitia potestate taceo: nec  
 enim reprehendere libet, nec laudare possum. M. Vitia  
 quidem Tribunatus præclare Quinte perspicis. sed est  
 iniqua in omni re accusanda prætermis-  
 sis bonis malo-  
 rum enumeratio, uitiorumq; selectio. nam isto quidem  
 modo uel Consulatus uituperabilis est, si Consulum, quos  
 enumerare nolo, peccata collegeris. ego enim fateor in  
 ipsa ista potestate inesse quiddam mali. sed bonum, quod  
 est quæsitum in ea, sine isto malo non haberemus. nimia  
 potestas est Tribunorum pl. quis negat? sed uis populi  
 multo sæuior, multoq; uehementior: quæ ducem quod  
 habet, interdum lenior est, quàm si nullum haberet:  
 dux enim suo periculo progredi cogitat, populi impe-  
 cus perituli rationem sui non habet. at aliquando in-  
 cenditur. & quidem sæpe sedatur: quod enim est tam  
 desperatum collegium, in quo nemo è decem sana men-  
 te sit? quin per ipsum Ti. Gracchum non solum uetitus,  
 sed etiam sublatus intercessor fuerat. quid enim illum  
 aliud perculit, nisi quod potestatem intercedendi colle-  
 gæ abrogauit? sed tu sapientia maiore nihilo uide. con-

l. Tribu-  
 num potuisse

l. impetus  
 l. periculi

cessa plebi à patribus ista potestate arma ceciderunt :  
reſtineta ſeditio eſt : inuentum eſt temperamentum, quo  
tenuiores cum principibus æuari ſe putarint : in quo  
uno fuit ciuitatis ſalus . at duo Gracchi fuerunt . &  
præter eos quamuis enumeres multos licet , cum denique  
crearentur : nullos in omni memoria reperiſſes pernicioſos  
Tribunos , leues , & non bonos fortasſe plures .  
inuidia quidem ſummus ordo caret : plebs de ſuo in-  
re periculoſas contentiones nullas facit . quamobrem  
aut exigendi Reges non fuerunt , aut plebi re , non  
uerbo danda libertas : quæ tamen ſic data eſt , ut mul-  
tis præclarisſimis addiceretur , ut auctoritati princi-  
pum cederet . Noſtra autem cauſa, quæ optime & dul-  
ciſſime frater incidit in tribunitiam poteſtatem, nihil  
habuit contentionis cum Tribunatu . non enim plebs  
incitata noſtris rebus inuidit : ſed uincula ſoluta  
ſunt , & ſeruitia incitata , adiuncto terrore etiam  
militari . neque nobis cum illa tum peſte certamen  
fuit , ſed cum grauiffimo Reip. tempore : cui ſi non  
ceſſiſſem , non diuturnum beneficii mei patria fructum  
tuliffet . atque hoc rei exitus indicauit . quis enim non  
modo liber , ſed etiam ſeruus libertate dignus fuit ,  
cui noſtra ſalus chara non eſſet ? quòd ſi is caſus fuiſ-  
ſet rerum , quas pro ſalute Reip. geſſimus , ut non o-  
mnibus gratus eſſet , & ſi in nos multitudinis uis fu-  
rentis inflammata inuidia pepuliſſet tribunitia : quis in  
me populum , ſicut Gracchus in Lenatem , Saturninus  
in Metellum , incitaſſet ? ferremus ò Quinte frater :  
conſolarenturq; nos non tam philoſophi qui Athe-  
nis fuerunt , qui hoc facere debent , quàm clariſſimi

uiri, qui illa urbe pulsi carere ingrata ciuitate, quàm manere in improba maluerunt. Pompeium uero quòd una ista in re non ita ualde probas, uix satis mihi illud uideris attendere, non solum ei, quid esset optimum, uidendum fuisse, sed etiam quid necessarium: sensit enim deberi non posse huic ciuitati illam potestatem: quippe quam tantopere populus noster ignotam expetisset, qui posset carere cognita? sapientis autem ciuis fuit, causam nec perniciosam, & ita popularem, ut non posset obsisti, perniciosè populari ciui non relinquere. Scis solere frater in huiusmodi sermone, ut transiri aliò possit, admodum dici. Q. Prorsus ita est: haud equidem assentior: tu tamen ad reliqua pergas uelim. M. Perseueras tu quidem, & in tua uetere sententia permanes. Q. Non mehercule. Att. Ego sanè à Quinto nostro dissentio. sed ea, quæ restant, audiamus. M. Deinceps igitur omnibus magistratibus auspicia, & iudicia dantur: iudicia, ut esset populi potestas, ad quam prouocaretur: auspicia, ut multos inutiles comitatus probabiles impedirent moræ: sæpe enim populi impetum iniustum, auspicijs dij immortales represserunt: ex ijs autem, qui magistratum ceperunt, quod senatus consulto efficitur, popularem sanè neminem in summum locum nisi per populum uenire sublata cooptatione censoria. sed præsto est huius uitij temperatio, quòd senatus

» lege nostra confirmatur auctoritas. sequitur enim, eius  
 » decreta rata sunt. nam ita se res habet, ut, si senatus dominus sit publici consilij, quodq; is creuerit, defendant omnes, & si ordines reliqui principis ordinis cōsilio Rēp. gubernari uelint, possit ex temperatione iuris, cum po-  
 testas



- testas in populo, auctoritas in senatu sit, teneri ille moderatus, et concors ciuitatis status, praesertim si proxima legi parebitur. nam proximum est. is ordo uitio careto, cæteris specimen esto. Q. Praeclara uero frater ista lex: sed & altera, ut & uitio careat ordo, & ut censorem quærat interpretem. Att. Ille uero, etsi tuus totus est ordo, gratissimamq; memoriam retinet Consulatus tui; pace tua dixerim, non modo censores, sed etiam iudices omnes potest defatigare. M. Omitte ista Attice: non enim de hoc senatu, nec his de hominibus, qui nunc sunt, sed de futuris, si qui forte his legibus parere uoluerint, hæc habetur oratio. nam cum omni uitio carere lex iubeat, ne ueniet quidem in eum ordinem quisquam uitij particeps. id autem difficile factu est, nisi educatione quadam, & disciplina: de qua dicemus aliquid fortasse, si quid fuerit loci, aut temporis. Att. Locus certe non deerit, quoniam tenes ordinem legum: tempus uero largitur longitudo diei. ego autem, etiam si praterieris, repetam à te istum de educatione, & de disciplina locum.
- M. Tu uero & istum Attice, & si quem alium. Cateris  
 \* specimen esto: quod sic tenemus omnia. ut enim cupiditatibus principum, & uitijs infici solet tota ciuitas: sic emendari & corrigi continentia. uir magnus, & nobis omnibus amicus, L. Lucullus ferebatur quam commo-  
 dissime respondisse, cum esset obiecta magnificentia uillæ Tusculanæ, duos se habere uicinos, superiorem equitem R. inferiorem libertinum: quorum cum essent magnificæ uillæ, concedi sibi oportere, quod ijs, qui tenuioris ordinis essent, liceret. non ne uides Luculle à te id ipsum natum, ut illi cuperent? quibus id, si tu non faceres, non

lam ferre, melius esset. Q. An etiam id dubium est?  
uereor, ne à te rursus dissentiam. M. Non facies Quin-  
te: nam ego in ista sum sententia, qua te fuisse semper  
scio, nihil ut fuerit in suffragijs uoce melius. sed, obti-  
neri an possit, uidendum est. Q. bona tua uenia di-  
xerim, ista sententia maxime & fallit imperitos, &  
obest sapissime Reip. cum aliquid uerum, & rectum  
esse dicitur, sed obtineri, id est obsisti. posse populo, nega-  
tur. primum enim obsistitur, cum agitur senere: dein-  
de ui opprimi in bona causa, est melius, quàm male ce-  
dere. qui autem non sentit auctoritatem omnem opti-  
matium tabellariam legem abstulisse? quam populus li-  
ber nunquam desiderauit, idem oppressus dominatu, ac  
potentia principum flagitauit. itaq; grauiora iudicia  
de potentissimis hominibus extant uocis, quàm tabellæ.  
quamobrem suffragandi nimia libido in non bonis cau-  
sis eripienda fuit potentibus, non latebra danda populo,  
in qua, bonis ignorantibus quid quisq; sentiret, tabella ui-  
tiosum occultaret suffragium. itaq; isti rationi neq; la-  
tor quisquam est inuentus, neq; auctor unquam bonus.  
sunt enim quatuor leges tabellariæ: quarum prima de  
magistratibus mandandis: ea est Gabinia, lata ab homi-  
ne ignoto, & sordido. secuta biennio post Cassia est de  
populi iudicio: ea à nobili homine lata est L. Cassio, sed,  
pace familiæ dixerim, dissidente à bonis, atque omnes  
rumusculos populari ratione aucupante. Carbonis est  
tertia de iubendis legibus, ac uetandis, seditiosi atq; im-  
probi ciuis: cui ne reditus quidem ad bonos salutem à  
bonis potuit auferre. uno in genere relinqui uidebatur  
uocis suffragiū, quod ipse Cassius exceperat, perduellio-

hendo. sin ualuerint tamen leges, ut ne sint ambitus : ha-  
beat sanè populus tabellam, quasi uindicem libertatis,  
dummodo hac optimo cuiq; , & grauissimo ciui osten-  
datur, utroq; offeratur, uti sit ipsa libertas, in qua po-  
pulo potestas honeste bonis gratificandi datur. eoq; nunc  
fit illud, quod à te modo Quinte dictum est, ut minus  
multos tabella condemnet, quàm solebat uox, quia popu-  
lo licere satis est. hoc retento, reliqua uoluntas auctori-  
tati, aut gratia traditur. itaq; , ut omittam largitione  
corrupta suffragia : non uides, si quando ambitus si-  
leat, quæri in suffragijs, quid optimi uiri sentiant?  
quamobrem lege nostra libertatis species datur, bono-  
rum auctoritas retinetur, contentionis causa tollitur.

- » Deinde sequitur, quibus ius sit cum populo agendi, aut
- » cum senatu. grauis, & ut arbitror, præclara lex. quæ
- » cum patribus agentur, modica sunt : id est. modesta,  
atq; sedata : auctor enim moderatur effingit non mo-  
do mentem, ac uoluntates, sed penè uultus eorum, apud
- \* quos agit. quod si in senatu non difficile est : est enim ip-  
se senator is, cuius non ad auctorem referatur animus,  
sed qui per se ipse spectari uelit. huic iussa tria sunt :  
ut adsit ; nam grauitatem res habet, cum frequens ordo  
est : ut loco dicat, id est rogatus : ut modo ; ne sit infini-  
tus : nam breuitas non modo senatoris, sed etiam ora-  
toris magna laus est in sententia. nec est unquam longa  
oratione utendum, nisi aut spectante senatu, quod fit am-  
\* bitione sapissime, nullo magistratu adiuuante, tolli diem  
utile est ; aut cum tanta causa est, ut opus sit oratoris co-  
pia uel ad hortandum, uel ad docendum. quorum gene-  
rum in utroq; magnus noster Cato est. Quodq; addit,



# DE LEGIBVS

- 22 causas populi teneto, est senatori necessariū nosse Remp.  
 idq; late patet, quid habeat militum, quid valeat aerario,  
 quos socios Resp. habeat, quos amicos, quos stipendiarios,  
 qua quisq; sit lege, conditione, foedere: tenere consuetu-  
 dinem decernendi, nosse exempla maiorum. uidetis iam,  
 genus hoc omne scientiæ diligentiae memoriam esse, sine  
 quo paratus esse senator nullo pacto potest. Deinceps  
 sunt cum populo actiones: in quibus primum & maxi-  
 22 mum, uis abesto. nihil est enim exitiosius ciuitatibus, nihil  
 tam contrarium iuri, & legibus, nihil minus ciuile, &  
 humanum, quam, composita, & constituta Rep. quic-  
 quam agi per uim. parere iubet intercessori: quo nihil  
 præstantius: impediri enim bonā rem melius, quam con-  
 cedi malæ. Quod uero aëtoris iubeo abesse fraudē, id to-  
 tum dixi ex Crassi sapientissimi hominis sententia: quam  
 senatus est secutus, cum decreuisset, C. Claudio Consule  
 designato Carbonis seditionem referente, eo inuito, qui  
 cum populo ageret, seditionem non posse fieri, quippe  
 cui liceat consilium, simul atq; intercessum, turbariq; cœ-  
 ptum sit, dimittere. quod qui permouet cum agi nihil  
 potest, uim querit. cuius impunitatem amittit hac lege.  
 22 sequitur illud. intercessor rei malæ salutaris ciuis esto.  
 quis non studiose Reip. subuenerit, hac tam præclara le-  
 gis uoce laudatus? Sunt deinde posita deinceps, quæ  
 22 habemus etiam in publicis institutis, ac legibus: auspicia  
 22 seruanto: auguri parento. est autem boni auguris me-  
 minisse, maximis Reip. temporibus præsto esse debere, lo-  
 uiq; optimo maximo se consiliarium, atq; administrum  
 datum, ut sibi eos, quos in auspicio esse iusserit, cœliq; par-  
 22 tes sibi definitas esse traditas, è quibus sæpe opem referre

de C. Carb.  
 Seditione

possit. deinde de promulgatione, de singulis rebus agendis, de priuatis, magistratibus ue audiendis. tum leges præclarissimæ de XII. tabulis translatae duæ: quarum altera priuilegia tollit, altera de capite ciuis rogari, nisi maximo comitatu, uetat, nō dum initis seditiosis Tribunis

\* plebis Negocialis quidem admirandū tantum maiores in posterum prouidisse: in priuatos homines leges ferri noluerunt: id est enim priuilegiū: quo quid est iniustius? cum legis hæc uis sit, scitum est iussum in omnes ferri, de

*ē. omnes, fort  
ri de de*

\* singulis nisi centuriatis comitijs noluerunt: descriptus enim populus censu, ordinibus, ætatibus, plus adhibet ad suffragiū auxiliij, q̄ fusc in tribus conuocatus. quo uerius in nostra causa uir magni ingenij, summaq; prudentia L. Cotta dicebat, nihil omnino actum esse de nobis: præter enim q̄ quod comitia illa essent armis gesta seruilibus, præterea neq; tributa capitis, neq; comitia rata esse possent, neq; ulla priuilegia: quo circa nihil nobis opus esse lege, de quibus nihil omnino actū esset legibus. sed uisum est & nobis, & clarissimis uiris melius, de quo serui, et latrones sciuisse se aliquid dicerent, de hoc eodem cunctam Italiam, quid sentiret, ostendere. Sequitur de capitis pecunijs, de ambitu legis. quæ cum magis iudicijs, q̄ uerbis scienda sint: adiungitur, noxiæ pœna par esto, ut in suo uitio quisq; plebetur, uis capite, auaritia multa, honoris cupiditas ignominia sanciat. Extremæ leges sunt nobis non usitata, Reip. necessaria. legum custodiā nullam habemus: itaq; hæ leges sunt, quas apparitores nostri uolūt: à librarijs petimus: publicis literis cōsignatā memoriā publicā nullā habemus. Græci hoc diligentius: apud quos νομοφύλακες creantur: nec hi solum literas (nam id

*ē. capitis x*

## M. TVLLII CICERONIS

## DE VNIVERSITATE

## LIBER.

Vltæ sunt à nobis & in Academicis  
 conscripta contra phisicos, & sæpe cū  
 P. Nigidio, Carneadeo more & modo  
 disputata: fuit enim uir ille cum cate-  
 ris artibus, quæ quidem dignæ libero  
 essent, ornatus omnibus, tum acer inuestigator, & dili-  
 gens earum rerum, quæ à natura inuolutæ uidentur. de-  
 nique sic iudico, post illos nobiles Pythagoreos, quorum di-  
 sciplina extincta est quodam modo, cum aliquot secula  
 in Italia, Siciliaq; uiguisset, hunc extitisse, qui illam reno-  
 uaret. qui cum me in Ciliciam proficiscentem, Ephesi ex-  
 pectauisset, Romam ex legatione ipse decedens, uenissetq;  
 eodem Mytilenis mei salutandi, & uisendi causa Cratip-  
 pus Peripateticorum omnium, quos quidem ego audire-  
 rim, meo iudicio facile princeps: perlibenter & Nigidium  
 uidi, et Cratippum cognoui. ac primum quidem tempus  
 salutationibus, reliquum percunetatione consumpsimus.

Desunt multa.



# DE VNIVERSITATE

quid est, quod semper sit, neque ullum habet ortum, & quod gignatur, nec unquam sit. quorum alterum intelligentia, & ratione comprehenditur, quod unum semper, atque idem est: alterum, quod affert opinionem per sensus, rationis expers, quod totum opinabile est, id gignitur, & interit, nec unquam esse uere potest. omne autem, quod gignitur, ex aliqua causa gigni necesse est: nullius enim rei causa remota, reperiri origo potest. quocirca si is, qui aliquod munus efficere molitur, eam speciem, quæ semper est eadem, intuebitur, atque eam sibi proponet exemplar, præclarum opus efficiat necesse est. sin autem illam, quæ gignitur: nunquam illam, quam expetet, pulchritudinem consequetur. omne igitur cælum, siue mundus, siue quouis alio uocabulo gaudet, hoc à nobis nuncupatus sit. de quo id primum consideremus, quod principio est in omni quæstione considerandum, semper ne fuerit nullo generatus ortu, an ortus sit, an ab aliquo temporis principatu ortus est, quandoquidem cer nitur, & tangitur, & est undique corporatus. omnia autem talia sensum mouet: sensusq; mouentia quæ sunt, eadem in opinatione confidunt: quæ ortum habere, gigni q; diximus, nihil autem gigni posse sine causis. atque illum quidem quasi parentem huius uniuersitatis inuenire difficile: & cum iam inueneris, indicare in uulgus nefas. rursus igitur uidendum, ille fabricator tanti operis utrum sit imitatus exemplar, id ne quod semper unum et idem, & sui simile, an id quod generatum ortumq; dicimus. Atqui si pulcher est hic mundus, si probus eius artifex: profecto speciem æternitatis imitari maluit. sin secus, quod ne dictu quidem fas est: generatum exem-

plum est pro aeterno securus : non igitur dubium , quin aeternitatem maluerit exequi , quandoquidem neque quando quicquam pulchrius , neque eius aedificatore praestantius . si ergo generatus , ad id est effectus , quod ratione sapientiaq; comprehenditur , atque immutabili aeternitate continetur . ex quo efficitur , ut sit necesse hunc , quem cernimus , mundum , simulacrum aeternum esse alicuius aeterni . difficillimum autem est in omni conquisitione rationis exordium . de ijs igitur , quae diximus , haec sit prima distinctio : in omni oratione cum ijs rebus , de quibus explicandum uidetur , esse cognitio : itaque cum de re stabili & immutabili disputatur , oratio talis sit , qualis sit illa , quae neque redargui , neque convinci potest . cum autem ingressa est imitata , et effecta simulacra , bene agi putat , si similitudinem ueri consequatur . quantum enim ad id , quod ortum est , aeternitas ualet : tantum ad fidem ueritas . quocirca si forte de deorum natura , ortuq; mundi differentes , minus id , quod habemus animo , consequimur , ut tota dilucide , & plane oratio exornata sibi constet , & ex omni parte secum ipsa consentiat : haud sanè erit mirum : contentiq; esse debebitis , si probabilia dicentur : æquum est enim meminisse , & me , qui differam , hominem esse , & uos , qui iudicatis : ut , si probabilia dicentur , nil ultra requiratis . Quæramus igitur causam , quae eum impulerit , qui hæc machinatus sit , ut originem rerum , & molitionem nouam quæreretur . probitate uidelicet præstabat : probus autem inuidet nemini : itaque omnia sui similia generauit . hæc nimirum gignendi mundi causa iustissima . nam cum constituisset deus bonis omnibus explere mundum , mali nihil admiscere , quoad natura patere :

tur : quicquid erat quod in cernendi sensum caderet , id  
 sibi assumpsit , non tranquillum & quietum , sed immo-  
 derate agitatam , & fluctuans : idq; ex inordinato in or-  
 dinem adduxit : hoc enim indicabat esse præstantius . fas  
 autem nec est , nec unquam fuit , quicquam nisi pulcher-  
 rimum facere eum , qui esset optimus . cum rationem  
 igitur habuisset , reperiēbat nihil esse eorum , quæ natu-  
 ra cernerentur ; non intelligens , intelligente , in toto gene-  
 re præstantius . quocirca intelligentiam in animo , animū  
 conclusit in corpore . sic ratus est opus illud effectum esse  
 pulcherrimum . quam ob causam non est cunctandum  
 profiteri , si modo inuestigare aliquid coniectura potest ,  
 hunc mundum animal esse , idq; intelligens , & diuina  
 providentia constitutum . hoc posito , quod sequitur uiden-  
 dum est , cuiusnam animantium deus in fingendo mun-  
 do similitudinem secutus sit . nullius profecto , eorum qui-  
 dem , quæ sunt nobis nota animantia : sunt enim omnia  
 in quædam genera partita , aut inchoata , nulla ex parte  
 perfecta : imperfecto autem nec absoluto simile , pulchrū  
 esse nihil potest . cuius ergo omne animal quasi particula  
 quædam est , siue in singulis , siue in diuerso genere cerna-  
 tur , eius similem mundum esse dicamus . omnes igitur ,  
 qui animo cernuntur , & ratione intelliguntur animan-  
 tes , complexu rationis & intelligentiæ , sicut homines , hoc  
 mundo , & pecudes , & omnia quæ sub aspectum cadūt ,  
 comprehenduntur : quod enim pulcherrimum in rerum  
 natura intelligi potest , & quod ex omni parte absolutis-  
 simum est ; cum deus similem mundum efficere uellet , ani-  
 mal unum , aspectabile , in quo omnia animalia contine-  
 rentur , effecit . recte ne igitur unum mundum dixeri-



mus, an sint plures, an innumerabiles, dictu uerius et melius. unus profecto, siquidem factus est ad exemplum: quod enim omnes animantes eos, qui ratione intelliguntur, complectitur, id non potest esse cum altero. rursus enim alius animans, qui eum contineat, sit necesse est, cuius partes sint animantes superiores; cœlumq; hoc simulacrum illius ultimi sit, non proximi. quorum ne quid accideret, atque ut hic mundus esset animanti absoluto simillimus, hoc ipso, quod solus atque unus esset, iccirco singularem deus hunc mundum, atque unigenam procreauit. Corporeum autem & aspectabile, itemq; tractabile omne necesse est esse, quod natum est. nihil porro igni uacuum uideri potest: nec uero tangi, quod careat soliditate: solidum autem nihil, quod terræ sit expers. quam obrem mundum efficere moliens deus, terram primum, ignemq; iungebat. omnia autem duo ad coharendum tertium aliquid requirunt, & quasi nodum, uinculumq; desiderant. sed uinculorum id est aptissimum atque pulcherrimum, quod ex se, atq; de his, quæ astringit, quam maxime unum efficit. id optime assequitur quæ græce ἀναλογία, latine (audendum est enim, quoniam hæc primum à nobis nouatur) comparatio, proportio uel dici potest. quando enim trium uel numerorum, uel figurarum, uel quorumcunque generum contingit, ut quod medium sit, uti primum proportionē, ita id postremo compareretur, uicissimq; ut extremum cum medio, sic medium cum primo conferatur: id, quod medium est, tum primum sit, tum postremum; postrema uero & prima media fiunt. ita necessitas cogit, ut eadē sint ea quæ deiuncta fuerunt. eadem autē cum facta sint, efficitur, ut omnia sint unū.

## DE VNIVERSITATE

quòd si uniuerſitatis corpus planum & æquabile explica-  
retur, neque in eo quicquam eſſet requiſitum: unum in-  
teriectum medium, & ſe ipſum, & ea, quibus eſſet inter-  
poſitum, colligaret. ſed cum ſoliditas mundo quærere-  
tur, ſolida autem omnia uno medio nunquam, duobus  
ſemper copulenter, ita contingit ut inter ignem, & ter-  
ram aquam deus, animamq; poneret, eaq; inter ſe com-  
pararet, & proportionem coniungeret, ut, quemadmo-  
dum ignis animæ, ſic anima aquæ, quòdq; anima aquæ,  
id aqua terræ proportionem redderet. quia ex coniunctio-  
ne cælum ita aptum eſt, ut ſub aſpectum, & tactum  
cadat. itaque & ob eam cauſam, & ab ijs rebus nume-  
ro quatuor mundi eſt corpus effectum, ea conſtructum  
proportionem, qua dixi: ex quo ipſe ſe concordiam quadam  
amicitia, & charitate complectitur; atque ita apte co-  
hæret, ut diſſolui nullo modo queat, niſi ab eodem à quo  
eſt colligatus. earum autem quatuor rerum, quas ſupra  
dixi, ſic in omni mundo omnes partes collocata ſunt, ut  
nulla pars huiusce generis excederet extra, atque in hoc  
uniuerſo ineſſent genera illa uniuerſa. id ob eas cauſas,  
primum ut mundus animans poſſit ex perfectis partibus  
eſſe perfectus, deinde ut unus eſſet, nulla parte, unde  
alter gigneretur, relictæ, poſtremo ne quis morbus eū  
poſſit, aut ſenectus affligere: omnis enim coagmenta-  
tio corporis uel calore, uel frigore, uel aliqua impul-  
ſione uehementi labefactatur, & frangitur, & ad mor-  
bos ſenectutemq; compellitur. hanc igitur habuit ratio-  
nem effectorem mundi, molitorq; deus, ut unum opus to-  
tum, atque perfectum ex omnibus totis, atque perfectis

† *ē. abſolueret*, abſolueretur, quod omni morbo ſenio ue careret. for=

mam autem & maxime sibi cognatam, & decoram  
 dedit. à quo enim animante omnes reliquos cōtineri uel-  
 let animantes, hunc ea forma figurauit, qua una omnes  
 reliquæ formæ concluduntur: & globosus est fabrica-  
 tus: quod σφαῖρος ὅς Græci uocant: cuius omnis ex-  
 tremitas paribus à medio radijs attingitur: idq; ita tor-  
 nauit, ut nihil effici possit rotundius, nihil ut asperitatis  
 haberet, nihil offensionis, nihil inclusum angulis, nihil an-  
 fractibus, nihil eminens, nihil lacunosum, omnesq; partes  
 simillimæ omnium, quoad eius præstabat iudicio dissimi-  
 litudini similitudo. Omni autem totam figuram mundi  
 leuitate circundedit: nec enim. oculis egebat, quia nihil  
 extra, quod cerni posset, relictum erat; nec auribus, quia  
 ne quod audiretur quidem: neque erant anima circun-  
 fusæ extrema mundi, ut respirationem requireret: nec  
 uero desiderabat aut alimenta corporis, aut detractiōē  
 confecti, & consumpti cibi: neque enim ulla decessio fie-  
 ri poterat, neque accessio. neque uero erat unde: ita se  
 ipse consumptione & senio alebat sui, cum ipse per se, &  
 à se & pateretur, & faceret omnia. sic enim ratus est  
 ille, qui ista iunxit, & condidit, ipsum se contentum  
 esse mundum, neque egere altero. itaque nec ei manus  
 affixit, quia nec capiendum quicquam erat, nec repellen-  
 dum: nec pedes, nec alia membra, quibus ingressus corpo-  
 re sustineret: motum enim dedit cœlo cum, qui figuræ  
 eius sit aptissimus, qui unus ex septem motibus mentem  
 atque intelligentiam cohiberet maxime. itaque una con-  
 uersione, atque eadem ipse circum se torquetur, et uerti-  
 tur. sex autem reliquos motus ab eo separauit: itaque  
 eum ab omni erratione liberauit. ad hanc igitur cōuersio-



nem, quæ pedibus & gradu non egeret, ingrediendi membra non dedit. hæc deus is, qui erat, de aliquando deo futuro cogitans, leuem eum effecit, & undique æquabilem, & à medio ad summum parem, & perfectum, atque absolutum ex absolutis, atque perfectis. animum autem ut in eius medio collocauit, ita per totum tetendit: deinde eum circumdedit corpore, & uestiuit extrinsecus: coeloq; soliuago, & uolubili, & in orbem incitato complexus est, quod secum ipsum propter uirtutem facile esse posset, nec desideraret alterum satis sibi ipse notus, & familiaris. sic deus ille æternus hunc perfecte beatum deum procreauit. sed animum haud ita, ut modo locuti sumus, tum denique cum corpus ei effecisset, inchoauit: neque enim esset rectum minori parere maiorem. sed nos multa inconsiderate ac temere dicimus. deus autem & ortu, et uirtute antiquiorem genuit animū, eumq; ut dominum atque imperantem obedienti præfecit corpori: idq; molitus tali quodam est modo. ex materia, quæ indiuidua est, & quæ semper uniusmodi, suiq; similis, & ex ea, quæ corporibus diuidua gignitur, tertiiu materiæ genus ex duobus in medium admiscuit, quod esset eiusdem naturæ, & quod alterius: idq; interiecit inter indiuiduum, atque id, quod diuiduum esset in corpore. ea cum tria sumpsisset, unam in speciem temperauit: naturamq; illam, quam alterius diximus, uel cum eadem coniunxit fugientem, & eius copulationis alienam permiscēs cum materia, cum ex tribus effecisset unum, id ipsum in ea quæ decuit membra partitus est. iam partes singulas ex eodem, & ex altero, & ex materia temperauit. fuit autem talis illa partitio. unā principio partem detraxit

ex toto : secundam autem primæ partis duplam : deinde tertiam , quæ esset secundæ sesquialtera , primæ tripla : deinde quartam , quæ secundæ dupla esset : quintam inde , quæ tertiæ tripla : tum sextam octuplam primæ : postremo septimam , quæ septem , et uiginti partibus antecederet primæ . deinde instituit dupla & tripla interualla explere , partes rursus ex toto desecans : quas interuallis ita locabat , ut in singulis essent bina media : uix enim audeo dicere medietates , quas Græci μεσότητες appellant : sed quasi ita dixerim , intelligatur : erit enim plinius . earum alteram , eadem parte præstantem extremis , eademq; superatam , alteram pari numero præstantem extremis , pariq; numero superatam . sesquialteris autem interuallis , & sesquitercijs , & sesquioctauis sumptis ex his colligationibus in primis interuallis , sesquioctauo interuallo , sesquitercia omnia explebat , cum particulam singulorum relinqueret . eius autem particulæ interuallo relicto , habebat numerus ad numerum eandem proportionem , comparisonemq; in extremis : quam habent CCLVI cum CCXLIII . atque ita permistum illud , ex quo hæc secuit , iam omne consumpserat . hanc igitur omnem coniunctionem , duplicem in longitudinem diffidit : mediæq; accommodans mediam , quasi decussauit : deinde in orbem torsit , ut & ipsæ secum , & inter se , ex commissura , quæ è regione esset , iungerentur : eoque motu , cuius orbis semper in eodem erat , eodemq; modo ciebatur , undiq; est eas circumplexus . atq; ita cum alterum esset exteriorem amplexus orbem , illum eiusdem naturæ , hunc alterius nominauit : eamq; , quæ erat eiusdem , detorsit à latere in dextram partem : hanc

autem citimam à media linea direxit ad laeuam: sed principatum dedit superiori, quam solam indiuiduam reliquit. interiore autem cum in sex partes diuississet, septem orbis dispares duplo, & triplo intervallo moueri iussit, contrarijs inter se cursibus. eorum autem trium fecit pares celeritates, sed quatuor & inter se dispares, & dissimiles trium reliquorum. animum igitur cum ille procreator mundi deus ex sua mente & diuinitate genuisset, tum deniq; omne, quod erat concretum, atq; corporeum, substernebat animo, interiusq; faciebat: atq; ita medio medium accomodans copulabat. sic animus à medio profectus, extremitatem cœli à suprema regione rotundo ambitu circūiecit, seseq; ipse uersans, diuina, sempiternæ, sapientisq; uitæ induxit exordium. & corpus quidem cœli spectabile effectum est. animus autem oculorum effugit obtutum. est autem animus ex omnibus, rationis, contentionisq; (æquouin græce) sempiternarum rerum & sub intelligentiam cadentium compos & particeps: quo nihil ab optimo et præstantissimo genitore melius procreatum: quippe qui ex eadem uinctus, alteraq; natura, adiuncta materia temperatione trium partium, proportionem compacta, se ipse cōuersans, cum materiam mutabilem arripuisset, & cum rursus indiuiduam, atq; simplicem, per quam omnis mouetur, discernitq; quid sit eiusdem generis, & quid alterius: & cætera diiudicat, quid cuiq; rei sit maxime aptum, quid quoq; loco, aut modo, aut tempore contingat: quæq; distinctio sit inter ea, quæ gignantur, & ea quæ sint semper eadem. ratio autem uera, quæ uersatur in ijs, quæ sunt semper eadem, et in ijs quæ mutantur, cum in eodem, & in altero moue-



tur ipsa per se sine uoce, & sine ullo sono, cum eandem partem attingit, qua sensus cieri potest: orbis illius generis alterius immutatus & rectus omnia animo mentiq; denunciat: tum opiniones, adfensionesq; firmæ ueræq; gignuntur. cum autem in illis rebus uertitur, quæ manentes semper eadem, non sensu, sed intelligentia continentur,

Desunt multa.

ita uim suam natura conuerit, ut terram Lunæ cursus proxime ambiret, eiq; supra terrā proxima Solis circunuectio esset. Lucifer deinde et sancta Mercurij stella cursum habent Solis celeritati parem, sed uim quandam contrariam: eaq; conuersione, quam inter se habent Lucifer, Mercurius, Sol, alij alios uincūt, uicissimq; uincuntur. Reliquorum siderum quæ causa collocandi fuerit, quæq; eorum sit collocatio, in sermonem alium differendum est, ne in eo, quod attingendum fuit, q̄ in eo, cuius causa id attingimus, longior ponatur oratio. quādo igitur unūquodq; eorum siderum cursum decorum est adeptum, è quibus erat motus tēporis consignandus: colligatisq; corporibus uinculis animalibus, tū animātia orta sunt, eaq; imperio

parere didicerūt, tunc ex alterius naturæ motione trans=  
 uersa, in eiusdem naturæ motum incurrentia, in eoq;  
 hærentia, atq; impedita, cum alia maiorem lustrarent  
 orbem, alia minorem, tardiusq; maiorem, celeriusq;  
 minorem, motu uero unius eiusdemq; naturæ, quæ ue=  
 locissime mouebantur, ea celeritate uinci à tardioribus,  
 & cum superabant, superari uidebantur: omnis enim  
 orbis eorū quasi facilitatis inflexione uertebatur: quam  
 bifariam cōtrarie simul procedentia efficiebant, ut, quod  
 esset tardissimum, id proximum fieret celerrimo. atque  
 ut esset mensura quædam euidens, quæ in istis octo cur=  
 sibus celeritates, tarditatesq; declararet; deus ipse solem,  
 quasi lumen, accendit ad secundum supra terram am=  
 bitum, ut quammaxime cælum omnibus colluceret, ani=  
 mantesq;, quibus ius esset doceri, ab eiusdem motu, &  
 ab eo, quod simile esset, numerorum naturam, uimq;  
 cognoscerent. nox igitur & dies ad hunc modum, & ob  
 has generata causas, unū circuitum orbis efficit sapientis=  
 sumum, atq; optimum: mensis autem, quando Luna lu=  
 strato suo cursu solem cōsecuta est: annus, ubi sol suum  
 totum confecit, & peragrauit orbem. cæterorum autem  
 siderum ambitus ignorantes homines, præter admodum  
 paucos, neq; nomen appellant, neq; inter se numero com=  
 metiuntur: itaq; nesciunt hos siderum errores id ipsum  
 esse, quod rite dicitur tempus, multitudine infinita, ua=  
 rietate admirabili præditos: attamen illud prospici, &  
 intelligi potest, absoluto, perfectōq; numero temporis,  
 absolutum, perfectumq; annum, tunc compleri deniq;  
 cum se octo ambitus confectis suis cursibus ad idem ca=  
 put retulerunt, cumq; eos permensus est idem, & sem=

E. omnia  
 + E. orbis  
 E. facilitas  
 E. uertebatur

per sui similis orbis . has igitur ob causas nata astra  
sunt, quæ per cœlum penetrantia solstitiali se & bru-  
mali reuocatione conuerterent , ut hoc omne animal ,  
quod uidemus, esset illi animali, quod sentimus, ad æter-  
nitatis imitationem simillimum . & cætera quidem usq;  
ad temporis ortum impressa ab illis, quæ imitabatur, ef-  
finxerat . sed quia non dum omne animal in mundo in-  
tus incluserat, ex ea parte deficiebat ad propositum exem-  
plar imaginis similitudo . quot igitur , & quales ani-  
malium formas mens , in speciem rerum intuens , po-  
terat cernere , totidem , & tales in hoc mundo secum  
cogitauit effingere . erant autem animantium genera  
quatuor, quorum unum diuinum, atq; cœleste, alterum  
pennigerum & aerium , tertium \* terrestre quar-  
tum . diuinæ animationis maxime speciem faciebat ex  
igne, ita ut splendidissimus esset, & aspectu pulcherri-  
mus . cumq; similem uniuersitatis naturæ efficere uel-  
let, ad uolubilitatem rotundauit, comiteq; eum sapientia  
quamoptimæ mentis effecit , circumq; cœlum aqualiter  
distribuit, ut hunc uarietate distinctum bene Græci νό-  
μος, nos lucentem mundum nominaremus . dedit autem  
diuinis duo genera motus : unum, quod semper esset in  
eodem aque, & idem in omnibus, atq; uno modo celera-  
ret : alterum, quod ante mouit in quā partem à cōuer-  
sione eiusdem, & similis, pelleretur. quinq; autem reliquis  
motibus orbem eum esse uoluit expertem, immobilem, &  
stantem . ex quo genere ea sunt sidera, quæ infixæ cœlo  
non mouentur loco : quæ sunt animantia, eaq; diuina, ob  
eamq; causam suis sedibus inhaerent, & perpetuo ma-  
nent . quæ autem uaga & mutabili ratione labuntur,



ita generata sunt, ut supra diximus. iam uero terram  
 altricem nostram, quæ traiecto axe sustinetur, diei no=  
 etisq; effectricem, eandemq; custodem, antiquissimā deo=  
 rum uoluit esse eorum, qui intra cælum gigneretur. fle=  
 xiones autem deorum, & inter ipsos deos conuersiones,  
 quæq; in orbibus eorum conuersiones, antecessionesq; ene=  
 niant, cumq; inter se penè contingant, eos, qui propè co=  
 pulentur contraria regione, & ponè quos, aut ante la=  
 buntur, quisq; temporibus à nostro aspectu oblitescant,  
 rursusq; emergi errorem incutiant rationis expertibus, si  
 uerbis explicare conemur, nullo posito sub oculis simula=  
 cro, earum rerum frustra suscipiatur labor. sed hæc sa=  
 tis sunt dicta nobis. quæ de deorum, qui cernuntur, quiq;  
 orti sunt, natura præfati sumus, habeant hunc terminu.  
 reliquorum autem, quos Græci δαίμονες appellant, nostri  
 opinor lares, si modo hoc recte conuersum uideri potest,  
 & nosse, & nunciare ortum eorum maius est, quàm ut  
 profiteri scribere nos audeamus. credendum nimirum  
 est ueteribus & priscis, ut aiunt, uiris, qui se progeniem  
 deorum esse dicebant. itaq; eorum uocabula nobis pro=  
 diderunt. nosse autem generatores suos optime pote=  
 rant: ac difficile factu est, à dijs ortis fidem non ha=  
 bere: quanquam nec argumentis, nec rationibus certis  
 eorum oratio confirmatur: sed quia de suis rebus notis.  
 uidentur loqui, ueteri legi, moriq; parendum est. sic igi=  
 tur, ut ab his est traditum, horum deorum ortus habea=  
 tur, atq; dicatur, ut Oceanum Salaciamq; cæli satu ter=  
 raq; conceptu generatos, editosq; memoremus: ex his  
 Phorcyn, Saturnum & Opem: deinceps Iouem, atq; Iu=  
 nonem, reliquos, quos fratres inter se, agnatosq; usur=

l. conuersiones

l. quibusq;

pare, atq; appellare uidemus, & eorum, ut utamur uerbi uerbo, proficiam. quando igitur omnes, & qui mouentur palamq; ostenduntur, & qui ea tenuis nobis declarantur, quo ipsi uolunt, creati sunt: tum ad eos is deus, qui omnia genuit, fatur. Hæc uos, qui deorum satu orti estis, attendite: quorum operum ego parens es: factorq; sum, quæ per me facta, non sunt dissoluta me inuito: quanquam omne colligatum solui potest: sed haudquaquam boni est, ratione uinctum uelle dissolvere. sed quoniam orti estis, immortales uos quidem esse, & indissolubiles non potestis: neutiquam tamen dissoluemini, nec uos ulla mortis fata perimet, nec fraus ualentior, quam consiliū meum: quod maius est uinculum ad perpetuitatem uestram, quam illa, quibus estis tum, cum gignebamini, colligati. quid sentiam igitur, cognoscite. tria nobis genera reliqua sunt, eaq; mortalia: quibus prætermisissis, coeli absolutio perfecta non erit: omnia enim genera animalium cōplexu non tenebit: teneat autem oportebit, ut eodem ne quid absit, quæ à me ipso effecta sunt, quod deorum uitam possit adæquare. ut igitur mortali generentur conditione, uos suscipite, ut illa gignatis, imiteminiq; uim meā, qua in uestro ortu me usum esse meministis: in quibus qui tales creantur, ut deorum immortalium quasi gentiles esse debeant, diuini generis appellantur, teneantq; omnium animantium principatum, nobisq; iure & lege uolentes pareant: quorum uobis initium, statusq; traditur à me: uos autem ad id, quod erit immortale, partem atexitote mortalem. ita orientur animantes, quos & uiuos alatis, et consumptos sinu recipietis. Hæc ille dixit. deinde ad temperationem superiorem



reuertit: in qua omnem animum uniuersæ naturæ temperans permiscebat, superisq; permixtionis reliquias fundens æquabat, eodem modo ferme, nisi quod non ita in- corrupta, ut ea quæ semper idem, sed à dijs secundum sumebat, atq; tertium. toto igitur omnino constituto, sideribus parem numerum distribuit animorum, & singulos adiunxit ad singula, atq; ita quasi in currum uniuersitatis imposuit, commostrauitq; leges fatales, ac necessarias, & ostendit primum ortum unum fore omnibus, eumq; moderatum, atq; constantem, nec ab ullo imminutum: satis autem, & quasi sparsis animis, fore uti certis temporum interuallis oriretur animal, quod esset ad cultum deorum aptissimum. sed cum duplex esset natura generis humani, sic res habebant, ut præstantius genus esset eorum, qui essent futuri uiri. cum autem animis corpora cum necessitate inseuisset, cumq; ad corpora necessitate tū accessio fieret, tū abscessio, necesse erat sensum existere unum, communemq; omnium uehementiore motu excitato, coniunctoq; naturæ, deinde uoluptate & molestia mixtum amorem, post iram & metum, & reliquos motus animi, comites superiorum, & his etiam contrarios dissidentes: quos qui ratione rexerit, iuste uixerit: qui autem his se dederit, iniuste. atque ille, qui recte & honeste curriculum uiuendi à natura datum confecerit, ad illud astrum, quo cum aptus fuerit, reuertetur: qui autem immoderate & intemperate uixerit, eum secundus ortus in figuram muliebrem transferet; & si ne tum quidem finem uitiorum faciet, grauius etiam iactabitur, & in suis moribus simillimas figuras pecudum, & ferarum



transferetur, neque malorum terminum prius aspiciet, quam illam sequi cœperit conuersionem, quam habebat in se ipse eiusdē, & unius simul innatā & insitam. quod tum eueniet, cum illa, quæ ex igne, aere, aqua, atq; terra turbulenta, & rationis expertia insederint, denique ratione depulerit, & ad primam atq; optimam affectionem animi peruenerint. Quæ cum ita designasset, seseq; si quid postea fraudis, aut uitij euenisset, extra omnem culpam, causamq; posuisset, alios in terra, alios in luna, alios in reliquas mundi partes, quæ sunt ad spatio-  
 tiorum temporis significationem notæ constitutæ, spargens quasi serebat. post autem sationem eam dijs, ut ita dicam, iunioribus permisit, ut corpora mortalia effingerent, quantumq; esset reliquum ex humano animo, quod deberet accedere, id omne, & quæ sequentia essent, perpolirent, & absoluerent: deinde ut huic animanti principem se ducemq; præberet, uitamq; eius pulcherrime regeret, & gubernaret, nisi quatenus ipse beneficijs sua culpa sibi aliquid miseriæ quæreretur. atque is quidem, qui cuncta composuit, constanter in suo manebat statu. qui autem erant ab eo creati, cum parentis ordinem cognouissent, hunc sequebantur. itaque cum accepissent immortale principium mortalis animantis, imitantes genitorem & effectorem sui, particulas ignis, & terræ, & aquæ, & aeris à mundo, quas rursus redderent, mutuabantur, easq; inter se copulabant, hand iisdem uinculis, quibus ipsi erant colligati, sed talibus, quæ cerni non possent propter paruitatem: crebris quasi cuneolis iniectis unum efficiebant ex omnibus corpus: itemq; in eo influente atque effluente animo diuino am=

## DE VNIVERSITATE

bitus illigabant . itaque illi in flumen immersi neque tenebant , neque tenebantur , sed ui magna tum ferebant , tum ferebantur . ita totum animal mouebatur illud quidem , sed immoderate & fortuito , ut sex motibus uehementer : nam & ante & pone , ad laeuam , & ad dextram , & sursum , & deorsum , modo huc , modo illuc .

Desunt non nulla.

sed si in splendore confedit , tum uel eadem species , uel interdum immutata redditur , cum ignis oculorum cum eo igne , qui est ob os offusus , se confudit , & contulit . dextra autem uidentur , quæ laeuæ sunt ; quia contrarijs partibus oculorum , contrarias partes attingunt . respondent autem dextra dextris , laeuæ laeuis conuersione luminum , cum ea inter se non cohærescunt . id fit , cum speculorum leuitas hinc , illincq; altitudinem assumpsit , & ita dextra detrusit in laeuam partem oculorû , laeuæq; in dextram . supina etiam ora cernuntur depulsione luminum : quæ conuertens inferiora reddit quæ sunt superiora . atqui hæc omnia ex eo genere sunt , quæ rerum adiuuant causas . quibus utitur ministerijs deus , cum optimi speciem , quoad fieri potest , efficit . sed æstimant plerique non hæc adiuuantia causarum , sed has ipsas esse omnium causas , quæ uim habeant frigoris & caloris , concretionis & liquoris , careant autem omni intelligentia , atq;

ratione, quæ, nisi in animo, nulla alia in natura reperian-  
tur. animus autem sensum omnem effugit oculorum.  
at ignis, & aqua, & terra, & æther corpora sunt, ea=  
que cernuntur. illum autem, qui intelligentiæ sapien-  
tiæq; se amatorem profitetur, necesse est intelligentis sa-  
pientisq; naturæ primas causas conquirere, deinde secun-  
das causas rerum earum, quæ necessario mouët alias, cū  
ipsæ ab alijs mouentur. quocirca nobis sic cerno esse fa-  
ciendum, ut de utroque nos quidem dicamus genere cau-  
sarum, separatim autem de ijs, quæ cū intelligentia sunt  
efficientes pulcherrimarum rerum, atque optimarum,  
& de ijs, quæ uacantes prudentia, inconstantia, per-  
turbataq; efficiunt. Ac de oculorum quidem causis, ut  
haberent eam uim, quam nunc habent, satis fermè esse  
dictum puto. maxima autem eorum utilitas donata hu-  
mano generi deorum munere deinceps explicetur. rerum  
enim optimarum cognitiones nobis oculi attulerunt. nā  
hæc, quæ est habita de uniuersitate, oratio à nobis haud  
unquam esset inuenta, si neque sidera, neque Sol, ne-  
que cælum sub oculorum aspectum cadere potuissent.  
nunc uero dies noctesq; oculis cognitæ, tum mensium,  
annorumq; conuersiones ad numerum machinatae sunt,  
& spatium temporis dimensæ sunt, & ad quæstionem  
totius naturæ impulerunt. quibus ex rebus philosophiam  
adepti sumus: quo bono nullum optabilius, nullum præ-  
stantius neque datum est mortalium generi deorum con-  
cessu, atque munere, neque dabitur.

Multa desiderantur.



The first of these is the fact that the  
 system is not a simple one, but a  
 complex one, involving many factors  
 which are not yet fully understood.  
 The second is that the system is not  
 a static one, but a dynamic one,  
 which is constantly changing and  
 evolving. The third is that the system  
 is not a uniform one, but a  
 heterogeneous one, with many  
 different parts and components.  
 The fourth is that the system is not  
 a closed one, but an open one,  
 which is constantly interacting with  
 the environment. The fifth is that  
 the system is not a simple one, but  
 a complex one, involving many  
 factors which are not yet fully  
 understood.

Q. CICERO DE PETITIONE CON-  
SVLATVS AD M. TVLLI-  
VM FRATREM.

*coll.*

E Tsi tibi omnia suppetunt, quæ consequi ingenio, aut usu homines, aut diligentia possunt: tamen amore nostro non sum arbitratus alienū, ad te perscribere ea, quæ mihi ueniebant in mentem, dies ac noctes de petitione tua cogitanti: non ut aliquid ex ijs noui adijcerem: sed ut ea, quæ in re dispersa, atque infinita uiderentur esse, ratione, & distributione sub uno aspectu ponerentur. Quamquam plurimum natura ualet, tamen uidetur in paucorum mensium negotio posse simulatio naturam uincere. ciuitas quæ sit, cogita, quid petas, qui sis. propè quotidie ad forum tibi descendenti meditandum hoc sit, nouus sum, Consulatum peto, Roma est. nominis nouitatem dicendi gloria maxime subleuabis. semper ea res plurimum dignitatis habuit. non potest, qui dignus habetur patronus consularium, indignus Consulatu putari. quamobrem, quoniam ab hac laude proficisceris, & quicquid es, ex hoc es: ita paratus ad dicendū uenito, quasi in singulis causis iudicium de omni ingenio futurum sit. eius facultatis adiumenta, quæ tibi scio esse seposita, ut parata ac prompta sint, cura; & sæpe, quæ de Demosthenis studio & exercitatione scripsit Demetrius, recordare. deinde & amicorum multitudo, & genera appareant: habes enim ea, quæ noui habuerūt, omnes publicanos, totū ferè equestrem ordinem, multa præterea

## DE PETITIONE CONSVLATVS

*municipia, multos abs te defensos homines cuiusque ordinis, aliquot collegia, præterea studio dicendi concilia-  
 tos plurimos adolescentulos, quotidianam amicorum as-  
 siduitatem & frequentiam. hæc cura & ut teneas com-  
 mendando, & rogando, & omni ratione efficiendo, ut intelligant qui debent tua causa, referendæ gratiæ, & qui uolunt, obligandi tui tempus sibi aliud nullum fore. etiam hoc multum uidetur adiuuare posse nouum hominem, hominum nobilium uoluntas, & maxime con-  
 sularium. prodest, quorum in locum ac numerum per-  
 uenire uelis, ab his ipsis illo loco, ac numero dignum pu-  
 tari. hi rogandi omnes sunt diligenter, & ad eos allegā-  
 dum: persuadendumq; est ijs, nos semper cum optimati-  
 bus de Rep. sensisse; minime populares fuisse; si quid lo-  
 cuti populariter uidemur, id nos eo consilio fecisse, ut  
 nobis Cn. Pompeium adiungeremus, ut eum; qui pluri-  
 mum posset, aut amicum in nostra petitione haberemus,  
 aut certe non aduersarium. præterea adolescentes nobi-  
 les elabora ut habeas, uel ut teneas studiosos quos habes.  
 multum dignitatis afferent. plurimos habes: perfice ut  
 sciant; quantum in his putes esse. si adduxeris, ut ij, qui  
 nolunt, cupiant, plurimum quidem proderunt. ac mul-  
 tum etiam nouitatem tuam adiuuat, quod eiusmodi no-  
 biles tecum petunt, ut nemo sit qui audeat dicere, plus  
 illis nobilitatem, quàm tibi uirtutem prodesse oportere.  
 iam P. Galbam, & L. Cassium summo loco natos, quis  
 est, qui petere Consulatum putet? uides igitur amplissi-  
 mis ex familijs homines, qui sine neruis sint, tibi pares  
 esse non posse. at Antonius & Catilina molesti sunt. im-  
 mo homini nouo, industrio, innocenti, diserto, gratioso*



apud eos, qui res iudicant, optandi competitores, ambo  
 sicarii, ambo libidinosi, ambo egentes. eorum alterius bo-  
 na proscripta uidemus, uocem deniq; audiuius iuran-  
 tis se Romæ iudicio æquo cum homine Græco certare nō  
 posse: & ex senatu eiectum scimus. optima uero Cen-  
 sorum existimatione in Prætura competitorem habui-  
 mus, amico Sabidio, & Panthera, quod, ad tabulam  
 quos poneret, non habebat. quo tamen in magistratu æ-  
 micam, quam palam domi haberet, de machinis emit.  
 In petitione autem Consulatus caupones omnes hic com-  
 pilare per turpissimam legationem maluit, quàm æ-  
 desse, & populo R. supplicare. Alter uero, dy boni,  
 quo splendore est? primum nobilitate eadem, qua Ca-  
 tilina. num maiore? non, sed uirtute. quamobrem qui  
 inanius umbram suam metuit, hunc negliges quidem,  
 natum in patris egestate, educatum in sororis stupris,  
 corroboratum in cæde ciuium, cuius primus ad Remp.  
 aditus in equitibus R. occidendis fuit. nam illis, quos me-  
 minimus, Gallis, qui tum Titiniorum, ac Vanniorum,  
 ac Tanusiorum capita demebant, Scylla unum Catili-  
 nam præfecerat; in quibus ille hominem optimum  
 Q. Cæcilium sororis suæ uirum, equitem R. nulla-  
 rum partium, cum semper natura, tum etiam ætate  
 iam quietum, suis manibus occidit. quid ego nunc di-  
 cam petere eum tecum Consulatum, qui hominem cha-  
 rissimum populo R. M. Marium inspectante populo R.  
 uirgis per totam urbem ceciderit, ad bustum egerit,  
 ibi omni cruciatu lacerarit, uiuo stanti collum gladio  
 sua dextera secuerit, cum sinistra capillum eius a uer-  
 tice teneret, caput sua manu tulerit, cum inter die-

## DE PETITIONE CONSVLATVS

gitos eius riuus sanguinis fluere? qui postea cum histri-  
nibus, & cum gladiatoribus ita uixit, ut alteros libi-  
dinis, alteros facinoris adiutores haberet: qui nullum  
in locum tam sanctū ac tam religiosum accessit, in quo  
non, & si in alijs culpa non esset, tamen ex sua nequi-  
tia dedecoris suspicionem relinqueret: qui ex curia Cu-  
rios, & Annios, ab atrijs Sapalas, & Caruilios, ex  
equestri ordine Pompilios, & Cneios sibi amicissimos cō-  
pararit: qui tantum habet audaciæ, tantum nequitiae,  
tantum denique in libidine artis, & efficacitatis, ut pa-  
rentum propè in gremijs prætextatos liberos constupra-  
rit. Quid ego nunc tibi de Africa, quid de testium di-  
ctis scribam? nota sunt: & ea tu sæpius legito. sed ta-  
men hoc mihi non prætermittendum uidetur, quòd pri-  
mum tam egens ex eo iudicio discessit, quàm quidam iu-  
dices eius ante illud iudicium fuerunt: deinde tam inui-  
diosus, ut aliud in eum iudicium quotidie flagitetur. hic  
se sic habet, ut magis timeat, etiam si quieuerit; quàm  
ut contemnat, si quid commouerit. Quanto melior ti-  
bi fortuna petitionis data est, quàm nuper homini no-  
uo C. Celio? ille cum duobus hominibus ita nobilissimis  
petebat, ut tamen in ijs omnia pluris essent, quàm ipsa  
nobilitas: summa ingenia, summus pudor, plurima be-  
neficia, summa ratio, ac diligentia petendi. tamen  
eorum alterum, cum deesset alter, Celijs, etiam cum  
multo esset inferior genere, superior nulla re penè, su-  
perauit. quare si facies ea, quæ tibi natura, & flu-  
dia, quibus usus es semper, largiuntur, quæ tempo-  
ris tui ratio desiderat, quæ potes, quæ debes: non erit  
difficile certamen cum ijs competitoribus, qui nequa-  
quam

quàm sunt tam genere insignes, quàm uitij nobiles. quis enim reperiri tam improbus ciuis potest, qui uelie uno suffragio duas in remp. sicas distringere? Quoniam igitur, quæ subsidia nouitatis haberes, & habere posses, exposui: nunc de magnitudine petitionis dicendū uidetur. Consulatum petis: quo honore, nemo est, qui te non dignum arbitretur: sed multi, qui inuideant. petis enim homo ex equestri loco summum locum ciuitatis, atq; ita summum, ut forti homini, deserto, innocenti multo ille idem honos plus amplitudinis, quàm cæteris afferat. noli putare eos, qui sunt eo honore usi, non uidere, tu cum idem sis adeptus, quid dignitatis habiturus sis. eos uero, qui consularibus familijs nati locum maiorum consecuti non sunt, suspicor tibi, nisi qui admodum te amant, inuidere. etiam nouos homines prætorios existimo, nisi qui tuo beneficio iuncti sunt, nolle abs te se honore superari. iam in populo quàm multi inuidi sunt, quàm multi consuetudine horum annorum ab honoribus nouis alienati, uenire tibi in mentem certo scio. esse etiam non nullos tibi iratos ex ijs causis, quas egisti, necesse est. iam illud tute circumspecto, quod ad Cn. Pompeij gloriam augendam tanto studio te dedisti, num quos tibi putes ob eam causam esse amicos? quamobrem cum & summum locum ciuitatis petas; & uideas esse studia, quæ tibi aduersentur: adhibeas necesse est omnem rationem, & curam, & laborem, & diligentiam. Et petitio magistratuum diuisa est in duarum rationum diligentiam: quarum altera in amicorum studijs, altera in populari uoluntate ponenda est. Amicorum studia beneficijs, &



## DE PETITIONE CONSVLATVS

officijs, & uetustate, facilitate, ac iucunditate naturæ parta esse oportet. sed hoc nomen amicorum in petitione latius patet, quàm in cætera uita. quisquis est enim, qui ostendat aliquid in te uoluntatis, qui colat, qui donum uentitet, is in amicorum numero est habendus. sed tamen, qui sunt amici ex causa honestiore, cognitionis, aut affinitatis, aut sodalitatæ, aut alicuius necessitudinis, his charum & iucundum esse maxime prodest. deinde ut quisque optimus, ac maxime domesticus, ut is amet, quisque fidelissimum esse te cupiat, ualde elaborandum puto: tum ut tribules, ut uicini, ut clientes, ut denique liberti, postremo etiam seruitus: nam ferè omnis sermo ad forensam famam à domesticis emanat auctioribus. deinde instituendi sunt cuiuscunque generis amici ad speciem hominis illustris honore ac nomine: qui etiam si suffragandi studia non nauant, tamen afferunt petitori aliquid dignitatis ad iustitiam obtinendam. Magistratus, ex quibus maxime Consules, deinde Tribunos pl. ad conficiendum centurias homines excellenti gratia, qui tribuent centuriam, ut aliquod ex te beneficium aut habeant, aut ut habeant sperent, eos prorsus magnopere compara, & confirma. nam per hos annos homines ambitiosi uehementer omni studio, atque opere laborarunt, ut possent à tribulibus suis ea, quæ peterent, impetrare. hos tu homines, quibuscunque rationibus poteris, ut ex animo, atque ut ex illa summa uoluntate tui studiosi sint, laborato. quod si satis grati homines essent, hæc omnia parata esse debebant, sicut parata esse conseruo: nam hoc biennio quatuor sodalitates ciuium ad ambitionem gratiosissimorum tibi obligasti, M. Fundanij,

Q. Gallij, Cn. Cornelij, L. Coruini : & horum in cau-  
 sis ad te deferendis quidnam eorum sodales receperint et  
 confirmarint, scio : nam interfui. quare hoc tibi faci-  
 endum est, ut idem ab ijs, quod debent, exigas, saepe  
 commonerido, rogando, confirmando, curando ut in-  
 telligant nullum tempus aliud se unquam habituros re-  
 stituenda gratia. profecto homines & spe reliquorum  
 tuorum officiorum, etiam recentibus beneficijs ad studi-  
 um seruandum excitabuntur. & omnino quoniam eo  
 genere amicitiarum petitio tua maxime initiata est, quod  
 causarum defensionibus adeptus es : fac ut planè ijs ho-  
 minibus, quos deuinctos tenes, descriptum, ac disposi-  
 tum suum cuique munus sit. & , quemadmodum me-  
 mini, quod nulla in re illis unquam molestus fuisti,  
 sic cura ut intelligant omnia te, quæ ab illis tibi deberi  
 putaris, ad hoc tempus reseruasse. Sed quoniam tribus  
 rebus homines maxime ad beneuolentiam, atque hæc suf-  
 fragandi studia ducuntur, beneficio, spe, adiunctione a-  
 nimi, uel uoluntate : animaduertendum est, quemadmo-  
 dum cuique horum generi sit inseruiendum. Minimis be-  
 neficijs homines adducuntur, ut satis causæ putent se ad  
 studium suffragationis dedisse, ne dum ijs, quibus salu-  
 ti fuisti, quos tu habes plurimos. & intelligant, si hoc  
 tuo tempore non satisfecerint, se probatos nemini un-  
 quam fore. quod cum ita sit, tamen rogandi sunt, at-  
 que etiam in hanc opinionem adducendi, ut, qui nobis  
 adhuc obligati fuerint, ijs uicissim nos obligari adhuc  
 posse uideamur. qui autem spe tenentur, quod genus ho-  
 minū multo est diligentius, atq; officiosius; ijs fac ut pro-  
 positū, ac paratū auxiliū tuū esse uideatur; deniq; ut spe-

## DE PETITIONE CONSVLATVS

Etatorem te suorum officiorum esse intelligant diligenter; ut uidere te planè, atq; animaduertere, quantum ab unoquoq; proficiatur, appareat. Tertium illud genus est studiorū uoluntarium: quod agendis gratijs, accōmodādis sermonibus ad eas rationes, propter quas quisq; studiosus esse uidebitur, significanda ergo illos pari uoluntate, adducenda amicitia in spem familiaritatis, et consuetudinis confirmari oportebit. atq; in ijs omnibus generibus iudicato & perpendito quantum quisq; possit, ut scias & quemadmodum cuiq; inseruias, & quid à quoq; expectes, & postules. sunt enim quidam homines in suis ciuitatibus, & municipijs gratiosi: sunt diligentes, & copiosi: qui etiam si antea nō studuerunt huic gratiæ, tamen ex tempore elaborare eius causa, cui debent, aut uolunt, facile possunt. his hominum generibus sic inseruiendum est, ut ipsi intelligāt te uidere quid à quoq; expectes, sentire quid accipias, meminisse quid acceperis. sunt autem alij, qui aut nihil possunt, aut etiam odio sunt tribulibus suis, nec habent tantum animi, aut facultatis, ut enitantur ex tempore. hos internoscas: & uideto, ne, spe in aliquo maiore posita, præsidij parum comparetur. & quanquam partis & fundatis amicitijs fretū ac munitum esse oportet: tamen in ipsa petitione amicitiae permultæ, ac perutiles comparantur. nam in cæteris molestijs habet hoc tamen petitio commodi, ut possis honeste, quod in cætera uita non queas, quoscunq; uelis, adiungere ad amicitiam: quibuscum si alio tempore agas, ut te utantur, absurde facere uideare: in petitione autem nisi id agas & cum multis, & diligenter, nullus petitor esse ui-



deare. Ego autem tibi hoc confirmo, esse neminem, nisi si aliqua necessitudine competitorum alicui tuorum sit adiunctus, à quo non facile, si contenderis, impetrare possis, ut suo beneficio promereatur, se ut ames, & sibi ut debeas, modo intelligat te magni aestimare, ex animo agere, bene se ponere, fore ex eo non breuem & suffragatoriã, sed firmam & perpetuam amicitiam. nemo erit, mihi crede, in quo modo aliquid uirtutis sit, qui hoc tempus sibi oblatum amicitie tecum constituenda prætermittat, præsertim cum id tibi casus asserat, uti tecum petant, quorum amicitia aut contemnenda, aut fugienda sit, & qui hoc, quod ego te hortor, non modo non assequi, sed ne incipere quidem possint. nam quid incipiat Antonius homines adiungere, atq; inuitare ad amicitiam, quos per se suo nomine appellare non possit? mihi quidem stultius nihil uidetur, quàm existimare eum studiosum tui, quem non noris. eximiam quandam gloriam, & dignitatem, ac rerum gestarum magnitudinem esse oportet in eo, quem homines ignoti, nullis suffragantibus meritis honore afficiant. namque ut homo iners, sine officio, sine ingenio, cum infamia, nullis amicis septus, hominem plurimorum studio, atq; omnium bona existimatione munitum præcurrat, sine magna culpa negligentie fieri non potest. quamobrem omnes centurias multis & uarijs amicitijs, cura, ut confirmatas habeas: & primum id, quod ante oculos est, senatores, equitesq; romanos, ceterorum hominum nauos homines & gratiosos complectere. multi homines urbani & industrii, multi libertini gratiosi: in foro nanq; uersantur: quos per te, quos

## DE PETITIONE CONSVLATVS

per communes amicos poteris sumere . cura ut tui cupi-  
 di sint , elaborato , appetito , allegato , summo beneficio  
 te afficere ostendito . deinde habe oratores urbis totius ,  
 collegium omnium pagorum , vicinitatum . ex ijs prin-  
 cipes ad amicitiam tuam si adiunxeris , per eos reliquam  
 multitudinem facile tenebis . postea totam Italiam fac  
 ut in animo , ac memoria tibi distributam , comprehen-  
 samq; habeas : ne quod municipium , coloniam , prae-  
 Eturam , locum denique Italiae ne quem esse patiari , in  
 quo non habeas firmamenti quod satis esse possit . perqui-  
 ras etiam & inuestiges homines ex omni regione , eosq;  
 cognoscas , appetas , confirmes , cures ut in suis ciuitati-  
 bus tibi aliquos petant , & tua causa quasi candidati  
 sint . uolent te amicum , si suam à te amicitiam expeti ui-  
 debunt . id ut intelligant , oratione , quæ ad rationem  
 pertinet , consequere . homines municipales , ac rustica-  
 ni , nomine tantum ; noti in amicitia se esse arbitrentur . si  
 uero etiam praesidij se aliquid sibi constituere putant , non  
 amittunt occasionem promerendi . hos ceteri , & ma-  
 xime tui competitores ne norunt quidem , tu & nosti ,  
 & facile cognoscas : sine quæis amicitia esse non potest .  
 neque id tamen satis est , tametsi magnum est ; sed ut  
 consequatur spes utilitatis , atque amicitiae , ne nomen-  
 clator solum , sed amicus etiam bonus esse uideare . ita  
 cum & hos ipsos propter suam ambitionem , qui apud  
 tribules suos plurimum gratia possint , studiosos in cen-  
 turijs habebis ; & ceteros , qui apud aliquam partem  
 tribulium propter municipij , aut ciuitatis , aut colle-  
 gij rationem ualent , cupidos tui constitueris ; in optima  
 spe esse debebis , iam equitum centuriæ multo facilius

mihi diligentia posse teneri videntur. primum cognos-  
 scendi sunt equites; deinde adipiscendi: multo enim fa-  
 cilius illa adolescentulorum ad amicitiam ætas adiungi-  
 tur. deinde habebis tecum ex iuuentute optimum quen-  
 que, & studiosissimum humanitatis. tum equester or-  
 do sequetur illius auctoritatem ordinis, si abs te adhibe-  
 tur ea diligentia, ut non ordinis illius auctoritatem so-  
 lum voluntate, sed etiam singulorum amicitijs eas cen-  
 turias confirmatas habeas. iam studia adolescentulo-  
 rum in suffragando, in obeundo, in nunciando, in as-  
 sectando mirifice & magna & honesta sunt. Et quo-  
 niam affectationis mentio facta est, id quoque curan-  
 dum est, ut quotidiana cuiusque generis, & ordinis,  
 & ætatis utare: nam ex ea ipsa copia coniectura fieri  
 poterit, quantum sis in ipso campo uirium, ac facul-  
 tatis habiturus. huius autem rei tres partes sunt; una  
 saluatorum, cum domum ueniunt; altera deducto-  
 rum; tertia affectatorum. In saluatoribus, qui ma-  
 gis uulgares sunt, & ad hanc consuetudinem, quæ nunc  
 est, plures ueniunt, hoc efficiendum est, ut hoc ipsum  
 minimum officium eorum tibi gratissimum esse uidea-  
 tur. Qui domum tuam ueniunt, ijs significato te ani-  
 maduertere, & eorum amicis, qui illis renuncient,  
 ostendito, sæpe ipsis dicito. sic homines sæpe, cum obe-  
 unt plures competitores, & uident unum esse aliquem,  
 qui hæc officia maxime animaduertat, ei se dedunt,  
 deserunt ceteros, minutatim ex communibus proprii,  
 ex fucosis firmi suffragatores euadunt. iam illud te-  
 neto diligenter, si eum, qui tibi promiserit, fucum,  
 ut dicitur, facere uelle senseris, ut te id audisse, aut



## DE PETITIONE CONSVLATVS

scire dissimules ; si quis tibi se purgare uolet, quòd suspe-  
ctum esse arbitretur, affirmes te de illius uoluntate nun-  
quam dubitasse, nec debere dubitare : is enim, qui se  
non putat satisfacere, amicus esse nullo modo potest.  
scire autem oportet, quo quisq; animo sit, ut etiam,  
quantum cuiq; confidas, constituere possis. Iam deduc-  
torum officium, quod maius est q̃ saluatorum, hoc  
gratius tibi esse significato, atq; ostendito, & quoad eius  
fieri poterit, certis temporibus descendito. magnam af-  
fert opinionem, magnam dignitatem quotidiana in de-  
ducendo frequentia. Tertia est ex hoc genere assidua af-  
fectatorum copia. in ea quos uoluntarios habebis, cura  
ut intelligant te sibi in perpetuum summo beneficio ob-  
ligari. qui autem tibi debent, ab ijs planè hoc munus  
exige ; qui per aetatem, ac negotium poterunt, ipsi te-  
cum ut assidui sint. qui si sectari non poterunt, necessa-  
rios suos in hoc munere cōstituant. ualde ego te uolo, &  
ad rem pertinere arbitror, semper cum multitudine es-  
se. præterea magnam affert laudem, & summā digni-  
tatem, si ij tecum erunt, qui à te defensi, & qui per te  
seruari, ac iudicijs liberati sunt. hæc tu planè ab ijs postu-  
lato, ut, quoniam nulla impensa per te alij rem hone-  
stam, alij salutem, ac fortunas omnes obtinuerunt, nec  
aliud ullum tempus futurum sit, ubi tibi referre grati-  
am possint, hoc te officio remunerent. Et quoniam in  
amicorum studijs hæc omnis oratio uersatur : qui lo-  
cus in hoc genere cauendus sit, prætermittendum non  
uidetur. fraudis, atq; insidiarum, & perfidiæ ple-  
na sunt omnia. non est huius temporis perpetua illa  
de hoc genere disputatio, quibus rebus beneuolus, &

simulator dijudicari possit . tantum est huius temporis admonere . summa tua uirtus eosdem homines & simulare tibi esse amicos , & inuidere coget . quamobrem Επιχαρμειον illud teneto , neruos atque artus esse sapientiae non temere credere . & cum tuorum amicorum studia constitueris , tum etiam obtreſcatorum , atque aduersariorum rationes , et genera cognoscito . haec tria sunt : unum ex ijs , quos laesisti : alterum , qui sine causa non amant : tertium , qui competitorum ualde amici sunt . Quos laesisti cum contra eos pro amico diceres , his te purgato planè : necessitudines commemorato : in spem adducito , te in eorum rebus , si se in amicitiam contulerint , pari studio , atque officio futurum spondeto . Qui sine causa non amant , eos aut beneficio , aut spe , aut significando tua erga illos studia futura , delinies , dans operam , ut de illa animi prauitate deducas . Quorum uoluntas erit abs te propter competitorum amicitias alienior , his quoque inserui oratione qua superioribus : & si probare poteris , te in eos ipsos competitores tuos benuolo esse animo ostendito . Quoniam de amicitijs constitutis satis dictum est , dicendum est de illa altera parte petitionis , quæ in populari ratione uersatur . Ea desiderat nomenclationem , blanditiam , assiduitatem , benignitatem , rumorem , spem in Rep. Primum id , quod facis , ut homines noris , significa , ut appareat ; & auge , ut quotidie melius fiat . nihil mihi tam popolare , neque tam gratum uidetur . Deinde id , quod natura non habes , induc in animum ita simulandum esse , ut natura facere uideare non cõmittas tibi necesse est ea quæ homo de sua

## DE PETITIONE CONSVLATVS

quæ etiâ si uitiosa est, & turpis in cætera uita, tamen in  
 petitione necessaria. tibi enim cum deteriore aliquem  
 assentando facit, improba est: cum amicio rem, non tã  
 uituperãda. petitori uero necessaria est, cuius et frõs, &  
 uultus, & sermo ad eorum, quoscunque conuenerit, sen-  
 sum, & uoluntatem commutandus est. iam assiduita-  
 tis nullum est præceptum: uerbumq; ipsum docet, quæ  
 res sit: prodest quidem uehementer nusquam deesse: sed  
 tamen hic fructus est assiduitatis, non solum esse Romæ,  
 atque in foro, sed assidue petere, sæpe eosdem appella-  
 re, non committere ut quisquam possit dicere, quod  
 eius sit consequi possis, si abs te non sit rogatum, & ual-  
 de ac diligenter rogatum. Benignitas autem late patet,  
 & est in re familiari. quæ quanquam ad multitudinem  
 peruenire non potest, tamen ab amicis laudatur, & mul-  
 titudini grata est. est in conuiujs. quæ facete abs te, et  
 amicis tuis concelebrantur & passim, & tributim: est  
 etiam in opera, quam peruulga, & communica: cu-  
 ra, ut aditus ad te diurni atque nocturni pateant, ne-  
 que foribus solum ædium tuarum, sed etiam uultu, &  
 fronte, quæ est animi ianua. quæ si significant uolunta-  
 tem abditam esse ac reclusam, parui refert patere osti-  
 um: homines enim non modo promitti sibi, præsertim  
 quæ à candidato, petant, sed etiam large ac honorifice  
 promitti uolunt. quare hoc quidem facile præceptum est;  
 ut, quod acturus sis, id significes te studiose, ac libenter  
 esse facturum. illud difficilius, & magis ad tempus,  
 quam ad naturam accommodatum tuam; quod facere  
 non possis, ut id incunde neges. quorum alterum est bo-  
 ni uiri, alterum boni petitoris. nam cum id petitur, quod



honeste, aut sine detrimento nostro promittere non possumus, quo modo si quis roget, ut contra amicum aliquam causam recipiamus: belle negandum est, ut ostendas necessitudinem, demōstres quā moleste ferās, alijs te id rebus exacturum esse persuadeas. audiui hoc dicere quendam de quibusdam oratoribus, ad quos causam suam detulisset, gratiorem sibi fuisse orationem eius, qui negasset, quam illius, qui recepisset. sic homines fronte, & oratione magis, quā ipso beneficio, reque capiuntur. uerum hoc probabile est. illud alterum subdūrum tibi homini placere perito suadere. sed tamen tempori tuo cōsulam. quibus enim te propter aliquod officiū necessitudinis affuturū negaris, tamē ij possunt abs te placati equique discedere. quibus autē iccirco negaris, quod te impeditū esse dixeris aut amicorū negocijs, aut grauioribus causis, aut ante susceptis; inimici discedunt, omnesque hoc animo sunt, ut sibi te mentiri malint, quā negare. C. Cotta in ambitione artifex dicere solebat, se operam suam, quod non contra officium rogaretur, polliceri solere omnibus, impartire ijs, apud quos optime poni arbitraretur; ideoque se negare nemini, quod saepe accideret causa, cur is, qui pollicitus esset, uacuus foret plus quā putaret; neque pos se domum eius compleri, qui tantū modo reciperet, quantum uideret se obire posse; casu fieri, ut agantur ea, quae non putaris, illa, quae credideris in manibus esse, ut aliqua de causa non agantur: deinde esse extremum, ut irascatur is, cui mendacium dixeris. id si promittas, & incertum est, & in diem, & in paucioribus. sin autem id neget, statim abalienant se, & inimicantur: plures enim

## DE PETITIONE CONSVLATVS

qui utantur . quare satius est , ex ijs aliquos aliquando tibi in foro irasci , quàm omnes continuo domi , præsertim cum multo magis irascantur ijs , qui negent , quàm  
 \* ijs , quem uideant ea causa impeditum , ut facere , quod promisit , cupiat , si ullo modo possit . Ac ne uidear aberrasse à distributione mea , qui hæc in hac populari parte petitionis disputem ; hoc sequor , hæc omnia non tam ad amicorum studia , quàm ad popularem famam pertinere . *¶* Si inest aliquod dictum ex illo genere , benigne respondere , studiose inservire negocijs amicorum , ac periculis : tamen hoc loco ea dico , quibus multitudinem capere possis , ut de nocte domus compleatur , ut multi spe tui præsidij teneantur , ut amiciores abs te discedant quàm accesserint , ut quamplurimorum aures optimo sermone compleant . Sequitur enim , ut de rumore dicendum sit . cui maxime seruiendum est . sed quæ dicta sunt omni superiori oratione , eadem ad celebrandum rumorem ualent , dicendi laus , studia publicanorum , *¶* equestris ordinis , hominum nobilium uoluntas , adolescentulorum frequentia , eorum , qui abs te defensi sunt , assiduitas , ex municipijs multitudo eorū , quos tua causa uenisse appareat , bene homines nosse , comiter appellare , assidue ac diligenter petere , benignum , ac liberalem esse , bene loqui existimare , domus ut multa nocte compleatur , omnium generum frequentia adsit , satisfiat oratione omnibus , re , operaq; multis proficiatur , id quod fieri potest labore , *¶* arte , *¶* diligentia , non ut ad populum ab ijs omnibus fama perueniat , sed ut in ijs studijs populus ipse uersetur . Iam urbanam illam multitudinem *¶* eorum studia , qui conciones tenent , quæ ade-

ptus es in Pompeio ornando, in Manilij causa recipien-  
da, Cornelio defendendo, excitanda nobis sunt: quæ ad-  
huc habuit nemo, quin idem splendorem omnium, uo-  
luntatesq; haberet. Efficiendum illud est, ut sciant om-  
nes, Cn. Pompeij summam erga te esse uoluntatem, &  
uehementer ad illius rationes, te id assequi, quod petis,  
pertinere. Postremo tota petitio cura ut pompæ plena  
sit, ut illustris, ut splendida, ut popularis, ut habeat  
summam speciem, ac dignitatem, ut, etiam si quid pos-  
sit, ne competitoribus tuis existat aut sceleris, aut libidi-  
nis, aut largitionis accommodata ad eorum mores infam-  
ia. Atque etiam in hac petitione maxime uidendum  
est, ut spes Reip. bona de te sit, & honesta opinio. nec  
tamen in petendo Resp. capescenda est, neque in sena-  
tu, neque in concione. sed hæc sunt tibi retinenda, ut  
senatus te existimet ex eo, quod ita uixeris, defensorem  
auctoritatis suæ fore; equites R. boni, & locupletes ex  
uita acta te studiosum ocij ac rerū tranquillarum; mul-  
titude, ex eo duntaxat quod oratione in concionibus, ac  
iudicio popularis fuisti, te à suis commodis alienum non  
futurum. Hæc mihi ueniebant in mentem de duabus il-  
lis commotionibus matutinis, quo tibi quotidie ad forum  
descendenti meditandum esse dixeramus. nouus sum:  
Consulatum peto: tertium restat, Roma est, ciuitas ex  
nationum cōuentu constituta; in qua multæ insidiæ, mul-  
ta fallacia, multa in omni genere uitia uersantur; mul-  
torum arrogantia, multorum contumacia, multorum



## DE PETITIONE CONSVLATVS

uersantem uitare offensionem, uitare fabulam, uitare insidias, esse unum hominem accommodatum ad tantam morum, ac sermonum, ac uoluntatum uarietatem. quare etiam atque etiam perge tenere istam uiam, quam instituisti: excelle dicendo: hoc & tenentur Romæ homines, & alliciuntur, & ab impediendo, ac ledendo repelluntur. & quoniam in hoc uel maxime uitiosa est ciuitas, quòd, largitione interposita, uirtutis, ac dignitatis obliuisci solet, in hoc fac ut te bene noris, id est ut intelligas eum esse te, qui iudicij ac periculi metum maximum competitoribus afferre possis. fac itaque, ut se abs te custodiri, atque obseruari sciant. cum diligentiam tuam, tum auctoritatem uimq; dicendi, tum profecto equestris ordinis erga te studium pertimescant: atque hac ita te uolo illis proponere, ut uideare occasionem non meditari, sed ut hoc terrore facilius hoc ipsum, quod agis, consequare. & planè sic contende omnibus nervis, ac facul-  
tibus, ut adipiscamur quod petimus: uideo esse nulla comitia tam inquinata largitione, quibus nò gratis aliquæ centuriæ renuncient suos maxime necessarios. quare si aduigilamus pro rei dignitate, & si nostros ad summum studium beneuolos excitamus, & si hominibus studiosis gratiosisq; nostri suum cuique munus describimus, & si competitoribus indicia proponimus, si ex equestribus metum iniicimus, diuisores ratione aliqua coerchemus: perfici potest, ut largitio nulla fiat, aut nihil ualeat. Hæc sunt quæ putauì non melius scire me quàm te, sed facilius his tuis occupationibus colligere unum in locum posse, & ad te perscripta mittere. quæ tamen ita scripta sunt, ut non ad omnes, qui honores petant, sed ad te

proprie, & ad hanc tuam petitionem ualeant. tamen  
tu si quid mutandum esse uidebitur, aut omnino tollen=  
dum, aut si quid erit præteritum, uelim hoc mihi dicas:  
uolo enim hoc commentariolum petitionis haberi omni  
ratione perfectum.

FINIS.

A B C D E F G H I K L M N O P  
Q R S T V X Y Z A B C.

Omnes quaterniones.

APVD ALDI FILIOS.

VENETIIS, M. D. XLI.

